

SIDRONIJ
HOSSCHII
E SOCIETATE
IESU
ELEGIARUM
LIBRI SEX.

Item GUILIELMI BECANI ex eâdem So-
cietate Idyllia & Elegiæ.

*Premittitur Sidronii Hosschii vita , unâ cum
Illustrissimorum Virorum pœmatibus in ejus
obitum scriptis jussu Eminentissimi Principis
Fabii Chisii S. R. E. Cardinalis , qui fuit
ALEXANDER VII. Pont. Max.*



LUGDUNI

Sumpt. ANISSONIORUM, JOAN. POSUEL
& CLAUDIJ RIGAUD.

M. DC. LXXXVIII.
CUM PRIVILEGIO REGIS.



SIDRONIJ HOSSCHIJ. VITA;

Ex Bibliotheca Scriptorum Societatis Jesu.



SIDRONIUS HOSSCHIUS, natione Markemienſis, Diœceſeos Ipreſis, natus anno 1596. Societati Jeſu ſe ad- junxit anno 1616. Humanioribus diſ- ciplinis inſigniter fuit eruditus; eas

quinquennio in Scholis publicè profeſſus; quibus etiam juniores noſtros 13. annis imbuir, & bien- nio Ephebos Sereniſſimi Archiducis LEOPOLDI GUILLELMI tunc Belgii Gubernatoris. Conciones inſuper habuit annos aliquot. Vir profundiffimæ demiffionis & contemptûs fui, humile & paſtori- tium genus, quo ortus fuit, jucundè ſolebat do- mi forſique commemorare, non ſecûs ac familiæ ſuæ decora & ſtirpis ſplendorem. In tyrocinio cum perpetuo corporis languore affligeretur, vi- dereturque non ſatis aptus ad Societatis munia, adeoque ad ſuos remittendus, ſummopere con- tendit, ut in domeſticorum adjutorum ordinem potiùs adſcriberetur quàm à Societate amandaretur. Retentus itaque eſt magno ſuo ac Societatis bono. Moderatoribus ſuis ſemper ad nutum fuit obſequentiſſimus, & ad quosvis labores diurnos juxta ac nocturnos promptus ac impiger. In obeun- dis pietatis exercitationibus ſedulus ac conſtans, nocturnæ eripiebat quieti, ſi quid ad eas tempo-



LYCID. *Quidquid id est, ne conde sinu; sed jam
mibi casus*

*Fare tuos. Etenim ut, qua non fluit, unda putrescit;
Ut rapidus magis obiecto furit aggere torrens;
Ut compressa parit maiorem flamma ruinam,
Inclusitque Euri tellurem atque oppida quassant;
Sic pressus doler intus agit, sic pectore clausa
Marcescunt lacryma, spirantque in viscera tabem.
Et ne forte putes me vanum asferre timorem,
Consimili morbo periiit Lycus, occidit Alcon.
Quod te si qua manent, si quid crudele minantur,
Anrè luem pecori, aut stabulis incendia mittant,
Vel caput in Lycida vertant immitia fata.
Te sine squaleret regio mœstissima, quando
Lugerent armenta, arment. rúmque magistri
Cantare obliti: certè hac mea tristis ab ulmo
Fistula penderet, levibus ludibria ventis.
Nec de valle cavâ ludens resonaret imago,
Quod mihi cantandi cupido dictare solebat,
Carmen Apollineâ demissus origine Pastor.
Quin ego desererem silvas, lucémque perosus
Ætatem in duro traherem miser Appennino.*

MEN. *Si tibi tantus amor luctus cognoscere nostros,
Téque aded tangit dolor hic meus, accipe. Venit
Verus ab Arcadiâ nuper mihi nuntius, eheu!
Ægonem occubuisse meum: meus occidit Ægon,
Ægon, quo pastor totâ præstantior alter
Non fuit Arcadiâ dulci perfundere cantu
Manala, seu patrii saltus mulcere Lycai.
Cui me præclaris captum virtutibus olim,
Hostita cùm fieret nobis illa aurea tellus,
Sancta fœdus amicitia devinxerat artè:
Quicum sapè morari, ac ludere sapè solebam,
Quamquam vicinis fremerent regionibus arma,
Nostrâque finitima turbarent otia gentes.
Quis casus mihi te, vel quis Deus abstulit Ægon?
O nimis*

O nimis in miserum crudelia fata Menalcam!
 Infelix pecus ite, nihil morar, ite capella.

LYCID. Anne erat ille Ægon, cujus pia carmina
 quondam

Infandam, nimium infandam referentia cadem
 Ipse mihi celsâ (memini) de rupe canevas,
 Est ubi subjectam latè prospectus in urbem?
 Illâ que tu fervens tantâ pietate canevas,
 Talem inflecebas inter suspiria vocem,
 Ut mihi visa iterum fuerit discedere tellus,
 Atque iterum mœstâ involvi caligine calum?

MEN. Ille erat: illum atro merferunt funere
 Parca,

Aurea divino modulantem carmina plectro.
 Esse quid hoc dicam, quod tam breve ducimus ævum
 Mortales, vivunt cervi cervique tot annos?
 Vidi ego succisas iterum revirescere quercus,
 Exutósque annis juvenescere sapius angues.
 Quin & ævum longâ consumptam est fama senectâ
 Occidere, & que rogo vitam instaurare recentem.
 Ast hominem nec fata sinit producere vitam,
 Nec semel extinctum remeare in luminis auras.
 Nympha, immortales Nympha, succurrite fesso:
 Dicite, si qua vires vestris in montibus herba,
 Qua gelidos animam revocet vitalis in artus,
 Dicite: tum memor hic vobis altaria ponam,
 Et nitidos agnos bisseos de grege cadam. (vi,
 Quid loquer? heu! rapiunt venti mea vota prater-
 Et proce vesanâ Divos atque pœtra fatigo.
 Ergo Ægon periit? nec quisquam Ægona reducet?
 Crudeles Divi, crudelia sidera, Nympha
 Crudeles; sed tu cunctis crudelior Ægon,
 Qui periisse tuo potuisti absente Menalcâ,
 Immemor heu nostri. Licuisset lumina saltem
 Claudere, & illa meis humentia reddere guttis,
 Cum suprema darem frigentibus oscula labris.

*Sed forsan , cùm tu loquerere novissima verba
 Languidus , ac dulces raperet dolor ultimus auras ,
 Ipse inter latas ducebam pocula mensas
 Nescius , aut Satyros cantabam , aut Phyllidis ignes.
 Quamquam , si penitus mihi mens non caca fuisset ,
 Certus ego hos olim potui prænoscere casus.
 Sapè etenim esculèa captanti frigus in umbrâ,
 Dum tacitus sedeo , dum ventus & aura quiescit ,
 Nescio quis lacum venit tinnitus ad aurem ;
 Cùmque admovissem teretes ad labra cicutas ,
 Dissona feralem reddebat fistula cantum :
 Sapè & sponte suâ manibus delapsa cadebat.
 Quod supereſt , tumulum extincto statuemus inanem ,
 Quà Tiberis sacrum velatus arundine crinem
 Pacato Latias interluit amne ruinas.
 Arbore dehinc viridante mei monumenta doloris
 Inſcribam lacrymans : qua fortè notabitur arbos
 Non illam venti eruerint , non auferet atas ;
 Vivida sed seros durabit ad usque nepotes ,
 Æternùm testata meos in cortice luctus.
 SALVETE Ægonis cineres , quacumque tenet vos
 In terris regio. Vos hîc persolvite mæſti
 Pastori magno , Pastores , iusta quotannis ,
 Quem vivum coluit , cuius flet morte Menalcas.
 LYCID. Desine fata queri meliori luce fruentis.
 Sat lacrymis , nimiumque datum est. Ruit interea
 nox ,
 Qua nos cogit oves in septa reducere pastas.
 Cras facere exequias , manèſque vocare licebit.*

NATALIS RONDININI,
ROMANI,S. D. N. ALEXANDRO VII. à Brevibus , in funere
SIDRONII HOSSCHII Elegia.

Dum nemorosa suis me detinet Umbria campis,
 Umbria silvosis inclyta verticibus ;
 Et jam vere novo Zephyris adveſta ſerenis
 Spirat odoratis aura revincta reſis :
 Dum modò, quàm ſe humili ſubmittunt vertice colles,
 Et præbent faciles ad iuga ſumma vias ;
 Aut quàm ſaxa inter fluvio Clitumnus amœno
 Proſilit , & vitreos integit umbra lacus ;
 Clitumpus , quo non Cererè aut fluit alter Iacho
 Gratiôr , & niveo eſt concolor unda gregi ;
 Oppida demiror crebris ſucceſſere ſilviis,
 Et nemora antiquas inter opaca domos ,
 Quaque præcùl tumidis ſurgunt in montibus arces ,
 Quaque in ſubjectâ mœnia valle ſedent :
 Nunc juvat ad rivum , quàm muſco interlita ripas
 Argutotrepidat carula lymphæ pede,
 Ludere qua tenui ſervent in cortice fagi,
 Mox referat feſſas dux gregis inter oves.
 Heu quanam furvis ac triſtibus horrida pennis
 Attonitas aures nuntia fama ſubit !
 Hoſſchiaden , quo ſe tantum Germania tollit,
 Quantum clara ſuo Mantua Mœnide ,
 Vi ſubitâ ereptum terras liquiſſe , ſupremùm
 Dum canit , & feſſâ ſidera voce petit.
 Sic ubi ſenſit olor nutare in morte propinquâ
 Lumina , vicinas præcinit exequias.
 Vos teſtes nigri colles , Romana Philetæ
 Qui tegitis veſtro molliter oſſa ſinu,

Ut percussa novo & misero confusa tumultu
 Omnia sint primum visa iterasse Chaos,
 Et miris simulacra modis errasse per umbras,
 Et magnâ manes voce vocasse pios.
 Inter qua lacrymis & terribili ululatu
 Creditur & vates Cynthia flesse tuus;
 Quique unâ tumulo teneri conduntur amores,
 Non ignes, solitas non habuisse faces.
 At tacitos juxta cineres qui labitur amnis,
 In mare turbatis mœstior ibat aquis:
 Et quales olim cognati in funere Vatis
 Solvebat multis inferias lacrymis:
 Consuetaque via & lata inter gramina ripa
 Immemor, oblitum sæpè retorsit iter.
 Nec tantùm flebas calo gratissimus amnis:
 Extulit & mœsto gurgite Mosa caput.
 Languidus & Rheno ingentes cùm jungeret undas,
 Confusas unâ miscuit & lacrymas.
 Infelix flumen, quòd dum volvèris, amara
 Perpetui luctus in mare signa feres.
 Nec jam auro & latâ pracinctum tempora myrto
 Excipiet tectis Oceanus genitor.
 Sideronî intereà, seu te nova gaudia calo,
 Seu te culta tenet vatibus ora sacris:
 Si te tangit honos, tibi adhuc si carmina cura,
 Nec noster toto è pectore cessit amor,
 Magna venit cineri merces. Nil fata vocant:
 Vives, nec parvâ parte superstes eris.
 Mœrenti Chisius dum te sub pectore condit,
 Haud poterat tumulo nobiliore tegi.

FERDINANDI FURSTENBERGII,

S. D. N. ALEXANDRO VII. ab interioribus Cubi-
culis, Canonici Hildesienſis & Paderbornenſis,
Elegia ad Iacobum VVallium de morte SI-
DRONII HOSSCHII è Soc. Jeſu.

Eſi me patria dilectas linquere terras,
Et procul Angaria collibus ire mea,
Et procul ignotas auſum calcare pruinas,
Et nimio toſtas ſole tenere vias,
Carulus Heſperidum Tybris regnator aquarum,
Et modo ſeptenis urbs tenet alta iugis,
Alpinaque nives ac nubifer Apenninus
Obſtat, & Hetruſca vota morantur aqua,
Vt nequeam Tungros ſulcantem viſere Moſam,
Et præſens mæſto ſolvere juſta rogo;
Vt nequeam tumulo componere vatis amici
Reliquias noſtris irriguas lacrymis:
Non tamen extincti cineres ac buſta Sidroni
Eminus aſſiduâ plangere mæſtitiâ,
Aut umquam meminiffe pii ceſſamus amoris
Supremos, linguâ deficiente, ſonos.
Quin etiam violis & lauri frondibus urnam
Halantem ſittis ponimus exuviis,
Et manes plenâ venerati thuris acerrâ
Sacramus teneris lilia mixta roſis.
At circum Latii, doctiſſima turba, Poëta
Dicunt Aoniâ carmina mæſta lyrâ,
Quæ ſeptem geminis imitatur collibus Echo,
Dum queritur noſtris ſaucia vulneribus.
Ipſe etiam fletu tumultum dignatur inanem
Cbifinus, Auſonia gloria prima toga:

*Et gemitu manes ciet , ac Permesside lymphâ
Spargit flebilibus scripta sepulchra notis.*

HOC MERUIT IUSTI MONUMENTUM BELGA DO-
LORIS ,

PROXIMUS INGENIO , CULTE TIBULLE , TUO.
Interea curis liber mortalibus errat

Hoffchius , Elysum quâ tegit umbra nemus ;

Quâ Zephyri blandis assibilat aura susurris ,

Et viret intonsis laurea silva comis ;

Quâ saliunt vitrei per amœna rosaria fontes ,

Et prabet faciles obvia ripa toros.

Illic divinos inter considerare vates

Gessit , & Heroum proximus ire choris.

Et modò cantatos suspirat numinis ignes ,

Et Superùm grato carmine laudat opem :

Et modò virtutes ac funera dicit amantùm,

Et canit Austriacâ mœnia capta manu.

Illinc , si nostri tangit te cura , nec omnis

Excidit oblito pectore vatis amor ,

Aspice perpetuis lacrymarum turgida rivis

Lumina , & exequias , docte Poëta , tuas.

Aspice ut immensum tua gloria lata per orbem

Visat & Eoos , visat & Hesperios .

Vt malè neglectas , monumenta perennia , Musas

VVallius indignis vindicet à tenebris.

VVallius Aonidum nunc maxima cura sororum,

VVallius ille meus , VVallius ille tuus.

Quàm pius ille manu fugientes claudit ocellos,

Et summis animam legit anhelitibus !

Quàm pius aternis mandat tua nomina chartis ,

Et damnat lacrymis impia fata suis !

Scilicet ereptum sic tristis Naso Tibullum

Luxit , & Orpheam Calliopea necem.

STEPHANI GRADIJ,
RAGUSINI,

Epigramma ad Eminentissimum Principem Cardinalem FABIIUM CHISIUM de obitu SIDRONII HOSSCHII è Soc. Jesu.

SI qua juvant mutos cineres , si lumine cassis
Iucundum quidquam manibus esse potest,
Multum habet egregii quod gaudeat umbra Sidroni,
Nuper cognatis reddita sideribus ,
Ad tumulum , ô Princeps , decorum laudumque
suarum
Quòd desiderio est nobilitata tuo.

JOANNIS ROTGERI
TORCK,

Canonici Monasteriensis & Mindensis , Ode in
 Funere SIDRONII HOSSCHII è Soc.
 Jesu.

O Noctis aterna atque Erebi pudor,
Crimen deorum , lurida carnifex
Mundi ruentis , quam tot atro
Sacula juvat vacuare penso !
Qua sava Erinnyes , quòdve odium vetus
Famésve magnorum improba funerum
Te concitavit in verendum
Sidronii caput immerentis ?
Fatum serena molliter aureum
Nebant sorores : dum propior Deo
Poëta nil mortale cantans
Tavarias tremefecit umbras ,

Arre

*Arrexit aures Orcus , inertior
 Styx hæsit , ingens continuuit canis
 Rictus trifauces , & Megara
 Viperei siluere crines.
 Tu sola funestam rabiem intimis
 Coquens medullis , diceris inclytum
 Plutone deprecante stamen
 Sacrilegâ secuisse dextrâ.
 Scelus peractum est. Magni Elegi tacent ,
 Nec par Tibullo gratia, cœu prius,
 Cantando jam Scaldim moratur
 Precipitem , lacrymisque Mosam
 Latè tumentem. Quin sacra lugubri
 Clamore Parnassi antra remugiunt,
 Precordiisque excussa mœstis
 Per virides gemit aura lucos.
 At victor orbis fidereos premit ,
 Aurâque Divûm vescitur Hosschius ,
 Et iura Minois severa
 Despicit , invidiâque Parca.
 Quid victa frendes ? rumpere livida
 Mortis satelles , rode manus reas,
 Capûtque nequidquam scelestum
 Tartareo Phlegethonte cœla.
 Præcisa Vatum vita repullulat
 Ringente Averno. Non timet Atropos
 Mens plena Phœbi ; sed superbo
 Fata sinistra demat triumpho.*

JACOBI VVALLII

E SOCIETATE IESU,
IN SIDRONIUM HOSSCHIIUM
PIETAS.

Cùm Contraci in gravi periculosoque morbo
Carmen B. Virgini vovisset, si convalesceret,
anno 1646. quo urbs in Gallorum
erat potestate.

O *Qua virgineo cùm sis latissima partu,*
Imperium nati par propè, Mater, habes:
Cujus in arbitrio est properantia fata morari,
Corporaque è tumultis viva ciere suis:
Quaque pios vates, & de te digna locutos
Crederis auxilio sapè levare tuo:
Huc mites, huc flecte oculos. Tuus ille poëta
Deficit, & pallens, & sine voce jacet.
Deficit, heu frustra pactus sibi carmino vitam,
Quo te crediderat munere posse capi.
Nil artes, herbaque juvant: tua dextera, Mater,
Poscitur: hac vana suppleat artis opem.
Ne sine, quod prono pepigit tibi pectore votum,
Ne sine, quam de te spem fovet, aura ferat.
Non illum vita (quid enim, quod ametur, in illa
est?)

Tangit amor, quamvis hic quoque tangit amor.
Omnia luctus habet: facies miserabilis urbi est:
Nec dominum morrens fert bonè Lisa novum.
Crudescunt morbi: procumbunt tabida passim
Corpora: funeribus non caret ulla domus.
Victoris nunc ira subit; nunc rapta gementi
Libertas populo, virginibusque pudor.

Nec

Nec ruri, ut quondam, suus est honor: orba colonis
 Cessat, & infirmi squalida terra situ est.
 Hoc unum superest, lacrymis miscere querelas:
 Hoc unum miseri, flere, levamen habent,
 Quem tibi, Sidroni, sensum, tam densa malorum
 Se tibi dum series objicit, esse putem?
 Te quoque plus ipso tangunt mala publica morbo:
 Prosequeris lacrymis forsitan & illa tuis.
 Nunclacrymis; tunc, cum poteras, & voce levabas,
 Et, quacumque locus resque sinebat, ope.
 Hei mihi! dum savus miscet sic omnia Mavors,
 Mitior est tantis mors properata malis.
 Tu, Virgo, tu sola facis, cur optet amori,
 Et pariter vita tempora longa sua.
 Ah quoties calum spectat, mortique paratus
 Ardet in amplexus ille venire tuos!
 Ah quoties votis iterum revocatur, & optat
 Respectu tantum vivere posse tui!
 Vivat, & extentos virtutibus impleat annos:
 Vivat, & hoc munus pradicet esse tuum.
 Te meminisse decet, qua de te plurima scripsit,
 Digna tua sobolis nomine, digna tuo
 Donec erat sospes, quis de tot vatibus illo
 Dicitur in titulos cultior isse tuos?
 Facundum faciebat amor: plenusque vigoris,
 Inque sua semper Matre disertus erat.
 Dic, bona, dic, valeat. Memorem si forte tabellam,
 Aut votiva petis munera, carmen habet.
 Illi sola places, illi laudabere sola,
 Sola pio vati grande volumen eris.
 Tunc iterum blandâ matrem te voce vocabit,
 Auxilio latus se superesse tuo. —
 Natalémque novum tibi se debere quotannis
 Dicet, & antiquâ relligione colet.
 Pactaque vota feret, feret & sollemnia thura:
 Munera cum tenero carmine laurus erunt.

Tanget & Happardum (quid non pia tangit aman-
tum

Pectora ?) pars meriti non abolenda tui.

Te spectans animo , vatémque amplexus amicum ,

Hac de te , dicet , gaudia , Diva , fero.

Tum quoque servati testantia vatis amorem ,

Ante tuos ponet carmina vota pedes.

Addet & ipse sui mansurum pignus amoris ,

Aut eburum , aut Indi nobile dentis ebur.

Hoc cultu , variâque super testudine fulgens

Pendebit templo pulchra tabella tuo.

Accedent alii , concordia pectora , vates ,

Gens pia , gens laudes docta referre tuas.

Ante alios , supplex veniet Becanus ad aras ,

Nec veniet vacuâ , gratus & ipse , manu.

Blanditias , elegosque suos , sua munera solvet.

Materies eritis túque , puérque tuus.

Omnibus unus amor grates tibi dicere , sospes

Dummodò sit , pro quo vota precésque ferunt.

Carminis ut causas , & aperti signa favoris ,

Sic numeros illis , ingeniúmque dabis.

Ipse etiam voti veniam reus , & mea sacris

Carmina suspendam qualiacumque tholis.

Inscribam : QUAE DIVA , TUO MODO VITA POETAE

REDDITA , PARTE ALIQUA REDDITA VITA

MIHI EST.

AD

AD EUMDEM.

Cùm alter alterius recognoscendis versibus mutam navaret operam amicissimâ libertate.

NE vivam, neque vita meos quacumque libellos
 Excipiat, superet tempra parva mea,
 Te mihi, Sidroni, vivit si carior alter,
 Pârsque sodalitii dulcior ulla mei est.
 Tu mihi primus amor: te iudice glrior uno
 Nos aliquem vates inter habere locum.
 Tu mea cùm legeres, quid non sperare jubebas?
 Iudicio crevit spēsque animusque tuo.
 Nec tamen intereâ, ne non me cultior irem,
 Admonitum non est facta litura tuo.
 Non tibi libertas deerat: mutanda notabas.
 Sapè mihi facilis, sapè severus eras.
 Sapè suo invitam resacabas corpore partem.
 Libertas Musis profuit illa meis.
 Incisis melius veniunt in vitibus uva,
 Incisis formam sepibus hortus habet:
 Nec, nisi cum loliis steriles vellantur avena,
 Sperato messem fenore reddit ager.
 Nec nisi silvestres rami cadantur & umbra,
 Insita mutata mala tulere pyri.
 Non mihi scribendi veniat tam dira libido,
 Ut mea contempto iudice solus amem.
 Sic se litoreâ cùm vidit solus in undâ,
 Therfites facie credidit esse bonâ.
 Sic quem Nerine tantùm Galatea videndo
 Horruit, est forma captus amore sua.
 Credidit & lumen, mediâ quod fronte gerebat,
 Credidit hirsutas & placuisse comas.

Nota

Non hac antiquos tenuit fiducia vates.
 Ingenio timuit credere quisque suo.
 Cynthia laudata est : sed laudatissima quamvis
 Cynthia , iudicio subdita , Naso , tuo est.
 Nec puduit Flaccum , iussos licet ista referret
 Chorda sonos , aures consuluisse tuas.
 Sapè suas etiam volucres tibi legit & herbas,
 Quaque Mycenais induit arma Macer.
 Sapè , Perilla , tuum limâ mordaciter idem
 Rasit , & incudi reddere iussit opus.
 Non , ubi cessuras , quamvis cessasse pueret ,
 Delictum Musa est inficiata suum.
 Cedere malebas , quàm non admissa fateri,
 Nec tibi non laudi cognitus error erat.
 Ah valeat , sibi qui parcit , séque & sua solus
 Æstimat , atque odio verba monentis habet.
 Ipse sibi plausum geminet , nectâtque coronam ,
 Et medio Pindi det sibi monte locum.
 Invidiâque vocet , quam non nisi summa merentur,
 Incultum si quis damnat , & odit opus.
 Sapè suis illum videas superesse libellis ,
 Sapè etiam fama funera flere sua.
 Quippe rudes fetus primo moriuntur in ortu,
 Primâque lux illis sapè suprema fuit.
 Tu famam vitâque jubes sperare libellos,
 Iudicio pretium qui meruere tuo:

AD SEIPSUM.

Cùm Sidronius Hosschius , è Societate Jesu, amicorum & poetarum optimus maximus , vitâ excessisset.

ERgò, ubi summa dies nostros expleverit annos,
 Quod sumus , injectus pulvis & urna teget ?
 Nec mihi profuerit , quòd vates Numen habere
 Credimur , & Divûm proxima cura sumus ?
 Nec mihi , quòd chartas, & chartis digna notari
 Nomina post cineres Musa perire vetet ?
 Si quid id est , cari venient ad funera vates,
 Et tumulo titulum , mœstâque sarta dabunt.
 Ossâque prateriens (si quis tamen illa viator
 Noverit , & Musa fama sit ulla mea)
 Forsitan insperget violis ederaque virente,
 Et leviter : Vates hic quoque , dicet , erat.
 Ulterius nihil est , quò se spes ardua vatum
 Porrigat : hoc pretio gens operosa sumus.
 Et mihi jam tanti est , aliquis si dicar in illis ,
 Et populi veniat parvus in ora liber ?
 Ah furor est , sacras aliquod captare per artes
 Nomen , & in famam vivere velle suam.
 Fama perit , pereunt artes , rapit omnia secum
 Et rogos infelix , & niger ille dies.
 Parnassi colles , & collibus addita Fama
 Limina , laurigeris undique septa viis,
 Parcite, non ego vos, quamquam mihi carus Apollo
 Annuat , inque suum me sinat ire nemus ;
 Non ego vos ederas , si quas meruisse putamur ,
 Non capiti posco laurea sarta meo.
 Nec servant edera , nec servat laurea vatem,
 Et cineres frustra sera corona tegit.

SIDRO

FACULTAS

R. P. PRÆPOSITI PROVINCIALIS
SOCIETATIS IESU.

EGO Thomas Dekens, Præpositus Provincialis Soc. Jesu in Provinciâ Flandro-Belgicâ, potestate ad id mihi factâ ab admodum R. P. N. Præposito Generali Gofvino Nickel, facultatem concedo : ut P. Sidronii Hosschii Societatis nostræ Sacerdotis Elegiarum libri sex, cum ejusdem variorum carminum silvulâ ; eruditorum ex eâdem Societate nostrâ virorum judicio probati, typis excudantur. In cujus rei fidem litteras manu meâ subscriptas, & sigillo officii mei munitas dedi, Mechliniæ xxv. Augusti, anno M. DC. LV.

Thomas Dekens,

• APPROBATIO CENSORIS.

NON hos libellos approbare tantum visum fuit, sed ipsi Poëticæ gratulari, quæ Sidronium Hosschium, virum è Soc. Jesu eruditissimum, nacta sit Elegiographum, qualem nulla adhuc tulerunt sæcula, castum simul & elegantem. Nam de iis qui hanc poëscos partem excoluerunt, id pronuntiari possit, quod de boletis Medici, pessimos esse qui inter illos sunt optimi. *Quæ voluptas,* inquit Plinius, *tam ancipitis cibi ;* ego, tam lascivi carminis. Quo nomine Adrianus VI. Pontifex Maximus Poëtis iniquior fuit : at nunc Alexandri VII. nomen sibi præfigere ausi sunt hi libelli, cujus commendatione celebriores lucem meritò videbunt.

*Christianus Voochts, Canonicus,
& Archid. Antuerpiensis,
Lib. Censor.*

SUMMA PRIVILEGII

Regis Christianissimi.

Auctoritate Regia sancitum est, ne quis SIDRONII HOSSCHII SOC. JESU, & JACOBI WALLII POEMAT A intra decem annos à prima editione numerandos imprimat, aut alibi impressa in hoc regno diven- dat, prater Anissonios Bibliopolas Lugdu- nenses, aut eos quibus id juris concesserint; hocque omnibus perinde clarum, notum, in- dictum habeatur, ac si Regis Diploma operis initio praefigatur, sinive postponatur. Qui se- cus faxit, librorum confiscatione, aliisque pœnis Regio diplomate declaratis multabitur. Datum Parisiis die 15. Decemb. 1687.

De mandato Regis, signatum

JUNQUIERES.

Quod quidem diploma in acta Typographo- rum Parisiensium relatum est die 31. Decem- bris 1687.

COIGNARD.



SIDRONIJ
HOSSCHIJ
ELEGIARUM
LIBER PRIMVS.

CURSUS
VITÆ HUMANÆ.
ELEGIA I.

Vitam mari similem esse.



ITA mare est : res plena metu , res
plena tumultu

Utraque. Mortales credite , Vita
mare est.

Neutri tuta fides : quot fluctibus
aspera surgunt

Æquora , tot causas illa timoris habet.

Syrribus infame est , saxisque latentibus æquor :

Infamis scopulis est quoque vita suis.

Tom. I.

A

Aut

Saxa, maris scopuli; vitæ, sua cuique cupido.

Hei mihi, quot scopulus perdidit ille rates!

Et fluit, & refluit, rapitûrque & volvitur æstu,

Et stabile in solâ mobilitate mare est.

Littora nunc repetit, nunc littora deserit unda,

Occurrîtque sibi, sêque reversa fugit.

Æstuat, & discors etiam sibi vita resistit,

Pérque suos æstus nostrâque, nosque rapit:

Et modò, quod prodest, temerè averiatur & horret,

Et modò, quod lædit, per sua damna petit.

Et dolet, & gaudet; sperâtque, timétque; sibi que

Cedit, & obstitit; nesciâque ipsa sui est.

Nec magis immite est pelagus quàm vita, nec iræ

Plus habet: hoc monstris, nec minùs illa scater.

Est maris, est vitæ cursus metuendus & anceps:

Publica naufragiis utraque facta via est.

Aspicis ut vexent crudeles æquora venti?

Ut tollant undas montibus illa pares?

Concurrunt Euri Zephyris, Aquilonibûs Austri,

Præliâque in pelago, cum pelagóque gerunt.

Vita quid hæc aliud nisi, tristis, & aspera pugna est?

Pace caret pelagus, vitâque pace caret.

Si qua tamen pax est, nihil est incertius illâ:

Jam Boreas franget, quam tulit antè, ratem.

Navita quid precibus fluctus placare laboras?

Accipiunt nullas æquora furda preces.

Ipse tonat, precibûsque tuis obmurmurat æther,

Verbâque discerpunt, qui tua vela, Noti.

Unda furens inopum cymbas, regûmque triremes

Percutit, & meritas immeritâsque rapit.

Pluribus, aut totidem nullo discrimine sævit,

Nec minùs infestis improba vita malis.

Nonne per adversas agitur propè tota procellas?

Nónne suos fremitus, ut mare, semper habet?

Non quos Oleniæ fidus pluviale capellæ,

Aut oriens Sterope, Taygetéque ciet:

Sed

Sed quos ipsa sibi, quos ipsi plerimus hostis,
 Ipsa sibi, atque hostis, sed magis ipsa movet.
 Cumque ars sæpè domet fluctus vitæque, marisque,
 Deficit ars dubiis utrâque sæpè malis.
 Hic primo, hic medio cursu perit, ille supremo:
 Sæpè etiam in portu naufraga turba sumus.
 Sors eadem populos florentes jactat & urbes;
 Sors eadem reges, totâque regna rapit.
 Illa viris armisque potens, tot nomina fastis
 Quæ dedit, & Superis par propè Roma fuit,
 Torque triumphorum sibi maximus ipsa triumphus,
 Quæ sibi subdiderat solis utrumque latus;
 Visa sibi alterius sortis discrimine major,
 Interiit ventis naufraga facta suis.
 Majestas cecidit, sellæ cecidere curules:
 Barbaries victrix Itala signa tulit.
 Quem domitum vidit septem de montibus orbem,
 Vidit in externas victa venire manus.
 Hæc ego te moneo, qui quod jubet impetus, audes:
 Cui volat excusso cymba soluta metu;
 Quem nil Cyaneæ, nil monstra natantia terrent,
 Nil tabulæ, & merces, gazæque sparsa mari:
 Qui neque, quid moneant venti, quid sidera, curas,
 Quid resonans longè littus, & unda notet,
 Quid signent medio revolantes æquore mergi,
 Oblitus pelagi, nec minus ipse tui.
 At nisi ludibrium debes animamque procellis,
 Quot fluctus, totidem crede venire necesse.
 Sollicitos servat felix industria nautas,
 Nec nisi sollicito nascitur ille metu.
 Cum mare, cum ventos, cum circumspexeris astra,
 Dic, Ubi nunc velis comoda stella meis:
 Sic tibi sit numquam Ceyca referre natantem,
 Scæque post fractam perdere vota ratem.

ELEGIA II.

Ad felicem cursum pretiosam navem non conferre : Vitam divitiis beatam securamque non reddi.

Non tibi si tristes pelagi denuntiat iras,
 Nostra ratem ventis credere Musa vetat :
 Sed monet, ut, quoniam ventis dare vela necesse est,
 Firma per infidum sit tibi navis iter.
 Nec tibi de pulchrâ, nec sit de divite cura,
 Vela nec antennis serica neeste tuis.
 Serica non curant Aquilones vela, nec Austri,
 Nec timidè pictos verberat unda Deos.
 Littoribus solvens patriis Regina Canopi,
 Miranti luxum gurgire, vela dedit;
 Aurea puppis erat, formæque in puppe Deorum,
 Montræque delubris Nile recepta tuis :
 Bubastisque, Epaphûsque, & Anubis, & Inachis Io,
 Et quæ præterea numina Memphis habet.
 Aurea fulgebant summo carchesia malo,
 Fulgebant nitidis illita transtra notis.
 Cærule inaurati verrebant æquora remi :
 E cedro tabulæ, clavus eburnus erat.
 Unda repercussio radiabat concolor auro,
 Et qualis Danaën fallere posset, erat.
 Mollia purpurei neesteabant vela rudentes :
 E mediâ fuerant vela petita Tyro.
 Ipsa videbatur velorum purpura fluctus
 Tingere, purpureas findere puppis aquas.
 In medio thalamus : thalamo regina jacebat,
 Visa sibi æquoreas inter habenda Deas.
 Errabant pueri, quales pinguntur Amores,
 Reginam circum, purpureumque torum :

Pars arcum, Pharetrámque gerit : pars aurea vibrat
Spicula : pars dominæ spargit in ora rosas.

Quid memorem, ut cultæ Nympharum more puellæ
Nautarum subeant arte manuque vices ?

Ut feriant illæ ductis ad pectora remis
Æquora ; propulsam dirigat illa rarem ?

Hæc faciles captat ventos , tractatque rudentes,
Et modò dat Zephyris , & modo vela Notis.

Illa sedet , citharámque tenet ; remisque canendo
Imperat , & pulsas carmine mulcet aquas.

Pars philyrâ flores , & ferta fragrantia nectit :
Illa coronandis puppibus , illa Diis.

Pars tibi votivas pingunt Neptune tabellas ,
Quas tibi pro salvâ munera puppe ferant.

Singula quid referam ? quas pendunt regna Ca-
nopi ,

Et quas Nilus opes , una carina vehit.

Quid tibi vis regina tamen ? cùm pallidus auro
Malus , & antennæ , pictæque transra gement,

Cùm ferate jactabit hiems , ferientque carinam
Fulmina, cùm Boræas tollet in astra mare;

Et modò surgentes pulsabunt sidera fluctus.

Et modò diductis terra patebit aquis ;

Navita cùm pallens cælo diffidet & arti ,

Isidæque & surdum poscet Osirin opem ;

Quid tibi tunc pretiosa ratis, quid conferet aurum ?

Quid tibi tunc mentis , si qua super sit , erit ?

Tunc putas opibus Boræan , Austrumque furentem,

Deliciis capere Nereâ posse tuis ?

Pallentes gravis unda genas , gravis unda ca-
pillis

Sparget , & humenti lumina veste teget.

Non tibi tunc miseræ pallorem regia demet

Purpura , nec Libyci nobile dentis ebur.

Nil aurum poterit : mare non corrumpitur auro :

Exorant tumidos munera nulla Notos.

Tunc frustrà pelagi Nymphis regalia tendes.

Brachia, natalem respicièsque Pharon.

Ludibrium ventis & verba & vela ferentur,

Ludibrium sævis aurea puppis aquis.

Falleris ô quicumque tibi blandiris, & inter

Immensas felix esse videris opes.

Te quoque deceptum, solóque errore beatum

Per tumidas defert aurea puppis aquas.

Crede mihi, nullis opibus confidere tutum :

Eludunt dominos, destituúntque suos.

Ah pereat, qui primus opes effodit opertas,

Quas melius tenebris alta tegebat humus.

Illum debuerat coëantis mole ruinæ

Obruere, atque opibus iungere terra suis.

Quàm benè defosso latuisset proximus auro !

Quot pariter scelerum monstra sepulta forent !

At nunc ex antris pariter prorupit iisdem

Proditio, & gaudens sanguine cædis Amor,

Et Mars, & Martis comites Terrórque, Furórque,

Et Luxus, bello pejus & hoste malum,

Ambitio tantas quâ duxit origine vires,

Unde trahunt ortus Fastus & Ira suos.

Aurum captivæ leges, & jura sequuntur,

Cúmque suâ sequitur capta bilance Themis.

Fortius hoc ferro, trifidóque potentiùs igne

Perrumpit validâ mœnia structa manu.

Pugnat, & humanis infame est cædibus aurum,

Et minùs à ferro corpora nostra jacent.

Impius; ante aras, fœdavit cæde Sichæi

Pygmalion, auri captus amore, manus.

Perdedit Oecliden Eriphyle, nupta maritum :

Perfidia fulvum causa monile fuit.

Quid Pelopem foci consperfit sanguine, quid-
ve

Tristia Myrtoæ nomina fecit aquæ ?

Unde,

ELEGIARUM LIBER I.

7

Unde, nisi ex auro, jaculis increvit acutis
 Ferrea quæ textit te Polydore seges?
 Ferrea, quæ patimur, primum fluxistis ab auro
 Sæcula. dos auri divitis illa fuit.
 Aurea (si qua fides) aurum non noverat ætas :
 Quæ primum hoc novit, decolor illa fuit.
 Cum tellus aconita ferat, tristisque cicutæ
 Gramina, nil auro divite pejus habet.
 Illa suas iterum venas, aurumque recondat ;
 Aurea, quæ currunt sæcula, rursus erunt.
 Hoc primum docuit mirantibus æquoris undis
 Ad sua deceptas damna volare rates.
 I nunc trans Gangen, trans fluctus curre rubentis
 Æquoris, ut referas unde perire velis.

ELEGIA III

*Malum, antennas, vela, ceteraque armamenta
 magnitudini navis aptanda esse: Mediocri-
 tatem in vitâ sectandam.*

Non satis est firmam ventis committere navem:
 Cetera si desint, firma carina parum est.
 Arbor & antennis, & velis apta ferendis
 Ex æquo mediam temperet arte ratem.
 Et latere à gemino spatiis æqualibus absit,
 Ne pars hæc oneris plus ferat, illa minus.
 Vela quoque aptentur. Quæ sint aptissima, quæris?
 Non minima, at magnis esse minora velim.
 Parce, precor, velis æquo majoribus uti:
 Res est auxiliis istâ timenda suis.
 Aptâ habili moderare manu: modò stringe tumentes,
 Ut venti fuerint, & modò pande sinus.
 Et modò in obliquum Zephyros captare memento,
 Et modò fac sollers, quâ venit aura pedem.

A 4

Ne

3 SIDRONII HOSSCHII

Nec ventis aude confidere : contrahe prudens

Quæ Zephîro nimium vela ferente tument.

Nulla fides ventis : nihil est fallacius illis :

Ipsa quoque amittit , quæ favet , aura fidem.

Vidi ego naufragij tabulas per littora sparsas,

Causaque vis Austri vela juvantis erat.

Fortunâ nimium lætâ periistis Athenæ :

Hæc vos , & vestras perfida fregit opes.

Elatæ rerum successibus itis in arma :

Sub tumidis æquor classibus omne latet.

Quid tremitis Siculæ visis tot navibus urbes ?

Hæc sibi , non vobis , ultima fata vehunt.

Transiliat velis animisque tumentibus æquor ,

Totâque se placitis Attica credat aquis.

Nunc quibus insultat , mox victa fatiscet in undis :

Naufragium classis , gentis & urbis erit.

Dum victrix domitum septem de montibus orbem

Aspicit , è tanto culmine Roma ruit.

Clade suâ fluctus Antonius ire cruentos

Vidit , & , Hos , dixit , lætior aura movet.

Cræse pyram supera : jam vivus in igne sedebis :

Hoc solium tibi fors illa benigna dedit.

Prospera res armis , omnique potentius hoste

Exitio reges regnâque sæpè dedit.

O fuge fortunæ ridenti fidere , nec te

Auferât utilitas : utilitate nocet.

Addit opes : cumulat titulos : post omnia , mentem

Eripit : hoc pretium dona faventis habent.

Pulsa fugit Ratio , vacuamque Superbia sedem

Occupat , & cuiquam cedere turpe putat.

Nec patitur sortis dubio nutantis in orbe ,

Nec vitæ fragilis , nec meminisse sui.

Ferre parem nescit , majorâque viribus audet ,

Consiliisque experts in sua damna ruit.

Nec

Nec minùs intereà Livor, sublimia semper
 Qui petit, infidâ clàm movet arma manu.
 Infidiis Livor, quod viribus hostis apertis,
 Totâque quod nequeunt agmina, sæpè facit.
 Nec tamen, invidiâ fueris si major, & hoste,
 Tutus es. Ipsa suo pondere magna ruunt.
 Mole suâ turres, excelsâque tecta laborant,
 Incumbénsque sibi grande fatiscit onus.

ELEGIA IV.

*Navem, quò stabilior sit, saburrâ onerandam:
 Naturæ nostræ levitatem virtute stabilien-
 dam.*

NOs agit, & versat levitas: mutamur in horas,
 Et nihil est, quod nos, votâque nostra regit.
 Nunc odiis animus, nunc expugnatur amore:
 Nunc spes, nunc agitat pectora nostra meus.
 Dejiciunt luctus, attollunt gaudia: motus
 Turbida mens sequitur, nec capit ipsa suos.
 Aut rapit instabilem brevis & non vera voluptas,
 Aut animus cœptum deficit inter opus.
 Fluctuat infelix quacumque impellitur aurâ,
 Nec satis exactum, cedat an obstet, haber.
 Nec telis opus est, mortemque minantibus armis,
 Quæ revocent, &, quâ cœpimus, ire verent.
 Cedimus impulsu minimo. Meliora perosos
 Causa levis cogit deteriora sequi.
 Vivimus incerto multi, pars maxima nullo
 Consilio: pauci, quò vocat usus, cunct.
 Quem sua non vexant fastidia? perdere vitam
 Maxima, dum nescit vivere, turba solet.
 Excutiunt etiam cœpto nos tædia cursu.
 Hæc, puto, sunt nostri maxima causa mali.

Novi ego qui subito pulchri succensus amore

Jam virtutis erat currere certus iter.

Vincula, dicebat, jam sum meus, omnia rupi.

Quæque diu juvit ferre, tulisse puder.

Jam mihi mortales mens est excedere curas :

Terra nihil dignum, quo teneamur, habet.

Nec me blanditiæ possint, nec munera regum

Vertere : mors cursum finiet una meum.

Obstitit exigui facies inopina laboris,

Parvæque venerunt tædia, fractus erat.

Sæpè etiam, qui præbuerat felicia ventis.

Carbasa, flexit iter, causæque nulla fuit.

Heu sibi non constans animus ! Sic canna palustris.

Nutat, & hiberno flectitur acta Noto.

Sic volucres fumos, vestamque per aëra nubem

Arbitrio vertit quælibet aura suo.

At nos (nec pudor est) prætexere nomina culpæ:

Nescio quæ, nobis & dare verba juvat.

Ille, vel ille meæ, clamamus, causa ruinæ est :

Nec ramen, ah liceat dicere vera, fuit.

In nobis est causa mali. Mens nescia voti,

Aut incerta sui, solæque crimen habet.

Hæc est consiliis, hæc est virtute regenda :

Hæc est officii sæpè monenda sui.

Nunc tibi facta Patrum, veterumque exempla vi-
torum,

Nunc Divum monitus, & sacra verba refer.

Nunc etiam in teneris robur mirare puellis :

A sexu vinci sit levior pudor.

Cur virtus odio est ? malè sarcina magna putatur :

Ne tua te levitas auferat, illa facit.

Ut sit onus, prodest : ventis obstitit & undis,

Cur, quod te servet, ferre gravaris onus ?

Quod nisi te firmet virtus immota, sui que

Consilii, quamvis exagitata, tenax,

Heu

ELEGIARUM LIBER I.

II

Heu frustra alterius felicia vela videbis ,
 In mediis , lacerâ nave , relictus aquis.
 Nonne vides , ut se pelago malè credat aperto ,
 Nec tutum faciat puppis inanis iter ?
 Vel rudibus saxi , vel adhuc humentis arenæ
 Providus instabilem navita mole gravat.
 Ni faciat , navim levitas evertat euntem.
 In cursu stabilem justa saburra facit.
 Illa suo trepidantem examine librat in undis :
 In latera impulsis illa resistit aquis.
 At labat infelix , & tantum volvitur undis ,
 Hac sine per fluctus quæ ratis errat ope.
 Non illi portus , non expectanda corona est :
 Exitium sævis perdita debet aquis.
 Ut careat scopulis , quodcumque subiverit æquor ,
 Pro scopulis miseræ fluctus & æstus erunt.
 Dic mihi quid refert , tumidis an fluctibus haustâ ,
 An fractâ pereas ad vada cæca rate ?
 Num minùs immanes pasces sub gurgite phocas ?
 Num minùs ejectum vilis arena teget ?
 Ergò animum firmet tanto in discrimine Virtus.
 Pondus , quo ventos & mare vincat , habet.

ELEGIA V.

Remigandum quandoque esse : In vitâ laborandum.

L Intea si ventus tua deficit , utere remis :
 Ventorum remi sæpè fuere loco.
 Nec pigeat fessos pulso versare lacertos
 Equore : si cessent , auferet unda ratem.
 Tu licet obnixus vento lucteris & undis ,
 Sitque procul remis terra petenda tuis :
 Et licet crumpat toto tibi corpore sudor ,
 Lædat & atrox pustula rupta manus :

A 6

No 2

12. SIDRONII HOSSECHII

Non animus, non tu defis tibi. Nil sine magno,
Quod iuvet & prosit, vitâ labore dedit.

Dum patiens corpus, dum mens est apta labori,
Illud agat partes, nec minùs illa suas.

Aspice tot celebres muris & turribus urbes,
Fluminâque insuetas currere iussa vias:

Tôtque operum moles, monumentâque docta, tot
artes:

Omnia sollerti nata labore vides.

Signa manu docti nondum formata Myronis

Quid nisi marmor iners, & rude pondus erant?

Quid nisi cum lappis tribulos, & inutile gramen
Vomeribus nullis. saucia fundit humus?

Et labor emendat tristes in palmitè succos,

Et facit, ut fidus semina reddat ager.

Fama senem celebrat priscâ de gente Quiritum,

Cujus opes messis, cultâque vitis erant.

Ipse suam subigebat humum, seu vomeris usus,

Seu curvæ falcis, sive ligonis erat.

Sive foret siccus ventis, aut solibus annus,

Non illi segetes sicca negabat humus.

Sive sata & terras nimius perfunderet imber,

Humida speratas terra ferebat opes.

Fallebat vicina seges quandoque colonos,

Illius semper luxuriabat ager.

Semper in illius turgabant vitibus uvæ;

Parcior, aut sterilis proxima vitis erat.

Quidquid peccabant soles, auræque malignæ,

Supplebat variâ f. dulus arte labor.

Nemo sine invidiâ felix. Et agrestia livor

Culmina, non tantum regia tectâ petit.

Invidiam meruit virtus operosa coloni.

Arte ferax magicâ dicitur esse solum.

Luce faciâ positis cessabat pagus aratris:

Fumabant calidis annua liba focis.

Turba

Turba frequens ibat templis latura coronas,
Parvâque Dîs ruris munera, ruris opes.
Quâ via ducebat, primâ surgebat in herbâ,
Sed reliquis multò latior una seges.
Hanc aliquis comitum spectans : Quò tendimus ?
inquit :

Gens rudis, & nobis non satis æqua sumus.

Quid frustra toties fruges lustramus & agros,
Et Divûm templis irrita ferta damus ?

Nec spicis placanda Ceres, nec palmite Bacchus :

Est alia, & melior victima danda Diis.

Ille senex, cujus tam lætum cernitis agrum,

In sua cantatas horrea condit opes.

Carminibus fruges nostris traducit ab agris,

Traducit nostrâ semina jacta manu.

Esse nefas constat : cur non defertur ad aures

Judicis, & merito plectitur ille suo ?

Ut veniant messes, veniant felicitis uvæ,

Hæc melior magnis victima danda Diis.

Dixerat : assensit gens rustica : mittitur index

Criminis : accusat : curia mota fuit.

Jâmque dies aderat, quo judicis ora subire

Rusticus, & pro se dicere jussus erat.

Confedere patres : posito stetit ille timore,

Et baculo nitens hos dedit ore sonos :

Non agit ulla meam, nec agat facundia cau-
sam :

Alterius, verbis ; rebus agenda mea est.

Nec mora : splendentes versâ tellure ligones,

Sarculâque in medio ponit adunca foro,

Tribulâque, & falces, & iniquo pondere rastros :

Nec teres ingenti mole cylindrus abest.

Astiterat patri robustis nata lacertis,

Grandis, & æstivis solibus usta genas.

Astiterant soliti glebas invertere ferro,

Innexique jugo colla torosa boves.

Dum

Dum stupet, expectâtque silens cum plebe Senatus,

Tam nova iudicii quid sibi forma velit :
Callosam senior tendens ad singula dextram,

Ista beneficii sunt, ait, arma mei.

His mea carminibus vitis purgatur, & uvas

Tot parit : his felix est mihi, sitque seges.

Hæc, ego si damner, mecum damnentur oportet :

Criminis auxilium, parsque fuere mei.

Simplicitas placuit, placuerunt verba coloni.

Tutâque Romano iudice causa fuit.

Tu quoque quæ timidis virtutis præmia votis

Experis, in manibus crede reposta tuis.

Has memor exerce, natâsque impende labori :

Exacti pretium dulces laboris erit.

ELEGIA VI.

*In tempestate navem ancorâ firmandam :
Spem in rebus adversis retinendam.*

CUr tibi tempestas animos iratâque frangant
Æquora? non semper ventus & unda furit.

Speranda infestis tibi fors est altera rebus :

Res mala felicitis semina fortis habet.

Si puppim Boreas tamen abripit, ancora firmet..

Hanc Spes formosâ porrigit ipsa manu.

Quamvis jam tabulæ ventis solvantur & undis,

Et tumidæ feriant ora precantis aquæ :

Quamvis jam puppim tortâ vertigine fluctus

Mergat, & in medio destituare freto :

Spes tamen adjiciat vires animosque natanti :

Illâ per invitas brachia ducet aquas.

Omnia cum terrent, & deplorata videntur,

Quod juvet, in medijs invenit illa malis.

Illâ

Illa nec ad scopulos allisâ nave fatiscit ,
Nec fractâ pariter cum rate fracta perit.
Illa etiam vasto reperit sibi gurgite portum :
Illa suas , quamvis naufraga , servat opes.
Te quoque votivæ doceant sperare tabellæ ,
In quibus injusti crimina picta maris.
Quid tibi post casum lacrymæ funduntur inanes ?
Non est auxilium planctus , inersque dolor.
Saucius & victus redit in certamina miles ,
Et fert exuvias quâ modò vincla manu.
Sit quamvis sterili delusus melle colonus ,
Rursus arat , rursus semina mandat humo.
Sustinet , infectos cancer cui serpit in artus ,
Ut vitam redimat , parte carere sui.
Spem reus infelix , seu crux ignesque parantur ,
Seu micat ante oculos stricta securis , habet.
Sors ebur , & fasces , & avitos tollere census ;
Tollere spem cuiquam non tamen illa potest.
Quam fors nulla potest , hanc tu tibi demere noli.
Non tibi si fuerit nunc malè , semper erit.
Consule Maxoniden vitæ præcepta ferentem :
Quæ firment animum fabula vatis habet.
Seu Mars , seu pelagus patientem jactet Ulyssem ,
Invictum quævis ad mala pectus habet.
Spes illi celerem versabat in omnia mentem ,
Præsentésque animos consiliûmque dabat.
Tunc quoque sperabat , cum gens Trojana latentem
In sibi suspecto pænè videbat equo.
Urite , clamabat vates : malè creditur hosti :
Fraudem dona regunt : urite , Troës , equum.
Audiit , hisque ipsis , per quos periisse putares ,
Speravit vinci Pergama posse dolis.
Dum patriam repetit , dum terris omnibus errat ,
Num minùs huic fors est , quàm fuit antè gravis ?
Non illum elapsi potuerunt artibus Euri
Frangere , cærulei non gravis ira Dei.

Cum

Cum sævis toties undis , populisque , locisque ,
Et Dis luctanti spes bona semper erat.

Hac quoque Lotophagos , hac Circen auspice fugit ,

Hac Læstrigonas , Antiphatisque manus.
Nec spes destituit vasto Cyclopi in antro

Spectantem comitum viscera sparsa solo :
Spectantem trepidos avidis sub dentibus artus ,
Oraque crudeli sanguinolenta dape.

Illius effugio quis non præclusa putaret
Omnia ? quæ fugeret , spes patefecit iter.

Naufragus & nudus cum se servavit in alto ,
Plus sibi , quam focii , totaque classis erat.

Nec tu cede malis : vinci mala sortis acerbæ
Posse puta , vinces : fer modò , spemque tene.

Pænè suo semper metus est discrimine major :
Vulneris est pejor vulnere sæpè metus.

Serpentes non omnis habet tigresque , leasque
Silva : nec ex omni fulmina nube cadunt.

Undarum Boreas dum volvit in æquore montes ,
Et quasi tacturas sidera tollit aquas ;

Si molem spectes , quæcumque allabitur , undæ :
Obruet hæc , diæes , quæ venit unda ratem.

At nihil illa nocet : tantummodò tollit in altum ,
Dum venit : & salvam præterit illa ratem.

Ipsæ tuos animo refer & circumspice casus ,
Quos modò te forti mente tulisse juvat.

Dixisti quoties rebus depressus in arctis :
Tempesta puppim deprimet illa meam.

Tempesta abiit : puppis tibi salva cucurrit ,
Nec quidquam gravius passa timore fuit.

Si fortuna tamen , quidquid tibi contulit , aufert ,
Non spem , non animos auferat illa tuos.

Omnibus amissis si spes animusque supersit ,
Pars melior census est tibi salva tui.

ELEGIA VII.

Clavum puppi ; Prudentiam vitæ necessariam esse.

INvigilat minimis etiam Prudentia rebus,
Ne tenuis culpæ grandia damna ferar.
Crede mihi , minimis debent se maxima causis :
Ipsa levi nutu statque caditque salus.
In rate pars quamvis minima est extremæque clavus ,
At primum pars hæc in rate munus habet.
Seu placet Auroræ populos , Nabathæaque regna,
Seu petere occiduo quæ loca sole repent ;
Seu semper madidas nimbis Australibus oras ,
Sive Lycaoniæ frigida regna plagæ ;
Ille per adversas cursum quoque dirigit undas ,
Et quocumque voles limite flectet iter.
Ille etiam scopulos ventis obnixus iniquis
Virat , & à dubiis vela retorquet aquis.
Hoc sine si ventis , si te commiseris undis ,
Quò tua te puppis , quò tua vela ferent ?
Hoc sine quos tanges portus ? jactabere tantum ,
Nullaque erit velis utilis aura tuis.
Hoc sine nec Colchos reperisset Thessala pinus ,
Nec spolium Minyis fulva fuisset ovis.
Ars tua , si clavi careas ope , Tiphy , jacebit :
Ludibrium ventis ille peritus eris.
Non satis est puppim validis impellere remis :
Non satis est ventis credere vela suis.
Remigis officium , puppim qui temperat, anteit :
Pugnaci ductor milite plura facit.
Nauta tenet cursum , quamvis superanda resistant
Æquora , nec vento naviget ipse suo.

Scit

Scit benè nil Zephyris incertius esse secundis :

Scit benè diversis motibus æquor agi.

Quod venti peccant , facili moderamine clavi

Corrigit , inceptas persequiturque vias.

Sæpè sibi adversas videas occurrere naves :

Illa volat pelago ; nec minùs illa volat.

Si celerem spectes sulcata per æquora cursum ,

Hæc vento , dicas , fertur , & illa suo.

Utraque vela tument , ventôque feruntur eodem :

Hoc modicus clavi flexus utrimque facit.

Tu quoque , dum versa est , & vultus sumpsit
acerbos ,

Desine fortunæ de levitate queri.

Illa nihil , quod durat , habet : mutatur ut aura :

Nunc faver , & prodest ; nunc inimica nocet.

Non frustra , quoniam numquam sibi constat , in
orbe

Pingitur , & dubio lubrica stare pede.

Quidlibet eveniat , nil non prudentia vincet :

Quà durum superes , illa docebit , iter.

At tibi dum pontus tantùm spectatur & æther ,

Nullaque se produnt littora , nulla Pharos ,

Astra regant cursum : cælestia suspice signa ,

Atque oculis Helicen. Pleiadasque nota.

Nec tu nescieris , quid pronus peccet Orion ,

Quo fremitu nigras concitet Hædus aquas.

Nec tu nescieris , quid Syrtis cæca minetur ,

Nec quàm Nisæi monstra timenda canes.

Prospice quis scopulis alios impeggerit error :

Alterius damno disce cavere tuum.

Dum Graij redeunt , & adhuc fumantia cernunt

Pergama , laurigeras obruit unda rates.

Exitij tanti malè cognitus antè Caphareus ,

Qui latet Euboico gurgite , causa fuit.

Cæca priùs multas fregère Ceraunia puppes ,

Quàm rudis Illyricas nauta timeret aquas.

Eheu,

Eheu , quàm multi serò doluere Charybdin ,
Et rabiem serò nosse Malca tuam !
Tu quoque ne fias documentum triste caveto ,
Si temerè ignotum per mare vela facis.
Ah caveas : hîc cauta satis fiducia nulla est :
Ut securus eas , omnia tuta time.
Tranquillas etiam formidat naufragus undas.
Utilis hîc timor est. Qui timet , ille cavet.

ELEGIA VIII.

*Viam tenendam esse in mari : In vitâ humanâ
non quâ itur , sed quâ eundum est , con-
tendendum esse.*

DUm licet , & mediis fertur tua pinus in undis,
Prospice quæ velis terra petenda tuis.
Scit benè quò currat , qui palmæ currit amore,
Scit benè quâ teneat parte viator iter.
Tela nec incertas mittit jaculator in auras :
Luminibus prædam , quam petit , antè notat.
Tu quoque , cui votum est per aperta pericula tutò
Tendere , quò rapiant te tua vela , vide.
Alter iter sit nosse labor , ne devius erres.
Non alius damnum tristius error habet.
Quære ubi sint Syrtes , quo latret in æquore Scylla,
Quâ vomat epotas parte Charybdis aquas.
Effuge Sirenum scopulos , suspectâque Circes
Littora , blanditiis insidiosa suis.
Quid moror ? unū illud monco , præque omnibus unū
Præcipio : memori pectore dicta tene.
Nec tibi nunc hominè , nec Graiū oracula quercus ;
Ipsū crede Deum nostra per ora loqui.
Tu , quâ remigiis , quâ plenis currere velis
Innumeras puppes videris , ire cave.

Non

Non est, crede mihi, non est, quâ pluribus itur,
Ne trahat exemplo copia, tuta via.

In scopulos fertur plenis pars maxima velis :

Naufragio credas quemque favere suo.

Quis non, quo pereat, cupidè sectatur, & optat

Exitij causis proximus esse sui ?

Deficit hic etiam doctas sapientia mentes :

Hæ quoque quâ vulgus turbâque sæpè ruunt.

Nec quamvis meliora vident, meliora sequuntur.

Usque adeò miseris dulce cupido malum est.

Huic pugnat ratio ; sed tamquam vincere nolit,

Sèque suâ patitur proditione capi.

Nil didicisse juvat, nil excoluisse per artes

Pectora : mens partes deserit ipsa suas.

Ah genus infelix ! quò te fiducia mendax

Abripit, heu causæ gens inimica tuæ ?

Quis furor est, impunè ratis quâ nulla cucurrit,

Aut portum tenuit, currere velle viâ ?

Cui te cum turbâ credis, mare portubus orbem est :

Naufragium cursus terminus hujus erit.

Commoda prima via est, fateor : rapit æstus euntes,

Gratâque securis aura secundat iter.

Et quoniam scopulos, & saxa latentia celat

Blanda maris species, omnia tuta putant.

En iterum moneo : numero ne crede, volantem

Flecte ratem : numerus, quod malè cedit, amat.

Ultima cæca via est ; lacerâtque hauritque carinas.

Pauci, quos tabulæ per freta summa vehunt.

Exitus infelix hic irreparabile damnum est :

Non redditum, non spem naufraga puppis habet.

Sera suæ tunc quisque facit convitia culpæ.

Dum licet, & prodest flectere, flecte ratem.

Nec, si dispositos per littora videris ignes,

Esse puta fidos : ad vada cæca vocant.

Sic olim speculâ genitor Palamedis ab altâ

Perdidit ostensâ carbasa Graia face.

Crede

Credebant miseri portus intrare fideles :
 Saxa Capharæ perfida rupis erant.
 Tunc quoque (quis credat ?) scopulis dum pendet
 iniquis,

Exitii gaudet nescia turba sui.

Sic, ubi venator silvas indagine cinxit,
 Infelix nescit se periisse fera.

Illa sibi nemore in medio secura videtur,
 Cum sit dispositis undique clausa plagis.

Quid facias, quæris? quæras hoc providus ipsum,
 Quid faciâsque scies, si modò scire velis.

Nec tua speratos non tangent lintea portus;
 Invenies illos; si reperire voles.

Si fluctus amor est, dubiôsque evadere casus,
 Ne dubita adversis obvius ire Notis.

Nec pigeat, paucos quâ tendere cernis, eodém
 Flectere iter: pauci littora tuta petunt.

Nitere te contra, victor, pelagique, tuîque:
 Quâ portum invenias; nulla nisi ista via est.

Dum ratis in cursu est, dum turgent lintea, tu te
 Collige: da monitis tempora parva meis.

Dic tibi: Quò ferimur? quem finem cursus habe-
 bit?

Quod sequor, ad portum, quem peto, ducit i-
 ter?

Hic labor, hi strepitus curarum, hic pectoris æ-
 stus

Quod pretium, cur his conficiamur, habent?

Major ut invidiâ fuerim, credârque beatus,

Ut mea transcendam vota, quid inde feram?

Hac eo, quâ tutum est, & quâ convincor eundum?

Aut hoc scire, quod est scire necesse, piget?

Errori causas mens non prætexit inanes?

Nec pudet erroris, pœnituisse pudet?

Si pudor in culpâ est, tantum trahit ille malorum,

Ut levius cuiquam sit periisse malum?

Hæc



Hæc tecum , quamvis aliò vocat aura , locutus ;
 Retrorsum , si qua est mens tibi , vela dabis.

ÉLEGIA IX.

Portus.

HActenus incerti ventis jactamur & undis ,
 Nec tenuit nostras ancora fixa rates.
 Jam puppis meruit terræ vicina coronam :
 Apparent portus : navita vela lege.
 Optati portus , statio gratissima fessis ,
 Non intermisso digna labore peti.
 O patria ! ô ingens Divâm domus ! aurea cœli
 Limina , spes nostræ metâque summa viæ !
 Ut te securi , post tot discrimina , tandem
 Aspicimus , sedes invehimurque tuas !
 Ex tot in Ionio , quas æquore turbida ventis
 Jactat hyems , paucas obruit unda rates.
 Mille sed hic inter , vix te millesima puppis
 Aspicit , & longo fessa labore tenet.
 Felix , quæ tumidis pelagi defuncta periclis
 Securo tandem littore tuta sedet !
 Felix , votivâ quæ jam redimita coronâ
 Æquoreis fractas rupibus audit aquas !
 Hanc Amor , hanc bona Spes , hanc Pax deducit
 euntem ,
 Et sedet in summâ candida puppe Salus.
 Ipsa sedet , Divósque vocat , Zephyrósque faventes :
 Ipsa movet niveâ turgida vela manu.
 I mea , quò debes , quamvis superanda repugnant
 Æquora , per tumidas i mea puppis aquas.
 Auspiciis Superis portum cape , cujus amore ,
 Quidquid triste fuit ferre , tulisse juvat.
 Hic nos excipient ipsis communia Divis
 Gaudia , mortali non referenda sono.

Hæc

Hæc nos meta manet : sumus hæc ad gaudia nati :
Non alio nobis vivere fine datum est.

Infelix , qui non portum festinat ad illum ,
Cæcâque inoffensum per vada quærit iter !
Creditur esse aliquid regum de sanguine nasci ,
Et sperare suâ sceptrâ tenenda manu.

Quid tamen hoc tanti est ? cur quisquam hoc in-
videt ulli ?

Nec se , nec titulos respicit ipse suos ?

Ut regnum Oceano , & terrarum finibus æquent ,
Quid magno régés nomine majus habent ?
Ut desint curæ , quæ numquam sceptrâ relinquunt ,
Nec sit ab invidiâ , nec sit ab hoste metus :

Deficiunt reges , aurumque , & purpura regum ,
Et fugiunt firmas sceptrâ caduca manus.

Respice te , qui sis : tuâ plus quàm regia fors est.

Me miserum ! cur hæc tam malè nota tibi est ?

Plus tibi , quàm regnum primo defertur ab ortu :

Plus tibi , quod donet , non habet ipse Deus.

Et quisquam , cui sunt humili de plebe parentes ,
Hoc dolet ? & nullo se putat esse loco ?

Gratia magna tibi , Regum supreme , laboris
Dulce levis pretium qui tua regna facis.

Gratia magnâ tibi , cujus clementia , dignos
Hoc solio quos non invenit , ipsa facit.

Cur hoc non capimus ? cur huc non tendimus
omnes ?

In bona cur quisquam tanta venire negat ?

Ergò ego sustinui , rapiente cupidine mentem ,
Umbras nescio quas , votâque stulta sequi ?

Ergò ego plus aliquid , quàm te vefanus amavi ?
Cum facere hoc ausa est , mens ubi nostra fuit ?

O ego quàm tunc me miserum furialiter odi !
Quàm gravis ipse mihi tunc inimicus eram !

Qui sine te nequeo , cur tecum vivere fugi ?
Omnia tu nobis , & satis , unus eris.

Cetera

Cætera deficiunt, ut nix humentibus Austis

Deficit, ut vernæ sole calente rosæ.

O curas hominum! levis hos mendâxque voluptas,

Hos amor, & cineri debita forma capit!

Sunt, quos ambitio speciosis detinet umbris:

Sunt, quos laus pretio quolibet empta juvat.

Mutandis alius transmittit mercibus æquor,

Congestas alius per scelus auget opes.

De cœlo & Superis, si qua est tamen, ultima cura est.

Heu mihi! quàm paucos hæc mea verba movent!

Quid facitis miseri? quid spes agitis inanes?

Quod fugit & fallit, quis sapienter amat?

Quod pretium vestri nisi fraus & pœna laboris,

Debita seminibus messis amara suis?

Cur vobis mors ipsa magis quàm vita probatur?

Cur plus quàm portus, naufraga saxa placent?

Ah! cur non potius, quod numquam fallit, amatis?

Hoc (neque nescitis) quisquis amavit, habet.

At mihi, quæ prosint, placeant ante omnia curæ.

Hic labor, hæc studii summa sit una mei.

Ille meos, solus qui me satiabit, amores

Vindicer: ille mihi est omnia. Terra vale.



ELEGIARUM

LIBER SECUNDUS.

MATRI MISERICORDIÆ

VOTUM

A LETHALI MORBO.

ELEGIA I.

D*Epositus eram , & extremis Sacris ritē
munitus ; sensuumque usu destitutus, mor-
tuis magis annumerabār , quān vivis. Lu-
Etantem cum morte respexit clementissima Dei
Mater , cui carmen voveram , si valetudinem
redderet. Spem accenderat suavissimum Ma-
tris misericordiae nomen , ut dulcis , ita potens
publica pietatis illecebra. Hoc nomine in Æde
nostrā Contraci colitur , non minore amoris in
Virginem incremento , quān coelestium solatio.
Valetudini restitutus votum servatrici Divæ
ex religione solvi , & hoc qualecumque grati
animi monumentum ejus ara venerabundus ap-
pendi.*



Ota fidem poscunt : hanc solvimus. Ac-
cipe Mater ,
Et pariter votum , corque voventis
habē.

Divitias , alius sacras suspendat ad aras ;
Carmen ego : nostras accipe carmen opes.

Hoc ego sum pactus fugientem munere vitam :
 Sape tuus sequitur munera parva favor.
 Scilicet in pretio est animus , non dona vorentum,
 Ipsaque simplicitas hæc pretiosa facit.
 Sic plus Mentoreâ placuit tibi fiscina lance :
 Plus gemmis fragiles sic placuere rosæ.
 Sic pretium , laudémque tui meruere palumbi ,
 Divitibus quamvis hostia major erat.
 Quidquid id est , certè tenui non aspera vati
 Non nihil es numeris visa dedisse meis.
 Ergo , si Superis vates , si carmina curæ ,
 Nunc age , nunc Divam Calliopea cane.
 Nec mihi cunctandi subeat prætexere causas :
 Præcipientes justo cogimur esse metu.
 Scribimus , & nondum morbi vis tota remittit :
 Scribimus alterius carmina nostra manu.
 Nulla laborantem teneat mora. Magne PETAVI ,
 Terreor exemplis , erudiôrque tuis.
 Distuleras Divæ * promissum solvere carmen.
 Hei mihi , quàm vindex illa severa fuit !
 Ecce furens iterum febris depascitur artus :
 Aut fuit , aut visa est hæc tibi pœna moræ.
 Ah iterum gelidas volui rebare per undas ,
 Et mediis in aquis quarere rursus aquas !
 Ah iterum totos sitiebas perditus amnes !
 Sequanâque , & Ligeris vota bibentis erant.
 At neque gurgitibus sedare , nec omnibus undis
 Ardores poterant flumina tota ruos.
 Flumina non potuere tuas extinguere flammæ ,
 Sed potuit venæ fluxus , & unda tuæ.
 Divaque , pace datâ : Vives , ait , & mea sæclis
 Munera venturis , & tua vota canes.
 Et dubitem sospes , mediâque è morte receptus
 Non dare promissis otia prima meis ?

En

* S. Genovesa Petav. Oper. Poëticorum. 8.

ELEGIARUM LIBER II. 27

En propero , quamvis mecum mea carmina lan-
guent ,

Nec domini vultu sunt meliora sui.

Illa diu lateant , notumque prestantur in annum

Carmina , quæ vivent , notæque semper erunt.

Nos urgent Superi : non est mora libera nobis.

Parcite lectores : dulce valere mihi est.

Nec mea jam vobis , sed Divis Musa laborat.

O quanto minor est his placuisse labor !

Tu mihi Lisa pater , qui nunc nostrisque , tuisque

Exundas lacrymis , tu mihi testis eris :

Quæ rerum facies , quis totâ luctus in urbe !

Mors propè jam nullas non ferit atra fores.

Seu facit hoc belli terror , seu Numinis ira ,

Seu dolor , & curæ , seu gravis aura nocent :

Victa prius ferto , nunc urbs exhausta suorum

Funeribus , gemino carpitur ægra malo.

Cui non adfuimus ? cui non succurrimus ægro ?

Hausimus hinc nostri semina prima mali.

O quoties tristes succos , herbâsque potentes

Sumpsimus , & doctâ pocula mista manu !

Omnia nequidquam : flammæ crevere medendo ,

Ut solet affusâ fortior ignis aquâ.

Ah ! frustra , dixi , de me speratis amici.

Quod patimur , nullâ vincitur arte malum.

Væ mihi ! mors in me telum ferale coruscat ,

Et fremit , & vultum fataminiantis habet.

Diva , precor , mortis furias , arcusque minaces ,

Et cohibe strictas in mea fata manus.

Tu potes , ut visum est , telum extorquere fre-
menti ,

Ferreâque arbitrio vertere jura tuo.

Tu potes invitis animare cadavera Parcis :

Tu cineri vitam reddere , Diva , potes.

Vidi ego quos sensus , quos spes defecerat omnis ,

Incolumes aris munera ferre tuis.

Adjice servatis per te tot millibus unum :

Materies Musis sit , precor , inde meis
Jam mihi spes crescit , quantum ipsa pericula cres-
cunt ,

Hanc mihi majorem Diva timore facit.

Eheu ! quàm lentæ torrent præcordia flammæ !

Quàm vereor , ne spem dissipet aura meam !
Sed neque sum tanti ; nec , si mihi vita supersit ,
Hac dignum , quidquid posse putamur , erit.

Illustres vivant animæ : me cedere fatis

Quid refert ? nulli flebile funus ero.

O ubi crux , & in hac JESU morientis imago ?

Huc ades , ô vitæ portus , & aura meæ.

Te stringam moriens , te spectent nostra supremum
Lumina , te teneam deficiente manu.

Auguror ah ! (crudescit enim⁹ ferus ardor) eun-
dum est.

Quis , patrio qui me limine sistat , erit ?

Non mihi jam pictos vultus , non signa , sed ipsum
Ferte : per ignotas dux erit ille vias.

Hoc duce contemnam Furias securus hiantes ,

Nec mihi pallori totus Avernus erit.

Vox quoque cœlestis , nisi fallimur , impulit aures ;

Illa , Veni , nobis dicere visa fuit.

Nulla mora est , venio : vires amor addet , & alas.

Terra vale : liber , nec tuus , astra peto.

Ergò ego jam Divûm formosa palatia tangam ?

Ergò ego jam superi pars ero parva chori ?

Dum loquimur , tenebris acies torpescit obortis ,

Vanescunt sensus , eripiorque mihi.

Mater iô , tibi Mors pharetram submisit , & arcum ,

Imperium majus ferre coacta suo.

Deploratus eram : tumulus mihi solus , & urna

Deerat , & exequiis ultima pompa meis.

Quis non ex ipso me dixit adesse sepulchro ?

Ollæque , & exuvias inde referre meas ?

Divæ

Diva, tuum hoc opus est : ego te miserante revixi:

Hæc mihi das voti præmia ferre mei.

Quod mihi nunc aliquæ superant in carmina vires,

Scribere quod possum, quod memor esse, tuū est.

Vivere nec tanti, sed per te vivere dulce est:

Plus, tu quod dederis, quàm data vita juvat.

Nunc ego, nunc iterum primævos ordiar annos:

Natalis mihi nunc alter, & alter erit.

Latus uterque mihi, sed tantò lætior alter,

Quantò tu melior matre priore parens.

Tunc tua Panchæis fumabit odoribus ædes,

Tunc tua sollemnes audiet ara preces.

Serraque suspendam genitale notantia tempus,

Et memori rursus carmine gratus ero.

Lisa retrò properans verso prius amne recurret,

Nec fundet solitas urna perennis aquas,

Quàm mihi, quod, vitâ jam deficiente, tulisti,

Auxilii ante oculos non stet imago tui.

Te quoties, arasque tuas, & templa videbo,

Hæc video, dicam, munere Diva tuo.

Hei mihi ! quàm nihil est, quod vox tibi nostra
rependit !

O quanto meritis est minor illa tuis !

Sed benè, quòd minimos potes hoc in pectore
motus

Inspicere, & verbis plura videre meis.

Ipsa vides, quotiesque tibi, quantùmque loquatur

Mens memor, & semper plena futura tui.

Ora licet taceant, sua vox est, linguæque mentis:

Hac numquam non est parte disertus amor.

Nec poterit, nec posse volet desistere dulci

Officio : non fert otia, quisquis amat.

Intercà memor hæc meritorum charta tuorum

Duret, & effigiem pendeat ante tuam.

Pendeat, & duri cùm jam lex ferrea fati

Non exorandam carpere coget iter,

Tunc te detineat supplex, blandisque moretur

Attentam numeris, admoneátque mei.

Tunc adsis, ô Diva, tuoque occurre Poëtæ.

Vitamodò est; mihi tunc mors quoque munus erit.

ELEGIA II.

AD CAROLUM VANDEN BOSCH
Brugensem Episcopum inauguratum.

Gratia cælitibus : sua sunt solatia Brugæ
Reddita:quem Divos orba poposcit, habet.
Ferte pedû, sacrûmq; humeris quod fulgeat ostrû.
Annulus est digitis, infula danda comis.

Ara parata vocat : cælum favet : ipsa videtur,
Cui velit imponi, nosse tiara caput.

Pompa venit : pompæ ruit ad spectacula vulgus,
Plaudentésque bonâ dant bona verba die.

Omnibus in vultu sunt gaudia : respice vultus
Carole : certa suæ pignora mentis habent.

Atque utinâ ut vultus, animos ita cernere posses!
Aspiceres, qui sit publicus urbis amor.

Aspiceres hilari se diffundentia sensu
Pectora, lætitiâ non capiente modum.

Non quia dextra pedû gestat, caput infula cingit,
Inque humeris fulget purpura sacra tuis :

Nec quia, quæ meruit, præfert insignia Virtus:
Majus se pretium non habet illa sui :

Sed quia quidquid ager pulchro spectâda theatro,
Hoc urbs, hoc populus spe capit antè suâ.

Spes bona, spes ingens, vanâ nec imagine rerum
Nixa, nec auguriis decipienda suis.

Non malè res gestæ sunt conjectura futuri,
Grandius exacto quamlibet instet opus.

Ille per Ionium velis felicibus ibit,

Qui benè Tyrrheno rexit in amne rarem.

Vincet

Vincet & admissos prævertet in Elide currus
In campo bijugos flectere doctus equos.
Qui totas acies fortem violentus in hostem
Victor agit, turmas duxerat antè suas.
Talibus auguriis sua de te gaudia pascit,
Carole, virtutis conscia Bruga tuæ.
Nil sibi non spondet, dum bis duo lustra recenset,
Et quid præstiteris, quid fuerisque, subit.
At sperata tuis constabunt gaudia curis:
Utilitas tuus est ista futura labor.
Non ego virtutes, laudum argumenta tuarum,
Verbâque mulcendis auribus apta sequar.
Quam laudem meruère, grave est audire modestis,
Hanc alii spectent, his meruisse sat est,
Da veniam Musæ; vultu venit illa severo:
Nec tamen officii non memor usque sui.
Illa quidem plaudit, meritóque assurgit honori,
Adjuvat & votis publica vota suis.
Sed rapit attonitam series densissima rerum,
Quæ te circumstat, nec finet esse tuum.
Hei mihi, curarum quot millia, quóque laborum
Pontificis secum vitta, pedúmque trahunt!
Ah nimium rudis est, qui sola insignia spectat.
Demite splendorem, quid, quòd ametur, habent?
Dicere difficile est, quàm sit grave purpura pondus?
Deficit hoc certè nostra Thalia loco.
Non humeri Alcidae, non cœliferi Atlantis
Sufficiant: tantum est illa ferentis onus.
Nec moles te tanta priùs, quàm vita relinquet.
Affluet assiduè, quo tenearis, opus.
Æstuat, & cursu numquam cessante laborat
Eridanus, fessis irrequietus aquis;
Spumeus it, fervénsque, undámque supervenit unda;
Hæc illam, sed & hanc non minùs ista premit.
Volvitur, & volvit pariter, motúque perenni
Truditur à fluctu posteriore prior.

Sic quos aggredieris , stimulum virtutis , honores ,
 Res tibi , dum vives , plena laboris erunt.
 Excipiet curam nova cura , laborque laborem ,
 Nec minùs exhausto , quod superabit , erit.
 Proxima quæque dies rebus res addet agendas ,
 Et quantum crescent tempora , crescit onus.
 Dimidióque tui cives urbénque fovebis ;
 Dimidio , fidei credita rura tuæ.
 Mille operum causas , seu poscat confita falcem
 Vineæ , seu tellus rastra , colonus habet.
 Sideribus certis plantas & germina sulcis ,
 Sideribus certis semina mandat humo.
 Nunc lolium , tribulósque , & iniquas frugibus herbas
 Eximit , irriguis nunc sata nutrit aquis.
 Terret , & à stabulis arcet furésque , lupósque ,
 Et tenero lætas gramine pascit oves.
 Nec , tibi qui venient , facies erit una laborum ,
 Dum morum vindex , & quod es , esse voles.
 Sed nihil est , quod non vincat labor arduus : illum ,
 Et curas animi dotibus adde tui ,
 Materiémque tuis dignam virtutibus urge :
 Provenient causis omnia digna suis.
 At tu Bruga novo felix Antistite gaude :
 Ille tibi , qualem spes tua finxit , erit.

ELEGIA III.

In opera Theologica postuma LEONARDI
 LESSII è Societate Jesu.

Fortè sepulchralem Lessi Mors viderat urnam :
 Vincimur , aut vinci posse putamur , ait.
 Ipse sibi superest , & adhuc à funere vivit ;
 Nec cinis arbitrio subditur ipsa meo.
 Tam benè qui LEGES , & Jus justissimus ipse
 Noverat , hic potuit jus violare meum ?

Ulciscar,

Ulciscar, faciámque nefas; ne nescia vinci

Dicar ab exanimi victa fuisse manu.

Dixit, & ad LessI chartas cava lumina torquens,

Vindicat has fati lege putátque suas.

Sæpè etiam, Hæc mea sunt, fertur clamasse; sed illis

Injicere obscuras non fuit ausa manus.

Pulveribus tantum, & densâ caligine sepsit;

Pro tumulo, latebras visa probare fuit.

Si lateant, satis est: etiam latuisse, perire est;

Exitus ingeniis pluribus iste fuit.

Tot veterum curæ, quas ætas postera nescit,

Aut putat extinctas, quid nisi luce carent?

Dixerat, & furvos spargens circum undique rores:

Ista tuis, Lethe spargimus, inquit, aquis.

Invida, quid frustra es? malè lux celatur in umbrâ:

Plenum est ingenij luce, quod abdis, opus.

Lux vires à nocte capit, nec clarius umquam,

Plurima quàm circum dum volat umbra, nitet.

Quid nisi nox aperit formosos ætheris ignes?

Tunc Helice cerni, tunc Cynosura potest.

Tunc Ariadneæ spectatur flamma coronæ,

Candida tunc profert Cassiopea caput.

Lux tua, Taure, latet, si nox non evocet illam;

Si non sint tenebræ, lux tua, Virgo latet.

Arcida quis nosset, quis nosset plaustra Bootæ,

Hos nisi nox umbris proderet atra suis?

Pleiades, atq; Hyades, Geminique & Cancer, & Hædus

Nocte patent, noctis munere nomen habent.

Quid tibi vis igitur? quid Mors tibi carca repugnas?

Ista quod à tenebris, hoc quoque sidus habet.

Cui tamen ut speres obscuram offundere noctem,

Nec tua nox, nec spes ista perennis erit.

Non sinat hoc Pietas, non hoc Sapiencia: LessI

Curas illa suas credit, & illa suas.

Divæque victuris dum custos utraque chartis

Affidet, & spoliū temporis esse vetat:

En iterum venit in cathedras, & pulpita doctor,

En iterum post se Lessius ipse venit.

a Mortalésque docet, quæ sint ad gaudia nati;

b Quid cursum dubias dirigat inter aquas.

Quæ vada, quæ syrtes illuc properantibus obstant,

Quæ fragiles illuc pervehat aura rates.

c Quas habeat, quibus in tabulis spes naufragus; & quam

Annonæ nunquam deficientis opem.

Nesciit hæc Stagira sagax, ignaræque tanti

Porticus arcani, totæque Stoa fuit.

Altius hinc trans & nubes, & sidera fertur

Ad solium magni, consiliûmque Dei.

d Et docet, ut nostris similes Deus induat artus,

Naturamque novam, dissimilémque suæ.

e Ut simul extremas rerum excedentia metas

Aptet, & æterno fœdere nectat Amor.

f Cesserit ut morti, quem numquam vita reliquit,

Sèque minor magnus gaudeat esse Deus.

Hæc nos, & nondum genitos arcana nepotes

Non defecturo, ceu prius, ore docet.

Felix, qui præsens hausit spirantis ab ore,

Omnia quæ meritò discere secula volent,

Nos quoque felices, quibus hæc solatia restant;

Quamvis hinc abiit, non tamen omnis abest.

In chartis superest. Hic, Lessi maxime, præsens

Te fruor, hic ego te panè videri puto.

Mensque sibi credit, gaudetque audire loquentem,

Totæque doctoris pendet ab ore sui.

Sic

a De Beatitudine.

b De Affibus Humanis.

c De Sacramentis.

d De Incarnatione.

e Unio Hypostatica.

f Communicatio idiomatum.

Sic oculos intenta suos dum pascit, & aures,
Nescio quid certè sentit adesse tui.
Ignoscant picti vultus, & picta tabellis
Nomina; quod legimus, maior imago tua est,
Quid nisi vox nobis, & verba sonantia desunt?
Pascimur ingenio postera turba tuo.
Sed neque vox deerit: te primus, & ultimus orbis
Audiet, & gemino proxima terra polo;
Et quæcumque ætas signabit euntia fastis
Tempora. Vox operis tanta futura tui est.
At vobis malè sit mala Mors, Noctèsque malignæ,
Quarum hæc invidiâ lux propè rapta fuit.
Quis furor, ô pestes, vos sic armavit in illud,
Quod se posse neget carpere livor, opus?
Quidve virum petitis, cujus virtutibus æther
Annuit, & supplex invocat orbis opem?
Cur non Nestorios, cur non celatis Arios,
Tótque alios scelerum perfidiæque duces?
Opprimite hos tenebris, penitúsque involvite vestris,
Utiliter mundi publica damna latent.
Perdite, quæ populos, orbémque volumina perdunt.
Grande operæ pretium: tutior orbis erit.
Nocte regi debet noctis foedissima proles,
Quam Nox si videat, non ferat esse suam,
Hæ cedro niteant chartæ; situs inquinet illas.
Nam cur inficiant ista venena diem?
Eumenidum thalami, nigræque cubilia Dixis,
Aut Chaos, aut per quæ Cerberus antra jacet.
Aut carcer, cujus Furiae pallentia servant
Limina sunt illis scrinia digna libris,
Quos Tumor, & Fastus, speratæque crimine Fama,
Et mendax peperit Relligionis Amor,
Et Furor, & cæcis implexus fraudibus Error,
Istæque quæ loquitur sæpè per ora, Venus.
Lessius intereà vestris redivivus ab umbris
Clarior, in lucem, post sua fata venit,

ELEGIA IV.

AD FRANCISCUM MONTMORENTIUM

E SOCIETATE JESU.

Cum Idyllia sua ederet.

Heroum Franciscæ genus, cui præmia Virtus
 Illo, quo satus es, sanguine digna dedit;
 Præcipuè tot cum titulos in tædia vertit,
 Et tibi pro titulis omnibus ipsa fuit,
 Quàm iuvat umbrosos tecum conscendere colles,
 Caraque Cælicolis, & tibi, rura sequi?
 Et fontes lustrare sacros, lucosque sonantes
 Divûm carminibus, carminibusque tuis?
 Sed mihi Bethlemî placeant ante omnia valles,
 Et quæ Jessides per loca duxit oves.
 Hîc inter nemora, & gratas pastoribus umbras,
 Cantando tenuit, demeruitque Deum.
 Tantæque majestas calamis, & arundine parvâ,
 Et stipulæ potuit simplicitate capi.
 Hîc dum manè novo stabulis educeret agnas,
 Ipsa simul Pietas manè petebat agros.
 At non sacra pecus loca tangere passus, & olim
 Conscia nascentis tecta futura Dei.
 Quamvis æstus erat, quamvis grex languidus umbras
 Quæreret, & medio frigora grata die,
 Et Bethlæa gregē traheret specus: attamen, Umbram
 Hic captare meæ parcite, dixit, oves.
 Relligiosus inest qui vos hinc arceat horror,
 Rupe sub hac infans vagiet ipse Deus.
 O quoties, parvus caneret dum talia Vates,
 Immemor ardoris substitit omne pecus.
 Sæpè etiam superi puerum cinxisse feruntur,
 Cantusque ad pueri coptinuisse suos.

Parce

Parte aliâ ante pedes Salomoni æterna canenti
Fœdera mirantes procubuerunt feræ.
Impavidæ circum vitulæ, taurique jacebant,
Et lupus attento mixtus, & ursæ gregi.
Fallor? an his etiam in silvis quæsiuit & antris
Sollicito natum cum sene diva Parens?
Et fas hunc, inquit, certis deprendere signis:
Esse aliquem e Superis arguit ipse decor.
Quæ referat violas est vestis, eburnea cervix,
Aurea cæsaries, matris in ore color.
Hæc ibi me. Franciscæ juvet memorare, tuosque
Quamvis dissimili voce referre modos.
Assyriis ô qui modò lucis inferat! ô qui
Me modò Chaldæi sistat ad amnis aquas:
Fusus ubi in musæo Daniel ad flumina, Regem
Ire boves inter vidit, & esse bovem.
Ut videt, ut plorat, dum quâ modò fronte coronâ
Hæc Dominum spectat cornua ferre suum.
Ferreus est lacrymis, si quis non tangitur istis:
Ipso qui fletur plus feritatis habet.
Ferreus est etiam quem non Hebronia Tempe,
Nec Libani valles plus Helicone juvant.
Huc feror: his primùm cælo delapsa Poësis
Montibus erravit, cultaque Diva fuit.
Non petulans oculisve arguens mollibus ignes,
Nec miscens numeris verba pudenda suis.
Qualem Cecropiæ mox prostituistis Athenæ,
Romæque dein mundi, nequitiaque caput.
Sed perlitus formosa, suoque simillima cælo;
Blanda que, sed quamvis blanda, pudica tamen.
Cingebat castam Pudor & Sapientia Divam:
Castus cum telis ad latus ibat Amor.
Variis hæc primis junctas ostendit avenas,
Suggestit numeros, materiemque dedit.
Flaminæque, & silvas cantare, & Numen in illis
Iussit; & Hoc Divum credite, dixit, opus.

Fortunate

Fortunate senex, per te redit illa voluptas
 Séque iterum nasci sæcula prisca vident.
 Illa tuis tota est, cantatque in versibus ætas;
 Tôtque simul Vatum quod fuit, unus habes.
 Unde, precor, tantus vigor est ægróque senique?
 An labor ipse tuis est medicina malis?
 An tibi dilectis venere è montibus herbæ,
 Instaurare annos quæ potuere tuos?
 An potius Dea, quæ primos docuisse Poëtas
 Creditur, has vires ingeniumque facit?
 Sic est: illa tuum cælesti nectare pectus
 Imbuit, & docuit Numine digna loqui.
 Et manibus modo plectra dedit, gracilésq; cicutas,
 Aptaque temporibus laurea ferta tuis:
 Et modò, qui Superos traherent dictavit amores,
 Et modò quæ possent verba domare feras,
 Non finit hæc eadem longos sentire dolores;
 Non finit annorum, non meminisse tui.
 Ergo licet morbique premant, morbósque senectus
 Ipsa gravet nunquam te finet illa mori:
 Nam quemcumq; semel placido Dea lumine vidit,
 (Hei mihi quàm paucis evenit iste favor)
 Ipse sibi superest, vivitque à funere vates,
 Et mors, illius nil nisi corpus habet.

E L E G I A V.

AD FERDINANDUM,

Hispaniarum Infantem s. R. E. Cardinalem.

Cum primum in Belgium veniret.

CHRONICON.

VICIt Iter DVrVM VIRTVS tVA.

ERgo dies venit, quâ te fortissime Princeps,
 Victricésque manus cernere, & ora licet,
 Fortunata

Fortunata dies, Belgarum digna quotannis
Plausibus, & vatum carmine digna coli.
Illa dies nostros inimica per arva timores,
Et Batavum ventis in mare ferre dedit,
Battave, si sapias, tua, dum licet, arma repones,
Et pacem orabis, quâ geris illa manu.
Plus aliquid, moneo, solitisque potentius armis,
Plus aliquid solito jam patiere metu.
Ferdinandus adest: tibi formidabile nomen,
Ni flectas Domino colla superba tuo.
Quid paret ille tibi campo monstravit in illo;
Spes ubi Suecorum, vestraq; fracta jacet,
Scilicet ut timeas, potuit satis esse videri
Durum, quo venit te domiturus iter.
Per mare, per montes, aditûque asperrima saxa
Duxit cum signis agmina tota suis.
Illum & Rhæteæ videre in nubibus Alpes
Tendere, & in summis ponere casta jugis,
Creber ubi in præceps scopulos abrumpit hiatus,
Fluminâque horrendo lapsa fragore sonant;
Quæ nisi pallenti nemo videt ore viator.
Hæc animis ferro cetera facta via est.
Quâ Sueci obstiterant, per densa cadavera venit.
Testis adhuc ingens ossibus albet humus.
Nec mora longa fuit, venientem fulminis instar,
Quem non posse putat Suecus adesse, videt.
Tantâq; nox animi est; hæc sponte laceßere demens,
Quâ perdendus erat, cœpit in arma manum.
Audendi causæ, felix furor hætenus, & spes
Imperij, & Suecæ robora pubis erant.
Dimicat Austriades, & castris exiit hostem,
Omniâque ingenti cæde fugâque replet.
Vicini colles, vicinæ sanguine valles,
Et procul hinc latè sanguine terra rubet.
Battave sic venit, qui, quàm sic vincere, mavult
Parcere, si vinci forsan amore potes.

Sic

Sic venit, monuitque alio te victor in hoste:
Tantâque confecit, dum tibi bella parat.
Ferdinandeï sunt hæc primordia Martis.

Sic juvenis veterum contudit arma ducum
Carole, vósque atavi Reges, magnique Philippi,
Quæcumque æthereæ vos tenet ora plagæ,
Spectate è cœlo, & tanto gaudete nepote,

Qui, quâ venistis, tendit in astra viâ.
At nobis tecum simul omnia gaudia, Princeps,
Ipsa etiam tecum est visa venire salus.

Salve ingens animis, ingens virtutibus Heros,
Sospite quo, sospes Belgica semper erit.

Certa fides: mens hoc sapiens, innatâque stirpi
Austriacæ virtus spondet, & ipse Deus.

Talis Alexander, cum debellare Darium
Cœpit, & Euphratem sub iuga traxit, erat.
Talis erat proavus, cum Rhenum victor & Albim,
Et tenuit Libyci littora capta freri.

O quoties, tibi seu domitas subjeceris urbes,
Seu valido adversas fregeris ense manus,

Jam castris assueta tuis Victoria laurum
Ad sibi dilectum deferet ipsa caput!

O quoties hæc scuta ducum, galeasque comantes
Arria formosâ figet ad alta manu!

Pictâque signa feras, avulsâque rostra carinis,
Hæu nimium velis hætenus ausa suis!

I felix, tuâ quò te virtus, Regie sanguis,
Famâque vincendo jam tibi parta vocat.

His rerum auspiciis maior tibi nascitur ordo,
Non leve principiis talibus omen inest.

Tempus erit, cum te Nereus, amnésque Batavi
Victorem agnoscent, terrâque capta suum.

Seu quicumque alius te per fera bella laceffet,
Exuvias domito semper ab hoste feres.

Eveniet, Martemque, & avitas laude columnas
Excessisse, tui meta laboris erit.

ELEGIA VI.

AD GUILIELMUM DE VVAEL
 è Societate Jesu , per Flandro-Belgicam
 Præpositum Provincialem.

*Cum ab eo monitus esset , ut se litteris
 humanioribus daret.*

Nunc mea sperati veniunt in lintea venti ,
 Pronaque cum ventis adjuvat unda ratem.
 Imperio , Guiljelme , tuo , ad Parnassia Tempe ,
 Quò mea me dudum vota tulere , feror.
 Lætum iter : huc ducent properantem sponte Ca-
 mœnæ ,

Et , mihi qui dictat carmina , castus Amor.
 Nil mihi vobiscum est gens tristis & aspera
 Musis :

Ite procul , vobis invia rura peto.
 Nec tamen argutum mihi sternutavit Apollo ,
 Nec dextrum niveæ vidimus omen avis.
 Tu tantum Guiljelme fave , satis omnis hoc est.
 Si faveas , sternet Cynthius ipse viam.
 Imus , & æternum virides ascendere colles ,
 Et paucis notos stat penetrare specus.
 Nec me detineant , quæ captat præmia vulgus ;
 Altera nec cœptum cura moretur iter.
 Salvete æterni colles : juga vestra subimus.
 O mihi felici sint ea tacta pede.

Hic ego traducam lætos inglorius annos ;
 Hæc mihi sors felix regna , Deusque dedit.
 Si fas est , magni nobis concedite reges ;
 Plus aliquid sceptris hæc mihi regna dabunt.
 Urbibus , & vobis ætas subducet honores :
 Otia quod condent nostra , manebit opus.

Vos

ELEGIA VII.

AD OTHONEM ZYLIUM
 è Societate Jesu.

Cum Silvaducensis Diva miracula evulgaret.

Livor testis erit ; geminas miracula Zyli :
 Scribere sic de se non nisi Diva dedit.
 Seu tibi flamma pia est , molliſque innoxia tactu ,
 Æquora ſuſpenſis ſive moraris aquis ;
 Sive jubes rigidi molleſcere vincula ferri ,
 Seu facis ætatas ſponte patere fores ;
 Seu recreas ſubitis infirmos viribus artus ,
 Prodigiiſ certat pagina quæque ſuis.
 Sic mediâ ventos in tempeſtate coërces ,
 Et placidum invito gurgite ſternis iter.
 O quoties ſua pro tabulis ſunt vota natanti ,
 Cùm ratis inſanis victa dehifcit aquis !
 O quoties pallens coram larrone viator
 Vix , Fer opem Virgo , dicit ; & illa tulit !
 Ducis & interdum ſtriſtos impunè per enſes ,
 Quem circum ſitiens ſanguinis Ira fremit.
 Vidi ego , quòd medio ferrum torpebat in iſtu ,
 Virgineâ vires eripiente manu.
 Sæpè globum vidi , qui fulmine pulveris actus ,
 Pectoris in ſummâ parte pependit iners.
 Quin etiam tenues redeunt in corpora vitæ ,
 Natalémque novum ſæpè cadaver habet.
 Vita licet redeat , tamen hanc mors altera tollet :
 Quam tu das , Zyli , vita perennis erit.
 O nova præteritis miracula jungere felix ,
 Hoc age. Diva tuas dirigit ipſa manus.
 Præceſſere duces , animoſi Lipſius oris ,
 Et Phœbi & Charitum par Puteanus amor.

Nomen

Nomen erit Lipsi, donec Mons stabit Acutus,
 Et rapidis Hallam Senna rigabit aquis.
 Et Puteanus erit, duro dum nomine Collis,
 At non languentum vocibus Asper erit.
 Tu quoque, dum votis, Zyli, tua Diva coletur,
 Doctaque dum vivent scripta, superstes eris.
 Silva dabit meritos, quamvis mœstissima, plausus;
 Heu Silva! heu! nullis flenda satis lacrymis.
 Fas audire fuit, fas & spectare dolentem;
 Sit quoque fas luctus, Silva, referre tuos.
 Dicebas, memini, Prius ô à stirpe revellar,
 Quam vitiet ramos illa Megæra meos.
 Vana precor, sævis victam tenet Hæresis armis,
 Përque meas multo sibilat angue comas.
 Tristior hic sonus est, quam Martius antè tu-
 multus:

Audivi; atque iterum sum mihi visa capi.
 Hæc spiris tenet implicitam: vix libera vox est;
 Libera vix tacito gutta dolore fluit.
 Libertas tamen est, Batavis si creditur. eheu!
 Quanto libertas me premit illa iugo!
 Impia libertas, arctandaque mille catenis,
 Quæ, nisi quæ pereant, non finis ire tuos.
 Unica, te Dominâ, miseris obstructa salutis,
 Et centumgeminæ mortis aperta via est.
 Libera sic non sim, mihi vix captiva videbor.
 Hæresis est luctus causa caputque mei.
 Illa necaturi perfundit tabe veneni
 Ætherio solitas rore madere comas.
 Ergo ego paullatim stygiâ corrumpar ab aurâ:
 Ille mei sensim defluet oris honor.
 Qualiter aut gelidis pallens Aquilonibus hortus,
 Aut vitio cœli deficit ægra seges.
 Pugno quidem contrâ, sed Tempus, ut Hæresis,
 instat,
 Et spoliū de me quilibet annus habet.

Cum-

En iterum venit in cathedras, & pulpita doctor,
En iterum post se Lessius ipse venit.

a Mortalésque docet, quæ sint ad gaudia nati;

b Quid cursum dubias dirigat inter aquas.

Quæ vada, quæ syrtes illuc properantibus obstant,
Quæ fragiles illuc pervehat aura rates.

c Quas habeat, quibus in tabulis spes naufragus; &
quam

Annonæ nunquam deficientis opem.

Nesciit hæc Stagira sagax, ignaræque tanti

Porticus arcani, totæque Stoa fuit.

Altius hinc trans & nubes, & sidera fertur

Ad solium magni, consiliûmque Dei.

d Et docet, ut nostris similes Deus induat artus,

Naturamque novam, dissimilemque suæ.

e Ut simul extremas rerum excedentia metas

Apter, & æterno fœdere nectat Amor.

f Cesserit ut morti, quem numquam vita reliquit,

Sèque minor magnus gaudeat esse Deus.

Hæc nos, & nondum genitos arcana nepotes

Non defecturo, ceu prius, ore docet.

Felix, qui præsens hausit spirantis ab ore,

Omnia quæ meritò discere secla volent,

Nos quoque felices, quibus hæc solatia restant;

Quamvis hinc abiit, non tamen omnis abest.

In chartis superest. Hic, Lessi maxime, præsens

Te fruor, hic ego te panè videre puto.

Mensque sibi credit, gaudetque audire loquentem,

Totæque doctoris pendet ab ore sui.

Sit

a De Beatitudine.

b De Actibus Humanis.

c De Sacramentis.

d De Incarnatione.

e Unio Hypostatica.

f Communicatio idiomatum.

Sic oculos intenta suos dum pascit, & aures,
Nescio quid certè sentit adesse tui.
Ignoscant picti vultus, & picta tabellis
Nomina; quod legimus, maior imago tua est,
Quid nisi vox nobis, & verba sonantia desunt?
Pascimur ingenio postera turba tuo.
Sed neque vox decrit: te primus, & ultimus orbis
Audiet, & gemino proxima terra polo;
Et quæcumque ætas signabit euntia fastis
Tempora. Vox operis tanta futura tui est.
At vobis malè sit mala Mors, Noctèsque malignæ,
Quarum hæc invidiâ lux propè rapta fuit.
Quis furor, ô pestes, vos sic armavit in illud,
Quod se posse neget carpere livor, opus?
Quidve virum petitis, cujus virtutibus æther
Annuit, & supplex invocat orbis opem?
Cur non Nestorios, cur non celatis Arios,
Tótque alios scelerum perfidiæque duces?
Opprimite hostenebris, penitúsque involvite vestris,
Utiliter mundi publica damna latent.
Perdite, quæ populos, orbémque volumina perdunt.
Grande operæ præmium: tutior orbis erit.
Nocte regi debet noctis fœdissima proles,
Quam Nox si videat, non ferat esse suam,
Hæ cedro niteant chartæ; situs inquinet illas.
Nam cur inficiant ista venena diem?
Eumenidum thalami, nigræque cubilia Ditis,
Aut Chaos, aut per quæ Cerberus antra jacet.
Aut carcer, cujus Furia pallentia servant
Limina sunt illis scrinia digna libris,
Quos Tumor, & Fastus, speratæque crimine Fama,
Et mendax peperit Relligionis Amor,
Et Furor, & cæcis implexus fraudibus Error,
Istæque quæ loquitur sæpè per ora, Venus.
Læsius intereà vestris redivivus ab umbris
Clarior, in lucem, post sua fata venit,

ELEGIA IV.

AD FRANCISCUM MONTMORENTIUM

E SOCIETATE JESU.

Cum Idyllia sua ederet.

Heroum Franciscæ genus, cui præmia Virtus
 Illo, quo satus es, sanguine digna dedit;
 Præcipuè tot cum titulos in tædia vertis,
 Et tibi pro titulis omnibus ipsa fuit,
 Quàm iuvat umbrosos tecum conscendere colles,
 Caraque Cælicolis, & tibi, rura sequi?
 Et fontes lustrare sacros, lucosque sonantes
 Divûm carminibus, carminibusque tuis?
 Sed mihi Bethlemî placeant ante omnia valles,
 Et quæ Jessides per loca duxit oves.
 Hic inter nemora, & gratas pastoribus umbras,
 Cantando tenuit, demeruitque Deum.
 Tantæque majestas calamis, & arundine parvâ,
 Et stipulæ potuit simplicitate capi.
 Hic dum manè novo stabulis educeret agnas,
 Ipsa simul Pietas manè petebat agros.
 At non sacra pecus loca tangere passus, & olim
 Conscia nascentis testâ futura Dei.
 Quamvis æstus erat, quamvis grex languidus umbras
 Quæreret, & medio frigora grata die,
 Et Bethlæa gregè traheret specus: attamen, Umbram
 Hic captare inæx parcite, dixit, oves.
 Relligiosus inest qui vos hinc arceat horror,
 Rupe sub hac infans vagiet ipse Deus.
 O quoties, parvus caneret dum talia Vates,
 Immemor ardoris substitit omne pecus.
 Sæpè etiam superi puerum cinxisse feruntur,
 Cantusque ad pueri continuisse suos.

Parre

Darte aliâ ante pedes Salomoni æterna canenti
Fœdera mirantes procubuerunt feræ.
Impavidæ circum vitulæ, taurique jacebant,
Et lupo attento mixtus, & ursæ gregi.
Fallor? an his etiam in silvis quæsiuit & antris
Sollicito natum cum sene Diva Parens?
Et fas hunc, inquit, certis deprendere signis:
Esse aliquem è Superis arguit ipse decor.
Quæ referat violas est vestis, eburnea cervix,
Aurea cæsaries, matris in ore color.
Hæc ibi me Franciscæ juvet memorare, tuosque
Quamvis dissimili voce referre modos.
Assyriis ô qui modò lucis inferat! ô qui
Me modò Chaldæi sistat ad amnis aquas:
Fusus ubi in musco Daniel ad flumina, Regem
Ite boves inter vidit, & esse bovem.
Ut videt, ut plorat, dum quâ modò fronte coronâ
Hæc Dominum spectat cornua ferre suum.
Ferreus est lacrymis, si quis non tangitur istis:
Ipso qui fletur plus feritatis habet.
Ferreus est etiam quem non Hebronia Tempe,
Nec Libani vallis plus Helicone juvant.
Huc feror: his primum cælo delapsa Poësis
Montibus erravit, cultaque Diva fuit.
Non petulans oculisve arguens mollibus ignes,
Nec miscens numeris verba pudenda suis.
Qualem Cecropiæ mox prostituistis Athenæ,
Romæque dein mundi, nequitæque caput.
Sed perlitus formosa, suoque simillima cælo,
Blandaque, sed quamvis blanda, pudica tamen.
Cingebat castam Pudor & Sapientia Divam:
Custus cum telis ad latus ibat Amor.
Variis hæc primis junctas ostendit avenas,
Suggestit numeros, materiæque dedit.
Flaminæque, & silvas cantare, & Numen in illis
Iussit: & Hoc Divum credite, dixit, opus.
Fortunate

Fortunate senex, per te redit illa voluptas
 Séque iterum nasci sæcula prisca vident.
 Illa tuis tota est, cantatque in versibus ætas;
 Tótque simul Vatum quod fuit, unus habes.
 Unde, precor, tantus vigor est ægróque senique?
 An labor ipse tuis est medicína malis?
 An tibi dilectis venere è montibus herbæ,
 Instaurare annos quæ potuere tuos?
 An potius Dea, quæ primos docuisse Poëtas
 Creditur, has vires ingeniumque facit?
 Sic est: illa tuum cælesti nectare pectus
 Imbuit, & docuit Numine digna loqui.
 Et manibus modo plectra dedit, gracilésq; cicutas,
 Aptæque temporibus laurea fecta tuis:
 Et modò, qui Superos traherent dictavit amores,
 Et modò quæ possent verba domare feras,
 Non finit hæc eadem longos sentire dolores;
 Non finit annorum, non meminisse tui.
 Ergo licet morbi que premant, morbosque senectus
 Ipsa gravet nunquam te sinet illa mori.
 Nam quemcumq; semel placido Dea lumine vidit,
 (Hei mihi quàm paucis evenit iste favor)
 Ipse sibi superest, vivitque à funere vates,
 Et mors, illius nil nisi corpus habet.

E L E G I A V.

AD FERDINANDUM,

Hispaniarum Infantem s. R. E. Cardinalem.

Cum primum in Belgium veniret.

C H R O N I C O N.

VICIt Iter DVrVM VItVs tVa.

ERgo dies venit, quâ te fortissime Princeps,
 Victricésque manus cernere, & ora licet,
 Fortunata

Fortunata dies, Belgarum digna quotannis
Plausibus, & vatum carmine digna coli.
Illa dies nostros inimica per arva timores,
Et Batavum ventis in mare ferre dedit,
Battave, si sapias, tua, dum licet, arma repones,
Et pacem orabis, quâ geris illa manu.
Plus aliquid, moneo, solitisque potentius armis,
Plus aliquid solito jam patiere metu.
Ferdinandus adest: tibi formidabile nomen,
Ni flectas Domino colla superba tuo.
Quid paret ille tibi campo monstravit in illo,
Spes ubi Suecorum, vestraque fracta jacet,
Scilicet ut timeas, potuit satis esse videri
Durum, quo venit te domiturus iter.
Per mare, per montes, adituque asperrima saxa
Duxit cum signis agmina tota suis.
Illum & Rhætæ videre in nubibus Alpes
Tendere, & in summis ponere casta jugis,
Creber ubi in præceps scopulos abrumpit hiatus,
Fluminæque horrendo lapsa fragore sonant;
Quæ nisi pallenti nemo videt ore viator.
Hæc animis ferro cetera facta via est.
Quâ Sueci obstiterant, per densa cadavera venit.
Testis adhuc ingens ossibus albet humus.
Nec mora longa fuit, venientem fulminis instar,
Quem non posse putat Suecus adesse, videt.
Tantâque nox animi est; hæc sponte laceffere demes,
Quâ perdendus erat, cœpit in arma manum.
Audendi causæ, felix furor hætenus, & spes.
Imperij, & Suecæ robora pubis erant.
Dimicat Austriades, & castris exiit hostem,
Omniâque ingenti cæde fugâque replet.
Vicini colles, vicinæ sanguine valles,
Et procul hinc latè sanguine terra rubet.
Battave sic venit, qui, quàm sic vincere, mavult
Parcere, si vinci forsan amore potes.

Sic

Sic venit, monuitque alio te victor in hoste:

Tantâque confecit, dum tibi bella parat.
Ferdinandei sunt hæc primordia Martis.

Sic juvenis veterum contudit arma ducum
Carole, vósque atavi Reges, magnique Philippi,
Quæcumque æthereæ vos tenet ora plagæ,
Spectate è cœlo, & tanto gaudete nepote,

Qui, quâ venistis, tendit in astra viâ.
At nobis tecum simul omnia gaudia, Princeps,
Ipsa etiam tecum est visa venire salus.

Salve ingens animis, ingens virtutibus Heros,
Sospite quo, sospes Belgica semper erit.

Certa fides: mens hoc sapiens, innatâque stirpi
Austriacæ virtus spondet, & ipse Deus.

Talis Alexander, cum debellare Darium
Cœpit, & Euphratem sub juga traxit, erat.
Talis erat proavus, cum Rhenum victor & Albim,
Et tenuit Libyci littora capta freti.

O quoties, tibi seu domitas subjeceris urbes,
Seu valido adversas fregeris ense manus,
Jam castris assueta tuis Victoria laurum
Ad sibi dilectum deferet ipsa caput!

O quoties hæc scuta ducum, galeæque comantes
Arria formosâ figet ad alta manu!
Pictâque signa feras, avulsâque rostra carinis,
Heu nimium velis hæcenus ausa suis!

I felix, tuâ quò te virtus, Regie sanguis,
Famâque vincendo jam tibi parta vocat.

His rerum auspiciis maior tibi nascitur ordo,
Non leve principiis talibus omen inest.

Tempus erit, cum te Nereus, annésque Batavi
Victorem agnoscent, terrâque capta suum.

Seu quicumque alius te per fera bella laceffet,
Exuvias domito semper ab hoste feres.

Eveniet, Martemque, & avitas laude columnas
Excessisse, tui meta laboris erit.

ELEGIA VI.

AD GUILIELMUM DE VVAEL
 è Societate Jesu , per Flandro-Belgicam
 Præpositum Provincialem.

*Cùm ab eo monitus esset , ut se litteris
 humanioribus daret.*

Nunc mea sperati veniunt in lintea venti ,
 Pronaque cum ventis adjuvat unda ratem.
 Imperio , Guilielme , tuo , ad Parnassia Tempe ,
 Quò mea me dudum vota tulere , feror.
 Lætum iter : huc ducent properantem sponte Ca-
 mœnæ ,

Et , mihi qui dictat carmina , castus Amor.
 Nil mihi vobiscum est gens tristis & aspera
 Musis :

Ite procul , vobis invia rura peto.
 Nec tamen argutum mihi sternutavit Apollo ,
 Nec dextrum niveæ vidimus omen avis.
 Tu tantum Guilielme fave , satis omnis hoc est.
 Si faveas , sternet Cynthius ipse viam.
 Imus , & æternùm virides ascendere colles ,
 Et paucis notos stat penetrare specus.
 Nec me detineant , quæ captat præmia vulgus ;
 Altera nec cœptum cura moretur iter.
 Salvete æterni colles : juga vestra subimus.
 O mihi felici sint cuncta pede.

Hic ego traducam lætos inglorius annos ;
 Hæc mihi sors felix regna , Deusque dedit.
 Si fas est , magni nobis concedite reges ;
 Plus aliquid sceptris hæc mihi regna dabunt.
 Urbibus , & vobis ætas subducet honores :
 Oria quod condent nostra , manebit opus.

Vos

Vos agitant curæ ; vos spēque , metūque fatigant
Numquam securâ sceptrâ tenenda manu.

At mihi non acies , non insidiabitur hostis ,
Nec lateris pejor perfidus hoste comes.

Latus ego lauros inter , fontēsque perennes ,
Tempora sinceræ plena quietis agam.

Non tamen ut possitis cupiam torpescere curis ,
Otiāque ignavus desidiosa sequi.

Si nescis , magnos mandas Guilielme labores.

Sed leve fit , si , quod fertur , amatur onus.

Si non extremos propero pius exul ad Indos ,

Nec rate gemmiferi per freta curro maris :

Nec me facundæ commendat gratia linguæ ,

Nec rapitur dictis turba , favētque meis :

At mihi Pierides de lauro pulpita condent ,

In quibus oranti vox mihi carmen erit.

Hinc ego trans pelagus , trans uestos audiar Indos ,

Clausāque barbaricis Sinica regna minis.

Audiar , Oceanus quamvis obmurmuret ingens ,

Quamvis tam procul hinc illa recessit humus.

Invia carminibus nulla est via : claustra revellam

Sinica , & invadam quo licet illa pede.

Et faciam , ut medios Japon eat omnis in ignes ,

Et tener affuescat velle flagrare puer.

Et prunas teneræ , ceu florum ferta , puellæ

Virgineis pergant implicuisse comis.

Sanctus Amor , tantis qui fortiùs ignibus urit ,

Has vires nobis , ingeniūque dabit.

Hic mihi succinctus pharetrâ dictabit & arcu

Verba tyrannorum non cohibenda minis.

Nec minùs intereā patriæ vivam utilis : ingens ,

Quodlibet ad munus , carmina pondus ha-
bent.

Dicam ego , quàm pauper medio sit avarus in
auro :

Quantæ paupertas , quæ benè fertur , opes.

Dicam

Dicam etiam facibus, quibus hinc Venus urit amantes,

Accendi aternos in Phlegetonte rogos :

Et quibus una fuit Baccho indulgere voluptas,
Tantaleo fervens quàm sit in amne sitis.

Quàmque miser, vulgi quem fecit fama beatum;
Quàm felix, quisquis sustinet esse miser.

Vos quoque lascivi gens pernicioſa, poëtae,
Non tangent tenerae, me prohibente, manus.

Eheu! carminibus vix est, qui præbeat aurem.
Turba, pii vates, frustra operosa sumus.

Nempe nihil carmen, nil prodest carminis auctor.
Quisque animi dotes utilitare probat.

Dicimur ignavi, levibusque insistere curis:

Hæc labor infelix præmia noster habet.

Quis me non culpat? quis non mihi, Desine, dicit,
Mèque reum stultæ sedulitatis agit?

Confiteor, non his possum durare ferendis.

Ingenium frangunt talia verba meum.

Sed neque sustineo doctas odisse sorores,

Ah! nimium morbo blandior ipse meo.

Nec pudor est, animi vitium, labemque fateri,
Stultitiæque modum non posuisse meæ.

Tu quoque, cui mentes curis stimulantibus ægras
Pandimus, & medicas scis adhibere manus,

Si nostrum, Guilielme, velis sanare furorem,
Deprecer: usque adeò, quod nocet, æger amo.

Perge faces potius, flammisque adjungere flamas.
Me magis hic morbus, quàm medicina juvat.

Vicinus ô Musæ: venientem admittite vatem:
Guilielmus votis annuit ecce meis.

Hic faver, hoc satis est. Populi vesana valete
Murmura: Guilielmo judice tutus ero.

ELEGIA VII.

AD OTHONEM ZYLIUM
è Societate Jesu.

Cùm Silvaducensis Diva miracula evulgaret.

Livor testis erit ; geminas miracula Zyli :
Scribere sic de se non nisi Diva dedit.
Seu tibi flamma pia est , mollique innoxia tactu ,
Æquora suspensis sive moraris aquis ;
Sive jubes rigidi mollescere vincula ferri ,
Seu facis æratas sponte patere fores ;
Seu recreas subitis infirmos viribus artus ,
Prodigiis certat pagina quæque suis.
Sic mediâ ventos in tempestate coërces ,
Et placidum invito gurgite sternis iter.
O quoties sua pro tabulis sunt vota natanti ,
Cùm ratis insanis victa dehiscit aquis !
O quoties pallens coram larrone viator
Vix , Fer opem Virgo , dicit ; & illa tulit !
Ducis & interdum strictos impunè per enses ,
Quem circum sitiens sanguinis Ira fremit.
Vidi ego , quòd medio ferrum torpebat in ictu ,
Virginèâ vires eripiente manu.
Sæpè globum vidi , qui fulmine pulveris actus ,
Pectoris in summâ parte pependit iners.
Quin etiam tenues redeunt in corpora vitæ ,
Natalémque novum sæpè cadaver habet.
Vita licet redeat , tamen hanc mors altera tollet :
Quam tu das , Zyli , vita perennis erit.
O nova præteritis miracula jungere felix ,
Hoc age. Diva tuas dirigit ipsa manus.
Præcessere duces , animosi Lipsius oris ,
Et Phœbi & Charitum par Puteanus amor.

Nomen

Nomen erit Lipsi, donec Mons stabit Acutus,
 Et rapidis Hallam Senna rigabit aquis.
 Et Puteanus erit, duro dum nomine Collis,
 At non languentium vocibus Asper erit.
 Tu quoque, dum votis, Zyli, tua Diva coletur,
 Doctaque dum vivent scripta, superstes eris.
 Silva dabit meritos, quamvis mœstissima, plausus;
 Heu Silva! heu! nullis flenda satis lacrymis.
 Fas audire fuit, fas & spectare dolentem;
 Sit quoque fas luctus, Silva, referre tuos.
 Dicebas, memini, Prius ô à stirpe revellar,
 Quàm vitiet ramos illa Megæra meos.
 Vana precor, sævis victam tenet Hæresis armis,
 Pérque meas multo sibilat angue comas.
 Tristior hic sonus est, quàm Martius antè tu-
 multus:
 Audivi; atque iterum sum mihi visa capi.
 Hæc spiris tenet implicitam: vix libera vox est;
 Libera vix tacito gutta dolore fluit.
 Libertas tamen est, Batavis si creditur. eheu!
 Quanto libertas me premit illa jugo!
 Impia libertas, arctandaque mille catenis,
 Quæ, nisi quæ pereant, non finis ire tuos.
 Unica, te Dominâ, miseris obstructa salutis,
 Et centumgeminæ mortis aperta via est.
 Libera sic non sum, mihi vix captiva videbor.
 Hæresis est luctus causa caputque mei.
 Illa necaturi perfundit tabe veneni
 Ætherio solitas rore madere comas.
 Ergò ego paullatim stygiâ corrumpar ab aurâ:
 Ille mei sensim defluet oris honor.
 Qualiter aut gelidis pallens Aquilonibus hortus,
 Aut vitio cœli deficit ægra seges.
 Pugno quidem contrâ, sed Tempus, ut Hæresis,
 instat,
 Et spoliū de me quilibet annus habet.

Cum-

Cúmque alios sanet Tempus, minuátque dolores,

Nostra quod augebit vulnere, Tempus erit.

Ah! potiùs ferro victor me perde, vel igni:

Sic mihi, si nescis, lenior hostis eris.

Non flebo in cineres verti, bustúmque meorum,

Dummodò sit pretium cladis, avita Fides.

Hoc mihi contingat: reddent hæc funera vitam,

Æternósque rogos obruet ille cinis.

At nunc, ô utinam! (miseris ignoscite votis)

Quàm quod sum, potiùs campus & herba forem!

Vos flentùm præcibus faciles subscribere Divi

Hoc date, si mereor clade minore premi.

Erige Silva animos. Spes nunquam in Virgine
nulla est;

Spes falli auguriis non solet illa suis.

Respice quo soleat succurrere tempore Virgo;

Hoc tibi spem, quamvis flebile, tempus alet.

Cùm jacuit nullâ medici curabilis arte,

Tunc exoravit Virginis æger opem.

Quique sacrâ pictas suspendit in æde procellas

Navita servatus, naufragus antè fuit.

Vinculorum immunes, an onustos pondere ferri,

Laxavit tacitâ jussa catena serâ?

Virgo quibus gelidos animam revocavit in artus,

Nónne priùs cassum lumine funus erant?

Denique vota tuam toties orantia Divam

Pro deploratis scis valuisse malis.

Et tu spem retine, quamvis pessumdata, quamvis

Mœrens captivas Dommela volvat aquas.

Et quantum opprimeris, tantum sperare me-
mento:

Crede mihi, Superos spes animosa capit.

Si capit, hoc satis est: tunc invia nulla saluti

Mœnia, nec vastæ stagna paludis erunt.

En tibi quò major surgat fiducia, Virgo

Per duo vix notam sæcula monstrat opem.

Aspi-

Aspicias ut puro veniat pulcherrima cultu,
 Si sinerétque tuus, tota serena, dolor?
 Aspicias augustæ quàm blanda modestia formæ?
 Quàm spiret roseis gratia viva genis?
 Maternos animos oculis vultúque fatetur,
 Nec facie mentem dissimulante venit.
 Et venit in tenebras numquam reditura priores:
 Históriæ, Zyli, lux erit illa tuæ.

ELEGIA VIII.

AD BELGICAM.

*Cum Marchio Aytone Militiam Regiam
 cœpit administrare.*

Belgica pone metus, quamvis à cladibus ingens
 Urit adhuc vulnus, Belgica poné metus.
 Non tonat assiduè, nec semper fulminat æther;
 Nec gravis æternâ grandine sævit hiems
 Nec semper fors dura premit: mutabilis illa est
 Cladibus à magnis prospera sæpè venit.
 Prospera nunc certè veniet, versóque favore
 Destituet quos est fraude coacta sequi.
 Proditio nullâ satis evitabilis arte,
 Cúmque illâ finem luctus & angor habent.
 Liber & asserto curret jam flumine Mosa,
 Et lætus Batavis volvet ademptus aquas.
 Ipse etiam invitus quæ fert modò vincula Rhenus,
 Franget, & excusso curret, ut antè, jugo.
 Ibitis erectis ô magni cornibus amnes,
 Nos animis; túque ô Isula noster eris.
 Battave succumbes: populi gaudete subacti,
 Oppidáque indignis non benè capta dolis.
 Fraudibus afflicta repetet Victoria partes:
 Stabant pro signis causa Deusque suis.
 Hæc ego vaticinor; nec me prælagia fallent:
 Signa Deus tanto plena favore dedit.

Nos

Nos Moncada regit. Moncadâ præfide rerum,
Placatum Belgis credimus esse Deum.

ELEGIA IX.

AD JOANNEM TOLLENARIUM

E SOCIETATE JEBU.

*Cum Ecclesiasten solutâ ligatâque oratione
dilucidatum ederet.*

Sic est: decipimur. Quodcumque videmus, inane est,

Et speciem somni prætereuntis habet.

Decipimur: vanum sine re sunt omnia nomen;

Quæ petit excepto Numine, noster amor.

Quisquis opes propter titulôsq; à plebe beatus

Diceris, & te, quod diceris, esse putas:

Dic ubi nunc trabes, & sellæ, quæque ordine longo

Tot reges trepidâ sceptrâ tulere manu,

Auratæque trabes, & centum nixa columnis

Atria, & innumero limina trita pede?

Quid superest de tot celebratis urbibus olim,

Dêque tot imperiis? fama fuisse refert.

Carthago cinis est: sunt collis & herba Mycenæ:

Has tellus; illas æquor & unda regit.

Quid Pandionix jam sunt, nisi nomen, Athenæ?

Deme Poëtarum carmina, Troia quid est?

Plurimâque ingeniis opibûsq; valentia quondam

Oppida, montanis nunc habitata feris,

Quorum cum totis periit quoque fama ruinis,

Quid modò sunt, quàm tunc, cum viguere, minùs?

Nunc ubi tot quondam laudatæ carmine formæ;

Quò decor, & niveo fugit ab ore color?

At, puto, quas vates sapienter amare putamur,

Sunt aliquid Phocis, Pieridesque Dæ.

Musæ

Musæ, noster amor, veniam date vera fatenti,
Quid vestrum est aliud, quàm levis aura decus?
Ut, quotquot vates, totidem faciatis Homeros,
Quid mutos cineres gloria vestra juvat?
Tu quoque Socraticis sapientia tradita chartis,
Quæque hortos jactas porticus alta tuos:
Famæque, quæ nomen spondes, laurósque perennes,
Præmia quæ, si quæ, digna labore datis?
Ut benè vincatis discentium vota, quid illa,
Humanæ mentes, quo satientur, habent?
Nec mandasse juvat victuris nomina chartis:
Nomina cum chartis sunt peritura suis.
Sub magno nihil est quod lōgum durer Olympo:
Protinus, ut cœpit quidlibet esse, perit.
Quæ vitæ prima est, eadem quoque mortis origo:
Vix leve discrimen casus & ortus habent.
Omnia deficiunt, volucrîque simillima somno
Nos capiunt specie, decipiuntque suâ.
Ceu vapor in tenues Aquilo quem dissipat auras,
Aut citharæ quem dat pectine tacta, sonus.
Num minùs hæc larvæ mendax fugientis imago
Ludibriis verset pectora nostra suis?
Pro rebus stolidi speciem captamus & umbram,
Nec piget elusâ semper hiare siti.
Qualis qui mediis semper deceptus in undis
A refugo semper flumine sperat aquas.
Pinxerat, ut fama est, teneras cum frondibus uvas
Zeuxis, & ars ipsas decipiebat aves.
Sed tamen, ut rostro perstrinxit quæque rabellam,
Errorem sensit deposuitque suum.
Nec rediit cupidis ad eandem protinus alis:
Fallere non potuit plus semel ille color.
At nos elusos eadem tamen usque voluptas
Ludit, & insanâ credulitate tenet.
Non captat nebulas, nec inanes cerva vapores,
Ut levet urentem pectus & ora sitim.

Nec bos irriguo pro gramine ruminat auras :

Flore nec in picto mel sibi quærit apis.

At nos auferimur rerum mendacibus umbris,

Turbâque mortales læta vapore fumus.

Qui Cererem cæsâ violavit in arbore , pœnam

Fertur inexpletam sustinuisse famem.

Pressus adhuc somno corpus mulcente jacebat,

Appositâsque sibi somniat esse dapes.

Orâque vana movet, dentémque in dente fatigat,

Et vano fallit guttur & ora cibo.

Nos fumo vigiles, vigiles nos pascimur aurâ,

Et magis hæc nobis, quàm bona vera placent.

O faveant Superi tibi, cui mortalia tantam

Pectora stultitiam dedocuisse labor.

Primus in hoc sacros agitavit pulvere currus

Edoctus Salomon usibus ipse suis.

Illius ô felix i per vestigia vates :

Non est vox Musæ vana futura tuæ.

Illa, ubicumque canet, cælestiâque ora movebit,

Proderit, & positi causa furoris erit.

Audiat hanc dives, fiet de divite pauper :

Audiat hanc pauper, sat mihi, dicet, opum est.

Audiat hanc animi tumidus , tumor ille residet,

Et subitò fastus, altâque verba cadent.

Illius monitis gemmæ spernentur, & aurum,

Et quidquid toties sanguine vulgus emit.

Vivat, & æternum tam felix Musa supersit,

Ceterâque ut pereant, nesciat illa mori.

Irrita non voveo : nullo non tempore viver,

Victurique eadem tempora vatis erunt.

Omnia vastantis legem non sentiet ævi,

Materiæ nec erit more caduca suæ.

Auguror, & fiet : fulvis quandoque coronis

Regales Siren exuet illa comas.

Sæpè tuos arcus infringet, sæpè sagittas,

Obruet illa tuas sæpè, Cupido, faces,

ELEGIARUM LIB. II.

58

In lacrymas vinum, longa in jejunia luxum
 Verter, & obscœnos in pia vota sonos.
 Nec minùs evincet, claræ quoque murmura famæ,
 Ut sæclis mancant omnibus, esse nihil.
 Certè ego qui stulto tituli tangebar amore,
 Credebámque aliquid, quas sequor, esse Deas,
 Ut legi tua scripta, Pater, mea protinus odi,
 Et me damnavi, judiciúmque meum.
 Iratúsque mihi: Cœptorum desine, dixi:
 Quod fugit, & fallit, quis sapienter amat?
 Et jam dissidium à Musis benè ferre videbar:
 Cura nec illarum, nec rediisset amor.
 Exemplo tamen ipse tuo mea sacra resumpsi,
 Et, tua quo currunt æquore, vela dedi.
 Plus aliquid spectas, quàm vatum vulgus, inane
 Quos juvat à scriptis nomen habere suis.
 Ipse Deus sola est studiorum causa tuorum:
 Meta tuis hæc est una petita rotis.
 Hoc habeat votum nostri quoque summa laboris:
 Tendere sic rerum nos per inane juvet.
 Ipse Deus nostri pretium est, si causa, laboris:
 O tanto felix auspice quod sit opus!
 Hic modus: hæc nostro signetur semita curru,
 Irrita pars talis nulla laboris erit.

ELEGIA X.

AD FRANCISCUM VIVERIUM
 Medicum Gandavensem.

*Cum jussu Senatus ederet Opus medicum, quod
 inscribitur, Antidotarium Gandavense.*

Quas vires Natura, quibúsque inseverit herbis,
 Tempore laus omni maxima scire fuit.
 Hac ope, dum vixit, Prisco Podalirius ævo,
 Eripuit certæ corpora sæpè neci.

C 2

Cui

Cui non Phillyridæ, doctique Machaonis artes,
 Cui non Pæoniæ gratia nota manus?
 Miscuerant succos: æger bibit: haud mora: venis
 Causa mali, languor corpore pulsus erat.
 Quid tamen ex illis, nisi nomen inutile restat,
 Famæque, quæ miseros, nil habet, unde levet?
 Artis erit, Franciscæ, tuæ felicior usus,
 Vivere, quæ multis, post tua fata dabit.
 Tradita sic chartis nostros pervenit in annos
 Utilis ars Coi, Pergamæique senis.
 Ars facit, ut valeant homines, non fama medentium:
 Atte mali semen, tollitur arte malum.
 Tempus ad hoc multis vitæ novæ causa fuisti,
 Auxiliis multi convaluere tuis.
 Nec tua se tenuit patriis industria muris:
 Non illam, quamvis maxima, Ganda capit,
 Finitimas etiam latè se fudit in oras,
 Et paribus visa est passibus ire Salus.
 Atque utinam rivis fons ille perennibus iret,
 Currentesque nihil sistere posset aquas!
 Irrita sed voveo: scatebris arentibus undæ,
 Tàmque salutare deficietis aquæ.
 Corporis iste vigor seris tardabitur annis,
 Nec poteris longas semper inire vias.
 Paullatim vires, & te tibi subtrahit ætas,
 Morsque gradu strepitum non faciente venit.
 Ah! cur hæc sacris non est medicabilis herbis?
 Cur tantum terris invidet illa bonum?
 Quid queror, aut timeo? docta tibi mēte reperta est
 Quâ mortem fallas, effugiâsque, via.
 Quæque tuas artes, & opem poscentibus adsis,
 Nec careant usu sæcula sera tuo.
 Quæ vis Pæoniis, & quanta potentia succis,
 Et quæ temperies, scribere cura tibi est.
 Hoc petit ut facias, pars cuius es, ipse Senatus;
 Utque petat, censet muneris esse sui,

Gaudet

Gaudet amans populi populo prodesse Senatus :
 Exigere illa tuam cura coëgit opem.
 Exigit hanc, quæ te tangit quoque publica cura,
 Et pius est patriæ consuluisse labor.
 Tu Gaudæ, præter nomen famamque, relinques,
 Per quod te nunquam Gauda carebit, opus.
 Tunc quoque cum vivis te mors exemerit, & cum
 Funebri exuvias clauferit urna tuas,
 Sæpè tuâ vires æger sperabit ab arte,
 Sæpè tuâ sumet pocula mista manu.
 Posteritas omnis sic te præsentem fruetur,
 Auxiliis nunquam destituenda tuis.
 Mors spoliū de te nullum, nisi corpus, habebit,
 Civibus hoc tantum subtrahet illa tuis
 Quos meliore tui nunquam non parte juvabis :
 Jamque cinis, multis causa salutis eris.
 Plus ita quàm Pæon, plusquàm cū fratre Machaon,
 Quorum nil, præter nomen, habemus, ages.
 Laude tuâ semper famaque superstiti vives,
 Nec velut hi, sterili nomine clarus cris.
 Proderis infirmis, ægrisque medebere donec
 Humanum medicâ corpus egebit ope.
 Nec finet, immensū quam nunc transmittis in ævū
 Victricem lethi, te Medicina mori.

ELEGIA XI.

ANTONIO ENGRAND.

Monasterij S. Petri in Monte Blandinio
 juxta Gandavum Abbati.

*Cum annua premia juventuti studiosa So-
 cietatis Jesu Gandavi donaret.*

A Onij montes, celebratæque vatibus antra
 Quid nisi, nominibus sunt modò nota suis ?

C 4 Non

Non illic Musæ, non illic Phœbus, ut olim,
 Per virides lucos, & juga sacra canunt.
 Non Helicon, rigidas quod possit ducere quercus,
 Non vada Permessi, quo teneantur, habent.
 Deserti lagent colles & flumina: Musis
 'Barbarus expulsis omnia victor habet.
 Quid faciat? mœstus per terras errat Appollo,
 Et stabilem toto quærit in orbe locum.
 Dúmque vagus fertur, dum lustrat Belgica Tempe,
 Constitit ad ripas, advena Scaldi, tuas.
 Blandinióque videns placitos in monte recessus:
 Sit modus hic, sedes hæc mihi, dixit, erit.
 Mons sacer, & montis dominus placuere: volentem
 Me tenet hic, atque hic: dulcis uterque mora est.
 Phocidos hîc gratas sensim obliviscimur umbras,
 Parnassique jugum, Castalióque lacus.
 Hoc meritum est, Engrande, tuum: me figere sedem
 Quòd juvet hîc, plus tu quàm locus ipse, facis.
 In pretio tibi sum: tu me, comitêsque benigno
 Excipis hospitio: tu mea sacra foves.
 Auspice te virtus studio certaminis ardet,
 Et per te pretium dulce laboris habet.
 Quod licet, & possum, reddam pro munere munus,
 Et nostris opibus, carmine gratus ero.
 Dixit, & impellens citharam, dominúmque, lo-
 cúmque.
 Extulit, & vivax nomen utrique dedit.

ELEGIA XII.

AD JACOBUM VVALLIUM

E SOCIETATE JESU.

Vt Poëmata sua in lucem edat.

Fos & amor vatùm, quo Cynthius ipse canente,
 Et veniunt faciles ex Helicone Deæ,
 Quando

Quando erit, ut magnis addat te fama poetis,
 A tota dignum posteritate legi?
 Serta quidem laurosque tibi properamus amici:
 Munera privati sunt tamen ista laris.
 Immensum tua Musa, nec arctius orbe theatrum
 Exigit: hoc spatium laudis habere potes.
 Quis tibi non canit hæc, & miscet plausibus iras?
 Illa tibi irasci me quoque causa jubet.
 Quod potes, hoc igitur tantum te posse sciemus?
 Solaque spes de te votaque semper erunt?
 Utilis interea, meliorque elabitur ætas.
 Cessatum satis est: quò vocat ira, sequar.
 Nec mihi vindictæ est, quam non vereare facultas.
 Musarum causa est: & Deus ora mover.
 Nec tibi, si causâ victus vincaris & armis,
 Turpe puta culpæ penitusse tuæ.
 Invidiam, & lauros, & nomen, & omnia vatum
 Præmia Pierides jam meruere tuæ.
 Sive gravi nixus canis arma virósque cothurno;
 Armis digna virum verba cothurnus habet.
 Seu Lariam tentas Venusinâ barbiton arte;
 Proveniunt Latia carmina digna lyrâ.
 Seu cantes elegos: Quo, dicat, Apolline Naso
 Implevit numeros iste poeta meos:
 Seu Deus increpuit thyrsos graviores furem,
 Nil vulgare sonas: omnia pondus habent.
 Sermo fuit purus, priscoque simillimus auro,
 Et quem Roma vetus non neget esse suum.
 Pars operis quæcumque tui, quæcumque legetur
 Pagina, me verum dicere testis erit.
 Curarum interea pretium tibi vile tuarum est,
 Si te nil aliud, quam labor ipse juvat.
 Admonui quoties, Debes tua carmina famæ:
 Fama tuum expectat non patienter opus.
 Sic ego. sed mihi tu, Musisque monentibus aures
 Obstruis, & paucos poscere carmen ais.

Quid culpam extenuas? non excusabilis illa est.

Quæ labor est meritis præmia ferre, ferat.

Quis, nisi mentis inops, ipsis jam dives ab Indis

Dum redit, advectas in mare mittat opes?

Numquid Erythræo quas legit littore conchas?

Rursus Erythræo littore condit Arabs?

Quid tibi, quid Superis obstas, tantumque recusas?

Quantum optare soles, nec tua vota capis?

Ergo terra tuum cum corpore nomen habebit?

Et qui te tumulus, tam bona scripta teget?

Sit tibi mens melior, nec postera nesciat ætas,

Nec tua, te priscis vatibus esse parem.

Marmora Lyseus, vivosque imitantia vultus

Non tulit in cæco signa latere specu.

Nec Venerem Cous, postquam pinxisset Appelles,

Passus in obscuro delituisse loco est.

Tu tua scripta premes? potioraque marmore & ære

Ingenij perdes tot monumenta tui?

Si furor antiquis placuisset vatibus idem,

Quid Maro, quid Flaccus, quid modò Naso foret?

Hæc eadem magno si mens venisset Homero,

Quis vatum Aoniis ora rigasset aquis?

Finibus exiguis virtus, & inertia distant,

Obruta si virtus semper, ut illa, latet.

Si Calamis nocti tantum tenebrisque laboret,

Exactos Calamis quid mihi jactet equos?

Illa Syracosij toties laudata Myronis

Bucula, quæ domino, quæ sibi fama fuit:

Plus propè, quàm domino, luci debere fatetur;

Hæc vitam, hæc famam contulit, ille manum.

Ille dedit saxo vitam, lucemque mereri:

Quod vivat, quod adhuc nota sit, illa dedit.

At tibi, si lateas, quid proderit esse poetam?

Si renuis laurum, quid meruisse juvat?

Quid dubitas, nimiumque times tua credere famæ.

Carmina: nil illis cura quod addat habet.

Aude,

Aude, quid trepidas? en cum lauróque tuábque
 Fama tuas pridem constitit ante fores.
 Hoc aude versare tuos in pulvere currus:
 Ne dubita, vinctes: palma parata tibi est.
 Sæpè aliquis laurósque comis, ederásque precatur,
 Imploratque omnes, sollicitátque Deas,
 Nec veniunt edera, nec circum tempora lauri,
 Nec misero Phæbus, pieridésque favent.
 At, tibi quos vivo promittit Fama triumphos,
 Paucis post cineres vatibus æqua dedit.
 Ipsa tibi defert Pindi de vertice laurum,
 Setráque temporibus Calliopea tuis.
 Ecce tibi assurgit Phœbi chorus omnis, & orat
 Ut te respicias, &, quod es, esse velis.
 Sarmaticas horrens Nasonis spiritus umbras
 Dum fugit, & nostram lustrat & ambit humum,
 Repperit heredem, dominóque avóque superstes
 Incidit ingenio, magne poëta, tuo.
 Hunc tu; quem nec hiems Scythiæ, nec Cæsaris ira
 Perdidit, hunc in te non superesse fines?
 Hoc tu si facies, tum te de marmore dicam
 Excisum è Scythicis pectus habere jugis.
 Hoc tu si facies, siam de supplice vindex.
 Cornua jam sumpsi: dum licet illa cave.
 Indice me (neque enim nomen culpámque tacebo
 Nec mea cum paucis juncta querela venit)
 Indice me, donec vates, ederaque vigeant,
 Dicêris populi publicus ore reus.
 Cedis? an obduras? nec te mea vota, nec iræ,
 Nec te Parnassi numina magna movent?
 Jam feror in pugnam: neque me reverentia verter,
 Aut pudor, aut tanti causa furoris amor.
 Nec vani assultus, nec erunt sine viribus iræ:
 Pierides nobis, & dolor arma dabunt.
 Trans ego Pyrenem, trans altas audiar Alpes,
 Vena mihi felix sit modò, parque tuæ.

58 SIDRONII HOSSCHII
Solis ab occasu mea vox pertinget ad ortum ,
Nec te posteritas nesciet esse reum.
Sed, puto, flecteris : si falles , pagina testis
Hæc maneat culpæ tempus in omne tuæ.

ELEGIA XIII.

AD FRANCISCUM GANDAVILLANUM
Episcopum Tornacensem
inauguratum.

Augustum , Franciscæ , caput submitte tiaræ ,
Sume pedum sacræ Pontificale manu :
Non titulis, domûque tuæ data, maxime Præsul ,
Munera , sed meritis , iudice Rege , tuis.
Digna quidem fastis semper gessere parentes ,
Et Regem obsequiis demeruerè suis.
Incorrupta fides, nullisque infracta procellis ,
Gloria Villanæ est, rarâque fama domus.
Illa , fidem Belgæ magno violante tumultu ,
In tanto rerum turbine , firma stetit.
Hanc neque promissis convellere turba rebellis ,
Nec prece , nec pretio , nec potuere minis.
Parte sui magnâ sospes se Belgica vobis
Debet , & hoc gaudens , gratâque sæpè refert.
Quid memore innumeræ, victorum præmia, lauros,
Majores toties quas meruere tui ?
Hic acie vicit , muris hic depulit hostes ;
Ille suo moriens sanguine tinxit humum.
Perstitit ille , suâque enses in casside fractos,
Rettulit , & centum pervia scuta locis.
Immanem ille, & adhuc stillantem cæde bipennem
Atria victrici fixit ad alta manu :
Exuviasque ducum, currusque, hastasque cruentas,
Bellica virtutis pulchrâque signa suæ.
Est igitur, quo nunc frueris, tua , maxime Præsul,
Et majore etiam digna favore domus.

Sed

Sed genus, & proavos, & quæ non feceris ipse,
 Ceu tua vix essent, pæne aliena putas.
 Pars minor est in laude tua laus tanta tuorum,
 Multum illis debes, plus tamen ipse tibi.
 Quod Latias olim virtus tua transiit Alpes,
 Quod te mirata est Martia Roma, tuum est.
 Illic certantem quod te stupuere Lycaæ,
 Doctæque prominentem pectoris arma, tuum est.
 Et veteres olim, mandato Regis, honores,
 Et jam ferre novos, & meruisse, tuum est.
 Progenies, seriisque ducum, laudatæque Regum
 Gloria principiis talibus orta venit.
 Ah! valeat, quisquis ceras nil præter avorum,
 Magnæque nil præter nomina, laudis habet.
 Qui tantum famæ, titulisque incumbit avitis,
 Heu, quantum generi detrahit ille suo!
 Demite virtutem, quæ nobilitatis origo est,
 Jam Cossi, & Decii quid nisi vulgus erunt?
 Demite virtutem, totum mors tollet Achillem.
 Ignotum Æneas nomen, & Hector erunt.
 At tibi (quæ laus est vera, & pulcherrima) semper
 Virtutem generi jungere cura fuit.
 Inde tibi venit sapientia Præsule digna,
 Ménsque capax tantæ sumere molis onus.
 Quid, quod in hoc scandis Leopolda vindice
 culmen?
 O quanto tua se gloria teste probat!
 Quid tua non poterit tanto sub nomine virtus?
 Sit, precor, auspiciis non minor illa suis.
 Nec tamen hic gradus est in tanto summus ho-
 nore;
 Est hoc ferre decus, quàm meruisse, minus.
 Sic auges noménque tuum, noménque tuorum:
 Sic veræ fructum nobilitatis habes.
 Illa via est, quâ tu, quâ gens Villana potestis
 Crescere; tu gentis laudibus, illa tuis.

ELEGIA XIV.

AD MARCHIONEM AYTONÆ.

Cum hosti Mosam eripuit.

Militiam quisquis spatios metiris & annis,
 Falleris : ingenii est illa capaxis opus.
 Scilicet ars belli solo non discitur usu :

Qui valet ingenio , protinus arte valet.
 Lucullus belli fulmen , celeberrimæque inter
 Nomina , quos habuit Martia Roma , ducum ,
 Antè licet nullis umquam versatus in armis ,
 Ingenio miles duxque repentè fuit ;
 Et Ponti Regem , Europæque Asiæque potentem ,
 Cui dederat victas Græcia tota manus ,
 Indomitumque & adhuc Romanâ cæde cruentum
 Vicit , & amissas Roma recepit opes.
 Ingenium felix nobis quoque vincit ; & à se ,
 Quidquid vix aliis contulit usus , habet.
 Hoc duce quod metuas , numquam tibi Battave
 deerit ,

Cumque tuo crescent gaudia nostra metu.
 Hic vir , hic est nostræ mora depulsorque ruinæ ,
 Cui patria acceptum non periisse refert :
 Non periisse parum est : etiam victricia signa
 Fixit in hostili fixæque servat humo.
 Ille Mosam , te nequidquam obsistente , recepit ;
 Cumque Mosâ , quæ nunc oppida capta forent ,
 Grande rudimentum primis quod præstitit armis ,
 Quod dux optaret quilibet esse suum.
 Si licet è factis res divinare futuras ,
 Battave triste tibi Mars tuus omen habet.
 Mars sequitur plerumque duces : dux maxima
 belli

Alea , dux in se publica vota gerit.

A.

At tu, perpetuos cui jam decrevit honores
 Inter laurigeros bellica fama duces;
 Sic gere, quem, Moncada, tibi Rex addit, honorem,
 Ut titulos æques Marte togæque tuos.
 Successum, quidquid conabere, semper habebit:
 Hanc tua spes virtus major honore facit.

ELEGIA XV.

AD IOANNEM HAEFFNECKERUM
 è Societate Jesu,

Serenif. LEOPOLDI Ecclesiasten.

Cum è Belgio in Germaniam revocaretur.

ERGÒ dividuat juncti modò? quique doloris
 Supremus gradus est, non rediturus abis?
 Et vox alloquitur mæstos extrema sódales,
 Unumque ingeminat illa diserta Vale?
 Me miserum! quàm nulla diu sibi gaudia constât?
 Quàm facilè in ventos dissipat illa dolor!
 Quid tenuisse viam per tanta pericula prodest,
 Tam citò si nobis eripiendus eras?
 Pænè erat optandum, nobis ne cognirus esses.
 Non est ignotis pœna carere bonis.
 Quæ te causa tamen nostris avellit ab oris,
 Et longas iterùm cogit inire vias?
 Scilicet intellecta parùm facundia Belgis
 Non habet hîc opibus digna theatra suis.
 Austria te revocat, te Belgas illa reposcit,
 Te velut injectâ vindicat illa manu.
 Illa cupit pendere iterùm dicentis ab ore,
 Et pasci verbis instituîque tuis.
 Austria quid spoliis exultas improba nostris?
 Spésque tuas nostro lata dolore foves?

Hoc

Hoc etiam cupidè pendet Leopoldus ab ore ,
 Hæc quoque vox illum suadâque docta tener.
 Quem petis, hic petiit : studiis certetur utrimque ;
 Fortior hic quamvis pluribus unus erit.
 Fortior ah populis unus quoque pluribus esset ,
 Si non præferret publica vota suis.
 Avelli patitur sua te solatia Princeps ,
 Dâtque pius victas utilitate manus.
 Hæffneckere vale : tua te facundia nobis
 Eripit , & , quo te gens tua poscit , amor.
 Nec tamen eripiet : comes indivisus euntem
 Per juga , per silvas , per loca vasta sequar.
 Tecum iter ingredior. Jam Rhenum flumen , &
 Istrum ,
 Jam video turres , magna Vienna tuas.
 Culmina jam Divûm video , jam Cæsaris arces :
 Mœnia jam tango quo licet illa pede.
 Jam procûl abstractum patriis Germania Belgis
 Me tenet , & civem non negat esse suum.
 Fas erit hîc notas audire & reddere voces :
 Multa loquar præsens hîc tibi , túque mihi.
 Hîc lætos semperque alacres mihi cernere vultus,
 Hîc mihi facundo fas erit ore frui.
 Quos benè junxit amor, nec separat ultima tellus,
 Nec circumfusus , quâ patet , æquor aquis.

ELEGIA XVI.

AD MATREM MISERICORDIÆ.

*Pro valetudine ALOYSII LAVVENBACH
 è Societate Jesu.*

DIva , tibi cari tandem miserere poetæ :
 Hîc tua consumptâ poscitur arte manus.
 Altera jam silvas revocatis frondibus æstas
 Vestit , & silvas altera nudat hyems ,
 Cum

Cùm jacet, & vitio tabescit pectoris æger :

Nec modus est tanti nec medicina mali.

Aspicias, ut macies vultum depascat & artus ?

Vividus ut toto fugerit ore color ?

Quid super ex illo ? pro corpore, corporis umbra est,

Membræque vix, animâ jam fugiente, trahit.

Nil miserum lætæque herbæ, succique potentes,

Nil patrii cæli, nil juvat auramaris.

Nec quibus & socii, nec nos, quibus utimur, artes.

(Nam medicum fecit me quoque vatis omor)

Deficit, & pariter spes deficit ipsa medentum.

En agendum vati, Diva, medere tuo.

Fer bona mater opem : multos servabis in uno.

Tu vati, ille aliis causa salutis erit.

Dum tibi depulsis augetur gloria morbis,

Accedat titulis sospes & ille tuis.

Te facilem sibi senserunt tot millia matrem ;

Nec tamen in laudes turba diserta tuas.

Hic oculos, lucemque tibi debere fatetur :

Quamque videt lucem, tam tua dona vider.

Carceris ille fores à te sibi narrat apertas,

Donaque fert illâ, quâ modò vincla, manu.

Hic loquitur, cui posse loqui natura negarat ;

Ipsaque se memorat vox opus esse tuum.

Quis tamen ex illis tradit miracula famæ ?

Victuro certè carmine nemo canit.

Te meus hic vates, modò des in carmina vires,

Carmine, quod tempus vivet in omne, canet.

Quod modò tabe perit, venâ tunc divite felix,

Inque tuas laudes fertile pectus erit.

Tunc neque jam labens, nec postera nesciet ætas

Te vati medicas applicuisse manus.

Omniâque agnoscent, quod par sibi sæcula semper

Mirabuntur opus, muneris esse tui.

Sed

Sed tamen hoc minus est, quàm quòd te respiciet
unam,

Et toties aras volvitur ante tuas.

Nos quoque (si quid id est) & flentes vatis amici,
Ut puto, grata tibi turba, precamur idem.

Nam veneror, seu te desertum in monte sacellum,
Seu vetus annoso cortice quercus habet.

Hoc orant alii tua circum altaria fusi,

Et multos lacrymas non retinere puto.

At mihi jam toto dolor hic non deficit anno.

Exercet somnos hæc quoque cura meos.

Quid tamen hæc prosunt cum tot suspiria votis?

Num minus infesto carpitur ille malo?

Quid rear? an de te, quasi non succurrere possis,

Omnia cum possis, me dubitare putem?

Diva, velis tantum; satis est voluisse: resurget.

Scimus, Diva, tuas omnia posse manus.

Hoc ego si dubitem, tunc in me languor ab illo

Transeat, & quidquid non tulit, ipse feram.

Et, quo pœna mihi, nec vulnus acerbius esset,

Æger, & ut nunc est, sit miser ille diu.

Fer bona mater opem. Nam posse, & velle me-
deri

Fixa docent aris plurima signa tuis.

Ipsæ etiam titulus, tua quo signatur imago,

Exorare tuam pœnè videtur opem.

Mater, non tua sunt, ut cætera pectora matrum:

Omnia sint unum, plus tua matris habent.

Adsis ô mater, nec nominis immemor hujus,

Servandi partem spem mihi tolle mei.

Vivat, si meruit, cui de te scribere semper

Mens fuit, & per te si modò vivat, erit.

O cœli decus, ô magni spes publica mundi,

O de te genito numine digna parens:

Per lacerum nati pectus, lacerataque spinis

Tempora, per fixum cuspidis ære latus;

Pérque tuum toties in nati pectore læsum:

Nam tua, quæ nati vulnera, semper erant:
Annue sollicitis rerum mitissima votis:

Annue, nec vatem despice, Diva, tuum.
Sic tibi non desint memores pendere tabellæ:

Sic in fera tuus sæcula cultus eat:
Sic tibi votivis niteant altaria flammis:

Sic niteant altis aurea dona tholis:
Sic cum tot populis videas & regibus orbem

Ante tuos humilem procubuisse pedes.
Fallimur? an subito facies in imagine visa est

Blandior, & gemitu tangitur illa meo?
Auguror: eveniet votorum summa meorum:

Accipies pronâ supplicis aure preces.
Qualia tunc, & quot pro salvo munera vate,

Quos tibi tunc flores, quot tibi ferta feram!
Hunc ego ritè diem memori pietate quotannis

Prosequar, & lætus per tua templa colam,
Natalémque meum sollemni more vocabo.

Tam mihi, tam vati candida surge dies.

ELEGIA XVII.

S. ANDREÆ IN CRUCEM AMOR.

Flebat, & exceptum gremio mœstissima Mater
Spectabat Nati corpus inane sui,

Et stabat feralis adhuc, multoque rubebat
Sanguine crux alto conspicienda jugo.

Vidit, & eliso percussis aëre pennis
Protinus in summo stipite sedit Amor.

Exiit hic humero pharetram, selectaque prom-
psit;

Et tinxit Domini sanguine tela sui.
Quæ fuerant aurata prius, jam tela rubebant:
Aurum sanguineus texerat omne color.

Aspi-

Aspicit has , tractâtque manu , versâtque sagittas ,

Miratûrque suum teliger ales opus.

Nec mora : quas habeant in saucia pectora vires ,

Vulnera quæ faciant , experiamur , ait.

Protinus exarsit , quicumque est tactus ab illis ,

Nec potuit flammâ dissimulare suas.

Ex illo pharetræ non cessavere , nec arcus ;

Nullâque non pueri certa sagitta fuit.

Gaudet , & instat Amor : crescit successibus usus :

Telâque cùm jecit plurima , plura jacit.

Viderat Andream montis juga sacra petentem

Supplicio Domini facta cruenta sui :

Lunavitque suos arcus , missâque sagittâ ,

Quæ locus hic poscit vulnera , dixit , habe.

Tactus erat : serpunt flammæ : trajectory perurit ,

Quo sua tela puer tinxerat , ossa cruor.

Nec mora : summa jugi celer in fastigia fertur :

Et pietas vires , & novus addit amor.

Illic in mediâ supplex procumbit arenâ ,

Multâque cum lacrymis oscula figit humo.

Et modò dum crucis est Dominique in imagine totus :

Crux , ait , ô vitæ sit quoque meta meæ. .

Et modò pro Domino Domini vestigia tangit ,

Impressas tamquam servet arena notas.

Hic stetit : hic jacuit : succos hic hausit amaros :

Sanguinis hæc guttas forsan arena bibit.

Hic tremuit nudus , figendâque brachia clavis

Præbuit : hoc stabat crux veneranda loco.

Talibus atque aliis dulcem nutribat amorem ,

Materiem flammis sufficiente loco.

Hinc crux in votis , crux illi semper in ore est ,

Et penitus totâ mente recepta sedet.

Hanc amat , hanc optat , solâ suspirat in illa :

Illius hanc animo nôxque diésque refert.

Sapè

Sapè videns altam procero vertice quercum :

O utinam de te crux mihi fiat , ait !

Interdum tereti circumdat brachia trunco ,

Visâque crux illi , quod tenet , esse fuit :

Mixtâque blanditiis suspiria pectore fundens

Humectat lacrymis robora pressa suis.

Denique quidquid agit , quoquo vestigia vertit ,

Non aliud votum pectus amantis alit.

Riphæi montes , & Achaica littora testes ,

Quæque procul Scythico terra sub axe-jacet.

Quo spes cumque vocat , per dura per aspera re-
rum

Circumfert Domini signa verenda sui.

Stat crux in templis : stat erux sublimis in aris :

Crux stat in aëriis conspicienda jugis.

Non tulit Impietas tot templa erecta , tot aras ,

Sacrâque tam multis fixa trophæa locis.

Captus erat : capto , Tua desere signa , tyrannus ,

Aut tua supplicium crux tibi , dixit , erit.

Quid facis ? ignarus cupidum solaris amantem :

Quod tu supplicium , spem vocat ille suam.

Si nescis , genus hoc pœnæ pro-munere poscit.

Ut doleat , mortem , quodque minare , nega.

Crux illi regnis , crux vitâ carior ipsâ est :

Hanc benè tormentis & nece credit emi.

Andreas fruitur votis : cruce pendet in altâ ,

Estque voluptati qui necat ipse dolor.

I felix , & te dignum molire triumphum :

Jam sperata erucis præmia victor habes.

Felix qui meruit , quâ tu , quoque cuspide figi ,

Et Domino similis , quâ licet , esse suo.

Hoc mihi contingat : nihil est quod poscimus ul-
trâ :

Hac ego , dum vivam , cuspide læsus eam.

ELEGIA XVIII.

A D S O M N U M .

SOmne , quies animi , curarum , Somne , levamen ,

Et primus placidos inter habende Deos :
Seu prope Cimmerios tua te tenet aula jacentem ,

Seu legis in tenerâ molle papaver humo :
Seu geminas aperis valvas , habiturâque mittis
Somnia , seu mittis non habitura fidem :

Huc ades , & tacitis allabens leniter alis ,
Nostra soporiferâ lumina tange manu .

Decubui : sed enim multo jam tempore noctis
Sum vigil , & lasso corpore : Somne veni .

Eia age Somne veni : nec enim tibi causa morandi est :

Si qua foret , certè conscius ipse forem .

Nam neque , quas colimus , Terror circumvolat
ædes ,

Nec sedet ante fores anxia Cura meas . (ster.

Nec tibi trux Boreas , nec turbidus obstrepit Au-
Æolius claustrum carcer utrumque tenet .

Nec canis ad limen , nec sub trabe garrula Progne :
Garrula jam Progne , jam tacuere canes .

Nunc etiam nox alta favet , nunc humidus ær ,
Lunâque somniferis humida rorat aquis .

Vicinis tantum foliis immurmurat aura ,
Et rivus tremulæ lenè susurrat aquæ .

Somne veni : cristata cadet tibi cæsa volucris :
Spargentur pennæ lacte meroque tuæ .

Ipse feram tenerum placitâ tibi nocte papaver ,
Unde tuis nectam festa gerenda comis .

Ipse tibi laudes , votivâque carmina solvam ;
Tu modò ne desis laudibus ipse tuis .

Tu

Tu reparas vires, reddisq; laboribus aptas :
Tu sistis lacrymas, ægrâq; corda levas.
Quod neque divitiæ possunt conferre, nec aurum,
Quod nec honor titulis omnibus, ipse potes.
Tu curas circum regalia sceptrâ volantes,
Et procûl invisos cogis abesse metus.
Tu favas acies totâ cum viribus irâ
Exuis, & meliùs quolibet hoste domas.
Quâque venis, secura quies comitatur euntem :
Illa est grata tuæ causâ, comêsque viæ.
Illa (nec invideo) per te tot millia mulcet :
Cur non sum de tot millibus unus ego ?
An, quia fortunata patent tibi limina regum,
Te pudet in parvâ pauperis esse domo ?
Sapè tamen magni subiere mapalia Divi :
Te certè tennes constat amare casâs.
A tibi dilectis quid te, precor, ædibus arcet ?
Et tua cur sine te tempora noctis eunt ?
Suspice ; dum cœlo labentia signa videbis,
Ut properem, dicès, quò vocor, illa monent.
Jam sua declinat verso temone Bootes
Plaustra : tuas tardus vincet an ille moras ?
Fallimur ? an cecinit ? non fallimur : audio : rursus
Vicinæ cecinit nuntia lucis avis.
Ut puto, lux instat : quid adhuc ô lente moraris ?
Jam tua prætereunt tempora : Somne veni.
Nil ago : blanditias, & non tibi debita verba
Perdimus, ô tenebris turpior ipse tuis.
Somne niger, nigro cui pectus concolor ori ;
Ferree, nec mites inter habende Deos.
Noxia, Somne, quies, jacturâque maxima vitæ :
Hæc, hæc sunt meritis nomina digna tuis.
Nec te commendat generis, nec gloria rerum :
Nec tibi inajestas, nec decor ullus inest.
Quæ peperit Furias, quæque Umbras nocte volantes,
Dicitur hæc eadem te peperisse parens.

Eume

Eumenidum frater, metucndâque mortis imago,
Sis procul, & longè lumina nostra fuge.

Corpora quæ sternis, quid sunt nisi funera? spirant;
Hoc unum vitæ, cætera mortis habent.

Mors vires, mentemque adimit. Quis mente,
quis ore,

Quisve manu promptus, te veniente, fuit?
Corporibus dulcem vitæ subducere sensum
Et necis, & somni est semper inertis opus.

Sæpè etiam somnus cæpit, quod finxerat, esse:
Morsque fuit, species quæ modò mortis erat.

Somnus in æternam centum Argi lumina noctem
Clausit, & immerito sanguine sparsit humum.

Spes Priami Rhesus causâ non occidit unâ:
Prodirus à somno, cæsus ab hoste fuit.

Quid referam Danaï generos, in vulnera quorum
Somnus femineas impulit ipse manus?

Somnus amat fraudes: somno fraus usa ministro
Exitio populos, regnâque tota dedit.

Trojæ, quæ decimo benè se defenderat anno,
Eversæ titulum quis nisi somnus habet?

Tène ego tam sævum, & toties laudare nocentem,
Et potui magnis annumerare Diis? (per

Cujus ope, ut perimant, ad inermia corpora sem-
Inveniunt faciles ensis & hasta vias.

Hæcine sunt, quæ pectoribus tu munera condis?
Hoccine, quam præfers, perfide, pacis opus?

An mentes ideò nostras curâque, metuque,
Ad sua ne vigilant damna, sceleste, levas?

Jurgia crescebant, graviorâque verba parabam:
Et satis irarum, nec minus oris erat.

Hoc metuit, credo. Venit sopor, orâque pressit,
Atque imperceptâ lumina nostra manu.



ELEGIARUM

LIBER TERTIUS.

ELEGIA I.

Elegia Casta.



Tat vetus, & multâ densissimus ar-
bore lucus :

Undique Phœbeas submovet um-
bra faces.

In medio fugiens trepidat per gramina rivus,
Et similis fonti labitur usque suo.

Prisca loco numen finxisset inesse vetustas :

Certè illum Musis fama placere putat.

Hic ego, nescio quas, solabar carmine curas :

In manibus vates unus, & alter erant.

Dignum erat æternâ lauro, quodcumque legebam
Argutus candor, sermo pudicus erat.

Hei mihi, cur non sunt, velut hæc, quoque cæ-
tera, dixi,

Carmina? cur quædam crimen amoris habent?

At, si casta forent, quid erat divinius illis?

Non finit hæc vates causa placere mihi.

In quibus utilitas levior solet esse periculo :

Tot mala, tot casti damna pudoris habent.

Hæc

Hæc ego dum mecum lacrymis indignor obortis ,
 Inque leves auras verba querentis eunt :
 Venit inæquali mœrens Elegcïa passu :
 Ingenui facies plena pudoris erat.
 Squalibat vestis ritu concissa dolentis :
 Squaliebant fusæ mœsta per ora comæ.
 Serta, sed invitam velabant myrtea frontem :
 Plus quoque, quàm veller, crinis odoratus erat.
 Bis conata loqui, pudibunda bis ora repressit :
 Ausa iterùm , causæ prospiciensque suæ :
 Quod potes ó , dixit , vates succurre dolenti ,
 Si modò sim curæ pars ego parva tuæ.
 Scis, puto, quid doceam : non diræ crimina cædis,
 Non lacrymas nobis funus , & urna movent.
 Nec qui tot populos modò Mars collidit, & urbes;
 Quamvis , ut populis , sic mihi sæpè nocet.
 Cernis , ut invisam Cythereïa munera myrtum
 Sustineam castis , non mea ferta , comis ?
 Turpis Amor numerisque meis , & versibus usus
 Hos miseram cultus semper habere jubet.
 Sim licet , & maneam , credi vetat ille pudicam ,
 Dum mea , quâ Veneris tempora , fronde tēgit.
 Sed tamen indicium myrtus leve criminis esset :
 Nequitia faciunt mollia verba ream.
 Qualiscumque, animi sermo benè creditur index :
 Certior obsceno vix tamen esse solet.
 Seu quia, quod peccant, stulti venerantur amantes :
 Seu quia lascivo fugit ab ore pudor.
 Eheu, quàm magno mihi Cynthia sæpè rubori est !
 Ut lædat , per me Cynthia forma potens.
 Nec minùs hac fallax , & adhuc versuta Corinna,
 Nec tantùm domini prima ruina sui :
 Deliâque, & Nemesis, mihique invidiosa Neæra ,
 Plurâque criminibus nomina clara suis :
 Ars quoque , quæ vatem malè me feliciter usum
 Perdidit , heu ! plures perdidit illud opus.
Felices

ELEGIARUM LIBER III. 73

Felices , Scythici si tantum frigora Ponti ,
 Nec gravior miseris poena laenda foret.
 Quid referam, quoties fuerim perjura, datamque
 In numeris tantum iussa tenere fidem ?
 O quoties foribus castis convivia feci ,
 Quae sparsae lacrymis permadueret meis !
 O quoties populus pendentem vidit in illis ,
 A quo me puduit praetereunte legi !
 Saepe Venus comitem , comitem me saepe Cupido ,
 Saepe etiam lenam fecit uterque suam.
 Saepe aliquis juvenum, quem non Venus ipsa mo-
 veret ,
 Me legit , & lecto carmine laesus abit.
 Senferat has in me vires vaser esse Cupido ,
 Nec mora : pro telis haec mihi , dixit , erit.
 Sapius ex illo per terras errat inermis
 Tempore ; sed numeros tunc gerit ille meos.
 Si qua fides , centum non expugnata sagittis
 Pectora, blanditiis victa fuere meis.
 Ergo ego plus valeo, quam saeva Cupidinis arma ?
 Ergo ego sum pejus, quam Venus ipsa, malum !
 O utinam potius periissem , & carmina mecum ,
 Hac ego si virgo labe notanda fui !
 Ars bona ; sed postquam furor hanc violavit a-
 mantum ,
 Exitium multis illa , mihi quoque fuit.
 O si me potius fecisset flamma favillam !
 Quantum texisset criminis ille cinis !
 Dii facerent saltem , si totam perdere nolint ,
 Possem , quam non sum parte pudica, mori.
 Non ego nequitiae cuiquam suspecta venirem ,
 Nec toties, ut nunc , dicerer esse nocens.
 Nec , quibus , ut castam , solis placuisse decebat ,
 Vitarent aliquid pectora casta mei.
 Tunc ego Pierias inter pulcherrima nymphas ,
 Irem virginis fama decusque chori.

Nunc neque me miserâ luctus, nec vita relinquet ;
Quæque dolet, numquam, nec dolor ipse cadet.
Per mea nempe leves numquam morientur Amores
Carmina : vivaces gratia nostra facit.
At tu , non leviter mea quem suspiria tangunt ,
Nec siccis audis tot mala nostra genis :
Quid tantum tacito miserari pectore flentem ,
Nec relevas luctus , quâ potes , arte meos ?
Quæ mihi me reddant, non sunt Medeïdes herbæ,
Nec de Thessalicis gramina lecta jugis :
Nec quæ vicinas traducant earmina fruges ;
Sed mea : quæ vacuus dictat amore pudor.
Quâ sum læsa , meâ quoque sum curabilis arte.
Quiddam habuit fati Pelias hasta mei.
Tu qui , quæ toties nobis lascivia miscet ,
Carminis odisti crimina , carmen amas ,
Scribe precor : casti mea sunt medicina libelli.
Quid trepidus vires consulis usque tuas ?
Aspice tot vates prius hoc feliciter ausos ,
Par quibus , aut multo non minor esse potes.
Si non ingenio , si non æquaveris arte ,
Quos priscais meritò vatibus æquat honor ;
Quæ potes , hæc saltem nobis solatia præbe ,
Carmina : quæ salvo quisque pudore legat.
Sic tibi Pierides faveant , & labe carentem
Concedant famam , dissimilémque meæ.
Sic te , quod mecum Divos & Numina poscis ,
Exemplis superent postera sæcla tuis.
Desierat dixi : Quos tu, nos odimus ignes :
Paremus jussis , Diva pudica , tuis.
Aut fuit , aut visa est promissis lætior istis :
Ora minùs certè mœsta dolentis erant.
Sit rara nostra fides, Roseis pudor advolet alis :
Hoc duce præscriptum Musa teramus iter.

ELEGIA II.

Supplicium Cupidinis.

SAUCIUS Idaliâ flebat sub valle Cupido :
 Et suberat lacrymis altera causa pudor.
 Victorem toties victum cessisse pudebat ,
 Et pulsum turpi terga dedisse fugæ.
 Livebant artus : stillabant sanguine venæ :
 Immani lacerum vulnere pectus erat.
 Flebat , & , ut læsos sensim dolor acrius urit ,
 Jam patiens pœnæ vix erat ipse suæ.
 Fortè Venns niveos curru jungebat olores ,
 Addebátque avibus mollia frena suis.
 Dum vehitur , medio cursu lamenta dolentis
 Audit , & huc niveas pallida flectit aves.
 Ut stetit , & toto laniatum corpore natum ,
 Et madidam circum sanguine vidit humum ;
 Excidit ipsa sibi , lapsâque è vertice myrto
 Linquitur : attonitæ vóxque colorque fugiit.
 Sic Nioben aëros inter natâsque peremptas
 Marmoreo perhibent diriguisse gelu.
 Sic in pisce sedens animos & frena remisit
 Auditâ nati pallida cæde Theris.
 Hæc Veneris facies , hæc ipsa dolentis imago ;
 Te quoque dum lacerum vidit Adoni , fuit.
 Lumibibus puerum tacitis & vulnera spectat ,
 Quotque videt , totidem faucia mente gerit.
 Nervi pænè patent , & parvi corporis ossa :
 Nullâque pars plagis , nulla dolore vacat.
 Armâque , de Superis spoliū quæ sæpè tulerunt ,
 Viceruntque Jovem fulmina , fracta jacent ,
 Spicula cum facibus , pharetræque , & lampas , &
 arcus ;
 Et pariter domini sparsa cruore madent.

Convulsæ quoque sunt, & rorant sanguine pennæ,
Hæc erat ex illo forma relicta Deo.

At Venus, ut potuit lacrymis diffundere luctum,
Et sua sustinuit prodere signa dolor,
Unguibus ora secat, laniâtque insana capillos,
Et trepidâ tundit pectora sæpè manu.
Plorantemque amplexa, comâsque in sanguine
vertens,

Et lacrymis spargens saucia membra suis:
Me miseram! quis, ait, sic in te sæviit hostis?
Aut quibus hæc telis vulnera facta putem?
Non licet hoc Superis: Superi sensere quid esses,
Cum toties telis succubuere tuis.
Nec lupa sic in te potuit sævire, nec ursa,
Nec, mihi qui carum stravit Adonin, aper;
Nec lea, nec tigris, nec vipera plena veneno:
Mansuescit flammis hæc quoque turba tuis.
Sævior ille feris, divîsque potentior ipsis,
In te qui potuit tam ferus esse, fuit.
Esse hominẽ credârne, aliquã de matre creatum?
Non, non humani est pectoris ille furor.
Æthna neque è scopulis, neque Caucasus edidit
illum:

Ingenio saxis asperiore fuit.
Nec fortasse tuis quisquis fuit ille sagittis
Saucius, in meritò pectore vulnus habet.
Forsitàn & lacrymas nostras irridet & iras.
Heu quanto est pœnis dignior ille tuis!
Sic Venus: at lacrymas miscēs cum sanguine natus,
Non mea cessarunt spicula, mater, ait.
Quondam aliis; at nunc domino nocuere sagittæ:
Primâque tam magni causa fuere mali.
Infelix illas alieno fortè vibrabam
Sanguine tingendas, & rubuere meo. [loris:
Mens fugit admonitu, parsque est meminisse do-
Sed ramen exponam dedecus ipse meum.

Est

Est locus Elysiis par aut formosior hortis ,
 De quo tu verbis concipe plura meis.
 Innumeros summittit humus viridissima flores ,
 Præcipuè niveos : eminet ille color.
 Quos inter trepidat crystallo purior humor ,
 Quem gracili labens murmure rivus agit.
 Ille vagus quidquid felicibus alluit undis
 Vestit odoratis & sine labe rosis.
 Forma loci superat flores , quos innubæ laurus
 Cingit , & æternis undique palma comis.
 Nascitur hîc Zephyrus , campumque repentibus
 auris ,
 Et liquido mixtis nectare mulcet aquis.
 Sed nusquam myrti , nusquam cum vite racemi.
 Gens odio , nobis quidquid amatur , habet.
 Virginitasque , pudôrque colunt loca. Vulgus
 amantum
 Exulat , & flammæ conscia turba meæ.
 Nemo quid sit Hymen , quid sint connubia curat:
 Omnibus est odio , ceu grave crimen , amor.
 Pars flores inserta legunt : pars carmina dicunt ,
 Qualia gens nostri non canit ulla chori.
 Non UMBER, non NASO tuus, non ipse TIBULLUS :
 Fama licet nihil his dulcius esse putet.
 Quilibet ex illis nec te , pulcherrima mater ,
 Respicit, aut curat , nostra nec arma timet.
 Dant animos illis scuticæ, setæque rigentes,
 Et labor, & longâ pallida membra fame.
 Pars quoque numinibus faciunt convitia nostris :
 Pars vocat impuros , pars negat esse Deos.
 Fabula dicor ego , & vanum sine corpore nomen :
 Tu pelagi spumis vanior esse Dea.
 Nec mora, commotus dictis, pharetrâque solutâ
 Quàm grave sit , dixi , discite numen Amor.
 Lunavique arcum , selectâque spicula misi ,
 Plus quibus occulti nulla furoris habent.

Jupiter his tactus se dissimularet in auro ,
 Rursus & ad Spartes recta volaret olor.
 Quas ego selegi , nulli nocuere sagittæ :
 Credibili populus durior ille fuit.
 Quid facerem ? pudor est nil proficientia tela
 Perdere ; sed victum major abire pudor.
 Hei mihi ! cur majora meis sum viribus ausus ?
 Cur ego tam præceps in mea damna fui ?
 Omina cur sprevi ? nam non fore prospera nobis
 Prælia , funestæ voce monebar avis.
 Quisquis bella parat , validumque insurgit in ho-
 stem ,
 Si sapiat , vires consulat antè suas.
 Omina nec spernat, seu vox seu penna minentur :
 Magna fides avibus : vaticinantur aves.
 Ex humeris pharetram , & fegnem suspendimus
 arcum ,
 Ardentésque novo sumpsimus igne faces.
 Et feror in medios , & , quæ tulit impetus iram ,
 Tentavi flammis saxea corda meis.
 Senferunt (quis enim nostros non sentiat ignes ?)
 Leniter ardores ire sub ossa meos.
 Atque aliquis subitam luctando extinguere flam-
 mam
 Dum parat , hostili corripit arma manu.
 Méque tenet , sociósque vocat , Captúsque te-
 netur ,
 Hæc loca qui nobis invidet hostis , ait.
 Dixerat: extemplo circum affluit undique, & in me
 Comparat armatas gens inimica manus.
 Quid facerem puer, & tam multos unus in hostes ?
 Quidve animo nobis tunc superasse putas ?
 Populæ veluti frondes , quibus ingruit Auster ,
 Aut ut canna, Noti quam ferit aura , tremat :
 Sic ego pœnarum pallens horrore tremebam ,
 Lampadas è digitis executiente metu.

Nec .

ELEGIARUM LIBER III. 79

Nec mora : pars stimulis, pars acri verbere pulsar,
 Pars secat hamatis corpus inerme flagris.
 Funibus hic, nodisque ; hic ferro sævit & igni :
 Méque aiunt meritis ferre minora meis.
 Ille meam extinctis conculcat lampada flammis :
 Hic manibus pennas vellit ; at ille comas.
 Ille meos frangens arcus, quos frangimus arcus
 Este meæ testes signaque mentis, ait.
 Quisque furit, nostrósque dolens ulciscitur ignes,
 Sævæque crudeles adjuvat ira manus.
 Aspicias ambustos circum mea colla capillos ?
 Et ferrugineis livida terga notis ?
 Stipitis ardentis, mater, vestigia cernis
 In caput illisi : causaque parva fuit.
 Clarus erat juvenis titulis ac sanguine, cujus
 Contigeram timido limina prima pede,
 Me viso vultumque trahit, subitoque flagrantem
 E medio torrem corripit ille foco.
 Impingitque ferox humeris : arsero capilli,
 Stridorémque usto sanguine plaga dedit.
 Sic ferus ille meos compescuit ignibus ignes :
 Flamma fuit flammis fortior illa meis.
 Alterius pectus mea vix libarat arundo,
 Vindice cum saxo verberat ille meum.
 Nec modus, aut requies : repetitos ferreus ictus
 Ingeminat : nec me non meruisse juvat.
 Utque tuis meritis reddatur gratia, dixit :
 Accipe vulneribus vulnera digna tuis.
 Quid fles ? disce puer, quid sit præcordia lædi.
 Nam tua plus nostris tela doloris habent.
 Arguis immerito mea, dixi, saxeæ tela,
 Quæ nihil immensus blandius orbis habet.
 At tibi de scopulo saxumque & pectus eodem est,
 Quo tua, quo toties pectora nostra feris.
 Quod nisi jam parcas, fiam de supplice vindex,
 Et faciam telis comminuare meis.

Ille tenens nostro stillantem sanguine caurem ,
 Ostentânsque mihi , talia verba refert :
 Hoc, puer, antè tuo mollescet sanguine saxum ,
 Quàm fiat facibus cor mihi molle tuis.
 Ure ferum , & torque : possunt mollescere rupes ;
 At non durities pectoris illa mei.
 Tu licet Autonias , spectacula lubrica , formas
 Objicias oculis improbe sæpè meis ,
 Et molles nimium risus , agilesque choreas ,
 Plurâque quæ nobis Roma videre dedit :
 Antè tamen Tybrim Solyme bibet, ipsâque stabit
 Roma Palæstinis conspicienda jugis ,
 Quàm tua consueto non tundam pectora saxo ,
 Supplicio meritis conveniente tuis.
 Dixerat : intereà pœnarum mille figuris
 Vindicat offensas cetera turba suas ;
 Maxima pars nullas : satis est voluisse videri
 Lædere , supplicii dicar ut esse reus.
 Singula quid memorem ? non si noctesque, diésque
 Mille mihi voces orâque mille sonent ,
 Pœnarum species & nomina dicere possim.
 Præcipuas etiam longa referre mora est.
 Credis & hoc nobis ? certissima pignora veri
 Cerne cicatrices : hæc dubitare vetant.
 Per vepres aliquis nudum volvitque , rapitque ,
 Spiculâque insultans hæc , ait , adde tuis.
 Omnia vincentes hæc vincunt tela sagittas :
 Si dubitas , armis ista retunde tuis.
 Quæ toties jactas cedunt tua spicula spinis.
 I nunc , & titulum cuncta domantis habe.
 Ah miser intereà spinis lacerabar acutis ,
 Et, quæ cernis adhuc , vulnera mille tuli.
 Vepribus & verbis pariter lædebar ; at illi
 His mihi sunt visi mitius esse malum.
 Barbare, clamabam, si te neque forma, nec ætas,
 Nec quæ non merui vulnera ferre , movent :

At

At proſit tennes tibi nil nocuiſſe ſagittas.

Eſt aliquid jaculis crimen abeſſe meis.

Quid faceres læſus, qui ſic ſine vulnere ſævis?

Sanguine, nec ceſſas, jam nemus omne rubet.

Et, quaſi parva feram, verbis quoque lædis a-
maris,

O his aſperior linguæque mēſque rubis!

Abripit hæc fantem noſtro quoque ſaucius igne

Nefcio quis, ſed non tactus ad oſſa ſenex.

Atque ita: quid rapidas jaſtas, puer improbe,
flammas?

Urat cuncta tuus, te meus ignis, ait.

Me ſimul accenſis veſtigia figere prunis

Cogit, & in medio detinet igne pedes.

Heu malè tam ſævis teneros ulciſceris ignes,

Tolle tuos, clamo, jam periere mei.

Non ſic Antiphates in me, non ſæviat Atreus,

Non qui mendacem torruit igne bovem;

Non qui ſanguineos artus & cruda voravit

Viſcera: plus iſtis tu feritatis habes.

Talia vociferans auras plangore replebam,

Cùm venit ignoti pallida forma viri.

Quique tuo toties alios, ait, urere tentas,

Parce puer noſtro ſaucius igne queri.

Clamores compeſce: tuos ſedabimus æſtus,

Frigora ſi nullum flammæque ſcædus habent.

Dixit, & in campum nivibus me raptat opertum,

Corporaque amplecti de nive facta jubet.

Hic, velut è terra fertur feciſſe Prometheus,

Corpora de gelidâ finxerat ille nive.

Pugnabam levibus contra mala frigora flammis,

Sed victæ nivibus ſuccubuerè faces.

Stagnum erat: afflatus ſtagni frigentibus alis

Riphæus leviter vinxerat Euræ aquas.

Me trahit huc poſitis miles crudelior armis,

Quàm fuit, infeſtâ cùm rulit illa manu.

Ille reluctantem pedibus , frustra que precantem.

Raptat , & in gelidæ margine sistit aquæ ,
Et subito secum stagnum rapit asper in altum :

Discedens glacies pondere rupta fuit.

Et collo tenus immergit , gelidisque sub undis.

Per longas cruciat membra tenella moras.

Diffusum totos abiit mihi frigus in artus ,

Et glacies humeros collaque læsa secat.

Ipse mihi est visus concrefcere frigore sanguis.

Heu ubi tunc flammæ vis erat illa meæ ?

Quid tibi , clamabam , mecum est durissime rerum ?

Non tua sunt facibus corda petita meis.

Quid tibi cum glacie , qui gaudes ignibus ? an te

Pœnitet ardoris , quo truculente cales ?

Curam hanc mitte puer : si qua est in pectore no-
stro ,

Illa sub his , inquit , flamma fovetur aquis.

Hi fluctus glacie pariter ventoque sonantes

Nostro , si nescis , sunt in amore faces.

At tua perdenda est , quâ multos improbe gaudes.

Perdere , digna sub his flamma perire vadis.

Sis licet igne patris , matrisque ferocior undis ,

Ille ferox modicâ nempe domandus aquâ es.

Nec prius hinc , victum quàm te fateare , recedes.

Hic spolium de te debet habere lacus.

Quamque vides stagni crescentem in margine ,
fagi

Hoc in rugoso cortice carmen erit :

Quod de Leucadiâ priscis à vatibus undâ

Traditur , hic domito fecit Amore lacus.

Hactenus : at nobis sensi torpere medullas ,

Intimâque infelix serpere in ossa gelu.

Hæc , & quæ taceo , sum passus plura , meâsque

Quilibet in pœnas ingeniosus erat.

Voluit , madidis , & adhuc stillantibus alis

Roripui turpi me celer inde fugâ.

Dum

Dum fugi, frondes inter lucumque virentem
 Vidimus in molli stragula picta toro,
 Inque toro juvenem: cohibebant arcta jacentis
 Serica vincla manus, serica vincla pedes.
 Me tremit hic viso: notosque & vincula pugnat
 Rumpere: pugnantem fortiter illa tenent.
 Tuque meis saltem, dixi, superaberis armis,
 Aut reprimas victa, si potes, illa manu.
 Ille (fide majus) linguam sibi dentibus aufert,
 Et mea cum multo sanguine in ora jacit.
 Non nocuisse mihi teneram cum sanguine linguam
 Forfan, & hoc telum molle fuisse putas?
 Crede mihi, mater, gravius non sensimus isto:
 Igne, gelu, spinis acrius illud erat.
 Ergo iterum fugi victus, lentèque volanti
 Ipse loci limes jam propè visus erat.
 Ecce virum nudo recubantem in cespite vidi:
 Obruerat fessi lumina victa sopor.
 Certa mihi saltem sopitum vincere spes est.
 Victrices, dixi, sentiet ille faces.
 Vix leviter districtus erat, sensitque; mihi que
 Percutit os plenâ terque quaterque manu:
 Percutit, & somno premitur: mihi protinus ingens
 Naribus, & læso manat ab ore cruor.
 Spes quoque tunc victa est: nam quæ superesset
 in hostem,
 Cui contra insidias exubat ipse sopor?
 Undique sic pulsi, scelerata relinquimus arva,
 Vix oneri pennâ sufficiente suo.
 Dum feror, Hoc superest, pendens super æquora,
 dixi,
 Ut dem cæruleis nomen amoris aquis.
 Ante oculos nomen tua sors erat Icaræ, cum sol
 Vicino pennas solveret igne tuas.
 Tunc didici, sensitque miser freta longa remensus,
 Debilibus pennis findere quid sit iter.

Finierat : flebant : & se non omnia posse
Vincere, se victus teste fatetur Amor.

ELEGIA IIL.

AD FERDINANDUM DEL PLANO
è Societate Jesu.

Dum Elegias meas sapius exigeret.

Quid mihi desidiam toties, & crimen inertis.
Objicis, & versus exigis usque meos?
Da veniam fasso: vix sunt mihi carmina tanti,
Ut toties à te segnis, inersque vocer.
An quia non omni mitto tibi mense volumen,
Me torpere putas, desidiâque sequi?
Siqua fides, nec desidiam, nec pingua sector
Otia, nec somnos præmia magna voco.
Ut cupiam, dulces nequeam dimittere Divas:
Sirenes cymbæ sunt ea turba meæ.
Qui vacat, & torpet, nec, quid sint carmina,
nescit,
Ille mihi lignum creditur, ille lapis.
Scribo; sed ut scripsi, damno rude carmen, &
odi.
Exitus est studii ducta litura mei.
Verba miser frustra non provenientia quero;
Aut quæ proveniunt, non placitura reor.
Nunc quoque, ni rursus dicturum, Ignave, ti-
merem,
Hoc quodcumque vides, omne litura foret.
Nam mea dum prisceis committo carmina scriptis,
Sive tuis Naso, sive Tibulle tuis:
Et pudet, & nostræ subeunt fastidia venæ,
Mæque rudera, quamvis non putor, esse que-

101.

Et

Et modò Pegaseos demens accuso liquores,
 Et modò laurigeri plectra, lyrámque Dei.
 Pulpita quin etiam, & calamos fregisse recordor,
 Utque puto, dolor hic, iráque justa fuit.
 Quin etiam nuper, Musæ discedite, dixi.
 Doctáque cum vestris turba valere modis.
 Musæ, dulce malum, ah quondam mea cura, valete.
 Non ego sum, frustrá qui miser esse velim.
 Jam satis adverso cursum tentavimus amne,
 Hæsit & in dubiis nostra carina vadis.
 Phœbe vale: tua jam nobis insania longè est,
 Illecebris videor posse carere tuis.
 Risit, ut auditvit Phœbus, vultúque sereno,
 Partem, inquit, fati discæ poëta tui:
 Cùm nec apis flores, nec amabit flumina cygnus,
 Nec teneræ blandi tempora veris aves:
 Tunc quoque tu Musis poteris spirare relictis,
 Tunc quoque te nullus carminis uet amor.
 Hoc tibi nec volucrum linguæ dixere, nec alæ,
 Nec tibi sidereó lævus ab axe fragor,
 Nec pecudum fibræ, venturi perfida signa;
 Sed Phœbus. Phœbo scire futura licet.
 Dixerat: erubui; subitúsque per ossa cucurrit,
 Quem sæpè in venis sensimus antè, calor.
 Vera tamen dixi: verum quoque dixit Apollo;
 Sed solet in Divis certior esse fides.
 Cura redit, teneros tantùm spectando libellos;
 Si non aspiciam, sat meminisse fuit.
 Vincor, & adversas iterùm lubet ire per undas:
 En iterùm in Syrtes, & vada blanda feror.
 Sic ubi deseruit Scaldim status æquoris æstus,
 Mox redit, & pleno rursus in amne tumet.
 At tu parce, pregor, crescentes pascere lusus.
 Semper habent justæ commoda magna moræ:
 Quod tumet Autumno maturis nectar in uvis,
 Ante diem ingratus succus, & asper erat.

Quid!

SIDRONII HOSSCHII
 Quid fuit antè seges , nisi spes & inutile gramen ?
 Tempore proveniunt vina , segésque suo.
 Quid teneras primâ segetes evellis in herbâ ?
 Quid de vix natâ Massica vite petis ?
 Crescenti spatium da , Ferdinande , poëtæ.
 Nunc herbæ , quodam tempore messis erunt.

ELEGIA IV.

AD ADRIANUM COOLS
 E SOCIETATE IESU.

Cùm ad scribendum hortaretur.

Sic te Phœbus amet , doctæque , Adriane , so-
 rores ,
 Et capiti nectant debita ferta tuo.
 An mea tam felix tibi Musa videretur , ut ævo
 Majus & invidiâ condere possit opus ?
 Nam quid multa monens toties hortaris , ut ausim
 Credere me famæ , judiciôque tuo ?
 Parce , precor , leve tot stimulis impellere pectus :
 Ne mea diligerem damna , monendus eram.
 Scilicet Icarios miserum tentare volatus ,
 Et Phaëthonteis curribus ire jubes.
 Impetus est , fateor , nobis in carmina magnus ,
 Et pueris illis impetus acer erat.
 Hic fuit exitio. Quoties caret impetus arte ,
 Frangitur , & vires conficit ipse suas.
 Infelix Phaëthon , quis te furor egit in illas ,
 Per quas sæpè pater palluit ire vias ?
 Ah ! patrios tibi sat currus , insane , fuisset ,
 Et nitidas auro posse videre rotas.
 Ignipedumque jubas mulcere , & lucida colla ,
 Gemmeâque admotâ tangere lora manu.
 Et satis ingentes propius spectare columnas ,
 Nixa quibus rutili regia patris erat.

Nec minùs argenti radiantes lumine valvas ,
Clarâque formosis limina chrysolithis ,
Purpureâsque fores Auroræ , & plena rosarum
Attria securo tangere posse pede.

Tum neque præcipitem , Iove te feriente , de-
dissent

Fulminis ardentem igne , suoque rotæ.
Nec te populeâ flerent sub fronde sorores ,
In silvam versis ad tua busta comis.

Et tibi , qui vitreo fecisti nomina ponto ,
Frustrâ solliciti cura , doiorque patris :

Ni levior pennis , quæ te vexere , fuisses ,
Hoc , ex quo rueres , non placuisset iter.

Sed plumas captare leves , quas moverat aura ,
Cercæque ignarâ rumpere vincla manu.

Hoc satis : & tutum fuerat sic tangere pennas ,
Dum pater ambobus triste parabat opus.

Tutiùs ô quanto numquam hic , Adriane , volasset ,
Alipedes alter non agitasset equos !

Nunc quoniam nimium , nimiumque est ausus
uterque ,

Hic periit pennis , curribus ille suis.
Sic redeunt , quicumque nimis sublimia tentant :

Et tu me pennas sumere , amice , mones ?
Alta petat , quicumque suâ gaudere ruinâ.

Sustinet : à nobis sit procul iste furor.

Mi satis est humilem tenues errare per umbras ,
Quâ teneras lauros fons Heliconis alit.

Et spectare nemus , cuius sua tempora cingit
Fronibus , & vatum tempora cingit Honor.

Illic aspiciam lætis pendentia ramis
Barbata , sed digitis non temeranda meis.

Illic præcætuos venerabor , Roma , poëtas ,
Et quibus hi certant , Græcia docta , tuos ,

Et non cessuros præcis , nisi tempore , vates ,
Æmula quos tantæ Belgica laudis habet.

Hos

Hos ego securus mirabor in æthera famâ

Tendere ; mirantem nulla ruina premet.

Hoc nostrum sit opus , curarum hæc summa mearum :

Hoc mea si ludat flumine cymba , fat est.

Me miserum ! unde mihi subit hæc sapientia petus ?

Utque prius , vacuum non finit esse metu ?

Ite procùl segnes curæ , procùl ite timores.

Non sunt sollicitæ carmina mentis opus.

Forſitan his vivam ſapienter legibus olim.

Nunc me , nec pudor eſt , deſipuiſſe juvat.

Dum cævet , & metuit , magnis prudentia votis

Sæpè nocet ; certè non favet illa meis.

Si nimium Æſonides ventos timuiſſet , & undas ,

Vellera Phryxæ num retuliſſet ovis ?

Dædalus æterno clauſurus carcere vitam ,

Credeſe ſe cælo ni foret auſus , erat.

Si dubium pavidus Martem vitaffet Achilles ,

Iliacas victor quis laceraffet opes ?

Scilicet audendum eſt : audentes dexter Apollo ,

Et Muſæ faciles , & furor ipſe juvant.

Torqueor heu ! ne fors pœnam pro laude reportem.

Terminus eſt altæ ſæpè ruinâ viæ.

Quidlibet eveniat : nocet hæc ſapientia nobis ,

Quâ neque , ſi cupiam , me puto poſſe regi.

Nec timidos Virtus animos , nec Gloria curat :

Utraque torpentes deficit ante manus.

Quo tu cumque vocas , faciles , Adriane , ſequemur ,

Securi , quò nos fatâque , forſque ferant.

Jam mihi , jam multis , olim quoque noſtra placebunt

Carmina , iudicio ſi placuere tuo.

ELEGIA V.

AD MARCHIONEM AYTONÆ,

*Donec veniret Serenissimus Cardinalis , Infans
Hispania Ferdinandus, Belgii & Burgundia
Gubernatorem.*

Moncada, Aragonum genus alto à sanguine
Regum,

Quem proavis æquant fortia facta suis;
Spes & amor patriæ, Belgique extrema timentis:

In tam præcipiti tempore certa salus;
Sive paras bellum trepidis fatale Batavis,
Seu fraudes aperis, perfidiâque domas;
Si licet, ingentes paulisper supprime curas,
Et placidos vultus ad mea verba refer.

Et facies: vates tibi sunt in amore, manûque;
Tunc quoque, cum vatum carnine digna geris.
Non ego, quas alibi meritis impleveris oras,

Nec tua, quæ Cæsar prædicat, acta canam;
Nec quot, quam felix legatus adiveris urbes:
Forfitan hæc alios, nos bona nostra movent.

Mî satis est, per te capiant quæ gaudia Belgæ,
Dicere, & auspiciis omina nata tuis:

Et memorare diem, te quo Rex magnus Iberum,
Quod Superis curæ nos probat esse, dedit;
Et dixit: Moncada regat, reddâtque per urbes,
Dum veniat Frater, regia jura meas.

Ille meos Belgas, quo cœpit Marte tueri,
Pergat, & occultis obviis ire dolis.

Possam ego, dum vigilat, fraudesque avertit & hoste,
Curarum partem ponere, Belga metum.

Dixerat: ingenti plausu mandata feruntur:
Ipsa sibi reddi patria visa fuit.

Nec spes vana fuit: nil conjurata nocentum
Fœdera, nil possunt hæc vigilante doli.

Testantur

Testantur servata suo Bouchinia Regi
 Mœnia, tôtque aliis oppida salva locis.
 Tu quoq; cùm fremeres animis infestus & armis,
 Quem sis expertus, Battave, testis eris.
 Intrepidus Moncada, animoq; ipse agminis instar,
 Viribus opposuit millia multa tuis.
 Ivit, & oblato certamine sæpè repressit,
 Et modò terrentes terruit ipse duces.
 Ivit, & ausuros (ut erat timor) omnia fregit;
 Et rerum facies versa repetenté fuit.
 Hoc vigil, & curas animus simul acer in omnes
 Fecit, & in Regem sancta Deúmque fides.

ELEGIA VI.

AD PROCERES.

DOMUS GANDA-VILLANÆ
 in auspiciatissima FRANCISCI GANDA-
 VILLANI Episcopi Tornacensis,
 consanguinei sui initiatione.

Villani proceres, quorum virtutibus olim
 Se majus nomen maxima Ganda dedit:
 En iterum vestros è vobis ortus honores
 Auget, & heroum nobile signat iter.
 Ecce venit Præsul viduæ gratissimus urbi:
 Jam gaudet votis illa potita suis.
 Jam patruo similis, virtutis imagine, Præsul
 Sufficitur, Patruum dignus honore Nepos.
 Dicta dies fulsit: sua ritè insignia sumit.
 Vos hilares plausus, & bona verba date.
 Dextra pedum gerit; ex humeris nova purpura
 pendens
 Desluit, & lato sirmate verrit humum.
 Annulus in digitos, fideique inducitur obsec;
 Cingit honoratas infula sacra comas
 Spectandi

Spectandi studio concurritur undique; turbæ
 His quoque, qui properant, præripuere locum,
 Hos capit augustæ species pulcherrima pompæ:
 Illos sacrorum splendor, & ordo tenet.
 Multos Pontificum majestas sancta moratur,
 Sed rapiunt omnes Præsulis ora novi.
 Finis adest sacris. Nunc ad sperata venite
 Oscula: sacratam porrigit ille manum.
 At vos præcipuè, quorum de sanguine natus
 Hoc meruit, vestrâ non sine laude decus.
 Scilicet unius virtus, & gloria felix
 Quod generis socios, tot quoque laudis habet.
 Vos celebrate diem, vestrisque inscribite fastis;
 Exigit hæc inter tot monumenta, locum.
 Cùmque recensebunt patrum decora alta nepotes,
 Hinc etiam, dicent, crevit avita domus,
 Lectæque cùm fuerit series longissima rerum,
 Deletæque acies raptæque signa ducum:
 Plus aliquid spoliis, plus magnis, sacra triumphis,
 Virtutumque index infula major erit.
 Nobilitas solis non est spectabilis armis:
 Hanc quoque majestas Religionis alit.
 Magnorum obsequiis se devovet utraque Regum;
 Sed causam hæc hominis protegit illa Dei.

ELEGIA VII.

TORNACENSIS POPULI
 in ejusdem præsulis sui consecratione
 gaudia & vota.

Prospera lux oritur. Tandem sua premia Virtus
 Accipit, & meritis munera parta suis.
 Ecce pedum, mitræque, & sacra insignia Præsul
 Villano genitus sanguine ritè capit.
 Fama volat, replètque urbes rumore secundo,
 Per liquidas pernix aëre lapsa vias.

Ante

Ante alias, petit hæc vestras, gens Narvia, sedes
 Mœniâque aligero transilit alta pede.
 Pérque vias urbis, per compita, pérque penates,
 Pérque domos lætū nūciat ire diem:
 Ire diem, quo Villano de sanguine Præsul
 Succedit patruo, non minor ipse, suo.
 Protinus excutiunt mœstas nova gaudia curas
 Civibus, & tetricæ tædia longa moræ.
 Omnibus idem animus lætos diffundere vultus,
 Et studij, & sensus edere signa sui.
 Pars memorat dotes, & docti Præsulis artes:
 Pars censet titulis nobile stemma suis.
 Pars animos populi nec spe solantur inani,
 Et facilem dicunt in sua vota Deum.
 Scilicet ingenti rerum sapientia moli
 Par erit, & tantum ferre valebit onus.
 Illam exercebit communis cura salutis,
 Et morum, exemplis quos reget ipse suis.
 Quam populo sternunt tantorum exempla virorum
 Hæc ad recti apicem certa brevisque via est.
 Aurea virtutum revirescet protinus ætas,
 Nec lolium, aut spinas cultus habebit ager.
 Felices jam lacte fluent & nectare rivi:
 Illic è foliis roscida mella cadent.
 Talibus, atque aliis incendunt mutua dictis
 Pectora; spèque suas, lætitiâque fovent.
 Hæc sincera quidem, sed non est plena voluptas;
 Ex aliquâ minuit gaudia parte dolor.
 Optatæ toties nec enim spectacula pompæ,
 Cara nec absentes Præsulis ora vident.
 Quid facitis cives? nihil est hac luce dolendum.
 Hæc quoque posse dabit Præsulis ore frui.
 Mens adeat, corâque putet spectare triumphum:
 Instructa est oculis mens quoque nostra suis.
 Et levis est, leviórque avium pernibus alis;
 Fulminis in morem, quò lubet, illa volat

Non

Non illam montes, non illam sistere possunt
 Flumina, non longæ difficilisque viæ.
 Hæc vos Bruxellæ mediam deducet in urbem :
 Per medias turbas hæc quoque pandet iter.
 Cernitis in sacra fulgentem fronte tiaram,
 Et radians auro chrysolithisque pedum ?
 Intentos oculos augusto pascite vultu
 Præsulis ; hæc vobis gaudia ferre licet.
 Cum benè spectastis ; sacræ post oscula dextræ,
 Lætitiæ signum prospera verba date.
 Dicite : Cumæos felix Antistes in annos
 Vivat , & è nostris augeat ille suos.
 Dicite : Quæ toties dedit, & tot commoda nobis ;
 Crescat , & æternùm floreat ista domus.
 Dicite : Nostrarum quæ nobis gloria rerum est ,
 Et fuit ; ut dignum est , nos regat ista domus.

ELEGIA VIII.

A D MACHIONEM AYTONA.

*Cùm Hollandorum obsidione Bredam
 liberasset.*

NON caret eventu vigilans prudentia ; finem
 Quem sequitur, rarò non habet illa suum :
 Hac , Moncada , novis veteres successibus auges,
 Et superas armis vota fidemque tuis.
 Sensimus hanc iterùm vigilem, patriæque salubrè ;
 Cùm timuit Batavas anxia Breda manus.
 Hanc illi trepidantem infestis undique signis,
 Et subitâ celeres obsidione premunt ;
 Jamque adeò Martem de more ligonibus orsi,
 Valla parant castris & loca tuta suis.
 Non alio Batavus mavult decernere ferro.
 Hoc valet : hoc stricto tutius ense vocat.

Nec

Nec mora (virtutem fas est & in hoste probari)

Credibili citius non leve surgit opus.

Protinus aggestis stant propugnacula glebis ,

Fossâque loricas circuit alta suas,

Ac velut è cæsa narratur dentibus anguis

Agminis armati nata repentè seges ;

Non secus è terris subitas erumpere moles,

Nec fieri manibus tam citò posse putes.

Fama tuas, Mœnada, simul pervenit ad aures ,

Castra simul, pugnae plenus amore moves.

Nec tamen aut factas, aut victas deseris arces.

Sicut erat, clausum flumen utrimque manet ,

Quà Traiectinis sese infert mœnibus, & quà

Mœnibus elapsas in mare volvit aquas.

Te Mars ardentem , sperataque pugna trahebat &

Ibat, & exemplis miles in arma tuis.

Scivit, & ad nomen venientis palluit hostis ,

Et trepidum castris murmur it: Ipse venit.

Ipse venit, mussant; non est mora libera nobis.

Cedimus? an vitæ nos piget? ipse venit.

Et venit, & nobis spes in certamine nulla est ;

Incolumes solâ possumus esse fugâ.

Ilicet excussit manibus formido ligones,

Expulit & castris arma virósque suis.

Fit fuga ; tu quamvis longâ regione viarum

Distares, neque adhuc visus ab hoste fores;

Dum licuit, sibi consuluit gens provida, serò

Scilicet à viso sæpè fit hoste fuga.

Te quoque plus armis jam senserat esse timendum,

Prælia nec tanto cum duce tuta geri.

Quid facies armis, qui solo nomine vincis?

O immortales inter habende Duces !

Parcite Mayrtis soboles fortissima ; vestri

Maxima pars Ductor roboris ipse fuit.

Non vixes gladiique regunt, sed provida Martem

Consilia, & vani pectus inane metus.

Sic

Sit olim Curius plus se quàm milite gessit :
Scipio sic magno victor in hoste fuit.

ELEGIA IX.

AD MATHIAM CASIMIRUM SARBIEVIUM

E SOCIETATE JESU,

POETAM LYRICUM.

Romanæ fidicen citharæ, qui sidera tangis
Vertice, & ignavam despicias ales humum :
Pace tuâ, quamvis nec certius alta Cleanthis,
Nec Samij fuerint ora locuta fenis :
Semita Dircei non est tamen invia cygni:
Ivit, & hanc pennis repperit alter olor.
Nec minus est auræ, quâ se levat æmulus ales,
Nec spatio nubes inferiore fecat.
Nec malè ceratis ad sidera nititur alis
Æquoreis nomen triste daturus aquis.
Æthereas animas testor, Zephyrósque, Notósque
Et quæcumque tuos derulit aura modos,
Si tua, Sarbievi, sperasset carmina Flaccus,
Et factum fieri posse putasset opus:
Forsitan æquari varem non posse negasset,
Quem vigor in cælum, plurimâque aura levat.
Felix, credibili major quem concitat ardor !
Judicium superas varis & orbis idem,
Non abit in pejus semper vitiosior ætas :
Nec quamvis semel est ferrea, semper erit.
Nomine nostra suo est melior, dicique meretur
Aurea, carminibus nobilitata tuis.
Hæc ego vos, Musæ, vestroque in monte virentes
Jam pridem lauros edidicisse reor.
Hæc ubi cantatur, nec saxa, nec æquora surda,
Nec sunt indomitæ turba timenda feræ.

Vos

Vos eritis testes Getico sub sidere cautes:

Quique Lycaonio, Ponte sub axe jaces:

At neque solus habes auritas, Sarmata, rupes,
Mirantésve tenes, Vistula, solus aquas.

Et Rhodope, & scopulis veniūt plaudētibus Alpes,
Nullaque non montes gens videt ire suos.

Hæc Rhodanumq; Padumq; tenent, hæc carmina
Oblitos notas, ut prius ire vias. [Rhenum,

Hæsit sæpè Tagus, fulvâque reclinis in urnâ
Dixit: Eunt auro purius illa meo.

Sæpè aliquis nullâ vates hæc legit in umbrâ,
Et circum viridis protinus umbra stetit.

Cui licet, hæc gelidâ nemorum securus in umbrâ;
Belga sed, heu! lituos inter & arma canit.

Sic tantum in patriis cantasset montibus Orpheus,
Cum silvis itidem saxa secuta forent.

Nec minùs Aonias lapis ascendisset in arces
Evectus numeris, magne poëta tuis.

Nec minùs his captus, qui vexit Ariona, delphin
Æquoreis ludens exsiliisset aquis.

Me certè tua Musa sui dulcedine cantus
Abripit, & memorem non sinit esse mei.

Sæpè fui, ceu vaticinans, aliena locutus,
Et fuit abrepti carmen in ore tuum.

Sæpè locuturus diuturna silentia feci,
Aut rupit medios lingua retenta sonos.

Mens abit, & subito tacitum mirantur amici;
Me rapiunt numeri, cygne canore, tui.

Sive jubes in Threïcium capere arma tyrannum,
Pænè minax digitis sumitur hasta meis.

Sive super nubes sublimis & æthera tendis,
Ipse levi videor nube repentè vchi.

Sive per Ausonios spatiaris lauriger hortos,
Me Zephyri & Floræ regna subire puto.

Seu mœrente canis testudine flebile carmen,
Palleo, nec fletu lumina nostra carent,

Seu

Seu tristes hilari solaris pectine curas,
 Defluit ex animo cura dolorque meo.
 Sive pios castæ, suspiras mentis amores,
 Urimur: ardentes sunt tua verba faces.
 Denique me formas subito convertit in omnes
 Qualiscumque operis pagina lecta tui.
 Hoc est & volucres cantu fluviósque morari:
 Hoc est ærcæ ducere saxa viâ.
 Hoc est fulmineas auferre leonibus iras:
 Hoc agnis rapidos conciliare lupos.
 Pegasides Divæ, vestro date debita vati,
 Quæ possint Clarium certa decere Deum.
 Quid precor? exiles lauro redimite poetas:
 Vos mihi, si merui, nectite ferta Deæ.
 Nam tua, Sarbievi, cum silvæ plectra sequantur,
 Ad crines properat laurea sponte tuos.

E L E G I A X.

AD ANTONIUM SANDERUM,
 Iprensis Ecclesiæ Canonicum.

Cum de Eucharistia scriberet.

Naturæ mores alii, causâsque latentes,
 Et cæli referant, Oceanique vices:
 Unde nives, aut quâ prorumpat origine fulmen:
 Tantus in elisis nubibus unde fragor:
 Aut cur alterno tumidum mare ferveat æstu:
 An secum æquoreas Cynthia mutet aquas:
 Cur Boreas siccis, madidis cur evolet alis
 Auster, & in fontes unde perennis aqua.
 Hæc alij: tu dic illum, quem fulmen, & imbres,
 Et Dominum agnoscit mundus uterque suum.
 Vade Deo plenus, qui te sua sacra docentem.
 Non finit humanas, ut prius, ire vias.

Te tua cura juvet, quem nil mortale sequentem
Ducit in occulti conscia sacra Dei.

Hic res ignotas oculis & sensibus hauris :

Quódque stupent Superi, pandis amoris opus.

Quanta, & quot faciant paucæ miracula voces,

Numine cum verbis adveniente, doces.

Ut Bacchi & Cereris vestigia sola supersint,

Utque tegant, quem non cernimus, illa Deum:

Utque oculis legemque suam, morémque secutis

(Hi quoque falluntur) non sit habenda fides.

Ah! furor est oculos hinc consuluisse manúsque:

Altior est tardis sensibus illa fides.

Demens, qui brevibus naturæ finibus arctat

Numen, & immensum claudit amantis opus!

Primus amor docuit naturæ excedere fines:

Primus amor nullum cœpit habere modum.

Ille etiam nobis epulas de Numine fecit:

Hic & convivæ omnibus esse licet.

Sed tamen innocui veniant: procul impia turba,

Quam Venus, & vinum, prædâq; fraudq; juvant;

Cui scelus occultum malè conscia pectora terret,

Fabula cui præsens creditur esse Deus.

Conscia mens ut cuique sua est, ita semper in illam

Cum Domino veniunt vitæ, mórísve suo.

Sic rosa turpe genus scarabeos enecat illo

Quo capit, & castas nectare pascit apes.

Hæc, Sandere, doces: orbis probat: una docentem

Non fert impietas, armæque vana movet.

Illa giganteo molitur bella furore.

Vecordes, quos hæc sub sua signa vocat!

Qui, quia non capiunt, divina oracula damnant,

Sensibus hæc mensi sacra Deumque suis.

Heu nox alta! Deo de se non creditur ipsi:

Illius est levior, quàm sua cuique fides.

I contra armatum solis clamoribus hostem,

I Sandere: tibi causa Deusque favent.

Prisca

Prisca Patrum series venit auxiliaribus armis :

Cum Latio in partes Græcia docta venit.

Et favet ipse tibi, pro quo pia bella capeffis :

Hac ope dux, miles, castrâque solus eris.

Quaque feres gressus inimica per agmina victor,

Turbida disjicies cum duce signa suo.

I felix, meritum victor molire triumphum :

Illius spatium, quâ patet, orbis erit.

Prisca Fides niveis præcedet vecta quadrigis,

Et dabit occultum signa venire Deum.

Ipse manu felix cælestia scripta tenebis,

Stans in laurigeris lauriger ipse rotis.

Ponè tuos currus captivo vincula collo

Turpi progenies edita Nocte feret.

Ibi detractis capiti Fraus perfida larvis,

Nudatôque suos deteger ore dolos.

Atque Odium veri, gaudensque ambagibus Error,

Consilii que expers indocilisque Furor.

Impietas tortos agitans pro crinibus angues,

Per totidem linguas sibila vana dabit.

Tôtque trahi captam sese indignata catenis,

Discerpet colubros ore furente suos.

Hunc meritò Sandere, parat tibi Fama triumphum:

At frustra meritis par cupit esse tuis.

ELEGIA XI.

AD BEATAM VIRGINEM,

Quæ Alsemberga, prope Bruxellas, titulo

STELLÆ MARIS colitur.

Qualiter abreptam procul à tellure carinam

In medio jactat ventus, & unda mari :

Haud aliter Belgas, tot jam labentibus annis,

Volvit, & huc illuc Martius æstus agit.

Hei mihi! tot fluctus inter, fremitusque, minasque,

Quæ navim in cæco gurgite stella reget?

Nil hic Oebalij fratres, nil clara. Coronæ

Lumina, nil profunt magna minorque feræ,

Puppibus hæc aliis faveant, cursumque secudent:

Talia non spectat sidera nostra ratis.

Diva, decus. cæli, cælo formosior ipso,

O lux, quæ nullâ condita nube lates:

Tu melior timidis affulge stella carinis:

Tu dubios cursus, velâque nostra rege.

Aspice, quàm sævis belli convulsa procellis

Naufragij trepidet Belgica nostra metu.

Deprensa est medias inter Symplegadas Argo,

Obrutâque insanis panè fatiscit aquis

Per te Tiphyn habet: per te regat ille, tuoque

Sidere securas præbeat unda vias.

Te spectat, fidusque vocat Leopoldus amicum:

Tutus in offensum te duce sperat iter.

Te duce, nec Libycas metuat percurrere Syrtes,

Nec sua non æquis credere vela Notis.

Si tibi mons placuit, montisq; in vertice templum,

Hungara quod monitu struxit Elisa tuo,

Quod Caroli toties, toties subiere Philippi,

Et patriæ priscos turba secuta duces:

Si placuit, qui nunc te protegit auspice Belgas,

Quemque tuos stratum vidimus ante pedes:

Incipiat per te, depulsis æthere nimbis,

Et, quia post nimbos, lætior ille dies.

Tunc tibi votivos persolvèt victor honores.

Inscribet donis, quæ feret, ipse suis:

HÆC TIBI PRO SALVIS LEOPOLDUS MU-
NERA BELGIS.

Diva tuis titulis, muneribusque fave.

ELEGIA XII.

IN OBITUM LAMBERTI VERREYKIN,
equestris turmæ Præfecti, ad Silvam-ducis tormenti i&tu interempti.

Ex personâ fratris, Ludovici Francisci Baronis de Geves, Audientiarij, &c.

PLangite Picrides : citharâmq; aptate dolori,
Lætâque turbatis demite fersa comis :
Attratôque habitu lacrymis accedite nostris ,
Aptâque funesto dicite verba die.
Occidit infelix Mavortis crimine frater ,
Occidit, & secum gaudia nostra tulit.
Quod superest , mutam fusi lugemus ad urnam ,
Et cineri lacrymas , altera iusta damus.
Silva premebatur Batavis circumdata signis ,
Nec spes obsessis parva salutis erat.
Fama prius , mox & miles percelluit hostem
Regius. Ah ! prohibet tangere plura dolor.
Instat lber : Batavi crumpunt : in prælia missum
Te dolor & virtus conscia, frater, agunt.
Non caput est tectum galeâ , non pectora scuto :
Pro scuto , & galeâ dextra animusque tibi est.
Sic in sanguineam quondam leo prodit arenam,
Et viso tumidas excutit hoste júbas.
Non illum lato terrent venabula ferro,
Non illum validâ lancea torta manu.
Pugna fit : impulso properè succurritur hosti :
Sed virtus numero cedere turpe putat.
Quid facis heu frater ? numero tibi cedere fas est :
Iam famæ satis est : ad tua castra redi.
Me miserum ! totum pulchrè temerarius agmen
Sustinet , & famæ nil nisi damna timet.
Collis erat : pugnam de colle videbat iniquam
Bergius, & : Redeant, signâque dentur, air.

Signa tubæ dederant : illi parere coacti

Pugnando referunt in sua castra pedem.

Plauditur incolumi , mediâque e morte recepto :

Tam fortes properat tangere quisque manus.

Macte animis frater : tibi Rex jam solver honores,

Ad quos ipsa tibi Gloria fecit iter.

Expectat legio jam te Germana Tribunum.

Hæc meritis merces est tibi parata tuis.

Heu spes fallaces ! heu sortis vota futuræ

Nescia ! quàm parvâ stântque cadúntque morâ,

Quid miser exultas ? & Rex , & vivida Virtus

Imponunt capiti ferta caduca tuo. [hostem

Frendet adhuc Batavus , tormentâque pergit in

Eminus , atque iras exonerare suas.

Machina detonuit : pila fulminis impete venit :

Tu cadis : avulsum dissipat illa caput.

Dextera tum primùm , quæ sumpserat, arma remisit :

Fortuito virtus vulnere tanta perit.

Volvitur in præceps hosti quoque flebile corpus ,

Et repidam latè sanguine tingit humum.

Care jaces frater ; nec te tua dextera, nec te

Eripuit miseræ gloria parata neci.

Nil homini certum est : mediis transversa triumphis

Mille repentè viis mors inopina venit.

Non hîc scuta valent, non æs, non ferrea cassis :

Non Neptune tuâ mœnia structa manu.

Quàm benè pugnabant olim , cum mœnia cives ;

Cùm vigor & robur gloriâ Martis erant ;

Cùm spes in dextris , cùm quod mittebat in hostem

Bellica tormentum tela, lacertus erat.

Tunc poterant fortes virtutem extendere factis :

Tunc suus ex merito quemque manebat honor.

Tunc aciem contra , belli mora , stabat Achilles :

Tunc Hector murus civibus alter erat.

At nunc, si redeant, Therſites sternat Achillem :

Hector ab ignavâ concidat ipse manu.

Ah pereat, quisquis fatalem repperit usum
 Pulveris, & saevo fulmine pejus opus !
 Pila satis fuerant, & lethifer arcus, & ensis.
 Cur ad fata novas repperit ille vias?
 Imbuere, ut quondam Siculi fabricator aheni,
 Ipse suum primus debuit auctor opus.
 Tène igitur, frater, discerpfit ahenea pestis?
 Debuit hæc titulum mortis habere tuæ?
 Hei mihi!quàm multos globus hic percussit in uno!
 Spes nostræ quantas abstulit ille domus!
 At tu dignus eras fatis melioribus uti,
 Plurâque virtutis præmia ferre tuæ.
 Sed tamen hoc melius, quàm si sine laude perisses,
 Et procùl ignotâ contegereris humo.
 Nunc tua te virtus magnis heroibus æquat,
 Gloriâque ad cineres & tua busta sedet.
 Rarâque res pietas, sanctique in milite mores
 Altera militiæ fama fuere tuæ.
 Quà licet, hæc nostrum minuunt solatia luctum :
 Hæ laudes totum te vetuere mori.
 Terra tuos cineres accepit, cetera cælum,
 Famâque: pars minima est,quam tegit urna,tui.

EPISTOLA HEROICA.

ALEXANDER FARNESIUS,

Dux Parmensis

PHILIPPO II. HISPANIARUM REGI.

*Suadet, ut in urbibus Belgij à se recuperatis
 Collegia Societatis J E S U collocet, singula
 pro arcibus futura.*

EN-iterùm justam Deus & Victoria causam,
 Próque tuis, & te quæ geris arma probant.
 Auspiciis, Rex magne, tuis Antuerpia cessit :
 Quo steterant hostis, stant tua signa loco,

Ære sonant turres, tormentis mœnia: plausu

Pars populi melior, totâque castra fremunt.

Ignes, lætitiæ testes, per compita lucent:

Pulsa loco Pietas ad sua templa redit.

Ipsè triumphali se cingit arundine Scaldis:

Cujus eant, ipsæ scire videntur aquæ.

Vrbs tam firma situ, tam lato flumine tuta,

Invia virtuti credita pænè fuit. [ceptum

Hæc tamen urbs, fluménque tuo jam Marte re-
spem facit hoc recipi cetera posse modo.

Vrbs tibi succubuit, cujus dum mœnia lustrat,

Vallâque cum fossis, ingeniûmque loci,

Et lato ad muros spatiantem gurgite Scaldim,

Volventem refluas, æquoris instar, aquas,

Tanti operis molem humano cessisse labori

Ipsè fidem victor vix sibi miles habet.

Ex quo scuta virûm, galeasque, & fortia volvens.

Corpora purpureis Mosa cucurrit aquis,

Cùm Trajectinos infecit sanguine muros

Perfidia vindex militis ira tui,

Nulla fuit tanti victoria, nulla triumpho

Dignior: hac visa est Belgica benè capi.

Flandria nunc salva est, nunc salva Brabantia; totq;

Oppida quæ cepi, nunc ego capta recor.

Nunc demum (gratare tibi) tot vicinus urbes;

Quot rapuit pulso noster ab hoste labor.

Vicinus heu urbes, tumidum non vicinus hostem:

Victus adhuc vires, telâque fractus habet.

Tela, quibus frustra clypei galeæque resistant,

Nec quibus occludant murus & unda viam.

Quas habeant victi vires, quæ tela requiris,

Quæ dextrâ frangi non puto posse tuâ?

Sunt scelera & fraudes, quas suggerit impius error,

Qui se fucatâ religionè tegit.

Non hoc militibus, non hoc compefcitur armis,

Hoc nullâ belli vincitur arte malum.

• Objicias

Objicias illi cum turribus ardua celsis,
Mœnia, quas & humus quâsq; habet unda moras;
Transiliet fossas, muros penetrabit & arces,
Iuvenietque sibi, quâ via nulla, viam.
Mille seras portis, & ahenos objice postes;
Laxabit nullo claustra serâsq; sono.
In portis vigilet, vigilet per mœnia miles;
Quâ furtim subeat mœnia novit iter.
Troja stetit sospes, dum virtus miscuit arma,
Præliâque oppositæ conseruere manus.
Non armis illam cælestibus acer Achilles,
Non gemini Atridæ, non Telamone fatus,
Non anni domuere decem, non mille carinæ:
Tam fortem exitio fraus tamen una dedit.
Fraus metuenda tibi est: fraus Religionis amictu,
Tecta caput longâ protrahit arma morâ.
Illa furens latè per campos errat & urbes:
Horrida Styx illâ nil, puto, pejus habet.
Crinibus abruptos in vulgus projicit hydros,
Pestiferâque implet pectora tacta lue.
Hæc ferro & flâmis, hæc cæde & sanguine gaudet:
Injicit hæc avidas in tua jura manus.
Unica lex illi nullas agnoscere leges,
Quas libertati credit obesse suæ.
Prô Superi! quid non pejor successibus audet,
Dum lex, & judex, & Deus ipsa sibi est?
Ipso perfidiæ & scelerum molimine credi
Sancta cupit: causam Numinis, inquit, ago,
Plus tibi quâ Mavors nocet hæc: hæc una rebellat,
Hæc amat in dominum quæ gerat arma suam.
Nec parcit Superis: Superos explodit, & ipsum.
Accusat scelerum, quæ facit ipsa Deum.
A se direptis infert incendia templis;
Invitis fiunt ignibus illa cinis.
Cùmque videt flammâs, animos accendit ab illis.
Adjicit & factis verba nefanda suis.

Urite cum templis Divos, ait, urite flammæ,

In Divos animi pignora clara fœci.

Talibus indignas sese exhortatur in iras,

Quódque Deum lædit, fâsque piúmque vocat.

Quæ violat Superos, quæ cælum oppugnat & ipsû

Numen Principibus parceret illa suis?

Nec terras malè grata tuas spoliaret & urbes?

Nec, quidquid raperet, crederet esse suum?

Credat ut esse suum, satis est rapuisse: rapinis

Pascitur; has belli præmia justa vocat.

Sed quia bacchantem reprimis, frânâsque rebellæ,

Nec finis ut spoliis crescat inulta tuis?

Et quia, quæ rapuit, repetis, repetita tueris,

Téque tuis opibus ne premat illa, vetas;

Acrius insurgit, convitiâque insuper addit,

Teque venenato livida dente petit.

Te vocat immitem justo pro Rege tyrannum;

Quódque sibi credat mobile vulgus habet.

Hoc odium teneros cum lacte instillat in annos;

A teneris discit te violare puer.

Nota cano: non hoc, quamvis sit perfida, quamvis

Vana sit & mendax, ipsa negare potest.

At tu bella moves, & multo milite pugnâs,

Ut rapias illi quod prius illa tibi.

Quid tamen arma juvant toties victricia, quidve

Ante tuos supplex Frandria tota pedes?

Si maneant animi, quales dum bella gerebat,

Telâque si solæ deposuere manus?

Si maneant animi sub amicâ fronte rebelles,

Et subito crumpat credita flamma cinis?

O quoties vincenda tibi tua Belgica restat!

O quoties Hydræ colla secanda novæ!

Hei mihi si frustra superassè tot oppida dicar,

Et toties frustra victor in hoste fui!

Ut tamen has yindex extinguere sanguine flammâs

Coner, & ultrici cæde piare nefas.

Utque

Utque rebellantes tibi se submittere cogam,
 Invitosque tuo subdere colla iugo,
 Quid tibi submittent nisi vultum rursus & ora,
 Quæque iterum fallant, quid nisi verba dabunt?
 Credemus verbis iterum celantibus iras,
 Experti, flammæ quas tegat illa cinis?
 Eheu quàm facile est animum non prodere vultu,
 Quòdque in mente later, dissimulare nefas!
 Ergo age bellorum cum bellis ejice causam,
 Inque suo tantum semine tolle malum.
 Cum quâ venerunt, discedent bellâ; redibit
 Hac abeunte, abiit quæ veniente, fides.
 Marte tuo pestis non est superabilis illa:
 Si posset subigi Marte, subacta foret.
 Infesto medici non sanant omnia ferro
 Vulnera, nec quodvis tollitur igne malum.
 Aptæ hæc medicina locæ est: quibus obfuit ignis
 Sæpè salus membris succus & herba fuit.
 Me quoque deficiunt artes: mea ferrea dextra est;
 Vix mollem hæc possunt vulnera ferre manum.
 Et tamen ut coeant, quâque est opus arte leventur,
 Iudice me poseunt militis illa manum.
 Quæ tanto cupiâtque malo, possitque mederi,
 Turma virum est: Jesu nomen & arma gerunt.
 Cum studia illorum (memini) morésque notasses:
 Gens hæc, dixisti, nomine digna suo est.
 Illa tuis addet, quod adhuc, Rex magne, triumphis
 Defuit, & tandem plena trophæa feret.
 Et quoniam sanare tuos, non perdere mens est,
 Utilis hæc victis hostibus hostis erit.
 Non illi validis torquentur pila lacertis,
 Nec sævo rigidum cingitur ense latus.
 Nec gerit illa manu clypeos, nec spicula versat,
 Nec ferro pectus, nec regit ære caput.
 Prisca fides illi, pietasque ante omnia curæ est:
 His armis acies instruit illa suas.

Bella

Bella movet vitiis, virtute armata Deoque,

Pullaque sæpè suis sedibus illa fugat.

Vidi ego juratos in mutua vulnera cives,

Quâ tulerant ferrum, fœdus inire manu.

Qui tantos motus, tantos compesceret æstus,

Ex isto solers agmine miles erat.

Viribus invadit, quoscumque invadit, amicis

Hæc manus: illa nihil palma timoris habet.

Aversas blandè capit hæc violentia mentes.

Ingenio populi convenit illa tui.

Adde, quod in teneros dū pervigil excubat annos,

Difceat ab hac, quid sit turpe, decensque puer.

Difceat &, ut regum Domino, rerumque parenti,

Sic quoque servandam Regibus esse fidem.

Viderat hanc aciem, toroque expalluit ore

Impietas, vanas intonuitque minas.

Adversasque suis formidans artibus artes,

Crescit in exitium gens, ait, ista meum.

Gens pia, cresce precor; futiâque excinde nefandâ;

Quod perdit populos regnâque, perde malum.

Tu monstri fraudes oculos deducis ad ipsos:

Tu quæ recta cupit probra, latere vetas.

Per te mille doli, per te mendacia mille,

Fictâque religio, perniciosæque parent:

Stulta quibus levitas, hebetisque amentia vulgi

Plaudit, & insanâ credulitate favet.

Nil nisi libertas deceptis semper in ore est,

Ah quantum miseris impositura jugum!

At tu consiliis, precor ô, Rex, annue nostris,

Si tibi, si cupias consuluisse tuis.

Dum licet, illorum clades averte tuasque,

Et dubiis rebus, quam potes, affer opem.

Ut validum bello frangas, & viribus hostem,

Et Batavo figas regia signa solo:

Summa tamen belli restabit, vincere victos.

Huic operi una cohors defuit, & una sat est.

Unam

Unam militiæ, ut vincatur Belga, cohortem
 Adde tuæ: castris deficit una tuis.
 Illius auxiliis citius vigilique labori,
 Quàm Marri ceder gens tibi cara tuo.
 Illa cohors, belli causas, fera pectora plebis
 Flectet, & imperiis reddet amica tuis.
 Vincant castra viri, Belgas hæc vincet; & hostem
 Hac subiget, quâ plus parte timendus erat.
 Hanc tua militiam partire per oppida victor:
 Quotque datis stabilem jusseris esse locis,
 Tot, mihi crede, tuis impones urbibus arces,
 Quæ faciant, ne quis restet ab hoste metus.

EPISTOLA HEROICA.

HIPPOLYTUS PHÆDRÆ.

RESPONSIO.

Mirabar, quid crebra sibi suspiria vellent,
 Fixaque luminibus lumina sæpè meis.
 Et blandæ nimirum voces, quæque ora silentis
 Mutato toties signa colore dabant.
 Nec poteram veræ similem mihi fingere causam,
 Cur gemitus nullo læsa dolore dares.
 Jam scio, tendebas casses mihi: detegit illos
 Impia sacrilegâ littera scripta manu.
 Non tibi lædendi studium, dignumque novercæ
 Ingenium, quamvis magnus ademit amor.
 Privignis aliæ miscent aconita novercæ,
 Tu me, quàm possis lædere, pejus amas.
 Perlegis? an primis te frangit epistola verbis,
 Tollere cum voto spem quoque visa tuo?
 Perlege; sed timeo, ne scribam mollius æquo,
 Et desint animo ne mea verba suo.
 Nec rescripsissem: sed ut es sine mente, veremur,
 Ne tibi tu dicas: Vicimus, ille tacet.

Ut

Ut tibi sim facilis ; nec , quæ petis , ipse recusem ,
Turpiter , & nullo victa pudore , rogas.

Quod simul ut legi , de Divis questus , & ipso ,
Si tuus est proavus , quem pudet esse , Jove :

Jupiter hoc probrum , dixi , stirpisque , tuumque
Dissimulas , & adhuc crederis esse Deus ?

Plecte , pater , crimen : quid in alta Ceraunia sævis ?

Aut quid in immeritum fulmina perdis Athon ?

Hæc spectas , & adhuc spectaris Phœbe ? neque illa
Visa Thyesteâ res tibi digna viâ est ?

Non trepidos avertis equos ? non conscia saltem ,
Ne videant neptem , lumina nube tegis ?

Sic ubi te justæ Superûm devovimus iræ ,
Visa minor merito nostra querela tuo est.

Scilicet ideircò populos vitamus , & urbes ,
Illecebrâsque aulae , femineosque choros ;

Idcircò silvas colimus , castæque Dianæ ,
Laude pudicitiae , proxima cura sumus ,

Ut spoliû nostrî referas infame pudoris ?
Hoc meruit virtus , hoc meus ille rigor ?

Talia conanti meritò tibi dicere lingua
Hæsit , & in primo destitit ore sonus.

Non calamû excussit digitis scribingibus horror ?
Non opere in medio dirigere manus ?

Non subiit saltem mandantem talia ceris
Te pudor ? at ceras erubuisse reor.

Quid queror extinctum tibi non venisse pudorem ?
Pessima facundam te quoque causa facit.

Exemplòque Jovis tam derestabile crimen
Contendis fieri posse , nec esse nefas.

Hoc proprium sceleri est : larvam sibi semper ho-
Quærit , & hoc velo cœpta pudenda tegit.

Invitam sed ais , qui Divis imperat ipsis ,
Et Divûm Deus est ; scribere jussit amor.

Ficta canis ; nocuisse tibi sua tela , suisque
Uri te flammis ipse Cupido negat.

Stipite

Stipite te Stygio, fani^{que} tumentibus hydrys
 Perculit, & stimulat de tribus una soror.
 Nec regnat lascivus amor (quid inania fingis
 Regna?) nec in superos ius habet ille Deos.
 Casta Diis mens est, casti sine crimine mores,
 Et cælo digni, dissimilésque tuis.
 Sed finxit Superos peccandi exempla libido,
 Ut nil turpe sibi duceret esse nefas.
 Pirithoum Theseus, inquis, nobisque tibi^{que}
 Prætulit: hoc quæ te credere causa jubet?
 Nemo igitur fidum colat, aut invisat amicum:
 Si facit, externum prætulit ille suis.
 Quod carpis furiosa, tuoque in conjuge damnas,
 Laudares, sanâ si modò mente fores.
 Nomen inextinctum longo laudabilis ævo
 Est habitura patris Pirithoique fides.
 Quid sit amor, sentis? furor est: post omnia men-
 tem
 Eripit: exemplo res manifesta tuo est.
 Quid quereris frarrem clavâ cecidisse trinodi?
 Opprobrium vestræ sustulit illa domus.
 Quod nisi fecisset, cæsus pater esset ab illo,
 Quis non, quod Theseus fecit, in hoste facit?
 Curæ cuique sua est medio in discrimine vita:
 Natura; ut perimas, ne perimare, docet.
 Quamquam hæc culpa tuæ est, si qua est modò
 culpa, sororis:
 Illa viam docuit, consiliû^{que} dedit,
 Judicium tibi pervertit mentem^{que} libido:
 Quæ bona sunt damnas, impia facta probas.
 In vitiiis recti speciem reperire laboras,
 Ipsaque te virtus iudice crimen habet.
 Crimen amicitia est, crimen tibi, nolle perire!
 Res pia, quem ratio damnat & horret, amor.
 At repetit pœnas maternæ injuria cædis:
 Saucia Theseo concidit caese parens.

Esto:

Esto : me genitor , quo matrem , læserit ense :
 In te quod fecit , præter amare , scelus ?
 Quàm benè Theseo caderes quoque victima ferro !
 Et, si digna Dii dent tibi fata , cades.
 Occidit infelix sine causâ , & crimine mater :
 Non satis in pœnas mors foret una tuas.
 Quam mihi tu suades , vindicta est tetrior illo
 Crimine , quo genitrix à patre cæsa fuit.
 Scilicet incesti castam placabimus umbram ,
 Pessima tu pellex , pejor adulter ego ?
 Si quid adhuc manes , matrénque à funere posset
 Lædere , quid gravius , quod pateretur , erat ?
 Tène ut amem, quæ, cùm revocas delicta parentis,
 Me laceras ? nam sunt dedecus illa meum.
 Ad genus , & natos majorum infamia transit.
 Huic pater est ; illi causa ruboris avus.
 Tantalus est Pelopis , Menelai dedecus Atreus ;
 Natarum Danaus , Pasiphaëque tuum.
 Multa patri licet objicias , tamen omnibus illis ,
 Quod tibi nunc vorum est , turpius esse puta.
 Nec refero cæsæ solatia nulla parentis :
 Femina jam non est ulla verenda mihi.
 Nunc omnes odisse licet : nunc odimus omnes ;
 Te quoque , quam soleo marris habere loco.
 Atria vestibulum sunt aulæ vasta paternæ :
 Pendet in his veterum barbara præda ducum,
 Hic spectare licet pietas ex ordine pugnas ,
 Cæsæque Theseâ plurima monstra manu.
 Immanémque suam , populúmque è nubibus ortû,
 Et bovis , & fratris cornua fracta tui. (crusten,
 Cercyonémque , Scinínque , & cum Seirone Pro
 Et pulsata nigri tertia regna Dei.
 Hæc mihi spectanti , quamvis in imagine tantum
 Visa , tamen causa sæpè fuisse metus.
 Te tamen hæc inter pietam si monstra viderem ,
 Tu mihi , tu terror maximus una fores.

Et meritò : quid nãmque tuis furiosius ausis ?

Nullum odium est isto majus amore scelus.

Quò magis admiror, quid sit tibi scribere, famam

Nunc quoque cùm violas, labe carere tuam.

Quam, si labe vacat, cur non stultissima servas ?

Cur, quod habes, summum prodigis ipsa decus.

Pulchrius hæc magnos ornat, quàm purpura, reges.

Hanc sceptrum, hanc titulos, hanc diadema puta.

Hac sine dedecorant honor & sua nomina magnos:

Hæc sine majestas régibus ipsa probro est.

Nec tamen, ut jactas, fama est tibi criminis experts.

Perdedit hanc, quisquis non retinere cupit.

Quod tibi præ nostris sordet tua regia silvis ;

Judice me, silvæ te quoque, Phædra, decent.

Sed quales, meritòque, tuam tenuere sororem,

Cùm sine se Thesei vidit abire rates.

In quibus humani nusquam vestigia cultus,

Sed videas solis cognita lustra feris.

Illic venandi studio teneare licebit ;

Illic horteris per juga summa canes.

Ut pedibus nostras tangas impura nefandis ?

Si ferat hoc, silvis non benè virgo præest.

Nec tibi mens damis, nec mens est retia cervis

Tendere, nec cursu præmia nostra sequi.

Præda tuis ego, quam captares, retibus essem :

Præda ego, per silvas quam sequerere, forem.

Antè precor novus Actæon in montibus errem,

Et lacer à canibus devorer ipse meis. (vitam,

Quòd Venerem tollam, quòd agam sine conjuge,

Est mea judicio rustica silva tuo.

Rustica sit sanè, vitiis aulæque, tuisque (bet.

Dum caret, & casta est, quòdque sequamur, ha-

At studiis est clara meis, infamis, & ipsi

Detestanda feris, te veniente, foret.

Cur, ne deficiam, metuis mihi ? nempe labores

Alternâ requie, vitæque nostra carent.

Falle

Falleris. alta quies sibi mens est conscia recti :

Hac fruor , hæc semper pectora nostra fovet.

Hæc mihi per montes , præruptaque saxa vaganti,

Quâ recreor , comes est , ægraque corda levât.

Quàm juvat hîc aulæ strepitu , fumoque carentem

Et procul invidiâ vivere , tæque procul !

Ad requiem satis est patulæ sub tegmine fagi ,

Et temerè in viridi procubuisse solo.

Illic è silvis veniens , aut vallibus aura ,

Frondeaque ardores sat levat umbra meos.

Intercè gemit in patriis avis Attica silvis ,

Et violare toros admonet esse nefas.

Quid requiem ingeminas ? requies in crimine
nulla est.

Ex illo , si qua est , nata Megæra fuit.

Hoc unum tædis animos ardentibus urit ,

Hoc unum Stygias condit in ossa faces.

Ipsa tuas furias , & cæcos consule motus :

Non secus ac thyrso concita Baccha , furis.

Mentis inops raperis , nec adhuc , nisi mente ,
scelestæ es :

Si re peccasses , quò raperere modo ?

At mihi (sic dives promissis littera spondet)

Conjugii dos est Creta futura tui.

Nil agis : ut violem tam sanctæ fœdera legis ,

Non mihi tu tanti , totaque Creta tua est.

Regna mihi spondes ? ut te , sic odimus illa.

Quæ mihi sunt odio , finge placere tamen.

Quî potiâ , nisi per fratrum , patrîsque cruorem ?

Hoc quoque tu suades ? hoc tuus aufit amor ?

Ah ! te Demophoõ miseror , tæque inclyte Theseu :

Te , quia Phædra uxor ; te , quia Phædra parens.

Forſitan hostiles iras , aut bella timetis :

At Phædræ vobis est metuendus amor.

Este tamen de me securi : tendere solis

Insidias labor est noster , eritque feris.

Unicăque ambitio est, ne figat missa lacertis
 Alterius plures, quam mea cuspis, apros.
 Quid mihi cum regnis? si rex, qui sustinet angi,
 Et semper trepidâ sceptrâ tenere manu.
 Omnes si Superi dicant mihi: Regna capesse:
 Hostibus hæc, dicam, Dii date, quæso, meis.
 Hei mihi, curarum quot millia, quôtque timorum,
 Quot luctus circum regia tecta volant!
 Nec regno careo: regnum mihi libera mens est,
 Et proba, quam captam nulla cupido tenet.
 Imperat hæc odiis, & amoribus; imperat iræ,
 Et domat imperio spemque metumque suo.
 Exulat hinc procerû livor, scelerumque repertrix
 Ambitio, & quidquid sceptrâ timenda facit.
 Et regnum mihi sunt silvæ: dominamur in illis,
 Dêque feris, tamquam gente, tributa peto.
 O valeant populi, regum tormenta suorum:
 Ingenium sensi mitius esse feris.
 Has inter Pietas habitat, Rectumque, Pudorque,
 Cælestesque ipsi: non habet aula Deos.
 Historias quid stulta mones peccare docentes?
 Te petis, & telis conficis ipsa tuis. (quod
 Ex his, quos memoras, cujus placet exitus? aut
 Flagitium lentè pœna secuta fuit?
 Arserit Oenides in Mænaliâ Atalantâ;
 Prima sepulchralis fax fuit illa rogi.
 Infelix juvenis pariter cum torre flagrabat:
 Tam miseri mater funeris auctor erat.
 Mater erat: quid si, quod tu mihi, Phædra, fuisset?
 Ah! ego sic potius sim tibi flamma, precor.
 Vulcani temerasse torum quàm nollet Adonis,
 Tunc cum fulminei dente cadebat apri.
 Auroram Cephalus, Cephalum vindicta secuta est,
 Dum procûl uxorem credidit esse feram.
 Credidit, & misso rupit præcordia telo:
 Exitio, unius vulnus utrique fuit.

At tu, si pudor est, exemplis talibus uti

Parce: fugam sceleris, non scelus illa doceat.

Pœna comes culpæ est: spectata modò singula:
numquam

Impuros claudò deferit illa pede.

Nemo nocens impunè fuit: si cetera desint,

Mens sibi delicti conscia pœna sua est.

Sic mihi pro stimulis addis, stultissima, frenos,

Et me, ne faciam quod petis, ipsa mones.

Esse putas aliquid, si fratrem Juno virumque

Det tibi, quod me sis præpositura Jovi.

At mihi si vel te, vel Erinnyda nubere cogat

Jupiter, huic dicam: Me dea tristis habe.

Fata quid accusas? si vis ea vincere, vinces.

Prætendis vitio nomina vana tuo.

Cur metuis, vesana, parùm Minoïa credi?

Curve times, ut sis dedecus ipsa tuis?

Pone metum tamen; ut possis Minoïa credi,

Quod petis à nobis, hoc voluisse sat est.

Peccavit, quicumque cupit peccare: voluntas

Sola, nec admissio crimine, crimen habet.

Jam jam Cecropias hæc ibit fama per urbes,

Et quâ spargit avus lumina, rumor eris.

Ipsa tui fies index manifesta doloris:

Conceptum haud poteris dissimulare nefas.

Cur ita vaticiner, quæris? quia victa furore es.

Talis amor furor est, indiciumque sui:

Si tamen hoc urget fatum Minoïdas: at nos

Sanguis Amazonidum, turbâ pudica, sumus.

Si legem legi vis cedere; cedat honestæ

Turpis, Amazoniæ Gnoſſia, vestra meæ.

Sed benè conveniunt contraria, judice Phædrâ:

Nam nitor, & nostro pulvis in ore decet.

Et rigor, & cultus, & vincti flore capilli,

Neglectæque decent & sine lege comæ.

Hor

Horrida nunc placet , hirsutisque accommoda
silvis ;

Quæ primùm placuit , candida vestis erat.
Et cur non mores potiùs mirare pudicos ?

Hac tibi , non formæ laude probandus eram.
Cum faciem tantùm laudas , cultusque , comasque ,
Ponentis laqueos uteris arte lupæ.

Sic blandum tenui dum fundit arundine carmen ,
Decipit incautas carminis auctor aves.

Credula sic tenero dum Siren pectora cantu
Mulcet , in exitium cæcæque saxa trahit.

Scimus , quæ lateant illo sub gurgite Syites.

Nostra per has numquam cymba feretur aquas.
Nec precibus , nec me lacrymis , nec laude mo-
vebis ,

Hic pergam silvis durior esse meis.
Hoc scopulos vincam , montanæque saxa rigore :

Quem meliùs celebres , me decet iste rigor.
Ut pelago rupes , tibi sic rigor ille resistet.

Sentiar hoc uno virtibi , Phædra , modo.
Interea caput hoc , incensa dolore repulsæ ,
Mille per insidias docta noverca pete.

Ex quibus ut partem vitemus , non tamen omnes,
Quamlibet admissis effugiemus equis.

Sive tamen ferro me perdes , sive veneno ,
Multo , quàm nunc es , lenior hostis eris.

Non ego , ne peccem , discerpi in frustra recuso.
Sæpè , quod est durum ferre , tulisse juvat.

Et juvat , & pulchrum est vitæ præferre pudorem.
Sic occumbentes mors vetat ipsa mori.

Eventura cano : sic nobis somnia dictant.
Non mea sunt nullâ somnia digna fide.


Nunc deturbari videor mihi rupibus altis ;
In mare nunc mergi , vorticibusque premi.

Nunc mihi nocturnis fodiuntur viscera telis ,
Pérque cor , & venas ensis inanis abit.

Excu

Excutiunt pavidos simulacra minacia somnos,
 Et vigili quæro vulnera vana manu.
 Nunc loris velut implicitus raptorque, trahorque,
 Quaque trahor, longas sanguine signo vias.
 Astitit ipse nigris Morpheus mihi nuper in alis,
 Et querulo tales edidit ore sonos:
 Infelix juvenis, tua, si potes, effuge fata.
 Non tibi nox vanos obicit atra metus.
 Mox inhibens cursum fugientis: Siste quadrigas,
 Inquit, in ancipiti ne lacerere fugâ.
 Sic ait, & somnus me deseruere, deusque:
 At non deseruit pectora nostra pavor.
 Inde vigil mecum repetens mea somnia, dixi:
 Nox aperit nobis, quod feret una dies.
 Namque per hos semper volitas manifesta tumultus:
 Igne micant oculi: dissipat aura comas.
 Et modò ceu tædas fugienti tendis in ora:
 Et modò ceu stimulas in mea fata patrem.
 Hæc me non modicè, fateor, spectacula terrent:
 Parte aliquâ voto sunt tamen apta tuo.
 Ad nos dant aditum, & patimur: sic denique,
 Phædra,
 Non aliter nobis aspicienda veni.
 Qua me cumque petes rabie, quocumque furore,
 Nil audere tuo pejus amore potes.





ELEGIARUM

LIBER QUARTUS.

ELEGIÆ DE CHRISTO PATIENTE.

ELEGIA I.

Amorem de Deo triumphare.



Isceite quid sit Amor. Res est antiquior
ipso

Tempore : dùmque fuit Numen , &
ille fuit.

P. rque Deo quamvis nihil est, tamen imperat illi,
Et sibi ceu victum cedere sæpè jubet.

Ante mare & terras, cælisque volubilis axes,
Cum species rerum nulla, nec orbis erat,

Illi dixit Amor : Terras & sidera conde.

Nec mora; lucebant sidera, stabat humus.

Lucidus ex illo certâ vice volvitur æther :

In medio constans aëre pendet humus.

Viderat oppressos scelerati fraude tyranni

Vincula mortales non patienda pati ;

Præcipitèsq; rapi turmatim in tartara prædas,

Nec miseris ullum stragibus esse modum.

Non tulit hoc miserans Amor , & cum Numine
questus :

Ipse tuum vindex asserere , dixit , opus.

Jusse

Jusserrat : obsequitur Deus , & sua sidera linquens
 Protinus in nostram devenit exul humum.
 Tantâque Majestas moribundi corporis artus
 Induit , & nasci paupere matre tulit.
 Nec pudor adstantes inter vagisse juvencos,
 Nec pudor in fœno decubuisse fuit.
 Ultima ferali quis nescit in arbore passum ?
 Quis morti nescit succubuisse Deum ?
 Omnia jussit Amor. cœlo dat jura , nec ipse
 Omnia cui parent , regna minora tenet.

ELEGIA II.

Christum ingenti patiendi desiderio semper arsisse.

Junge triumphales currus Amor : indue lauro
 Tempora : de magno pone trophæa Deo.
 Succubuit Deus ipse tibi : tua jussa secutus
 Exilium regno prætulit ille suo.
 Utque suum servaret opus , tulit omnia , & ingens
 Nos vitæ pretium credidit esse suæ.
 Heu pietas ! quantas aluit sub pectore flammæ !
 Quanta illi , & quoties vota fuere mori !
 Non ita suspirat , solvique miserrimus optat ,
 Quem rigidâ vinctum compede carcer habet :
 Non ita Sarmaticis exul confectus in oris
 Ad patrios ardet posse redire lares ;
 Ut nos morte suâ meritæ subducere morti
 Arsit , & in pœnæ totus amore fuit.
 Hæc nondum geniti , hæc inopi nascentis in antro,
 Hæc durâ in stipulâ vota jacentis erant.
 Vagierat : Mater frigus nocuisse putavit ,
 Aut rigido lædi stramine molle latus :
 Quâque potest , stipulas & fœnum mollius æquat ;
 Quâque potest , frigus lenit , & arcet ope.

Nil

Nil agis ô Mater : dolor hic, & causa doloris
 Maternâ tolli sedulitate nequit.
 Non tantum plorat, quia cannæ & stramina lædunt,
 Et quia plus duro stramine lædit hiems ; [dunt,
 (Quamvis & plorat, quia cannæ & stramina læ-
 Et quia plus duro stramine lædit hiems :)
 Quantû quòd longi mora temporis obstat amanti,
 Et videt extremum tam procul esse diem.
 Siliceat, jam flagra pati, jam faucius altæ
 Affigi cupiat brachia parva cruci.
 Ipsa crucis mora tormentum est cruce durius ipsâ:
 Hanc puer, hanc causam, cur lacrymetur, habet.
 Creverat, & pariter patiendi creverat ardor :
 Jamque fabri patris non leve tractat opus.
 Ah quoties, dum solus erat, fabrilis signans
 Instrumenta oculis, talia verba dedit !
 Malleus en, clavique, & trabs, transversaque ligna,
 Iussaque porrigimus brachia ; lictor ubi es ?
 Sic ait, exertasque manus, corpusque trabali
 Aptat amans trunco, vulneribusque parat.
 Collis erat : collem felix umbrabat oliva,
 Non procul à muris urbs Solymæa tuis.
 Illic corpus humi prosternere sæpè solebat,
 Illic flens totâ ducere nocte preces.
 Oscula mille dabat terræ, quia primus in illam
 Omnibus è venis sanguis iturus erat.
 Sæpè preces inter : quando te sanguine tingam
 Humida nunc lacrymis ; dixit, arena meis ?
 Sæpè salutavit, tunc cùm veniebat in urbem,
 Conscia supplicii tecta futura sui.
 Lustrat & interdum, quod postmodò sæpè fatiscēs
 Sub cruce purpureum sanguine fecit iter :
 Dúmque videt montem vincendæ Mortis arenam,
 Quâ metam pœnis & sibi fixit Amor ;
 Tum verò vultus oculosque ardere videres,
 Nec flammæ pectus posse tenere suas.

Hæc eadem exercent nocturnam visa quietem :

Pœnarum series ordine tota redit. (nis,

Tunc quoque sæpè manus ratus est offerre care-

Terga flagris , spinis tempora , colla cruci.

Brachiaque extendit vanum captantia lignum ,

Impia ceu præsens cum cruce turba foret.

Quin etiam interdum velut inclinare videtur

Exanimum collo deficiente caput.

Somnus abit ; sed enim species objecta futuri-

Non abit : hanc versat , perpetuamque facit.

Surgit , & ex imo suspiria pectore ducit ,

Quæque feret , jam nunc ferre paratus , ait :

Ludis Amor , vincisque Deum ; cogisque fateri ,

Nostra propè imperiis esse minora tuis.

Possum ego luctantes pelago compescere ventos ,

Et murmur trepidis eripere omne Notis.

Cùm libuit , vitæ lucisque cadavera reddo :

A nutu pendent Vitæque Morsque meo.

Quoslibet alterius possum sanare dolores :

Tollere non possum , te prohibente , meos.

Non ego dedignor tibi cedere victus , & ultro

Addere captivas in tua vincla manus.

Sed , mihi quæ victor facies , quid vulnera differs ?

Cur mihi crux nondum dulce subitur onus ?

An decet , aut æquum est tua te mandata morari ?

Cur , quæ ferre jubes vulnera , ferre vetas ?

Aut non urgeres , aut me parère volentem ,

Imperium fineres & tua jussa sequi.

Scilicet expectanda dies , & temporis ordo.

Tolle moras : illas impiger odit amor.

Hei mihi ! tam lento mea cur pede labitur ætas ?

Hei mihi ! cur annos non venit ante suos ?

Quàm vellem menses , fineret Pater , ocyùs ire ,

Et solito volucres ocyùs ire dies !

Ite dies , horæque , levi properate volatu ,

Invisasque mihi præcipitate moras.

O quàm

O quàm grata mihi venies, asperrima quamvis,
 Quæ vitæ venies hora suprema meæ!
 Quamvis tot paries, quot habes momenta, dolores;
 Te tamen hanc ipsam, quâ loquor, esse v. lim.
 Ah! propera, & tecum nullas non advehe pœnas:
 Sola mihi pœnæ pœna levamen erit.
 Ur properes, & te curras velociùs ipsâ,
 Advenies votis serior hora meis.

ELEGIA III.

*Futuros cruciatus Christo presentium semper
 dolorum causam fuisse.*

CHriste, quid ætatem, mensèsque, annòsque
 morantes,
 Quid quereris lentis passibus ire dies?
 Et quasi nunc iras, quibus in te sæviet olim
 Crudelis Solyme, non paterêre, gemis?
 Parce queri. quidquid vitæ tibi fluxit ab illo,
 Quo cœpit primùm tempore, pœna fuit.
 Expletur sitis ista tibi, quâ fervidus ardes.
 Plena quid in mediis flumina quæris aquis?
 Si, nisi morte, tamen non pones mortis amorem,
 Utilior votis est mora longa tuis. (dit:
 Hæc tibi supplicium est: hæc mortes mortibus ad-
 Hæc, quidquid faciet barbara turba, facit.
 Dicere fas mihi sit: Non est mora. Nónne fu-
 rentùm,
 Dum te sic cruciat, prævenit illa manus?
 Si nondum cervice geris manibùsque catenas,
 Nec lacerant sacrum spinea ferta caput;
 Si nondum tibi velluntur de corpore vestes,
 Nec perfusa tuo sanguine terra rubet;
 Nec duris graviora sonant convitia flagris,
 Nec te pendentem crux subeunda tenet:

At tibi sævitæ mens non ignara futuræ

Hoc facit, & tanti causa doloris amor.

Illa videt quidquid poterunt odiûmque furôrque;

Quôdque videt patitur, nec dolor ullus abest.

Jam nunc sævit in hac, quamvis non sauciat artus,

Lictorum rabies, vulneraque alta facit.

Illic proditio, perjuraque verba tuorum,

Et siccâ levior fronde futura fides.

Vincula sunt illic, ferrôque sonante catenæ,

Et, quo figetur, lancea fixa loco est.

Illic carnifices, illic clavósque, crucémque,

Et quæ te lacerant vulnera semper habes.

Hîc quoque stat Genitrix, téque in cruce pallida
spectat;

Quôtque videt plagas, tot putat esse suas.

Hîc pariter tecum luctûque & mole laborum

Obruta, mille neces sustinet ante necem.

Quid gravius, cum pendebis moriturus in alto

Stipite; quid gravius, cum moriêre, feres?

Ah quantò levior tibi erunt scuticæque, veprés-
que,

Et crux, & ferro vulnera facta dolor:

Nec tibi decedit, sed inevitabilis hæret

Ante oculos tanti semper imago mali.

Urit, seu medios properas docturus in agros:

Urit, seu latebras, & loca sola petis.

Ac veluti cervus Libani nemus inter odorum,

Cui procul incautum fixit arundo latus;

Pascua seu, campósque fugâ transmittit apertos

Saucius, è puro seu levat amne sitim,

Frustrâ quærit opem: lateri lethale cruento

Telum hæret: finis mors erit una mali.

Sic mortis sensu numquam cariturus amaro

Vivis, & hæc luctus finiet una tuos.

Intercâ crux in votis & pectore toto est.

Hanc velut absentem nocte dièque vocas.

Somnia

Somnia te cruciant veras imitantia pœnas ,
 Nec tibi nox sævo est mirior ulla die.
 Cur igitur tibi creduntur , mala tanta ferenti ,
 Tempora supplicii lenta venire tui ?
 Votum in amante novum est : quod adest , expo-
 scis ; & optas ,
 Quæ jam nunc pateris vulnera , posse pati.
 Quid credam ? votisne tuis tua vota repugnent ?
 Immemorémne tui te quoque reddat amor ?
 Quod petis , hoc tecum est : neque crux fatalis
 amantem
 Deserit , aut summum deseret ante diem.

ELEGIA IV.

*Mentis , quàm corporis sensum Christo acro-
 rem fuisse , & perpetuum.*

AH ! malè nil ferro gravius rude vulgus & igni,
 Carnificisque putat durius esse manu.
 Maxima supplicii pars est , quam conscia rerum
 Mens , nondum tacto corpore , prima subit.
 Dum ferrum & flâmas , dum prospicit omnia sævæ
 Instrumenta necis , savitiæque modos :
 Dum nihil ignorat , tristisque in imagine tota est ,
 Jam patitur quidquid pœna doloris habet.
 Et mentis magis est , quàm sensus corporis , acer :
 Hic dum percipitur deficit , ille manet.
 Quid doluit , subito teli qui saucius ictu
 Concidit , & lethi nescius antè fuit ?
 Quid doluit , quem securum , somnóque fruentem
 E molli rapuit mors inopina toro ?
 Gethsemani colles , túque ô Calvaria rupes ,
 Et quæcumque Dei cæde madebis humus ,
 Pontificúmque aulæ , & Latix prætoria turnæ ,
 Túque æther sensus signa dature tui ,

Totâque , quæ meritò rerum Natura dolebis ,

Ah ! quota pars vobis nota doloris erit ?

Nec mare tot fluctus , nec habet tot littus arenas ,

Nec tot vere novo gramina mollis humus :

Quot te, Christe, premunt ex omni parte dolores.

Solus , quæ pateris , tu numerare potes.

Omnia cernentem pars non latet ulla futuri.

Heu quantum pœnæ prævius horrior habet !

Sic rapiunt : sic percutient : sic vincula stringent :

Sic hi , sic illi vulnera , tôtque dabunt :

Sic adigent, & tot, t' mque altè in tempora spinas :

Hæc procerum, hæc turbæ verba furentis erunt.

Sic rigidi scindent clavi palmâsque pedêsque :

Lancea sic pectus per latus acta peret.

Talibus , atque aliis mens exercetur amantis ,

Ut lapis assiduus quem mare pulsat aquis.

Excipit hibernas clementior aura procellas :

Nulla venit rebus mollior aura tuis.

Tempus, & ipsa dies cui non medicina dolori est ?

Spes etiam curas & dolor ipse levar.

At tibi nil pœnæ rapidi fuga temporis aufert ,

Nec tibi spes ullam credula monstrat opem.

Nec tuus exhaurit sese dolor ille ; nec umquam

Expletur lacrymis , egeriturve suis.

Inveniunt nostri tantum solatia luctus :

Nulla tuis nisi mors est medicina malis.

Ménique licet tristes possit divertere curas ,

Se tamen in pœnis detinet ipsa suis.

Ipsa sibi , quæ ferre potest , solatia demit ;

Nec mœrore suo posse carere velit.

Non illam requies , non dulcis imago futuri ,

Non nox adveniens , non reditura dies ,

Non illam maternus amor , vultûsque suorum ;

Non patrium cælum , non Pater ipse levar.

Nate Deo , quam possum te dicere causâ

Tot mala tam longo tempore velle pati ?

Scili-

Seilicet ut ferves, à quo sic læderis, hostem,

Et læsus partes conciliantis agas.

Et quisquam tantò victus non cedit amorì ?

Immemor & luctus sustinet esse tui ?

Sustinet, & curas aliò traducit inanes,

Securus, quid amor, vulneraque ista velint.

Vana juvant. fertur præceptis quò cæca libido,

Et furor, & levitas, ambitioque rapit.

Ah ! tibi nec mens est hominis, nec, quæ tibi vitam

Prima dedit, nostri sanguinis illa fuit.

Ferree, si te nec spinæ, nec vulnera tangunt

Illa, quibus cautes indoluisse ferunt.

Ferree, si lacrymam nec sanguinis elicit imber,

Nec qui se fuso sanguine prodit amor.

Hoc est, quod gravius loris urebat amantem,

Hoc est, quod clavis, quod cruce majus erat.

Metimur miseri flagris, spinisque dolorem ;

At nec spina dolor flagraq; summus erant.

Summus erat gens dura suæ sibi causa ruinæ,

Et tanti fructus nullus amoris amor.

ELEGIA V.

*Amorem Christi in mediis tormentis adhuc
inexplebilem fuisse.*

EN tibi, Nate Deo, lux optatissima tandem,
Et suprema, tui testis amoris, adest.

Tempus ad hoc solâ quæ vulnera mente tulisti,

Nunc etiam toto corpore fixa geris. (bas :

Nunc pateris quidquid quantumque optare sole.

Nec voti pars est ulla caduca tui.

Nunc saltem pietas finem tua contigit, &, quo

Se probet & pascat, nil, puto, majus habet.

Sanguine sudasti : rivi fluxere cruenti :

Ora, sinus, vestes, ipsa madebat humus.

Carnifices duris oneratum colla catenis

Saxa per & duras te rapuere vias.

Cæsus es, & raptâ passus tot verbera veste,

Quot pulsat Tyriam fluctibus æquor humum.

Forſan & auxiſti feſſis in verbera vires,

Ut votis eſſet par tua pœna ſuis.

Quæ membris ſpecies : unum ſunt omnia vulnus :

Pænè patent lævis oſſa reſecta ſagris.

Fuſtibus impacti pervadunt tempora vepres,

Et lacerant totum perfodiuntque caput.

Quò color, & vultus ; quò frontis gratia fugit ?

Lumina quò ſtellis lucidiora tuis ?

Iſta decens facies multo jam verbere livet :

Lumina ſanguineo fracta tumore rubent.

Sanguine concreti pendent ſuper ora capilli,

Totâque nil formæ forma prioris habet. (ba,

Quid probra commemorem, tæque execrantia ver-

Impiâque in mores ora ſoluta tuos ?

Mons quoque conſperſus ſanie, tabôque reorum,

Tot tibi pœnarum meta ; tenendus erat.

Huc laceris quamvis bumeris te ferre coegit

Impia gens duram durior ipſa crucem.

Altius ô quanto ſpinas in tempora fixit,

Tam grave, cum quateret colla ferentis, onus

Ah quoties ingreſſus iter ſuccumbere trunco

Viſus es, & lacerâ fronte ferire ſolum !

Ah quoties ſtimulis foderunt terga jacentis,

Et latera, & duris tempora plena rubis !

Intactæ fuerant, nec ſectæ verbere plantæ ;

Aſpera pro duris ſaxa fuère ſagris.

Dum foderis ſtimulis, huc dum raptaris & illuc ;

Pérque ſalebriſas cogeris ire vias ;

Saxa tibi geminas ſecuerunt aſpera plantas,

Ne pars immunis vulneris ulla foret.

Jâmque jugo tandem ſuperato montis iniqui,

Spiritus exhaustum vitâque pænè fugit.

Hæc

Hæc pateris; nec adhuc patiendi expleta cupido est.

Quo sese tandem limite sistet amor? (offers.

Respice quid redimas, pretiumque expende quod

Non homines tanti, totaque terra sumus.

Solvere si pretio mercem superante volebas,

Plus satis una tui gutta cruoris erat. (nus,

Omnia nunc livent: nunc undique & undique vul-

Et cruor. Ah nimium prodigus ipse tui es!

Saltem si qua tuo, quamvis minor, esset amori

Gratia, non omni parte pigendus erat.

Cui tuus est sanguis, cui sunt tua vulnera curæ?

Atque utinam nostri summa sit ista probri!

Sapè etiam meriti merces injuria tanti est:

Eheu cultori messis iniqua suo!

Te tamen urit amor, gravioraque ferre paratus:

Pascimur his pœnis, non satiamur, ais.

Quas amor infligit, mea sunt solatia pœnæ:

Hoc benè sedatur flumine nostra sitis.

Barbaries in me vires exhauriat omnes,

Addat & innumeris vulnera plura, feram.

Nondum sunt omni vacuæ mihi sanguine venæ:

Quidquid adhuc superest, hauriat illa precor:

Utque facit, mihi det faciles in amore ministros:

Mercedem nostras sentiet illa preces.

Ipsos, qui faciunt, lustrabunt factâ nocentes

Vulnera: mors culpæ nostra piamentum erit.

Sic pius extenuat quidquid peccamus, & ipse

A nostro vires crimine sumit amor. (scens

Membra quidem, lacerosque artus, corpusque fati-

Deficiunt nervi, deficiuntque pedes;

At non deficiunt animi: majoribus ultrò

Objiciunt sese, sufficiuntque malis.

Utque novis ingens alimentis pascitur ignis,

Materiesque illum vincere nulla potest:

Sic alit ipse suos, augèturque doloribus ignes;

Quisque nihil non fert, nil satis esse putat.

Plura & plura pati , & graviora prioribus optat :

Votâque successum , quem sibi poscit , habent.

Barbaries & Amor paribus crudeliter instant

Viribus , infestas expediuntque manus.

Conjurasse putes : expleri plena furoris

Barbaries nescit sanguine , nescit Amor.

ELEGIA VI.

In Christum contumeliosissime denudatum.

Quid tibi vis crudelis Amor ? quem barbaram
tandem

Vulneribus statues , sævitixque modum ?

En iterum venis manant stillantibus artus :

En iterum multo sanguine terra rubet.

Diripitur vestis : vestem concreta tenebant

Vulnera ; quâ trahitur , detrahit illa cutem.

Parcite carnifices miserum convellere corpus :

Nil nisi jam lacerum , quod laceretis , habet.

Quæ coeunt , horrent mollem quoque vulnera ta-
ctum :

Quid properè injectâ rumpitis illa manu ?

Nil agimus : tumidi ritu torrentis aguntur ,

Obvia qui subitis omnia sternit aquis.

Undique prorumpit sanguis , manatque per artus,

Quoque potest velat corpora nuda modo.

Non dispar membris species , cum militis ira

Hæc eadem flagris dilaniasset , erat.

Quid potuit tantis dignum committere pœnis ,

Nullius culpæ , Iudice teste , reus ?

Ecce tremens astat raptò spoliatus amictu :

Jamque pudor plus , quam pœna , doloris habet.

Sol , quod mox facies , radios nunc subtrahe terris ,

Auctoremque tuum , teque , diemque tege.

Ah faceres : sed quem tenebris involvere velles ,

Officio non vult ipse latere tuo.

Non

Non minui cupit ipse suas, sed crescere pœnas.
 Pars bona te lucem dempta negante foret.
 Carnifices, ubi nunc quamvis sordentia vela,
 Tecta quibus facies illius antè fuit?
 Quæ laceros artus, vestri quoque signa furoris,
 Parte aliquâ saltem sordida vela tegent.
 Qualicumque, precor, circumdate corpus amictu:
 Munere pro magno vilis amictus erit.
 Ah rudè ne textum lacero nudoque negate.
 In ventos abeunt irrita verba? negant?
 Ergò qui foliis silvas, qui cortice truncos,
 Qui vestit campos gramine, veste caret.
 Sic tibi se Natus, Genitor, suâque omnia nudus
 Immolat: hoc sese víctima more litat.

ELEGIA VII.

Dolores Christi in Crucem acti.

Quid mirer prius hîc? aut quid doleámve,
 querámve?
 Mens abit, hoc & se deserit ipsa loco.
 Aut hîc, aut nusquam, quot sint in amore dolores;
 Aut hîc, aut nusquam, quid sit amare, pater.
 Ecce (nefas visu) nudum, totisque trementem
 Artibus arripiunt, injiciuntque cruci.
 Ah satis est pœnæ: quid adhuc gens dira paratis?
 Ulteriôrne potest tot gradus esse malis?
 Nil vos hæc species, nil vos lacerata flagellis
 Corpora, nil spinis tempora rupta movent?
 Nil humeris crux in montem perlata cruentis,
 Quódque suo madidum sanguine fecit iter?
 Non potuit toties, & per tot vulnera fusus
 Vestram aliquâ sanguis parte levare sitim?
 Nil mala tanta movent: crescit crescentibus illis
 Sanguine se pascens suppliciisque furor.

Ille jacet pronus, caroque dat oscula ligno ;

Injectaque tenet robora dura manu.

Dumque tenet : Salve mea crux, mea gaudia, dixit :

Aspera, sed quamvis aspera, cara tamen ;

Tam sperata mihi, quam formidata nocenti.

Plura loqui lacrymæ carnificisque vetant.

Corripiunt pronum, vertuntque in terga supinum,

Pressaque nodoso brachia fune ligant.

Atque ita diversi geminos utrimque lacertos,

Distendunt : validas adjuvat ira manus.

Juncturis emota suis dant ossa fragorem :

Abrumpenda humeris brachia pænè putes :

Nec convulsa minus crurum internodia solvunt,

Dum tendunt, odio vim geminante, pedes.

Hei mihi ! quis teneat lacrymas ? majora minantur

Artifices scelerum : non habet ira modum.

Pars tenet injecto distentos fune lacertos,

Pars fera sanguinâ concutit arma manu.

Malleus in dextrâ est, rigidum tenet altera clavum,

(Asper, & obtusâ cuspide clavus erat)

Dira viris facies, torvis in vultibus iras,

Inque oculis facinus, quod meditantur, habent.

Mè miserum ! stringunt clavos, magnoque furentes

Pérque manus adigunt impete, perque pedes.

Rumpuntur venæ, nervi rumpuntur, & ossa :

Sanguinis en rivi fluminis instar eunt.

Dum geminant ictus, dum mons & saxa resultant

Ictibus, heu quantus transit ad ossâ dolor !

Esse homines credâmne, quibus tam tristis imago

Nil animum, quâ sunt saxa movenda, movet ?

Si quibus est tantum circum præcordia ferri,

Aspiciant siccis hæc in amante genis : (est,

Hæc ego dum specto, cor quod mihi durius ære

Rumpitur, & sensum commiserantis habet.

Proh ! supreme Pater patientem talia Natum

Aspicis, & cessas ? iraque lenta tua est ?

En

En crux aërias & cum cruce corpus in auras
 Tollitur : in plagas omne recumbit onus.
 Corpora sustentant soli pendentia clavi :
 Vulnera , quod clavis nititur , auget onus.
 Tormentum ! quo Sol condat sua lumina viso ,
 Et mundo radios , officiūque neget.
 Ipsa quod impietas , spatium modò præbeat iræ ,
 Horreat , admissi tacta dolore sui.
 Sævitiæ cumulum tantis convitia pœnis
 Adjiciunt , tamquam crux foret ipsa parum.
 Jam Deus in trunco spectabilis undique pendes :
 Hoc tua se dignum gloria culmen habet ?
 Quis tibi , nate Deo , patienti talia sensus ?
 Par animus tantis sustinet esse malis ?
 Hoc etiam placidâ toleras , ut cetera , mente ,
 Et vultu votis conveniente tuis ? (tur ?
 Tam fera nec gemitus , nec vox tormenta sequun-
 Ah silet : usque adeò nos patienter amat.
 Quis ferat hæc , nisi tu , cujus patientia finem
 Non habet , ut finem non habet ipse dolor ?
 Hæccine , quam toties , & totâ mente petisti ,
 Tôtque modum votis impositura quies ?
 Hæccine dulcis amarities , hæc illa voluptas ,
 Quæque suis curis gaudia miscet Amor ?
 Primum aliis votum est nullos sentire dolores ,
 Quàmque secuta fuit spes bona , sorte frui.
 Venantes sua præda , seges sperata colonos ,
 Tuta juvant nautas littora , palma duces.
 Vota pari tua sunt , tua sunt solatia pœnæ ,
 Summâque crudelem gaudia ferre necem.
 Crux tibi deliciae , messis sperata dolores ,
 Convelli requies , palma petita mori.
 Musa sile , vocemque premens , nihil esse fatere ;
 De tanto dici quidquid amore potest.

ELEGIA VIII.

*Latronem in cruce servatum omnibus spei
exemplum esse.*

Mortales sperate. Dei placabilis ira est :
Vincitur , & nullos submover illa reos.
Depositis etiam præstò est clementia causis.
Omnibus , atque omni tempore rota patet.
Nec mihi quis steriles causetur perditus annos ;
Nec mihi quis vitæ tempora fera suæ ;
Nec scelerum numerum. Tot sint , quot in æquo-
re fluctus ,
Quot silvis frondes , frigoribusque nives ;
Poeniteat tantum ; causam dolor ipse perorat ;
Nec lacrymis seris ulla repulsa venit.
Latro sit exemplo : trunco pendeat in alto ,
Quosque dabat gemitus , jam morientis erant.
Flebat , & ad Dominum vertebat pallidus ora.
Hoc satis , ut veniam consequeretur , erat.
Prò Superi ! quantum gemitus valere precantis ,
Verbæque ! Divorum gaudia munus habent.
Felix , infami quamvis in stipite pendes ,
Tam brevis , & facilis cui dedit astra labor !
Quamquam convictus scelerum es , quodque ipse
fateris ,
Morte peris vitæ conveniente tuæ ;
At voti jam pignus habes , quod fallere nescit :
Jam , reor , asperitas excidit ipsa crucis.
Frangite lictores , jam ferro frangite crura :
Hoc illi nullum munere maius erit.
Jam poenâsque novas , nova jam sibi vulnera poscit :
Solâque , quod cruciet , jam mora mortis habet.
O ego quam cupiam sic fixus in arbore mortem ,
Hæc mihi si dentur præmia , ferre tuam !

At

At tu quid dubitas veniam pacemque precari,
 Qui scelerum pendes, suppliciique comes?
 Tempus adest aptum precibus: dabit ille roganti,
 Qui jam morte suâ, quod tibi donet, emit.
 Me miserum! avertit vultus, Dominumque scelestis
 Insequitur verbis, & negat esse Deum.
 Heu cadit in quemquam tantus furor! heu sibi
 quisquam

Tot bona tam prono danda favore negat!
 Nate Deo, per ego hunc, quo nos dignaris, amorem
 Per spes, quas de te fontibus esse jubes,
 Per genus hoc mortis, per quæ tibi corpore toto
 Vulnera sunt animi pignora certa tui:
 Hic mihi, quem spernit sibi tam dementer iniquus,
 Hic mihi contingat, te miserante, favor:
 Sic, quos te pietas pro nobis ferre labores
 Impulit, excipiat publicus orbis amor:
 Sic bona spes ad re facilem, veniæque paratum
 Invitet trepidos, alliciâtque reos.
 Non tua, quæ cælo miseros clementia donat,
 Parcior est umquam, dissimilisque sui.
 Nec spes destituit: cuivis, discrimine nullo,
 Fontibus ex iisdem, vulneribusque venit.
 Cur ego diffidam? quæ fonti verba Latroni
 Dixisti moriens, hæc mihi dicta puto.
 Dixeris hæc uni, satis est. Ostendis in uno,
 Spes de te quantas omnibus esse velis.

ELEGIA IX.

In insultantes cruci fixo Deo.

Heu Solyme scelerata, reisque nocentior ipsis
 Quos ad suppliciû, quod meruere, vocas!
 Tunc Deum medios inter pendere latrones,
 Quæque illi pereunt lege, perire jubes?

Ut

Ut scelerum socius, qui pœnæ est, esse putetur!
 Sic geminas, infons ut videre, nefas?
 Sanguine crudeles oculos gens impia pascet:
 Deficit exhausto sanguine vita Deum.
 At vos sacrilegi jam saltem parcite linguis:
 Quis superest odiis, sævitæque locus?
 In cruce suspendi voluistis: pender in illâ:
 Mille pati infontem vulnera: plura tulit.
 Morte mori lentâ: lentâ jam morte necatis.
 Contenti tantis jam precor este malis.
 Tot quid abest pœnis? deerant sua vulnera menti
 Scilicet. Hæc linguis pars laceranda fuit.
 Impia gens erras. Tormenta immania semper,
 Plurâque, quàm potuit corpore, mente tulit.
 Me miserum! perstant, visûque à sanguine vires,
 Quo deliniri debuit, ira capit.
 Confusæ insurgunt voces, sed percipit omnes.
 Verba, quibus petitur, singula virus habent.
 Non sensus, animique latent: introspicit illos.
 Quid non hinc etiam, quo crucietur, habet?
 Hinc amor, hinc odium certant. Vos, si quid acerbis
 Restat adhuc odiis, addite; vincet amor,
 Tollite clamores, linguisque instate protervis,
 Ut, quem jactavit, se probet esse Deum;
 Ut sese eripiat letho, ferroque reflexas
 Expediat plantas, expediâtque manus.
 Non illum immanes retinent in stipite clavi.
 Quòd maneat, nostri fixus amore manet:
 Sêque, quod exigitis, non servat, servet ut omnes.
 Omnes vult pretium sanguinis esse sui.
 Hoc est, cùm minimo possit vos perdere nutu,
 Cur toleret lentus, dissimulâtque nefas.
 Hoc est, cur gravius læsum irritantia Patrem
 Crimina, quàm pœnas sentiat ipse suas.
 Nec, quia non plectit, non plectere posse putetis.
 Iusta sibi longas imperat ira moras.

Hac quoque, quæ fixa est, vellet modò, crimina vin-
 Plecteret, hac fulmen mitteret ille manu. [dex
 Mitteret, ha! fulmen? precibus, non fulmine certat.
 Pro vobis pendens in cruce vota facit;
 Conciliatque Patrem lacrymans, vestròque furori,
 Quam veniam vos non poscitis, ipse petit.
 Quà licet, excusat facimus quoque: supplicat ultrò,
 Invidiamque suæ detrahit ipse neci.
 Parce Pater, dixit, nec quod gens cæca meretur,
 Morte luat: partem criminis error habet.
 Quid facies, hostem qui sic miseraris, amanti,
 O majestatis non memor ipse tuæ?
 Læderis, & læsus veniam peccantibus oras.
 Materiam veniæ crimina nostra facis.
 Ipse subis pœnas, pœnarum præmia nobis
 Reddis; &, ut reddas, res tibi parva mori est.

ELEGIA X.

De titulo Crucis.

HÆc quoque ludibriis deerant? illudere morti
 Debit appositis scripta tabella notis?
 Cùm pelagus, cum terra tibi, cùm serviat æther,
 Regnæque sint meritis ista minora tuis;
 Hoc, quòd eras, probro verti, cirménque putari,
 Causæque supplicii debuit esse tui?
 Scripserit hoc judex, tamquam tua crimina,
 nomen,
 Et titulum mortis jusserit esse tuæ:
 Ille tamen vero scripsit te nomine regem.
 Majestas sed enim, pompæque regis ubi est?
 An crux infamis solium tibi? purpura sanguis?
 An clavi manibus debita sceptræ tuis?
 Carnifices, populúsque furens geminíque latrones
 Sunt tibi, quæ stipet regia turba latus?
 Vóxque

Voxque salutantum, diræ? convitia plausus?

Omnia paupertas quæ tibi dempsit, opes?

Nudus, & irrisus, fixusque in stipite pendes:

Majestas regi convenit illa Deo?

Crede tamen Solyme: regum rex maximus ille est.

Quem tibi venturum sæcula prisca canunt.

Sit reus, invidiæ moriens sit victima vestræ,

Ille reus, judex vester & orbis erit.

Nate Deo, tibi nos, tibi quem debemus honorem

Solvimus, & solium volvitur ante tuum.

Quamvis in mediâ pallens jam morte teneris,

Quamvis nil, pendens in cruce, regis habes:

Majestas non tota latet. Quod terra, quod æther,

Quod mare dent luctus tristia signa sui:

Quod procul adverso cæli festinet ab orbe,

Et retrò celeres Luna reflectat equos,

Quod Solis vultus, quod se, cælumque, diemque

Occulat, imperij vis manifesta tui est.

Tu modò pallentes revocas ad corpora manes,

E tumulisque cives ossa sepulta suis.

Tu modò perpetuis frenas Plutona catenis,

Et mortem moriens sub tua jura trahis.

Insultet Solyme: plus te nos esse fatemur,

Quàm titulus scriptis præferat ille notis.

Nunc quoque te, cum summa trahens suspiria
sensim

Deficis, æternum credimus esse Deum.

Nunc quoque cum pendes sine sensu & sanguine
corpus,

Nos mœsti lacrymas, nos tibi vota damus.

Tempus erit, tibi cum ponent insignia reges,

Et figent aris munera digna tuis:

Et crucis ad truncum curvato poplite fusi

Submittent pedibus sceptraque, seque tuis.

Templa tibi surgent Pariis innixa columnis:

Fumabunt sacris dona Sabæa focis.

In templis tua cum titulo ponetur imago,
 Qualem nunc pendens in cruce nudus habes.
 Ad latus hinc stabit lacrymans & pallida Mater;
 Hinc comes, eximium quem tibi fecit amor.
 Illa potens rerum, cujus victricibus armis
 Nilus, & Euphrates, totaque cessit humus:
 Illa suos fasces, animosque, orbemque subactum
 Imperiis subdet maxima Roma tuis.
 Expelli lustrata Jovem Capitolia cernent,
 Et tibi, cui soli debita, thura ferent.
 A populo tua crux, lacerumque in imagine corpus,
 Quodque alto pectus vulnererupit Amor,
 Et rigidi sentes, & sparsi sanguine vultus,
 Sæpè tibi grati causa doloris erunt.
 Quanta dabunt visis & quot suspiria clavis!
 Hi quoque non paucis vulnera sæpè dabunt.
 Hoc ipsum in summo quod pendet stipite nomen
 Jam cælum supplex, tuac quoque terra colet.
 Hoc metuet, frustraq; fremens horrescet Avernus,
 Totaque Styx imis exulata vadis.
 Quatum, & quale decus tibi tunc infamia præsens,
 Quatus, quæ modò fers, probra triumpus erunt!

ELEGIA XI.

Ad Virginem matrem stantem sub cruce.

Quid genitrix nato geminas sine fine dolores?
 Crux in supplicium non erat una satis?
 Altera crux nato est matrem spectare dolentem:
 Nec minus hæc pænæ; plus quoque forsan
 habet.
 Ipsa vides lacerâ guttas è fronte cruentas
 Pérque oculos illi currere, pérque genas.
 Ipsa vides manibus, pedibusque crumpere rivos
 Sanguinis: & nervis ossa soluta suis.

Sic

Sic natum spectare vocas solaria mater?

Hoc juvat? hæc luctum scena levare potest?

Non potes, ut cupias, solantia dicere verba:

Verba locuturæ frangit in ore dolor.

Non strophio siccare sacros, non veste cruores:

Crux illum manibus submovet alta tuis.

Non, ubi finierit mors illi sæva labores,

Lumina maternâ condere fracta manu.

Parce, precor, saltem nato, si parcere nescis

Ipsa tibi: lacrymis uritur ille tuis.

Nec tibi solamen præsens potes esse, nec illi:

Illius luctu læderis, ille tuo.

Nate Deo, qui fers, quæ te nisi ferre videret,

Barbaries ferri posse vel ipsa neget:

Te testor, sensumque tuum: te sæviùs urunt,

Quàm tua, quæ de te vulnera mater habet.

Hoc quoque non nescis mater: scis quodlibet illi

Supplicium luctu lenius esse tuo.

Discedet tecum, si tu discedere possis,

Illius ex aliquâ parte, tuusque dolor.

Narrabunt alii quæ verba novissima: quales,

Pro quibus arenti fuderit ore preces:

Quid biberit sitiens: quid deficiente rogarit

Voce Patrem: quàm non immemor ille tui:

Ut fractis oculis, in duro stipite, vitam

Clauserit: ut fixum ruperit hasta latus.

Hæc alii referent: at tu pallebis, & ipsa

Pectore materno, quæ tulit ille, feres.

Quid facies præsens, si, quæ perceperis absens,

Singula sunt animo plaga futura tuo?

Me miserum! stat fixa loco, truncumque madentē

Sanguine perfundit fletibus usque suis.

Nunc lacrymis madidos cōvertit ad æthera vultus,

Nunc tenet in nato lumina fixa suo. [dat?

Heu quid agat? maneat? prohibet dolor. inde rece-

Fortior immotam sub cruce sistit amor.

Dure

Dure Amor ! has servas leges ? sic jungis amantes ?
Quàm non sunt regni monita jura tui !

ELEGIA XII.

De Christi morientis siti, & derelictione.

OMnia nunc illi, qui possidet omnia defunt.
Poscentem gelidæ deficit haustus aquæ.
Exhaustere labor vires sudorque, cruorque
Fusus, & in tantis nox vigilata malis,
Et via per præceps, humerisque injecta cruentis
Illa trabis moles, sævitiisque necis.
Ferte citi limphas : lymphæ solabitur haustus,
Arenti quàm vix indicat ore, sitim.
Heu fera barbaries ! morienti lympa negatur :
Pocula, quæ spumant felle, bibenda ferunt.
Et tamen hæc libat : fauces simul urit & ora
Peius, amarities, quàm sitis ipsa, malum.
O iterum duris erumpite rupibus undæ !
Saxa dabunt vobis rupta dolore viam.
Qui rore, & pluviis sitientes irrigat herbas,
Arida qui vernis imbribus arva juvat,
Qui scatebris fontes, qui fontibus evocat
amnes,
Vestrâ deficiens nunc eget auctor ope.
Esse quid hoc dicam ? de clavis nulla, nec ulla
De cruce ; de sævâ sola querela siti est.
Cetera, tamque diu tacitè tormenta ferenti,
Crede mihi, solæ non sitiuntur aquæ.
Quæ petit in tantis sitiens solatia pœnis,
A nobis, non à fontibus illa petit.
Hei mihi ! supremæ neque nos movere querelæ :
Nos quoque cum multo pocula felle damus.
At, reor, è cælo venient solatia : cælum
Audiet, & vanas non finet esse preces.

Ah !

Ah! tantum tenebris se conscius occulit æther,
 Et luger dominum, non juvat ille suum.
 Te saltem, genitor, nati suspiria tangant
 Ultima; te poscit vox morientis opem.
 Aspicias, ut verset supremo languida motu
 Lumina? vix cervix sustinet ægra caput.
 Et quamvis tenues fugiant cum sanguine vires,
 Destituâtque suus corpus inane vigor;
 Attollit tamen exangues ad sidera vultus,
 Utque potest, oculis quærit, & ore patrem.
 Singultumque trahens imo de pectore: Mene
 Destituis, clamat, tu quoque care pater?
 Quæ toties movere, nihil jam summa parentem
 Verba movent: natum deseruisse putes.
 Magne pater, neque tu nati miserere ferentis
 Ultima? nec pietas illa paterna subit?
 Nec te perpetuis exacta doloribus ætas,
 Nec mors ipsa movet, causaque mortis amor?
 Hoc quoque, Christe, feras opus est, tam mitis in
 omnes,
 In te sustineat durus ut esse pater.

ELEGIA XIII.

Ad B. Virginem, Filio jam in cruce mortuo.

Occidit: in pectus cervix inflexa recumbit.
 Occidit: exanimum de cruce pendet onus.
 Quæ mens, quis tibi nunc, mater mœstissima, sensus?
 Mors pariter vitam non rapit ista tuam?
 Ah! plus quam vitam rapuit, cum sustulit illum,
 Qui tibi spes omnis, vitæque solus erat.
 Ferreus ha! nimiumque tibi crudeliter hostis,
 Luctibus his causam qui tibi cumque dedit.
 Quid loquor? ille ego sum, sensû: nil quærimus ultrâ:
 Me peragis vultu, Diva, silente reum.

Nil

Nil opus est verbis : oculi lacrymæque loquuntur.
 His lacrymis vocem sensimus esse suam.
 Ah fateor, tuus ille meum, mœstissima, crimen
 Est dolor, hæc operis sunt monumenta mei.
 Nostra nocens anima est: quæ fles, ego vulnera feci:
 Hac quoq; nostra manus sanguinolenta nece est.
 His mea te natumque malis dementia meruit.
 Mens fugit admissi plena pudore sui.
 Hic lacrymas fudisse parum est. Non, omnis apertis
 Exhaustus venis si mihi sanguis eat;
 Non, si me Scythicæ scindant in frustra secures,
 Membræque diversis diripiuntur equis;
 Non, si Trinacrij damnatus voce tyranni
 Torrear in tauro, sæve Perille, tuo;
 In caput hoc non si totus desæviat æther,¹
 Aequalis merito pœna sit ulla meo.
 Quid faciam infelix? quò spes, quò carbasa vertā?
 Quod mihi perfugium, quis mihi portus erit?
 Ad tua, uate Deo, supplex me vulnera verto.
 Sola meum possunt illa piare nefas.
 Illa, precor, veniæ mihi spes, & gratia fiant:
 Aut hac, aut nullâ parte juvandus ero.
 Sævitiæ monumenta meæ mihi gratia fiant?
 Et profint manibus vulnera facta meis?
 Sic est. cujus ego sum funestissimus auctor,
 Hæc mors placandi spes mihi sola tui est.
 Dicā equidem, quamvis res dictu est horrida, dicā:
 Impietas nobis utilis ipsa fuit.
 Pænè fide majus: prodest sua culpa nocenti.
 Est nostri fructus criminis ipsa salus.
 Quas merui, Deus ipse suo dat sanguine pœnas:
 Quem læsi, pro me sustinet esse reus.
 Quàm plectar meritò, flammisque perennibus urar,
 Si mea non tangat pectora tantus amor!

ELEGIA XIV.

*Ad Dei matrem, exanime filij corpus gremio
sustinentem.*

Tene ego (nec movear?) videam, mœstissima
matrum,

Complexam nati membra cruenta tui?
Dêque tuis oculis illius in ora cadentes
Aspiciam lacrymas, contineâmque meas?
Ecce suo tecum rerum natura parenti
Ingemit, & quo tu, funere lasa dolet.
Sol, tam funestæ ne spectet crimina cædis,
Avertit vultus, orâque mœsta regit.
Sub pedibus mugit tellus: convulsa dehiscunt
Marmora: lugubris fertur ad astra fragor.
Lugentes errant manes: tumulisque sub ipsis
Et gelidos cineres tangit, & ossa dolor.
Non hoc spectator potuit de funere quisquam
Lumina, non lictor sicca referre domum.
Quâ scuticas strinxit, quâ vim, quâ vulnera sævus
Intulit, hac tundit pectora nuda manu.
Pars etiam turbæ, quo tot convitia fecit,
Hoc gemit, hoc rabiem devovet ore suam.
Omnia cùm dolcant, uni mihi pectora consent:
Rupibus, & scissis asperiora jugis?
Unus ego immotus funus tam flebile possim,
Et tua non madidis ora videre genis?
Non rigor hic meus est. tua me, tua flentis imago
Sauciat: utque facit, fauciet usque precor.
Vulnera seu spectas, totidémque in pectore sentis;
Effice sint animo tot quoque fixa meo.
Oscula jungenti seu frontem spina cruentat;
Me tuus hic urat, conficiâtque dolor.

Scu

Seu tibi, quæ nato, fixit præcordia cuspis;
 Per meditum nobis hæc quoque pectus eat.
 Carnificum seu terret adhuc te vultus; in illis
 Horrescam facinus, devoveámque meum.
 Seu quocumque alio veniunt è fonte dolores;
 Et meus erumpat protinus inde dolor.
 Qui sum causa tui, sim pars quoque, Diva, doloris,
 Et minuam luctus hac ego part: tuos.
 Me meminisse decet, cum sub cruce pallida stares,
 Quæ fuerint nati verba suprema tui.
 Ille mihi moriens: Serva communis amorem
 Matris, ait; tibi jam, quæ mihi, mater erit.
 Hinc crevit, crescâtque precor, qui tempore ab illo
 Me tenet, & totum se tibi debet amor.
 Omnia, quæ pateris, mihi sint communia tecum:
 Ni fuerint, nati nomen inane gero.
 Quid? me non lædant, quæ lædunt vulnera matrê?
 Hoc quoque barbaries oderit ipsa nefas.
 Nec satis est, si nostra tui suspiria jungam:
 Te, mea, te cupiam, vita, dolente mori.
 O illo mihi contingat tabescere luctu!
 Felix, si lethi causa sit ista mei.

ELEGIA XV.

Memoriam vulnerum Christi retinendam.

SI quis es, in tristi qui fixus imagine spectas,
 Quæ tulerit pro te vulnera, quôtque Deus;
 In lacero numquam tot vulnera corpore cernes,
 Quot tulit. ars numerum pingere nulla potest.
 At sunt, quæ rapiant animos, penitusque morentur
 Lumina, quæque suo sunt speciosa loco.
 Aspice, quam lato patefactum pectus hiatu,
 Quântaque sint manuum vulnèra, quanta pedũ.
 Illa cicatricem non sunt ductura: patebunt,
 Donec, qui moriens illa recepit, erit.

Illa sui retinet victor monumenta triumphi,

Et libertatis dulcia signa tuæ.

Non hæc tam clavi, nec acuto lancea ferro;

Nec populi fecit, carnificumque furor;

Quam qui causa fuit tantorum prima dolorum,

Totque Deum plagas ferre coëgit, amor.

Redde vicem meritis. Quæris, quo munere possis?

Aut quid, qui gratum te cupit esse, velit?

Non petit, ut clavis scindi plantasque manusque,

Tempora nec spinis ut patiare fodi:

Non ut flagra tuos lacerent immaniter artus,

Pérque tuum stridens transeat hasta latus:

Plagarum tantum te vult meminisse suarum.

Quis minor est autem, quam meminisse, labor?

Hoc satis est illi, si tu, quæ vulnera pro te

Saucius ille tulit corpore, mente geras.

ELEGIA XVI.

Etiam nos Christi doloribus causam dedisse.

Est mihi sanguineæ crucis, & pendentis in illâ
Numinis artificis picta tabella manu.

Hæc mihi sæpè animi sopitos suscitât ignes:

Nonnumquam lacrymas provocat illa meas.

Nuper in hac oculis, & toto pectore fixus

Spectabam populi triste furentis opus.

Spectabam laceros clavis immanibus artus,

Quodque unum in toto corpore vulnus erat.

Heu dirum facimus! dixi: Tene, optime rerum,

Perdere cognatæ sic potuere manus?

At tibi pro scelere hoc, gens impia, quale mereris

Exitium justî vindicis ira ferat.

Dira fames dentes in mutua corpora vertat,

Quæque ex se genuit viscera, mater edat.

Ferro excisa cadas: undent tua sanguine templa:

Det cladi lacrymas hostis & ipse tuæ.

Inque

Inque tuas pergat victor favire ruinas,
 Donec, quæ saxis saxa revellat, erunt.
 Longa mora est: jã nunc tellus, precor, ima dehisce:
 Non satis ad tantum est intremuisse nefas.
 Hæc ego cum gemitu indignans; & plura parabã,
 Justaque, dicebam, quò vocat ira, sequar.
 Cum subitò, qualem volucres, dum nubila findũt,
 Visa fuit nobis aura dedisse sonum.
 Stabat Amor; sed non soliris circumdatus armis,
 Nec pueri cultus, qui solet esse, fuit.
 Non humeris pendent pharetræ, non aureus arcus,
 Non manus instructas ventilat igne faces.
 Altera tela hastam, duros tela altera clavos,
 Hamatósque vepres, flagraq; sæva tenet.
 Nec rigidi funes, nec crux, nec ahenea desunt
 Vincula: purpureus tinxerat illa cruor.
 Ut vidi, ut stupui! vultúsque oculósque minaces,
 Armaque miratus, talia verba dedi:
 Quid tibi, blande puer, cum tam crudelibus armis?
 Quid tenerã tractas non tua tela manu?
 Non tua, quæ spargis, quamvis immitibus urunt
 Ignibus, invidiam spicula cædis habent.
 Ista Scythas, Bessósque truces, favósque Gelonos,
 Barbariémque avidam sanguinis arma decent.
 Questus eram; vultu cum protinus ille severo,
 Quos tua, quos, inquit, devover ira reos?
 Quid Solymam accusas, dictísque incessis amaris,
 Non prius auditum quæ fuit ausa nefas?
 Funeris illius, quod Sol, quod terra, quod æther
 Horruit, Auctor ego, primaque causa fui.
 Nec piget esse reum: facto quoque gloriior illo:
 Hinc decus, hinc rebus gloria summã meis.
 Me sine quid poterant odium, rabiésque nocentũ?
 Me sine quæ poterant lædere tela Deum?
 Illi ego mortales artus, pœnæque capaces,
 Membraque quæ possent verbera ferre, dedi.

Illi ego fluxuro replevi sanguine venas :
 A me , quo culpam diluat orbis , habet.
 Ex illo mihi crux , clavique , vepréque cruenti ,
 Sævaque pro telis hasta fuere meis.
 At tibi mens illis non est superabilis armis :
 Tu , quod Amor nescit vincere , pectus habes.
 Et rupi tumulos , & manes flere coëgi ,
 Saxaque sunt flammis mollia facta meis.
 In te deficiunt vires : & cautibus ipsis ,
 Et cineri major , quàm tibi sensus inest.
 Hæret , & in medio sistit victoria cursu ,
 Te mihi difficiles injiciente moras.
 Quid modò damnabas populum ? tu durior illo.
 Non benè peccantes arguit ipse nocens.
 Tu quoque , tu tanti pars es non parva furoris :
 Tam fiendæ titulum tu quoque mortis habes.
 Membra cruentabant illi , sed amantis in imum ,
 Quæ tu cumque facis vulnera , pectus eunt.
 Illorum scelerei multum quoque detrahit error:
 Militibus notum non ita Numen erat.
 Tu nil , dum peccas , potes ignorare , nec ullo
 Nomine sævitiam dissimulare tuam.
 Plus tuâ culpa meis , si nescis , sæviit armis ;
 Quòdque ita sævierint , hæc quoque culpa tua est.
 I nunc , carnifices diris incesse querelis ,
 Immemor ipse tuâ de feritate queri.
 Dixit , & irato similis discessit in auras .
 At mihi cum lacrymis venit in ora rubor .

ELEGIA XVII.

Christum à peccantibus iterum cruci figi.

HOc verum est , renovare tuos cōmissa dolores
 Crimina ? nec satis est illa luisse semel ?
 Mille lacer plagis , nudusque , & fixus in alto
 Stipite commoto visus es orbe mori :

Et

Et tamen est aliquis tam durus & asper, ut ausit
Vulnera peccatis tot renovare suis?

Nos quoque, nate Deo, numero censetur in illo!

Hei mihi, censetur: culpa fatenda mea est.

Nam quid dissimulē? nil sum nisi crimē & horror,

Ipsaque quod tellus ferre gravatur onus.

Peccarunt oculi, peccarunt ora manúsque,

Peccarunt celeres in mea damna pedes.

Nec mihi mens insons, sceleratior omnibus illa est:

Hinc venit culpis maxima causa meis.

Quos benè debuerat dominæ compescere more,

Turpiter est motus illa secuta suos.

Sum reus: hæc brevis est actorum summa meorum.

Sum reus: est crimen crux tua morsque meum.

Ergò ego sustinui tua scindere membra flagellis,

Téque cruentantùm pars ego magna fui?

Téne ego percussi, rapuïque à vertice crines,

Et sputis facies est tua sparsa meis?

Téne ego calcavi trunci sub mole jacentem,

Tanquam oneri truncus non satis ipse foret?

Hæc crux, hi vepres, hi sunt mea crimina clavi?

Hæc sunt flagitiis vulnera facta meis?

Quò non humanæ rapitur vecordia mentis!

Quod superest, quò se porrigat illa, nefas?

Tullia, dum vehitur, patrium violasse cadaver

Dicitur impulsis ipsa per ora rotis.

Terruit aurigam facinus data fræna prementem:

Ipsa quod aurigam terruit, ausa fuit.

Sævior hæc ego sum stimulis furialibus acta

Protrivit patrem filia; Numen ego.

Illa suos patrio cùm sparsit sanguine currus,

Sensus in extincto corpore nullus erat.

Sentibus, & scuticis, claviisque armata cruentis

Sæviit in vivo corpore nostra manus.

Sæpius ipse Deum læsi; semel illa parentem:

Magna patri pietas debita; summa Deo.

Fecerat audacem partum jam crimine regnum :

Nil, quod sublato patre timeret , erat.

Iustâ ego debueram terreri Numinis irâ :

Omne trahit secum Numinis ira malum.

Quid dederat natæ genitor, n. si nominis umbram,

Spemque caducarum, quas malè cepit, opum?

Cùm mihi , quem toties læsi, donaverit ultro

Maxima, majorum pignora mille dedit.

Illius est gitor minor hoc injuria nostrâ ,

Quom nûs est, quàm qui condidit auctor, opus.

Hei mihi, cur vixi? cur me genuere parentes?

Cur dedit afflatus ventus & aura suos?

O utinam primis periissem mensibus infans!

Aut mihi rapta foret , quo data vita die!

Serior ô utinam nostrâ lux morte fuisset ,

Quæ prima est culpæ conscia facta meæ!

Aut potius, quæ me peperit sine prole fuisset ,

Déque meis natus nemo fuisset avis.

Non ego carnificum pars diceret esse tuorum,

Nec titulum arguerer mortis habere tuæ.

O ego , ne possim tantos renovare dolores ,

Quàm malim alitibus præda ferisque dari:

Aut in Caucaseæ partem durescere rupis ,

Quam Notus , & gelidis verberet imber aquis!

Téne ego, te vepribus rursus, lacerémque flagellis?

Símque iterùm cadis causâque parsque tuæ?

Antè precor terræ scelus averfantis hiatu

Devorer , aut vultus obruat unda meos.

Antè cinis fiam, flammisque ultricibus urar ,

Fulmine delictum præveniente meum.

Mens fugit admonitu , quoties peccasse recordor:

Inque meos artus horror & ossa venit.

Ipsè odio mihi sum, n. éque & meâ crimina damno;

Nec satis irasci me mihi posse queror.

Vertite carnifices in me furiasque manusque:

Est crimen , quidquid sustinet ille , meum.

Ipsè

Ipse necem merui : ligno nil tale merentem

Demite : cur facto plectitur ille meo ?

Si cui tollenda est , tollenda est vita nocenti :

Nos cruce quod dignum est fecimus ; ille nihil.

Figite me clavis , hoc me suspendite trunco :

Non ego me pœnis suppliciisque nego.

Plus ego commerui , quàm vos inferre potestis :

Sum meriti iudex optimus ipse mei.

Quæ precor ah fiant , nec quisquam verba , doloris

Signa mei , tantùm verba fuisse putet.

Nulla mora est in me : nostri stat funeris ara :

Expectat vestras hostia dira manus.

Omnibus in pœnas , si quando , incumbite nervis :

Materies vestro digna furore sumus.

Non mihi stet parvo feritas mea : plectite fontem :

Cædes convicti morte pianda rei est.

Tu tamen hoc non vis : satis est , te iudice , pœnæ ,

Si me peccati pœnituisse vides.

Pœnitet auctorum , nec possum dicere quantum ;

Nec quantum , ut coner , dicere posse velim.

Hic quicumque potest verbis æquare dolorem ,

Pro causâ leviter , materiâque dolet.

Quid verbis opus est ? oculis , quibus omnia spectas ,

Pectora nostra patent inspicienda tuis.

Ipse vides mihi quis stimulet præcordia sensus :

Causa necis sensus sit , precor , ille meæ.

Quòd doleam , pro fit . Peccavi : parce fatenti :

Causa tuæ mortis parcere velle fuit.

Cæde tuâ sparsa est , fateor , guttisque cruentis

Stillat adhuc supplex , quam tibi tendo , manus.

Et tamen hanc tendo , & securus tendo repulsæ :

Exorat veniam , quo mader illa , cruor.

CAPITA
IN CHRISTI
DOLORIBUS
EXPENDENDA.

Q*uis patitur ?* Rerum Dominus , de Numine
Numen.

Quid patitur ? Laccro corpore mille nece,
Pro quibus ? Ingratâ pro turbâ , & gente rebelli.

Cur ? Nos carnifices servet ut ipse suos.

Quis locus ? Infamis pœnis , & morte nocentûm.

Quando ? Cùm poterant facta probare Deum.

A quibus ? A notis , & avito sanguine junctis.

Quomodo ? Non servans ullum in amore modum.



PIJ ERGA CHRISTUM PATIENTEM AFFECTUS.

I. ADMIRATIONIS.

Quis satis hoc capiat ? pro me , per vulnera
mille ,
Et potuisse Deum , nec dubitasse mori !

II. COMMISERATIONIS.

Si spectro siccis oculis tua vulnera , Christe ,
Sum cruce , sum clavis durior ipse tuis.

III. DOLORIS.

Pœnitet ! & meritò. Lacrymis non illa pietur ,
Quæ tibi , magne Deus , sanguine culpa stetit ?

IV. GRATI ANIMI.

Ut fuso tibi , Christe , feram pro sanguine grates ,
Nulla satis longum sacula tempus erunt.

V. SPEI.

Spes fugit , ante oculos mea dum mihi crimina
pono :
Cum tua respicio vulnera , Christe , redit.

VI. AMORIS.

Me pete , Amor , telis in Christi sanguine tinctis :
Quem læsi toties , sic ego læsus amem.

VII. IMITATIONIS.

Christe , mihi Dux es. Quæ belli præmia sperem ,
Si quæ Dux ieris , non ego miles eam ?

Indigna est lacrymis levium iactura bonorum :
 Vitam æquaturo digna dolore mea est.
 Et quamvis lacrymis facile est reparabilis illa ,
 Nulla tamen lacrymis dignior esse potest.
 Hei mihi ! perjuro toties quod diximus ore ,
 Mens meminisse horret , lingua referre timet.
 Vos igitur lacrymæ perjuria dicite nostra :
 Nil dolor hic linguæ voce querentis eget,
 Vos eritis , dum clausa mihi pudor ora tenebit ,
 Peccati testes , & medicina mei.
 Heu lacrymæ viles , nostris neque luctibus aptæ !
 Currere sanguinæ debueratis aquæ :
 Qualibus hac ipsâ perfusus nocte madebat ,
 Cui tanti luctus pars ego magna fui.
 Mens abit , & morior , quoties lacrymantis imago ,
 Orantisque Patrem forma modisque subit.
 Affixis telluri oculis , sparsisque jacebat
 Crinibus , & longas flens dabat ore preces.
 Illum ego , qui flebat , testor , collémque cruentum ,
 Et , quæ servat adhuc signa doloris , humum.
 Sanguis erant lacrymæ : stillabant sanguine vultus :
 Purpureus multo sanguine sudor erat.
 O ego quàm vellem tales quoque fundere fletus !
 Erumpe ex oculis unda cruenta meis.
 Crimina , quæ fontes alios fecere , piari
 Conveniat lacrymis ; sanguine nostra decet.
 Sanguine pro lacrymis aliena piacula flevit ✓
 Ut mea deplem , sufficietis aquæ ?
 I cruor ex oculis : poscit mea causa cruorem ;
 Quamvis nec scelere sit satis ille meo.
 Et quanta pars oculi sunt corporis ? ô mihi possit
 Omnibus exundans artubus ire cruor
 Et mihi sunt venæ , & venæ mihi sanguine turgent :
 Erumpe ex oculis unda cruenta meis. (bis
 Quid mihi nunc prodest cum parvis humida cym-
 Reria , quid patriam deseruisse casam ?
 Quid ,

Quid, quas ipse mihi victus formidine clausi,

Cælestes aliis pandere posse fores?

Omnia perdidimus, cælumque, animamque,
Deumque:

Nullaque non sceleri debita poena meo est.

Sed poenam meruisse parum est: quod torquet, &
urit,

Illius est nostro crimine læsus amor.

Offendisse illum mihi prima & maxima poena est.

Erumpe ex oculis unda cruenta meis.

Debueram Dominum vitæ præferre; negavi:

Morte nec in mediâ perfidus esse; fui.

O utinam nocitura mihi pars pessima nostri

In mediis verbis lingua revulsa foret!

Mêne negasse Deum, flexo qui poplite pronus

His pedibus latices hac quoque nocte dedit?

Qui nobis dedit ipse suum cum sanguine corpus,

Cumque daret: Memores, dixerat, este mei.

Sic memorem ille sui tanto me munere fecit?

Erumpe ex oculis unda cruenta meis.

Sic certe flerem, si non de marmore, si non

De ferro nobis pectus, & ære foret.

Interea dum vota nihil conceditur ultra,

Ex oculis saltem currite semper aquæ:

Qualiter æternis manant è fontibus undæ,

Quæ venâ numquam deficiente fluunt.

Tempus erit, cum vos sanguis fortasse sequetur,

Si modò non fallam rursus, ut antè, fidem.

ELEGIA II.

In specu flens se accusat.

Rupes dura, mei verissima cordis imago,
Horrida, sed lacrymis apta latebra meis:
Ad te flens venio, lethali faucibus ictu,
Squalidus immixtis mœsta per ora comis.

Acci-

Accipe me, profugumq; tuo precor abde sub antro,

Et referant gemitus concava saxa meos.

Tu mihi desertâ sedes securior aulâ es:

Non hîc, qui rursus plurima quærat, erit.

Hîc licet arcanos animi depromere sensus:

Has inter tenebras tuta querela mea est.

Hîc impunè licet quis sim, qualisque fateri:

Hîc mea me tutò prodere lingua potest.

Ille ego sum miles verbis animosus & audax,

Et solo fortis nomine, rebus iners.

Ille ego sum primâ quem stravit femina voce

Oblitum Domini, cum Dominoque mei:

Qui nil sum veritus, tantùm ne cognitus essem,

Perfidia testem sæpè vocare Deum.

O testis, judexque meæ certissime culpæ,

Quis de me sensus sit meus, ipse vides.

Nunc ego te meliùs testem voco: justa doloris

Quàm tibi causa mei, tam dolor ipse patet.

Hîc es, & hos gemitus, & quidquid dicimus, audis:

Has lacrymas oculis aspicias ipse tuis.

O dulces oculi, casus solatia nostri!

O spes, ô cymbæ sidera certa meæ!

In tantis animi tenebris vos prima fuistis

Lux mihi: servatus vestrum ego dicar opus.

His oculis, qui me lapsum monuere, gementem

Aspice: placandi spes venit inde tui.

Aspice lugentis speciem, vestesque, finisque,

Antrâque de lacrymis humida facta meis.

Aspice lassâs tundendo pectora palmas,

Et moveat vultus mœsta figura tuos.

Non precor antiquo, quo non sum dignus, honori

Reddi, nec regimen puppis habere tuæ.

Clavum alius teneat: remis ego perfidus addar:

Est mihi, quæ remos torqueat, apta manus.

Non ego servitium, quantumvis vile, recusô:

Dummodò sum tecum, quidlibet esse sciam.

ELEGIA III.

Veniam delicti petit.

Tene ego littoribus, linóque assuetus & hamis,
 Ad tua de mediis regna vocatus aquis;
 Tene ego sustinui perjuris lædere verbis,
 Et Dominum toties esse negare meum?
 Hæc mea magna fides? sic vitâ carior ipsâ
 Tu mihi? sic nostrâ morte probatus amor?
 Tu mihi te, cælumque, casæ cymbæque relictæ
 Das pretium; & puduit me tamen esse tuum.
 Méne tui puduit? certè tuus esse negavi,
 Ausâque, Non novi, dicere lingua fuit.
 Certè ego juravi de te nil scire, nec ullo
 Exordere conjunctum te mihi, inéque tibi.
 Quis tibi tunc sensus de me fuit? acrius urens,
 Quàm quod nos dedimus, nō, puto, vulnus habes.
 Debuit hic cumulus pœnis accedere tantis,
 Ut tibi pars essem summa doloris ego?
 Non tantum doluerè tibi sævissima quamvis
 Vulnera, quàm linguæ perfida verba meæ.
 Qui placidus fuerat media inter verbera vultus,
 Peccato cœpit tristior esse meo.
 Inde tui sensus crevit sine fine doloris:
 Unde tuus crevit, crescit & inde meus.
 Militiæ pars prima tuæ tua signa reliqui
 Perfidus: hoc cælum, terræque ferre potes?
 Parce Pater; neq;, quod inveni, me fulmine perde:
 Nec mihi sub pedibus rupta dehiscat humus.
 Parce precor: mea me satis, heu! per'uria plectūt:
 Illa tuo gravior fulmine pœna mihi est.
 Viribus ut totis in me tua detonet ira,
 Mens sibi supplicium perfida maius erit.
 Quod redimi saltem flammâ si vindice posset,
 Quàm cuperem flammâ vindice posse mori!

Hei

Hei mihi, cur volui me fortior esse videri?

Hei mihi, cur umquam lingua locuta mea est?

Cum mihi calcatum vestigia ferre per æquor

Posse datum est, tutam cur dedit unda viam?

Cur me pressa tulit? cur me, quod cœpit eunti

Cedere, non totis obruit æquor aquis?

Quantum perfidiæ mecum periisset in illo!

Quanta sub his mecum culpa sepulta foret!

Securo nunc vestra gradu me terga prementem

In quantos luctus sustinuiſtis aquæ!

Nunc ego naufragium passus sum tristius illo,

Quo mare diductis me tumulasset aquis.

Parce Pater: mediis jactor dum naufragus undis,

Si me non recipis, quis mihi portus erit?

Quæ mihi sola super, tabulam ne subtrahes nanti,

Nec durâ gemitus aure repelle meos.

Semper habent aditus ad te suspitia molles:

Ad te, ne pereant, qui periere, vocas.

Quodq; juvat, cum sis hominum judexque, paterq;

Præcipue titulum nominis hujus amas.

Judicis officium est punire; ignoscere patris:

Sis mihi, quod mavis omnibus esse, pater.

Hoc eris: hoc potius celebrari nomine gaudes:

Naturæ pietas convenit illa tuæ.

Novi ego te, quamvis toties te nosse negavi:

Es pius, & placido respicis ore reos.

Tardus es ad pœnas, & quæ non mittere malles,

Invitâ mittis fulmina rara manu.

Læsus eras, memini: Justo pete fulmine fontes,

Diximus: offensa est fulmine digna tuo.

Parcite, dicebas: quid sit, nescitis, amare.

Non est ingenii spiritus ille mei.

Profuit hoc illis; proſit mihi: testis amoris,

Exemplumque tuæ sim pietatis ego.

Illâ mihi pietas miseros solantis inhæret,

Quos labor, aut animi triste gravaret onus.

Ad

Ad mea, dicebas, celeres præcepta venite :

Quisquis eris, nostrâ lætus abibis ope.

Hæc ego spe fretus venio. Mihi crimina pondus

Sunt mea : mens isto victa labore gemit.

En venio : tu, quo premimur, solare laborem :

Mole quod immensâ me gravat, aufer onus.

Ah quid agam, tua cùm supplex ante ora jacebo ?

An potero linguâ pauca tremente loqui ?

Hæccine, quæ toties te lingua est ausa negare,

Perfidia, poterit dicere, parce meæ ?

Ut puto, non poterit : verba imperfecta relinquet,

Et rumpet medios victa pudore sonos.

Sed licet hæc taceat, gemitus lacrymæq; loquentur

Hæ quoque si desint, ingemuisse sat est.

Tu gemitum, meditata magis quàm verba requiris :

Hic index animi certior esse solet.

Ut flectat vincâtque tuam, quam deprecor, iram,

Facundâ mutus plus valet arte dolor.

Sic venio supplex, quamvis peccasse dolentem

Me meus hæc intra detinet antra timor.

O pater, hoc tantum, veniam concede dolenti,

Et lacrymas nostro mitis in ore vide.

Per, qui te genuit, verissima cujus imago es,

Et qui te voluit, quod sumus, esse, Patrem,

Qui, nos ut serves, vitam te perdere jussit,

Qui vult nos pretium sanguinis esse tui :

Pérque tuum, quo vile genus dignaris, amorem,

Qui te, quod modò fers, ferre coëgit onus :

Per quos jam patris, per quos patiere dolores,

Dum peragis nostræ grande salutis opus.

Sic testata tuum celebret clementia nomen,

Arâque sit miseris semper aperta reis :

Sic, quod scire dedit genitor mihi, Vesper & Ortus

Te genus esse Dei credat, & esse Deum :

Exemplo sic, quique meo speretque, sciâtque

Littora naufragio tuta patere suo :

Sic parere tuis assuescat legibus orbis ,
Et pretium mortis non sit inane tuæ.

ELEGIA IV.

Nimiam sui fiduciam arguit.

Quid miser hæc lacrymis & questu saxa fati-
gas ?

Tam graviter læso Numine flere parum est.

Non bene corrigitur solis ignavia votis :

Magnanimus votis quilibet esse potest.

Si bene pœniruit , factis testare dolorem :

Læsa semel factis est reparanda fides.

Et plusquam lacrymis commissum dilue crimen.

I , repete intrepido testæ relicta pede.

Hic flendi locus est : hic te peccasse fatere :

Nec premat ignavus libera verba timor.

Hic te perjurum , mentitumque omnia dicas :

Hic flens da fidei pignora certa tuæ.

Illum ego , dic , novi , toties quem nosse negavi ,

Pro quo non metuum , vivat ut ipse , mori.

Illum ego , dic , vidi subito compescere ventos :

Illum ego turbato ponere jura mari.

Cum voluit , vacuis panes crevere canistris :

Cum voluit , liquidæ vina fuistis aquæ.

Illius in laudes rupere silentia muti ;

Æquato claudi subsiliere pede.

Debuit huic lucem cæcus , seu matris ab alvo ,

Sed morbi vitio luminis orbis erat.

Sæpè Erebi furia vocem tremuere jubentis ,

Corporaque invitâ deseruere fugâ.

Sæpè cadaveribus conspectis : Vivite , dixit :

Nec morâ ; vivebant , qui modò funus erant.

Quod loquor , & spiro , quod cælum & sidera cæli

Aspicio , quod adhuc vivimus , ille dedit.

Talibus

Talibus atque aliis (culpæ si cura piandæ
 Est tibi) perfidiæ verba refelle tuæ. (fatebor;
 Hoc placet, hoc fixum est: ut sunt, quæcûmque
 Utque animi nobis, sic satis oris erit.
 Imus, & obstantes certum est perrumpere turmas.
 Si perimar, fidei mors mea pignus erit.
 Imus, & in mediâ moriemur fortiter aulâ:
 Perfidiâ miles vindicet ense meam.
 Forsan & intrepido conferta per atria gressu
 Evadam Domini cara sub ora mei.
 Hic ego perfusus lacrymis, plenusque pudoris
 Provolvar supplex illius ante pedes.
 Hic ego delicti veniam (nisi verba dolentis
 Impediant lacrymæ) voce tremente petam.
 Aut mihi placatum felix audacia reddet:
 Aut animi saltem conscius hujus erit. (pim
 Quid loquor? incautam malè fido in gurgite pup-
 Ad scopulos fractam sit satis esse semel. [dor:
 Hic erat, hic, memini, qui me modò perdidit ar-
 Imperus hic idem magna loquentis erat.
 Non tamen aut nudos Romani militis enses,
 Aut populi timeo Pontificumque minas.
 Me timeo: mihi sum plus istis ipse timendus.
 Mobilitas animi jam mihi nota mei est.
 Tam multos inter, quos fugi turpiter, hostes,
 Hostis ego mihi met maximus ipse fui.
 Nemo potest nobis tantum (fac velle) nocere;
 Quantum ego convincor jam nocuisse mihi.
 Parcite, si gressum refero: quibus antè natavit
 In tabulâ, meritò naufragus horret aquas.
 Devoveo mihi funestas & abominor ædes:
 Hic mens, & vires procubuerunt meæ.
 Deserto satis est crimen lugere sub antro,
 Ne virtus iterum sit mea flenda mihi.
 Infelix, quem stulta sui fiducia tollit:
 Illa fuit nostri prima favilla mali.

Hoc

Hoc perdet multos, hoc multos perdidit antè,
 Metiri fastu magna pericla suo.
 Omnia spondentem de se sibi, nilque timentem,
 (Expertus moneo) certa ruina manet.

ELEGIA V.

Casum suum orbi manifestat.

ELoquar? an fileam? dolor hoc, pudor impedit illud:

Mens variat motus, nec capit agra suos.

Cede pudor, justoque animi succumbe dolori,
 Et pars sit pœnæ culpa professa meæ.

Admonitu quamvis luctus renovantur amari,
 Eloquar infelix dedecus ipse meum.

Nox erat, & montem Dominus de more petebat,
 Certus in hostiles sponte venire manus.

Quos ego tunc animos, quos sensi pectoris ignes?
 Ille meus major viribus ardor erat.

Ipse ego te casus, dixi, comitabor in omnes,
 Pro te, vel tecum certus & ipse mori.

Insurgat Solyme, totis vomat agmina portis,
 Miles ego tecum castrâque solus ero.

Diffugiant alii, tenebrisque & nocte tegantur,
 Tergâque militibus dent sua; pectus ego.

Hoc caput objiciet turmis se pluribus unum:
 Non ego de timidis, res ubi poscet, ero.

Hei mihi, quàm brevis hic fuit & temerarius ardor!
 Quàm levis & mendax impetus ille fuit!

Omnibus exemplum fidei fore grande videbar:
 Eheu! perfidiæ duxque caputque fui.

Viderat hoc in me vitium, qui prospicit unus
 Omnia, cui melius, quàm mihi, notus eram.

Viderat, &: Vanis cave fidere viribus, inquit,
 Fortiâque infirmus desine verba loqui.

Hæc

Hæc nox hos animos, ne tu te falle, probabit,
 Conscia perfidiæ sæpè futura tuæ.

Quantum animis erroris inest! non sensimus ipsum,
 Ceu falli posset, vera monere Deum.

Obstitimus monitis: Prius æquore silva sub alto
 Crescet, & in summis, diximus, alga jugis,
 Quàm te destituam. Non sum desertor amoris.

Testis erit fidei resque locusque meæ.
 Interea trepidans, & pallens morte futurâ
 Innocuas Dominus tollit ad astra manus.

Quæ species orantis erat! reverentia prorum
 Straverat: erumpens sparserat ora cruor.

Humebant crines, humebat sanguine pectus:
 Sanguineis guttis humida vestis erat:

Collaque, cælestesque humeri, totumque precantis
 Undabat mistis sanguine corpus aquis.

Sanguine rorabant stillantia gramina circum:
 Sanguine, ceu rivis, sparsa rubebat humus.

Dum pavet, & pallet, dum flet, sudatque, suumque
 Supplicium ante oculos iam moriturus habet,

Non potuit species me tam miserranda tenere,
 Quin gravis obrueret lumina fessa sopor.

Scilicet hæc virtutis erant præludia nostræ:

Sic mea se primum visa probare fides. (num
 Arma sonant, fremitusque virum: coit omnis in u-
 Impetus: audaces instruor ense manus.

Quid frustra fortes fuimus? quid inutile ferrum
 Strinximus? haud illâ tempus egebat ope.

Barbara gens instat, stimulisque & verbere sævit,
 Vinculaque divinas addit in arcta manus.

Sponte suâ victus rapitur tot ab hostibus unus,
 Mitis ab infestis ut solet agna lupis.

Sic, ubi cognovi, quod se permetteret hosti,

Et sibi, quam poterat, ferre negaret opem,

Tum verò extimui: stabam sine sanguine pallens,
 Attonitôque diu nil mihi mentis erat.

Quid

Quid facerē? sequerer? misero timor obstat amori.

Terga darem? prohibet vertere terga pudor.

Ardua res, Domini sortem quamcumque subire,

Inque eadem captas addere vincla manus.

Sed ramen avelli, nec scire quis exitus illi

Immineat, non est poena priore minor.

Mens incerta diu dubiis affectibus errat:

Quidque velit, nescit: nota nec ipsa sibi est.

Sic ubi discordes exercent aequora venti,

Huc agit atque illuc ventus & unda ratem.

Nil mihi, quod sequerer potius, fugerēmve, subibat.

Res est mentis inops consiliique timor.

Cedit amor: fugio, comitumque exempla secutus,

Obscuræ noctis munere, tuta peto.

Mox dubitans, mediocque inhibens vestigia cursu,

Quid facis ah? dixi: quod miser, unde fugis?

Quid nisi mors superest, vitam si deseris ipsam?

Hæc pietas nullo concutienda metu?

Spiritus hic ille est omni discrimine major?

Hæc sunt militiæ splendida facta tuæ?

Vincit amor: redeo: sed non bonus augur cuncti.

Plurima dum subeunt, pes mihi tardus erat.

Et sequor, & timido moveo vestigia passu:

Ire jubebat amor, lentius ire timor.

Et jam contigeram scelerati limina tecti,

Limina tam timido non adeunda pede.

Ingredior: vires animus dabat; at mihi quanto

(Et pudet, & dicam) quam prius, ille minor.

Ah quoties sinxi vultum, voluique videri

Fortis, & occultos dissimulare metus!

Ah quoties oculos nostris in vultibus omnes

Esse ratus, nostri conscia signa dedi!

Heu, quam difficile est animum non prodere vultu!

Hic aperit quidquid cura timorque tegunt.

Prima foris custos præsensit serva, quis essem:

Prima mihi, capto tu comes, inquit, eras.

Pro-

Protinus ut trepidas vox hæc mihi perculit aures,
Pallor in attonito plurimus ore fuit.

Ille refutabat linguæ mendacia pallor ,

Plus propè me patrio prodidit ille sono.

Nil ea , dixit , agis : Galilæum lingua faretur

Te tua. te , qui sis , teste negare potes ?

Objicit hoc ipsum nobis mox alter , & alter ;

Et , conjecturam quo tueantur , habent.

Tum verò effræni perjuria fundere linguâ

Cœpimus , & diris dedere mille caput.

Nec memini vidisse , nec est mihi nomine notus :

Et peream , si non hæc ego vera loquor.

Pérq; Deum , pérque omne sacrum , me nosse negavi.

Horruit ad voces impiâ turba meas.

Nec verbis stimulanda meis me Numinis ira

Terruit : audacem fecerat ipse timor.

At frustra , quod eram , volui non esse videri :

Prodebat causam perfida lingua suam.

Dicebam quoties , Non novi , nosse fatebar :

Contra se testis lingua negantis erat.

Sed licet esse meo , quod eram , convinceretur ore ,

Impietas aliud visa probare fuit. [sit ?]

Tunc quoque me Domini pietas (quis credere pos-

Non est ex merito passa perire meo.

Flexit amans oculos , méque inter vincula spectans

Plus nostri est visus , quàm memor esse sui.

Non torvam speciem , non præ se mœsta ferebant

Ora minas , culpæ signa nec ulla meæ.

Vultus erat , qualem misereri credere possem ,

Et dare placandi spem mihi velle sui.

Quis mihi tunc , Superi ! concussit pectora motus ?

Sensimus : ille oculus me miserantis erat.

Tunc ego me demum cœpi sentire nocentem :

Tunc animo demum lux fuit orta meo.

Nec mens venisset melior , nisi tanta fuisset ,

Et major Domino , quàm mihi , cura mei.

Frustrâ

Frustrà me crebris monuisset cantibus ales:

Sic ego, non avium voce monendus eram.

Egredior; læsàmque fidem, turpémque timorem

Execror, & tanti conscia tecta mali.

Turpiter evasi, quæ me quoque ferre decebat,

Vincula: peccando deteriora tuli.

Hinc grave supplicium perjuræ discere mentis

Cogor, & iratum quid sit habere Deum.

Ex illo madet os lacrymis, sempérque madebit,

Et brevior luctu vita futura meo est.

E L E G I A V I.

Fragilitatem suam agnoscit & deplorat.

Dicebam, memini, geminos revolutus in ortus

Jordanes versis antè recurret aquis,

Quàm violem te sancta fides. victúsque timore

Signa ferat Domini deseruisse mei.

Vertere Jordanes, flexóque relabere cursu:

Deserui Domini prodita signa mei.

Nec mihi Romulci fasces, strictæque secures,

Nec mihi fecerunt arma virique metum.

Vocibus ancillæ (res indignissima dictu)

Cessimus: heu ubi tunc ille superbus eram?

Qui me laudabam, qui nil nisi magna loquebar,

Carnifices audax inter & arma mori.

Omnia spernebam; quæ possent cumque timeri,

Ducebámque animis inferiora meis. [videbar:

Plus quoque, quàm loquerer, demens mihi posse

Concidit exiguo spiritus ille metu.

Nec saltem primum, quamvis terrore careret,

Congressum vires sustinere meæ.

Non cedit primis percussa securibus ilex,

Nec nisi multiplici vulnere victa cadit.

Firma diu perstat, nec iniquo pressa fatiscit

Pondere Tanariis cæsa columna jugis.

Ne

Nequidquam vento rupes pulsatur & imbri :

Indejecta manet , tutâque mole suâ est.

Non minùs his fortis credi , dicique volebam :

Quæ me dejiceret vox satis una fuit.

Quòd si me judex , quòd si me plena rogasset

Curia , causa minùs nostra pudenda foret.

Lumina percellit septum terrore tribunal ;

Formaque judicii , quod timeatur , habet.

Quæsitior , judex , lictores , vincula , carcer ,

Nomina sunt , quorum terret & ipse sonus.

Nunc me serva levi prostravit femina verbo.

O pudor ! imbelli vulnus ab hoste tuli.

Si mihi dixisset quisquam ; te femina vincet ,

Dèque tuis spoliū viribus illa feret :

I quoque , dixissem , Cervâ venare leonem ,

Inque fugam damâ verte sequente canes.

Et tamen evēnit , fieri quod posse negavi :

Prostrati titulum cerva leonis habet.

O ego quàm non sum , quod me miser esse putavi !

Flammâque de stipulâ quàm brevis orra mea est !

Viribus heu adii majora pericula nostris :

Et rudis illorum , nec mihi notus eram.

Quid possim , didici : me causa levissima fregit :

Exitus est fastus fienda ruina mei.

Intrepidus stabam : stantem levis impulit aura :

Sic damno cœpi doctior esse meo. (vi,

Quid sumus ? aut quâ spe meditamur grandia par-

Esse aliquid falsò nostrâque , nòsque rati ?

Cur nos decipimus ? cur nobis , quidlibet ausi.

De nobis stultè credere , verba damus ?

Nil magnum nostræ possunt promittere vires :

Sponte suâ , nullo concutiente , labant.

Si Deus auxilio est , tunc omnia possumus omnes ;

Si non est , sine re nomen inane sumus.

ELEGIA VII.

Dolet se occasionem peccandi non vitasse.

HEi mihi, cur, plus quàm possum, me posse
putavi?

Cur nimium de me credulus ipse fui?

Cur ego me præceps in aperta pericula misi,

Nec Domini voces me retigere mei?

Admonuit quoties: Tua te fiducia perdet:

Destituet vires impetus ille tuas.

Vera quidem monuit; sed me meus ardor agebat:

Plus sibi, quàm magno credidit ille Deo.

Quis me coquebat sceleratæ accedere turbæ,

Quis detestandæ limen adire domus?

Fugissem melius: levior fuga culpa fuisset:

Perfidia causas præbuit ille locus.

Hic mihi, dedecoris quæ pars non ultima nostri est,

Naufragij scopulus femina facta fuit.

Femina prima novo dirum scelus intulit orbi:

Perdidit humanum femina prima genus.

Exitio fuit illa mihi; mihi tempus in omne

Principium flendi, materiemque dedit.

Illius exemplo miles quoque multa rogavit,

Multaque me falso compulit ore loqui.

Infestis odiis Dominus furiisque patebat,

Et, quisquis Domini pars erat ulla mei.

Debueram vires, nisi mens mihi nulla fuisset,

In tam præcipiti tempore nosse meas.

Crystallus tenui leviter percussa lapillo

Frangitur: infirmis causa pusilla nocet.

Non benè rimosæ decurrunt æquora puppes:

Non benè lapsantes fulcit arundo pedes.

Imposito glacies oneri non apta ferendo est,

Quam primo leviter frigore vinxit hiems.

H

Quæ

Quæ stat, & in summâ tantum fundatur arenâ,
 Subruet impulsam ventus & unda domum.
 Per vada, per scopulos si pandit linthea ventis,
 Fertur in exitium sponte carina suum.
 Corporibus sanis afflant contagia virus:
 Qui sapit, hæc vitet; proximitate nocent.
 Discite posteritas, exemplo discite nostro
 Per non tentandam non dare vela viam.
 Nemo sibi credat, nec adire pericula fidens
 Audeat: exitium, qui sibi fidit, amat.
 Hæc mihi si monito melius percepta fuissent,
 Non mea nunc forsau naufraga cymba foret.

ELEGIA VIII.

*Occasionem probandæ fidei à se neglectam
esse dolet.*

AH potius nocitura mihi quam tecta subissem,
 Ultima submotum me tenuisset humus!
 Aut subitus languor nervos solvisset euntis:
 Aut ruptum cita mors impedisset iter!
 Non ego nunc feris perjuria nostra querelis,
 Nec Domini fierem signa relicta mei.
 Impia me diræ læsit vicinia turbæ,
 Et nox ambigui plena timore mali.
 Quid miser inculo tempusq; hominesque, locumq;
 Prima mali, & gravior sum mihi causa mei.
 Ipse locus causam virtutis præbuit, & quæ
 Multa rogans urfit, quisve, vel unde forem.
 Tunc ego, si quando, poteram monstrare quis esse:
 Explorant stabilem tempora dura fidem.
 Ventorum furiis, & mistâ grandine nimbis
 Obvia radices altiùs arbor agit.
 Qui tenuis primùm fuerat, similisque moranti;
 A. Boreâ vires concitus ignis alit,

Strenuus

Strenuus ancipiti Martis certamine miles
 Se probat; implacidis nauta peritus aquis.
 Quis juvenes nosset, quibus olim flamma pepercit,
 Si non tentassent flammæque, réxque fidem?
 Pastor Jესsides præiit virtutibus annos,
 Invidiam soceri passus & arma sui.
 Sic ego debueram quidvis superare ferendo,
 Temporæque in landes vertere dura meas.
 Nec tamen aut fornax nobis, ignésque parati,
 Aut lateri fuerant tela timenda meo.
 Strenue bellator, verbo prosterneis uno:
 I nunc, atque aude cum moriente mori.
 At benè fortis eram, nec ad ulla pericula pallens,
 Dum linguâ tantum res mihi gesta fuit.
 O quanto melius, cui nuper facta videndi
 Copia quem nunquam viderat antè, diem!
 Ille suum est medicum defendere fortiter ausus,
 Quem violare fui turpiter ausus ego.
 Illi oculos tribuit, non omnibus utile munus,
 Qui lacrymis causas sæpè dedere suis:
 At mihi divinæ fontem cognoscere lucis,
 Utque Dei verum sit genus, ipse Deus.
 Nec miles, nec serva mihi convitia fecit:
 Acribus exceptus vocibus ille fuit.
 Bissenos inter procures, sanctumque Senatum
 Dux ego: pars nostri non erat ille chori.
 Non ego Pontificum vultus, quos ille, subivi;
 Nec mea sub duro iudice causa fuit.
 Quæ me perjurum verbo percelluit uno,
 Sordida contemptæ femina sortis erat.
 Sæpè ego quærentes studui celare, quis essem:
 Non illi pietas dissimulata metu est.
 Ille relaturum se nil impune sciebat:
 Pœna fuit capiti nulla parata meo.
 Ille sibi medio stetit in discrimine præens:
 Me levis incerti perdidit umbra mali.

Heu quid agam, cū verberibus, strictoq; tyrānus
Tentabit nostram barbarus ense fidem?

Cū mea nudatæ terre bunt ora secures,
Aut crux supplicio fortè parata meo?

Cū trux impietas uncōs, ignēsque, rotāsque
Proferet in sēvas ingeniosa necēs?

Ut veteres redeant animi, diffidimus illis:
Suspectam didici lapsus habere fidem.

Tunc animos mihi, magne Deus, tunc suffice vires;
Aut ego, quod timeo dicere, rursus ero.

ELEGIA IX.

Ad galli cantum lacrymas se tenere non posse.

EVocat auroram nimium mihi cognitus ales,
Vicinam quoties sentit adesse diem.

Auroram, lacrymāsque meas simul evocat ales,
Nec lacrymis oritur certius illa meis.

Tunc vitreo frondes hument, & gramina rore:
Et mea consueto lumina rore madent.

Admoneor sceleris, quod, dum mihi vita manebit,
Mœroris semper causa recentis erit.

Omnia tunc subeunt, tristissima noctis imago,
Et scelus, & sceleris conscia testā mei.

Aut ego Pontificum videor scelerata subire
Limina, quōque prius, pallidus esse metu:

Aut famulos inter jurantia dicere verba
Perfidus, & gentem dissimulare meam:

Et modò sacrilegis mœrens excedere tectis,
Pectorāque infestā sæpè ferire manu:

Et modò fasus humi, vacuōque abjectus in antro,
De me, deque meo crimine multa queri.

Omnia cū subeant, Domini tamen ora recurrant
Sæpius, & lapsum respicientis amor.

Tunc pariter redeunt gemitus; lacrymæq; per ora,
Ceū data tunc primum causa fuisset, eunt.

Est

Est sua vis signis : pellunt oblivia rerum ,
 Quódq; semel factum est, non meminisse vetant,
 Te quoque te nostri generis lacrymabilis auctor,
 Tristitiæ dicunt non posuisse modum.
 Sæpè dies veniens lacrymantem, sæpè recedens
 Repperit : ante oculos arbor & anguis erant.
 Ausus eras tangi vetitum decerpere pomum,
 Oíaque lethiferâ conscelerare dape.
 Credibile est visos in qualibet arbore fœtus
 Luminibus lacrimas elicuisse tuis.
 Credibile est , quoties tibi se tulit obuius anguis,
 Ob veteres anguis te genuisse dolos.
 Sic , quoties cantat, quasi , Perfide, dicere tales,
 Immemorem culpæ non finit esse meæ. (rat,
 Culpa quidem vetus est, sed tam nova semper ober-
 Ut memor in lacrymas totus abire velim.
 Pêrfidia nostræ, quàm quondam, certior index
 Non surdis , ut tunc , auribus ille canit.
 Quid tamen est illo nobis opus indice? nunquam
 Peccati vox est parva futura mei.
 Hæc mihi vox trepidas semper circumsonat aures.
 Hæc mihi, quæ feci, nocte dièque referr.
 Cúmque meos renovet nullo non tempore fletus ,
 Flere tamen luctus est medicina mei.

E L E G I A X.

Ad S. Petrum , ut lacrymis modum ponat.

PETRE, quid assiduis delictum fletibus urges ,
 Nec tristi cessant imbre madere genæ?
 Causa (nec id nescis) tua te quoque iudice tuta est:
 Conciliat læsum culpa professæ Deum.
 Non hominum ritu Deus implacabilis iras ,
 Irarum quamvis est data causa, fovet.
 Sontibus est semper facilis, veniæque paratus ,
 Quos videt admissi pœnituisse sui.

Sæpè erat in totas sparsurus fulmina terras :

Unius ut lacrymas vidit, inermis erat.

Sæpè reos morbis, & iniqui fideris æstu,

Sæpè armis voluit perdere, sæpè fame :

Avertère malum lacrymæ; pœnâsque remisit,

Et posuit justas ira coacta minas.

Cum lacrimis quæcumque Dei venit ante tribunal

Causa, patrociniò tuta potente venit.

At tibi, quæ pridem veniam meruere, Deûmque,

Placarunt lacrymæ, sine modòque carent.

Utque per attritas rivum sibi ducit arenas,

Quæ riguo manat fonte perennis aqua;

Sic exesa tibi sulcos duxere per ora,

Ex oculis imbres qui tibi semper eunt.

Non est quod metuas: Domini clementia victa est:

Materiem luctus sustulit illa tui.

Mille notis in te veterem testatus amorem est,

Qui nihilo nunc est, quàm fuit antè, minor.

Ille ubi post Erebi vires, Mortisq; subactas,

Conspicuum multâ se tibi luce dedit.

Num te corripuit? num Vane, aut, Perfide, dixit?

Num memor est visus criminis esse tui?

Num tibi, quos dederat titulos, aut munus ademitt,

Quo rerum arbitrio tradita summa tuo est?

Ne tibi mens anceps, ne spes dubitabilis esset,

Quanta tibi pacis pignora, quòtque dedit!

Ipse tibi voluit, simul atque à morte revixit,

Deferri vitæ nuncia prima suæ.

O quoties coràm dulcem saturavit amorem,

Tractandòsque artus, vulnerâque ipsa dedit!

O quoties, & quæ tecum fuit ille locutus,

Pasce meas, toties cùm tibi dixit, oves!

Dixerat; amissam si de grege sen'erit unam,

Per silvas quærit, per sata pastor ovem:

Si reperit, gaudens humeris ad ovile reportat,

Inventâmque gregis totius instar habet.

Hæc

Hæc te pastoris profugam quærentis imago
Tangit, & amissam repperientis ovem.
Repperit, inventumque suo præfecit ovili:
Certius indicium pacis an esse potest?
Quid quod in assueto captanti gurgite pisces
Adfuit, & dulci te recreavit ope?
Nox erat incassum vano consumpta labore,
Et radiis undas sparserat orta dies.
Dextrorsum pueri jam retia mittite, dixit:
Mittitis, & subitum retia merfit onus.
Verba suprema suis cum stans in vertice montis
Diceret, hos inter tu quoque primus eras.
Tunc tibi complexus iterumque iterumque ferebat,
Et quæ mille dabat signa, favoris erant.
Tunc tibi præ reliquis (& quid dare majus ha-
bebat?)
Commisit pretium sanguinis ipse sui.
Quod si sunt aliquod veniæ miracula signum,
Nunc quoque quam quondam, plus tibi posse
datum est.
Tunc precibus fufis, tactumque potente fugabas.
Omne genus morbi: nunc satis umbra tua est.
At cum te victum feralis carcer haberet,
Quæ domino de te, quantaque cura fuit?
Dicta dies aderat, quæ te suprema manebat,
Nec spes effugij, nec modus ullus erat.
Captivum ærati postes, vigilisque tenebant:
Arctabant nexas ferrea vincla manus.
Aliger è cælo præstò est tibi: fulgor ab illo
Protinus evictâ nocte diurnus erat.
Surge age, festina, sumptasque, ait, indue vestes,
Et fuge, nilque time: me duce tutus eris.
Vincla vetant, dicturus eras, crebèrque satelles
Excubat æratas pervigil ante fores:
Aspicias è manibus lapsas cecidisse catenas,
Aspicias obstructas diffiliisse fores.

Ducentem sequeris, nec quisquam sensit euntem:

Sopierat vigiles somnus, & alta quies.

Liber abis, fassus, quamvis manifesta videres,

Credere vix oculis te potuisse tuis.

Ipse Deus vinclis ultrò tibi brachia solvit:

Et dubitas animi vinclâ soluta tui?

Singula quid referam? veniâ te reddere certum

De tot pignoribus pars satis una potest.

Desine (pacatum persuadent omnia Numen)

Deterere assiduo desine rore genas.

Forfan & hinc tua spes possit minor esse videri,

Ceu Domini notus non satis esset amor.

Crede quod est: tua naufragio subducta carina est:

Incolumis portum jam tenet illa suum.

ELEGIA XI.

S. Petrus causam reddit, cur lacrymis temperare non possit.

ARguor immeritò. numquam non iusta recénsque;

Donec ero, flendi causa futura mihi est. [quêt;

Non prius hos oculos lacrymæ, quàm vita relin-

Illarumque idem qui modus hujus erit.

Nec mihi priscorum superent si sæcula Patrum;

Lux veniet siccis ulla videnda genis.

Non equidem dubito: lacrymas respexit amaras,

Quem toties falso læsimus ore, Deus.

Ne spes deficeret, ne mens incerta labaret,

Mille dedit nobis signa faventis amor.

Vidi ego pacatos vultus, visósque notavi;

Plenâque blanditiis verba loquentis erant,

Non tamen ideirco lacrymæ suspendite cursum:

Non ego, si possim, vos tamen ire vetem.

Torrentes, rivósque aliquando cursus & unda

Deficit: exhaustis alycus aret aquis.

Nulla

Nulla dies semper nimbis æqualibus humet :
 Sæpè fugat Boreas nubila , sæpè Notus.
 At vos perpetuis lacrymæ mihi currite rivis :
 Currite : quod fundat, vena perennis habet.
 Vos ego, donec erunt, quæ sunt in corpore, vires,
 Vos oculo fundam deficiente senex.
 Non me, cur lacrymer, solo de crimine nata
 Causa movet; quamvis hæc quoque causa movet.
 Qui flendi causam solum putat esse dolorem,
 Fallitur, & sensus nescius ille mei est.
 Sunt alij fontes, usûque invenimus illos:
 Acrius ad lacrymas, quàm dolor, urget amor.
 Ille meis oculis humentes evocat imbres,
 Pérque genas, fontis more perennis, agit.
 Vividus & fervens effusis ignibus ignis
 Obruitur : lacrymæ sunt in amore faces.
 Testis Jæssides nobis : quas moverat illi
 Culpa prius lacrymas, continuabat amor.
 Audierat lamenta Deus, gemitûsque precantis :
 Dixerat & Vates, Culpa soluta tua est.
 Num tamen idcirco lacrymas retinebat euntes,
 Aut minùs in cursu, quàm fuit antè, dolor?
 Ducebat vigiles inter suspiria noctes,
 Infestâ tundens pectora sæpè manu.
 Regia nocturno rorabant stragula fletu :
 Rorabant medio vultus & ora die.
 Horrebant artus Tyrio pro murice setis,
 Squallidâque asperfo pulvere facta coma.
 Tunc quoq; cùm resonas feriebat pectine chordas.
 Quod lyra pulsa dabat flebile carmen erat.
 Ante oculos illi commissæ cædis imago,
 Et violata tori fœdera semper erant.
 Nec quasi lenito dubius de Numine flebat :
 Jugis erat flendi causa, fuisse reum.
 Qui toties, & tot lacrymas, planctûsque cieret,
 Nescirètque modum, sensus amantis erat.

Transfuga sic luget, qui fors regemque fidemque
Prodidit, & supplex ad sua castra redit.

Si quid adhuc superest generosæ mentis in illo,
In regem si non excidit omnis amor:

Perfidia quamvis concessa est gratia mœret;

Et sibi, quam veniam rex dedit, ipse negat.

Sæpe quod à signis vecors defecerit, odit:

Hoc memori fixum pectore vulnus alit.

Regia quâ fruitur, nutrit clementia luctum;

Vt tæque cur misero sit quoque acerba, facit.

Turpe licet facinus pulchris absterferit ausis,

Vera tamen vox est: Perfidus ille fuit.

Hoc est quod cruciat, stimulæsq; tenacibus ægrum

Conficit: hoc redimi sanguine posse velit.

Pejor causa mea est; Domini clementia major:

Mæque aliquis fletum sistere posse putet?

Ipse mihi, Lacrymas inhibe, si dicat, obortas;

Deprecer. usque adeò flenda ruina mea est.

Ut spes, & veniæ tot jam data pignora nobis

Ire vetent illas, ire jubebit amor.

Non eadem est ratio lacrymas in amore tenere,

Et damni sensu: fortius ille movet.

Immemor est damni, tumido quod in æquore fecit

Institor, amissas dum reparavit opes:

Verum si quis amet, lassisse dolabit amantem

Tunc quoque, cum fuerit conciliatus amor.

Nec semper lacrymas oculis dolor exprimit: ille

Tempore decrescit; tempore crescit amor.

Crescit in immensum, si quæ fert vulnera læsus,

Non nisi muneribus vindicat illa suis.

Contigit hoc nobis: non vindex Numinis ira

Perjurium trifido perculit igne caput:

Nec mihi jus regni, nec summum munus ademir,

Crimine quæ nostro perdere dignus eram.

Nec leviter saltem durissima quæque merentem

Arguit, aut vultu tristitia signa dedit.

Quin

Quin etiam verbis ultrò est solatus amicis ,
Offensæ visus non meminisse suæ.
Credibili majora dedit ; possûmque videri
Flagitiis illum demeruisse meis. (disset ,
Quid mihi splendidius,quàm quod dedit , ille de-
Parte fides nullâ si mea lapsa foret ?
Si vinctum , & positâ iam stantem ad verbera veste
Texissem objectu corporis ipse mei ?
Si factis animos , promissâque magna probassem ,
Altâque signassem sanguine verba meo ?
Posteritas credêsne , reo tot signa favoris ,
Et data post ruptam præmia tanta fidem ?
Sim lapis , aut durum mihi sit pro pectore ferrum,
Si mea me lacrymas sistere causa sinat.
Tempore se nullo , nullis se fletibus unquam
Egerit à læso motus amore dolor.



ELEGIARUM LIBER VI. Ixi

Et lacrymas tergens : Nunc ô sperabimus, inquit ;
 Qui mihi , quæ patior , vincula demet , adest.
 Dixerat : & cælum jussit pia vota valere ,
 Armæque successus mox habuere suos.
 Talibus auspiciis spe , dixit , plena futuri :
 Vota canat vates qui mea , nullus erit ?
 Ille ego sim vates : ex me tua gaudia , Belga ,
 Præcipe , funestis eripiente malis :
 Et votis tua junge meis. Si convenit ullo ,
 Solvere tam læto convenit illa die.
 Ipse Puer, Puerique Parens , quibus hospita Bethle
 Præbuit è cannâ , straminibûsque domum ,
 Aspirent faciles , & publica vota secudent ,
 Et jubeant nostras pondus habere preces.
 Túque adeò Belgæ præsens LEOPOLDE voluptas ,
 O Patriæ per te spem capientis amor ,
 Huc ades , & vultu , quo pectora nostra serenas ,
 Plaudentûm votis , ominibûsque fave.
 Utque diu faveas , tibi spe felicior annus
 Hic qui nunc oritur , quique sequentur , eant :
 Et melior semper , meliorque priore recurat ,
 Et longum felix armæque , nôsque regas ,
 Sit Superis , sit cara tuis , nec desinat antè ,
 Æquarit Pylios quàm tua vita dies.
 Quæque hilares , animi certissima pignora nostri ,
 Vota tibi , ut dignum est , ore favente damus ,
 Tam non vana, precor, nec sint sine pondere rerû ,
 Quàm non est vanus , qui dare jussit , amor.
 Illa , precor , vultu tam conveniente diei
 Accipe , quàm votis convenit ipsa dies.

ELEGIA II.

Vota Belgarum.

Non ego finierim posito pia limite vota :
 Quò Patriæ pietas me jubet ire , feror.
 Æquo-

Æquora littoribus , cohibentur flumina ripis :

Metitur spatii Terminus arva suis :

Odit amor fines. Quis enim sit finis amori ?

Ille modum votis non finit esse meis.

Quot frondes redeunt silvis, quot gramina campis ,

Quot flores pulso frigore fundit humus ;

Tot tibi , Belgarum Lux ô LEOPOLDE tuorum ,

Eveniant rebus vota secunda tuis.

Austriadum fastos patriis virtutibus imple ,

Et Divum , atque hominum digna favore gere.

Tamque tuum nomen sit formidabile Gallo ,

Quam Belgæ, quàm Rex, quàm Deus illud amant.

Ut pavidum trepidant aquilâ veniente palumbi :

Ut fugit instantes territa cerva canes :

Ut procul audito cedunt armenta leone ;

Sic fugiant vultus agmina versa tuos.

Quid non causa valet ? calcas pugnantibus addit ;

Et facit , ut fortes fortius arma gerant.

Quâ melior parte est , non est superabilis armis.

Vim vi dum superat , bina trophæa refert.

Ut causâ vincis, sic armis vincere perge ,

Et geminæ titulum laudis ab hoste refer.

Et quàm justa geris, tam sint quoque prospera bella

Inque tuo vires milite causa juret.

Sic erit , ut victrix toties tibi Belgica plaudet ,

Inviictâ quoties sumptis arma manu.

Laurigerique arcus , ductæque ad sidera moles ,

Inscriptos titulos , & tua bella gerent.

Sic arva agricolis , sic reddas civibus urbes ;

Et bello tollas tristia bella tuo.

Posteritas per te longâ sic pace fruatur ,

Têque patrem patriæ libera sæpè vocet.

Flumina tunc lactis , tunc mellis flumina currant ,

Sanguineis toties quæ rubuere viis.

Sint fasti & statuarum rerum monumenta tuarum ;

Sint animi memores major imago tamen.

His

His Amor in fastis tua gesta & nomina scribat,
Annalésque vocet pectora nostra suos.
Arboribus teneris Corydon inscribat Alexin,
Aut Paris Oenones nomina falce notet.
Illi corticibus scribant sibi cara suorum
Nomina; nos animis pectoribúsque tuum.
Idque tibi placeat: nec enim non gaudia sentis,
Quæ tuus in nostro pectore nutrit amor.
Hunc potes è tacito populi deprendere vultu,
Dum properat vultus quisque videre tuos.
Undique concurrunt: labor est inhibere ruentes:
Dulce premi est, turbam non capiente loco.
Non vidisse sat est: redeunt, renovántque videndo
Gaudia: non oculi, non satiatur amor.
Quod cupiunt omnes, cur non datur omnibus illo,
Quod patriæ faciem sustinet, ore frui?
Intereà cupientúm oculos tua pasciat imago,
Effigiémque animi præferat illa tui.
Quam quicumque videt, sua fassus gaudia, dicat:
Hic vir, hic est, cujus gens ope salva sumus.

ELEGIA III.

Vota ex victoriis Belgicis.

Dicite iô Pæan: cumulat Victória lauros.
Quidquid conatur vincere, victor habet.
Vos eritis testes, Gallum quibus expulit, arces,
Oppidáque hostiles non benè passa manus.
Túque adèò ante alias meritò Armenteria gaude,
Protinus excusso libera facta iugo.
Primitiis, quæ spem nobis animósque reducant,
Victoris debes esse superba tui.
Venerat Austriades, & quem pugnare paratum
Nondum crediderat Belgica, victor erat.
Sic Athon, aut Rhodopen, aut alta Ceraunia fulmen
Vix benè conspecto, quà venit, igne ferit.

Auspicium felix laurus sit prima futuri:

Principiis insunt omnia sæpè suis.

Cominli turres, fossæque & mœnia Lendî

Curfibus obniti non potuere tuis.

Landresium cessit, quod inexpugnabile Fama

Fecerat: hoc cedant oppida plura modo.

Quid Dixmuda gemis? spes tanto vindice dignas

Concipe. triste diu non patiere jugum.

Non illum terrent Alpinae robora pubis,

Nec quæ te captam millia multa tenent.

Ecce venit: venisse fuit propè vincere: cingit

Mœnia: pugnatur: fortior ille fuit.

Urbs hæc victa tibi causam LEOPOLDE triumphî:

Cùm dedit, ipsa sibi vincere visa fuit.

Hæc eadem nondum captas spes erigit urbes,

Cœpisti terrâ vincere, vince mari.

Ipsè pater Nereus tibi Duncercana recludet

Mœnia, quæ magno pulsa tridente quatit.

Nec minùs indignans Gravelingæ claustra teneri,

Auspiciis franget protinus illa tuis.

Tunc tibi Portunus, Phorcique exercitus omnis

Victori plaudent, instituëntque choros.

Tunc canet inflatâ Triton tua nomina conchâ,

Libera cæruleis per freta vectus equis.

Hei mihi, visceribus patriæ gravis incubat hostis!

Lisa pater captis debilis errat aquis.

Te tua difficili virtus commisit arenæ:

Undique te mœrens Flandria poscit opem.

Quid facias? populos curam partiris in omnes:

Nee te cessantem turbida vidit hyems.

Illà quidem nimbis & multâ grandine exptis

Obstitit: at spes non abstulit illa tuas.

Qui Cortracenam media inter frigora laurum

Non tulit, hanc primo Mars tibi Vere ferat.

Quam vocat insultans Flandrorum Gallia frænum,

Signa brevî miles figat in arce tuus.

Even

Eventura precor. Votis Victoria tantis
Annuït, & lauro ter bona signa dedit.

ELEGIA IV.

Vota pro incolumitate Serenissimi Principis.

I Felix LEOPOLDE: tuis Victoria castris
Prætendit niveâ laurea ferta manu.
Vincere te videat toties, & sæpius æstas
Proxima, quàm vidit quæ modò lapsa fuit.
Excitet audentem pugnam, inimicâque paci
Gallia: laus forti major ab hoste venit.
Auxit Iuleos Pompei fama triumphos;
Hannibalis virtus Scipio magne tuos.
Romanâ toties Carthago clade superba
Romanæ nomen gentis in astra tulit.
Æneæ Turnus nomen dedit; Hector Achilli:
Te quoque plus magno laudis ab hoste manet.
Sic tamen & muros, & sic hostilia rumpas
Agmina, ne nimium strenuus esse velis.
Venisti sospes per mille pericula: sospes,
Ad quæ venisti bella gerenda, geras.
Parcius incerti subeas discrimina Martis,
Ne patriæ tecum spes quoque lapsa cadat.
Qui te cumque manent inter fera prælia casus,
Et nos (non potes hoc ipse negare) manent.
Una salus nobis, unum & commune periculum est;
Ah per te salvos, quod cupis, esse sine.
Tu nostris votis, nos te LEOPOLDE fruamur:
Sospite te duret Numinis ille favor.
O precor, ô potiùs madeant hostilia nostro
Sanguine, quàm fiant tela cruenta tuo.
Illa dies bellum nobis, hostesque timendos
Redderet, antiquis obrueretque malis.
Cum ferret medios Æneas sacra per ignes,
Altera sacra, deos, altera sacra, patrem,

Flam-

Flamma viro, medios ibat quacumque per hostes,
 Ipsaque narrantur tela dedisse viam:
 Sic, quoties tua te virtus in fervida mittet
 Prælia, dent acies, dent tibi tela locum.
 Nos tamen ut serves, tu te servare labora,
 Ne pars officii clauda sit ulla tui.
 Cur te, cur toties media inter tela videmus
 Spernentem vitæ certa pericla tuæ?
 Ah precor, à cæco ne patria pendeat ictu!
 Gloria jacturæ est ista timore minor.
 Sat tibi sit toties aures & tempora circum
 Quot stridisse globos, tot volitasse neces.
 Sit satis hos cristas semel excussisse comantes,
 Tàmque suis carum non violasse caput.
 Sic tua sit fortis, ne sit temeraria virtus.
 Exitio multis nil timuisse fuit.
 Hostis in exemplo est: ad Lendî mœnia nuper
 Contra te missum scis periisse Ducem.
 Dum ruit hic præceps, dum muros urget ad ipsos
 Agmina, trajectus tempora glande cadit.
 Imperet agminibus ductor, seu concutit armis
 Oppida, collato seu pede signa movet:
 At quoties laudum rapit immoderata cupido,
 Tunc sibi, tunc animis imperet ipse suis.
 Si tibi non timeas, timeas fortissime nobis:
 Tota salus Belgî stârque caditque tuâ.
 Dic, quoties pulchræ tangere cupidine pugnæ:
 Ut se conservem Belgica rota rogat.
 Scimus te nullo belli terrore moveri:
 Sed patriam tecum perdere, nôsque time.
 Te timor in mediis hic unus terreat armis:
 Securos faciet nos tuus iste metus.
 Triste quidem durumque duces cecidisse minores,
 Quæis amor est vitæ laudis amore minor.
 Sed tamē hoc minùs est, hoc est reparabile damnum:
 Te plus quàm belli sis memor esse ducem.

Non

Non omnes madeant Leopoldi sanguine , qualis
 Qui domui Augustæ scuta cruenta dedit.
 Christiadûm Tyrio fulgebant littore signa ,
 Et Solyme pretium , causâque Martis erat.
 Jâmque ferox Acon , nec adhuc superabilis armis
 Pertulerat longas obsidione moras.
 Altera currebat frustrâ pugnantibus æstas ,
 Et longo fessus tempore miles erat ;
 Auxilio Leopoldus adest , & ad arma morantes
 Incitat , & belli sustinet acer onus.
 Causa dabat vires : causam tutantibus armis
 Irruit , & valido mœnia Marte petit.
 Non aliter , quàm cùm Libycis impastus in arvis
 Arma movet viso cominus hoste leo.
 Qui vigor oris erat ? qualis pugnantis imago ?
 Horruit Austriacas barbara turba manus.
 Candida vestis erat molli de vellere Serum ,
 Nec color in totâ , quàm nivis , alter erat.
 Cingebat mediam gemmis insignis & auro
 Balteus : hoc uno discolor illa fuit.
 Dicere difficile est , in quæ discrimina fidens
 Iverit agminibus præviis ipse suis.
 Emicat in muros , & plenam milite turrim
 Occupat , & stricto qualibet ense ruit.
 Corpora densa cadunt : vultus victoris , & arma ,
 Dexterâque hostili sparsa cruore madent.
 Candida quæ fuerat , nivibûsque simillima vestis,
 Sanguine , cœu Tyrio murice , tota rubet.
 Balteus exuitur : vestis , quâ balteus illam
 Vinxerat , hac tantùm candida parte fuit.
 Prodigio simile est inter tot cædis acervos
 Victorem adversâ non cecidisse manu.
 Ah ne tanta tibi subeat præcordia virtus !
 Eventus semper non habet illa bonos.
 Per Superos , qui te solito tutantur amore ,
 Successumque armis dântque dabûntque tuis :
Per

Per te , per patriam , quæ te tibi carior ipso est ,
 Quæ , si quid pateris , se putat ipsa pati :
 Per consanguineum , quo pugnas auspice, Regem,
 Quo pia pro Belgis arma rogante geris :
 Per tibi tam morum & virtutis imagine fratrem,
 Quàm vultu similem , dimidiûmque tui ,
 Parce tibi , tantòsque animos , ut cetera , vince :
 Materiam , quâ sis hîc quoque fortis , habes.
 Sic , quem tot curis , factisq; , animoque mereris,
 In te Belgarum crescere pergat amor.
 Sic omnes capias ; quas milite cinxeris urbes ,
 Istaque sit belli propria fama tui.
 Sic Ligeris fracto , sic fracto Sequana cornu
 Vincula ferat , noster quæ modo Lisa tulit.
 Sic tibi , qui bello tentat nos perdere , cedat ,
 Damnaque quæ nobis intulit , ipse ferat.
 Aut potius Reges æterno fœdere jungas ,
 Et superes hostes hac quoque parte tuos.

ELEGIA V.

Vota ex rebus in Germaniâ gestis.

Quid tibi præsidium quereris Germania raptû ?
 Cur Belgæ tibi gens invidiosa sumus ?
 Non tibi , qui nobis LEOPOLDUM donat , ademit :
 Nec qui nuper erat spes tua , totus abest.
 Hîc etiam geret ille tuis lætissima rebus
 Prælia , nec vindex desinet esse tuus.
 Hîc etiam reprimetque tuos & proteret hostes ,
 Et pariter nobis , & tibi victor erit.
 Austriacæ gentis , quovis sub sidere , bella
 Sunt tua : commune est , quod gerit illa domus.
 Tu damnis LEOPOLDE , & utrique nocentibus armis
 Pone (quod hæc à te sperat , & illa) modum.
 Sentiat absentem Germania , sentiat absens
 Quæ geris hîc nobis , & sibi bella geri.

Te

Te veniente metum nuper posuere Boëmi ;
 Indecori Sueones terga dedere fugæ.
 Bannerium plausis exultans fluctibus Albis
 Vidit ab Herciniis vertere signa jugis:
 Vidit & ille tuo mox urbes Marte receptas ,
 - Alluerat mœstis quas modò captus aquis.
 Praga tibi plaussit , plauserunt Cæsaris arces ,
 Gratâque pro salvis dona tulere focis.
 O ita , qui captis nunc it mœstissimus undis,
 Lifa pater ripâ liber utrâque fluat !
 Auspice te videat , quas præterlabitur , urbes
 Gallica de muris vellere signa suis.
 At secura satis nulli est victoria : sæpè
 Proxima sunt magnis fata sinistra bonis.
 Ah ne corrumpat clades inopina triumphum !
 Hei mihi ! dedecoris , quod tulit , ultor adest.
 Bannerius socias acies , & Gallica secum
 Castra trahit : magnas parturit ira minas.
 Undique te, Princeps, ceu clausum indagine, tentat
 Cingere : spes animo non capit ipsæ suas.
 Sala pater, dixit, quot adhuc sub gurgite volves
 Corpora ! sanguineis decolor ibis aquis.
 Da captas LEOPOLDE manus : nunc victa trahetur
 Austria : nunc Rhenus noster & Albis erunt.
 Quid tibi grataris ? spes improbe pone superbas.
 Supprime vindictæ gaudia vana tuæ.
 Quid fidis numero ? numero concurrere virtus
 Non timet : agminibus plus valet illa tuis.
 Non ego vana loquor. pauci tot millia contra
 Stant animis , Princeps quos facit ipse suis.
 Nil acies illum , Martisque tonitrua terrent ,
 Telâque , quæ Scythicâ grandine plura volant.
 Bannerius vinci indignans frendetque dolétque :
 Tam modò terribilis , territus ipse fugit.
 Austriades sequitur , profugisque acerrimus instat.
 Quid virtus umquam pulchrius ausa fuit ?

Exci-

Excipit attonitus fugientium signa Visurgis;

Excipit, & mediis illa tuetur aquis.

Victor ades: tibi Sala, tibi lætissimus Albis

In ripis statuent vota trophæa suis.

Sic iterum, sic sæpè novos molire triumphos:

Mars tuus hostiles hîc quoque frangat opes.

Ecce suis Gallus fidens successibus instat;

Et sua, quæ voto præcipit, esse putat.

Jam mare, jam tellus, jam nobis Flandria servit;

Totâque jam nostri est Belgica juris, ait.

Has voces LEOPOLDE feras? compescere perge

Spes tumidas armis altâque verba tuis.

Cujus viderunt trepidas, te terga premente,

Neccarus, & Rhenus, Danubiûsque fugas:

Sentiat hic etiam tua quid manus armâque possint;

Sentiat & laudis sit nova causa tuæ.

Slangius ut quondam, sic quos hîc fregeris, hostes

Submittant pedibus signâque sêque tuis.

Qualis ubi coluber gelido caput extulit antro,

Sibilat; & torto pectore radit humum:

Ignem micant oculi: turgescunt colla veneno:

Cæruleis livent squamea terga notis:

At si transierit medium rota, colla residunt;

Torpescit positis lingua trifulca minis.

Haud aliter tumidas acuebat Slangus iras,

Sævitiem vincens nominis ipse sui.

Jam prædæ devotus erat cum conjuge Cæsar,

Creditâque Austriadum panè ruina Domus.

Tu tantis elatum animis, tu vana moventem

Opprimis, & captum captâque castra trahis.

Quis fuit ille dies, quo Cæsar vidit inermem

Ante pedes flexo procubuisse genu!

Lernæum pressis iterum cervicibus anguem

Herculeâ domitum credidit esse manu.

Audiit, & vultu fassus pallente timorem

Bannerius vires horruit ipse tuas.

Terga

Terga iterum verrit (neque enim spes altera restat)
 Signaque præcipiti pulverulenta fugâ.
 Quò fugis ah demens? fugias ut Cæsaris enses,
 Non fugies animi vulnera cæca tui.
 Te Pudor, & Luctus, mistoque Insania luctu
 Insequitur, quovis acrius hoste malum.
 Has in te victor Furias, quibus æger, & exspes,
 Impatiensque tui conficiaris, agit.
 Nequidquam turpemq; fugam, clademq; tuorum
 Interitus causas esse querere tui.
 Hæc de Bannerio, toties quem Rhenus & Albis
 Horruerant, Marti palma velata tuo est.
 Sic hostis fugias, qui te Belgasque laceffit,
 Et cadat in mediâ, fractus, ut ille, fugâ.
 Austria gavisa est Suecis secura repulsis:
 Gaudeat æternum vindice tuta suo.
 Quis tunc, quis rursus terror fugientibus alas;
 Cum victor profugos insequerere, dedit?
 Quantus erat sudor properantibus, Hassia donec
 Vallum iterum fessis perfugiumque fuit!
 Quid loquar Augustæ, quid Brunæ moenia famæ
 Argumentum ingens mater emque tuæ?
 Mars tuus hæc atque hanc cingetia castra fugavit:
 Oppida sunt multis, te duce capta locis.
 Te sua damnavit cogente Ragotzius arma:
 Vindice te tellus Norica salva fuit.
 Mox iterum ingenti concussa Boëmia bello:
 Mox iterum sospes te veniente fuit.
 Belgica tolle animos, luctumque in gaudia verte:
 Gaudia, ne dubita, spe quoque plura feres.
 Quid tibi non virtus tantis exercita rebus
 Spondeat? auspiciis est tibi nota suis.
 Illa tuas armis repetet victricibus urbes,
 Hlatis hosti cladibus ulta tuas.
 Illa tibi pacem, justo quam Marte reposcit,
 Et cujus solo pugnat amore dabit.

ELEGIA VI.

*Vota ex ascititiis Serenissimi insignibus , que
sunt Crux , ad cuius truncum due lauri
eminent : in alterâ Crucis parte expressus
oculus , ex alterâ frenum pendet : ad pe-
dem hinc agnus , illinc leo.*

Non ego nunc aquilas, non lapsa ancilia cælo,
Imperii referam pignora , Roma , tui :
Non pictos clypeis gryphas, formâsque luporum,
Cinctâque vipereis Gorgonis ora comis :
Nec quæ sublati fuerit reverentia signis,
Tunc quoque cum fœni, signa, manipulus erant.
Signa, decus belli, virésque animósque juventæ,
In fera cum rueret prælia, visa dabant.
Signa etiam in medios si dux conjecerat hostes,
Non reperisse nefas , & grave crimen erat.
Sæpè sub his magni firmabant fœdera reges,
Et fidei testes hæc tetigere suæ.
At non , ut veteres illis reddantur honores ,
Contulerim signis hæc , LEOPOLDE , tuis.
Quid poterant gryphû, simulacrâq; vana draconû?
Quid picti poterant, effera monstra, metus ?
Crux tua, cælicolis etiam venerabile signum ,
Militiæ non est omen inane tuæ.
Crux olim cælo fulsit manifesta sereno ,
Dum vidit mundi Roma coire manus.
Vox simul audita est : Hac pugnes auspice Cæsar,
Victor eris. pugnat : nec mora, victor erat.
Ex illo cessere aquilæ, pictique dracones,
In manibûsque crucem signifer omnis habet.
Salve Cæsareis ferri dignissima castris ,
Auspicium semper grande datura tuis.

Tu

Tu vires, animosque facis: tu barbara terres
 Agmina: tu fortes ducis in arma manus.
 Tu facis ut lantos referant ex hoste triumphos
 Qui pugnās incunt, te præcunte, duces.
 Auspice te vincat LEOPOLDUS, vicit ut ille,
 Qui te primum inter bellica signa tulit.
 Te quoque, te patriis fulgentem insignibus addit,
 Et movet auxiliis, quæ gerit, arma tuis.
 Ille, tibi quoties aquilas submittet & hastas,
 Speratam toties experiatur opem.
 Non frustra geminas circum tua robora lauros
 Fixerit, auspiciis debita fecta tuis.
 Huc etiam tendunt vigilēs in pectore curæ,
 Quas, ut te servet, Belgica, semper habet.
 Excubat, & partes animum diffundit in omnes,
 Et vigilēs oculos semper in hoste tener.
 Consilia explorat: neglectum si quid ab hoste est,
 Occupat: instructos prævenit arte dolos.
 Omnia sollicitus circumspicit, omnia versat:
 Exactum, si quid prosit, & obsit, habet.
 Hoc est quod præfert oculi vigilantis imago:
 Officij sese sic monet ipse sui.
 Profuit hoc nostris, prosit venientibus annis,
 Tatâque det Belgis otia cura Ducis.
 Vincat, & oppressas Gallis extorqueat urbes
 Illorum victor, nec minùs ipse sui.
 Magnus uterque labor; sed sese vincere major:
 Est hæc, sitque animi laus LEOPOLDE tui.
 Frena Pelethronij Lapithæ reperere domandis,
 Quos nondum ad bellum finxerat usus, equis.
 Frena docent celeres effusum in pulvere cursum
 Sistere, & exiguò flectere in orbe pedes.
 Est vigor, est præceps altis & vividus ardor
 Mentibus, & frenis impetus omnis eget.
 Cùm scuto, Dux magne, tuo fulgentia jungis
 Frena, jubes omnes scire quid ista velint.

Scimus, suspicimúsque animi se signa regentis :

Sic benè, sic longùm téque tuóique regas.

Cùm pulsos Istro Sueonas, cùm libera Pragæ

Mœnia, cùm Slangî vincula fama canit ;

Cùm Landracenas lauros , Lisámque receptum,

Et Dixmudano fixa trophæa solo :

Plus laudum superest : victoria pulchrior una

Omnibus est, animum vincere posse suum.

Una sai vera est victoria. Quid juvat hostem

Vicisse , & vitiis succubuisse suis ?

Præcipuum vicit, qui se benè vicerit ; hostem :

Pulchrior è nullo pulvere palma venit.

Hic superat reges, & regum culmina victor,

Imperiúmque sibi latius orbe dedit.

Ille potest agnos pariter favósque leones

Jungere, nec dubiâ conciliare fide.

Ille suos, nullo mentem turbante tumultu ,

Séque regit placidus , fortis ad arma tamen.

Quæ fuit Augustæ, quæque est Clementia semper

Fama Domus , vires temperet illa tuas.

Utque facis, doleas, cùm cogeris esse severus,

Solâque agat partes ira coacta suas.

Quæ populo tantum per ferrum & vulnera profunt,

Ultima curandis sint medicina malis.

Aspicè, quem LEOPOLDE times:ignoscere promptus

Instruit invitas fulminis igne manus. [REM,

O benè, quod DOMINI scuti frons summa TIMO-

Sed magis inscriptum mens tuâ semper habet.

Huic uni parere labor bellique, domique

Est tuus : huic uni displicuisse times.

Felix, qui didicit, quem tu LEOPOLDE , timere,

Esse memot regno sub graviore suum.

Strenuus , impavidusque , & se generosior ipso

Rem gerit : audentem provehit ille timor.

Hic tibi te dignos generosi sanguinis ignes.

Suscitet : hoc felix auspice bella geras.

ELEGIA VII

Vota ex honestâ animi relaxatione.

Non benè continuus fertur labor : otia poscit.
Otia dant animos, fessâque membra levant.
Cui juga sudanti solvit cervice colonus,
Fortiter & longo tempore taurus arat.
Qui demptis ad plena sterit præsepia frenis,
Isthmiaco meliùs pulvere currit equus.
Deficiet sensim, qui semper tenditur arcus :
Ferre negat segetes irrequietus ager.
Apta quies operi: quod habet requiémq; modúmq;
Darat opus. Virtus exigit ipsa modum.
Corpora de duro non sunt mortalia ferro :
Nec silicem venas membra, nec æris habent :
Et tamen assiduo ferrum consumitur usu,
Assiduus lapidès usus & æra terit.
Hoc sensit, posuítque Deæ delubra Quieti,
Thurâque Cæcropidas Roma secuta dedit.
Illi sæpè duces tenero de flore coronas,
Gratâque suffuso dona tulere mero.
Grande geris, Princeps, & quod mortalia frangat
Pectora, si nullâ parte levetur onus.
Nix, & hiems, pluvîæque graves, & pulvis, & æstus,
Et vigiles noctes, sollicitique dies,
Præliâque, & validis repetendæ viribus urbes,
Et non spernendo justus ab hoste timor,
Pars onerum; sed pars quota sunt LEOPOLDE tuorû,
Quæ te sollicitum nocte dieque tenent ?
Támque gravis toto te moles urgeat anno,
Nec placidos habeant tempora dura dies ?
Cur alia ex aliis omni te tempore cura
Maceret, & nostris conficiare malis ?
Ipse tuus miles non semper degit in armis :
Sæpè caput galeâ nudat & ense latus.

Tu quoque sollicito clypeum de pectore solve;
 Et galea vertex, & vacet ense manus.
 Casside deposita citharam tractabat Achilles,
 Molle movens plectrum quâ prius arma manu.
 Quâ Turnus casurus erat, venabula torquens
 Perculit errantes dextera sæpè feras.
 Cum freta sulcaret fugiens Salamina patrémque,
 Nec fuga dura minus, quàm pater ipse foret;
 Sæpè caput viridi Teucer vinxisse coronâ
 Dicitur, & cursus sustinuisse suos;
 Et sociis dixisse: Graves jam pellite curas,
 Equoreum velis cras repetemus iter.
 Tu quoque, dum nostris expellis finibus hostes,
 Oppida dum Domino reddis adempta suo,
 Temporibus mediis animum laxare memento,
 Ut quibus es, possis utilis esse diu.

ELEGIA VIII.

Vota ex venatione.

Cessat Martis opus: juvat interrompere curas:
 Venatum in silvas, dum licet, ire paras.
 Nobilitas in equis coit, & delecta juvenus,
 Exultatque tuum cingere posse latus.
 Ire juvat: silvis tibi mens nunc errat in altis,
 Et videt excitas insequiturque feras,
 Aut agile cervum, aut metuendum dentibus aprum,
 Quos petit auguriis & capit antè suis.
 Dum resonant silvæ strepitu juvenumque canumque,
 Sit precor inceptis æqua Diana tuis.
 Ite viri: Diana vocat: cava murmure rauco
 Cornua, latratu signa dedere canes.
 Tūque ades Ô LEOPOLDE: vocant te lustra ferarum,
 Nec tibi nec votis invia lustra meis.
 Seu jubeas casses, nodosaque retia tendi,
 Incidat in casses plurima præda tuos.

Seu

Seu valido excussum mittes hostile lacerto ,
 Sint tua, quod Cephali tela fuisse ferunt.
 Tot tibi sternendas , Triviæ quot Mænalus olim,
 Præbeat , aut plures regia silva feras.
 Sive canes in apros, trepidosque hortabere cervos,
 Inficiant multo sanguine rostra canes.
 Sed tamen oblatae capias spectacula prædæ ,
 Quæque canes instent, quotque, quibusque modis.
 Ut primus det signa sagax cum fratre Melampus,
 Utque feram è latebris primus Hylæctor agat.
 Tum videas celer ut Pterelas, Lælapsque, Thousq;
 Et Dromas in prædam , Theridamæque ruant.
 Eripiat pernix ut se fera moribus ipsis ,
 Jam tibi, jam sociis, jam sibi visa capi.
 Dúmque plagas conata levi transmittere saltu
 Emicat , Hylæo crura tenente cadat.
 Proximus ut tergo Leucon , ut inhæreat armo
 Fortior admonitu facta Lycisca tuo.
 Denique , ne carmen cursu sit tardius ipso,
 Agmen ut in captam convolet omne feram.
 Hæc tibi dum mediæ dant oblectamina silvæ ,
 Militiæ speciem finge videre tuæ.
 Insidiis captare feras , aut sternere telis ,
 Martis nescio quid bella moventis habet.
 Venator , milēsque suis præcingitur armis ,
 Rēque ferox animis , ingenioque gerit.
 Hic superat muros ; ille aspera culmina montis :
 Hic urbes septo claudit ; at ille feras.
 Militis est ventis , & iniquis solibus uri,
 Et gelido densas sub Jove ferre nives ;
 Nec, prædæ quem taptat amor , caussabitur æstus,
 Nec ventos, & aquas, arvæque dura gelu.
 Ardet uterque sequi , quo spes est posse potiri :
 Exultat spoliis victor uterque suis.
 His precor ut spoliis victor cumuleris , & illis ;
 Faustæque det Martis signa Dræna tui.

ELEGIA IX.

Vota ex auspicio.

NEc tibi, quod spectes, vacuus nō præbeat æther
 Venantū studiis campus & ille patet.
 Utque patet, faveat. Volucrum inter aubila pugna
 Oblectent oculos detineantque tuos.
 Aspicias? en motu placido, similisque natanti
 Aërium pennis ardea findit iter:
 Insonuit pariter pugno dimissus herili,
 Spēque celer prædo præmia visa petit.
 Radit humum pernix, ductisque per aëra gyris
 Surgit, & in nubes insidiator abit.
 Illum oculi rapido superantem nubila nisu
 Parē negant acie deficiente sequi.
 Illa timet, quantumque potest attollit in auras
 Se q̄oque, sed pennas lentius hoste mover.
 Hic super evchitur, spatioque ingente relictam
 Præterit: ad palmam pronior inde via est.
 Alitis hinc trepidæ supra caput ingruit asper,
 Attonitamque avido concitus ungue petit.
 Non secus ac subito dejectum turbine fulmen,
 Aut versâ Parthi torta sagitta manu.
 Illa fugæ diffisa, minas opponit & iras
 Insidiis, audax esse coacta metu.
 Nam quid agat? rostrumq; minax, oculosq; sequaces
 Quacunque ille aditum tentat, in hoste tenet.
 Unguibus armatis nequidquam objectat inermes,
 Quaque potest pugnat, seque tuetur ope.
 Et partē modò corpus in hanc, modò librat in illā;
 Rēmque obliqua latus, rēmque supina gerit,
 Verberibusque alarum & acuti cuspide rostri
 Insonat: ah prædo fervide rostra cave.
 Rostra cave, nec te perdat temerarius ardor:
 Ah propè jam victor, ne feriare, cave.

Ille

Ille feros pennis fugiens velocibus ictus,
 Acrior in pugnam rursus & arma ruit.
 Imminet hinc atque hinc, omnisque à parte laceffit
 Vividus : alternant spēsque timorque vices.
 Pasceris intereà pulchrò sub nube duello ,
 Suspensósque oculos palma ferenda tener.
 Dum cruor, & vulsæ labuntur ab æthere plumæ,
 Concussæque alæ, corneæque ora sonant ,
 Quod juvet, eveniat : vincat, quem vincere inavis
 Prædæque spectantis decidat ante pedes.
 Det plausum pennis victor felicibus ales,
 Ominaque hinc armis accipe læta tuis.
 Augurium felix : fessam premit acer & urget :
 Exitus è voto est : hic ferit, illa cadit.
 Sic invade tuum, sic urge fortior hostem ;
 Sic preme cedentem, nec nisi victor abi.

ELEGIA X.

Vota ex arte musicâ.

AUribus est etiam sua concedenda voluptas :
 Sæpè per has animum leniter illa subit.
 Pectora fessa malis, longisque exercita curis
 Quo levet, artificis gratia vocis habet.
 Cantus mollit opus, nec tempora longa videri,
 Sollicito quamvis plena labore, finit.
 Cantus & è manibus districtos excurit enses,
 Componitque animos, restituitque sibi.
 Præcipuè dum se vocum commendat, & artis
 Dotibus, & numeris se probat ipse suis.
 Non satis est, si vox respondeat ima supremæ,
 Et concors medijs hæc sit & illa sonis.
 Mille modis opus est, lenociniisque canendi,
 Mulceat ut sensus vox LEOPOLDE tuos.
 Sit teneris arguta sonis, sit rara necesse est,
 Cui dicas : Nostri pars eris una chori.

Ars tibi iudicium de se perfecit, opésque
 Intellecta tibi, quas habet, ipsa dedit.
 Ut rapiunt animos discrimina dulcia vocum,
 In tibi selectis quæ meruere locum!
 Audiat has Orpheus; citharâ plectrumque reponet,
 Miratus teneros ore silente modos.
 Audiat has Siren; vocalia comprimet ora,
 Et cantus, dicet, dulcior ille meo est.
 Da Priamum nobis, vocésque exaudiat illas;
 Jam minùs Hectorco funere mœstus erit.
 Redde Philocteten ad Lemni surda querentem
 Littora; tam blandæ sentiet artis opem.
 De saxis hominés factos ait esse verustas;
 Saxa ferox animis & rude vulgus erant.
 Threiciis iterùm rigeant mortalia saxis
 Pectora; tam blandus molliet illa canor.
 At tu laudatas felix chorus exere voces,
 Exere: jam litui, jam tacuere tubæ.
 Ecce tibi Princeps animum jam præbet & aures:
 Nunc ô nunc solitâ dulciùs arte cane.
 Mulceat angustum, quâ polles, gratia pectus,
 Tôtque datum curis occupet una locum.

ELEGIA XI.

Vota ex statuis & picturis.

A Rtificum fœcunda parens, felixque laborum
 Belgica, quos priscis cedere fama negat:
 Cui neque Lysippi, neque dignæ laude Myronis,
 Nec Coæ defunt, Parrhasiæque manus.
 Jam jam fama tuis major venit artibus: illas
 In pretio Princeps, quale merentur, habet.
 Iudicium cuius nec amor, nec decipit error,
 Nullaque pars artis, gratia nulla fugit.
 Quem lætis obit hic oculis, vultûque probante
 Aspicit, invidiâ est altior ille labor.

Et

Et quamvis quod & ars, & dextæ cura peritæ
 Extudit, auctorem seque tueretur opus;
 Attollit laus ipsa tamen, censuræque tanti
 Judicis, à rarâ quod venit arte decus.
 Magnus Alexander majorem fecit Apellem:
 Alterius pingi noluit ille manu.
 Crevit honor Lysippe tuus, dum sancit idem,
 Exprimeres vultus solus ut ære suos.
 Jam veterum famam, jam spem superare minorum,
 Vos ipsas doctæ jam superate manus.
 Principis è vestro capienda labore voluptas:
 Quam petitis laudis non leve sænus erit.
 Addit amor famæ speratæque gloria calcar,
 Majorésque animos ingeniumque facit.
 Aspice certantes: studium certantibus unum
 Est, oculis, Princeps, posse placere tuis.
 Successus habeat cura ingeniosa; nec ulla
 Non benè ducta suum linea fallat opus.
 Seu pingant hominum formas, qui viderit illas,
 Natas, non pictas, arte latente putet.
 Ora loqui credat, vestigia velle moveri,
 Officiis fungi cetera membra suis.
 Seu simulent flores, & mixtas floribus herbas,
 Ipsas suos hortos Flora videre putet.
 Nec dubitent calathos deceptæ quærere Nymphæ,
 In quos cum dominâ munera verna legant.
 Seu quidquid facient, verum videatur imago,
 Naturæque nihil dissimulantis opus.
 Veræque, qui spectat, putet omnia: quæque moveri
 Vi, seu sponte solent, hîc quoque credat agi:
 Luctari pugiles, impelli carbasa ventis,
 Volvi undas, flammæ urere, tela iaci.
 Nec minùs ars oculos fallat, quàm Zeuxidos olim
 Picta manu cupidas uva fefellit aves.
 Sed tua nil meliùs, quàm bella & prælia pingat:
 Expleat hîc numeros ars operosa suos.

Illic in mediis videaris millibus ardens:

Ardeat exemplo miles in arma tuo.

Martem oculi spirent: cristas vibret aura comantes:

Dextra minax veros concitet ense metus.

Sic tuus incedat, fulvæque insultet arenæ,

Ut si, quem veheret, conscius esset equas:

Plûsque sit in tabulâ, quàm quod videatur imago,

Nec nisi spiranti desit in ore sonus.

Parte aliâ disjecta ferox in moenia miles

Ingruat, hostili signaque figat humo.

Vultibus aspiciens illum pallentibus hostis

Terroris toto præferat ore notas:

Stet positus supplex armis, pacemque precantes.

Jam deploratâ tendat ab urbe manus.

Ipsa super notis volitans Victoria castris

Prætetendat capiti laurea ferta tuo.

Atque utinâ ut vultum, virtutē ars pingere possit;

Ah cur hîc vires deserit illa suas!

Quod tamen est vôtî, nullum non fallat imago

Et res & vultus exhibitura tuos.

Ipse opus aspiciens, geminum te credere possis,

Aut iterum, quæ te sunt duce gesta, geri.

ELEGIA XII.

Vota ex Historiâ, Philosophiâ, Poësi.

GRande opus Imperium est: bellum pacemque
tuetur,

Neu tantæ molis pars labet ulla, caver.

Hîc priscas renovat leges, hostilibus illis

Servatura suos objicit arma minis:

Hîc sceleri pœnas, hîc laudi præmia ponit:

Et curæ, ut præsens omnibus adsit, habet.

Numinis hæc quædam est terras moderantis
imago:

Hæc Princeps causas, unde colatur, habet.

Tanta

Tanta tamen ne te lassent molimina rerum ,
 Otia temporibus sunt tibi danda suis.
 Otia, quis credat? tantis quoque commoda curis,
 Quo pascas animum, quoque juvere, dabunt.
 Sumpseris Historiam, nihil est instructius illa:
 Quid reges seruet regnaque nempe leges.
 Seu metuenda ferunt subiti discrimina casus,
 Consilium subitis casibus illa dabit:
 Seu sibi praestet tumidus successibus hostis,
 Quis illum frangas artibus, inde petes.
 Illa docet celeri nec opino vincere Marte,
 Illa docet justâ vincere posse morâ.
 Illa graves regnis populisque avertere clades,
 Alteriusque malâ sorte cavere suam.
 Hic regum rerumque vices, variûmque laborem,
 Sæculaque exiguâ tempore tota vides.
 Nec semper studiis animus retinendus in idem:
 Sunt etiam studiis ingenioque vices.
 Ipsa tibi quandoque suos Natura recessus,
 Quasque sinu condit divite, pandat opes.
 Tum tibi scrutari libeat primordia rerum,
 Et cæli mores, sideraæque vias. [ignes;
 Quid tonet; unde nives; quid alat sub nubibus
 Unde coloratis fulgeat Iris aquis.
 Quid tantum hiberni properent occumbere soles;
 Cynthia cur numquam, quo prius, orbe micet;
 Quid quatiat terras, montesque evertat & urbes.
 Cur mistis seopulos ignibus Æna vomat:
 Cur abeat spatiis, redeatque æqualibus æquor,
 Cæcula nec fines exeat unda suos.
 Quodcumque attigeris, pulchri stimulatus amore,
 Ingenio pateat protinus omne tuo.
 Quæque peti solet hinc, veniar tibi plena voluptas,
 Nec desiderij pars vacet ulla tui.
 Adsit, & è rebus rerum tibi cognitus Auctor
 Summa voluptatis sit tibi causa tux.

At si Pierias animo vertaris ad artes,
 Invitètque tuam Castali unda sitim :
 Atria Musarum sese tibi sponte recludent,
 Eque suis venient ad tua castra Deæ.
 Cum tibi Pelides fuerit, cum lectus Ulysses,
 Et Pater Æneas, Æneadúmque labor :
 Spes erit, ut nostros non avertere libellos,
 Dignerisq; oculis otia nostra tuis.
Hei mihi ! Calliope cur est conatibus impar
 Nostra suis, nec te Principe digna sonat ?
 Augusto quales meritò placuere Poëtæ,
 Qui de te scribant, tempora nostra ferant.
 Atque aliqui graviore impulsî pectora thyrso
 Res à te gestas, quo decet, ore canant.
 Materiâque animisq; à tanto iudice sumptis
 Mæoniis æquent arma virúmque modis.
 Sic scribant, ut scripta probes, & in omnia chartæ
 Sæcula cum multâ laude probantis cant.

ELEGIA XIII.

Vota ex Virtutibus.

Nunc mihi Pierides solitis assurgite votis
 Altiùs, & parvis magna sonare modis.
 Non mihi nunc oleæ tantùm, non carmine lauri
 Optanda veniunt, Nestoreisq; dies.
 Majus opus moveo : referat sua limina Virtus ;
 Junctâque vicinus templa recludit Honor.
 Si finis, ingredimur tecum sacra limina, Princeps :
 Hæc etiam votis carminibûsque patent.
 Illic Heroas veteres mirare, novósque
 Quos adytis Virtus addidit ipsa suis.
 Illic & titulos, & nomina clara tuorum,
 Scriptâque sub statuis fortia facta lege.
 Inter & Austriacos stantem te respice, qui te,
 Quæque geris, laudant, téque imitare, monent.

Ante

Ante alios mirare Patrem, similisque paternis
 In te Virtutes livor & ipse probet.
 Sic illum referas, ut possis moribus ipsis.
 Agnosci tanti filius esse patris.
 Utque facis, cultum doceas pietatis avitæ
 Austriaci primum sanguinis esse decus.
 Errat, qui reges opibus meretur & armis,
 Victricique putat nil prius esse manu.
 Est aliquid sceptris, regnisque augustius ipsis,
 A quo majestas, quod sibi constet, habet.
 Virtus divitiæ, virtus dos maxima regum est,
 Quâ sine nil regum gloria laudis habet.
 Pulchrior hæc positis fumosa per atria ceris,
 Captivisque armis, quovisque ducum.
 Illa datos fasces, populosque urbisque tuetur,
 Justaque subsidio promovet arma suo.
 Illa metus expers, animosque à vulnere sumens
 Erudit ut vincant, & facit ipsa duces.
 Illa tibi lauros felix ferat, illa triumphos,
 Fidæque pro signis stet LEOPOLDE tuis.
 O adsit, semperque tuis se misceat armis!
 Conveniunt meritis tam bona vota tuis.
 Quæque fuit virtus Leopoldos sparsa per omnes,
 In te uno vires exerat illa suas.
 Quàm tua te digna est tam sit prudentia felix:
 Vincat, & ex actis se probet illa tuis.
 Nil vires sine mente valent: moderamina poscunt:
 Ingenio debent, consilioque regi.
 Noverat Æacides leges, & idonea pugnae
 Tempora; non tantum viribus acer erat.
 Plus Laertiades animo, quam viribus Ajax
 Præstitit: ingenio Troja subacta fuit.
 Robora cum Pyrrhi fregit, patresque labantes
 Appius erexit, luminis orbus erat.
 Illis sub tenebris plus, quam Romanâ videbat
 Curia: plus castris omnibus unus erat.

Semper

Semper te Ratio, numquam Fortuna gubernet :

Hæc fallit, tutâ dirigit illa viâ.

Non ingens animus, non te suprema potestas

Ire sinant, quâ non jura Deusque sinunt.

Peccantûm tua semper agat clementia causas,

Et cum, quod nolles, cogeris esse, dolo.

Non quoties homines committunt fulmine digna.

In manibus roties fulmina Numen habet.

Numinis exemplo, Princeps, ignoscere gaude :

Ille potestatis dulcior usus erit.

Sæpè malo, cui nec ferro medeare, nec igni,

Auxilium præfens succus & herba fuit.

Mens quoque tot populis & bellis apta regendis :

Læta sit, & curis altior ipsa suis.

Ac, veluti sudo nimbis Aquilone fugatis.

Pura dies, omni nube serena vacet.

Seu votis fors læta favet, seu dura repugnat,

Ipse tibi similis major utrâque manet.

Si curæ versant animum, si bella fatigant,

Nec semper velis æqua sit aura tuis ;

Si labor humanis major te viribus urget,

Auspice te credas omnia posse Deo.

Et pater, & patris toties exercita virtus

Hæreat ante oculos, admoneatque sui.

Nec, si depositis venias spes ultima rebus,

Infringant animos oppida capta tuos,

Captivique amnes, injectaque vincula ripis,

Quæque volant nostro Gallica vela mari :

Ducit ab adversis animos & robora virtus,

Materiemque sui tempora dura facit.

Post Veios domitos famam peperere Camillo.

Proxima Tarpeio Gallica signa Jovi.

Hannibal Ausonias si non penetrasset in arces.

Quod Fabii nomen, Scipiadaque foret ?

Cimbrorum fecere minæ Numidumque furoribus

Cur Marius toto nomen ab orbe ferat.

Et

Et tibi, quam servas, patriæ fortuna labantis
 Non minor est famæ causa futura tuæ.
 Ergò ades, & nostro tumidus dum pascitur hostis
 Sanguine, materiam laudis ab hoste pete.
 Sic tua te summis virtus heroibus æquet,
 Quæque illos duxit, ducat ad astra viâ.
 Sic pater è summo cum te spectabit Olympo:
 Viue diu, felix; dicat, imago mei.
 Heredemque videns laudum cum fratre suarum
 Gaudeat in natis se superesse suis.

ELEGIA XIV.

Vota ex cultu B. Virginis.

TU quoque magna Paræ, rebus spes altera nostris
 Das causam votis, materiemque meis.
 Alma fave, mitisque tuum cum carmine vatem
 Respice, & optaris adijce plura meis.
 Si statuas, si templa tibi LEOPOLDUS & aras
 Dedicat, & toties ad tua sacra venit:
 Si tibi se dedit, si te suspirat in unâ,
 Estque frequens illi nomen in ore tuum:
 Si tua laus illi curæ est, si sacra, dielque,
 Et te thure dato, muneribusque colit:
 Si, quidquid vicit, tibi se debere fatetur,
 Quæque à te data sunt munera, dignus habet:
 Huc adhibe vultus, ô mater, & annue votis,
 Quæ tibi pro patriâ, cum patriâque facit.
 Ecce petit supplex certis tua templa diebus,
 Quæ Bruxella sibi proxima ritè colit.
 Stamine quæ ducto (non est sine teste vetustas)
 Descripsisse tuâ diceris ipsa manu.
 Non illum Boreas, non illum detinet Auster,
 Turbidus hic nimbis, horridus ille gelu.
 Aspice, consueta ut eat spe plenus ad aras,
 Utque tuos supplex procidat ante pedes.

Quas

Quas sensit roties , & te duce sentiet hostis ,
 Tendit submissas hic tibi Diva manus.
 Effigiem , niveoque tuos in marmore vultus
 Spectat amans , & te pænè videre putat.
 Hic hæret , blandoque tui retinetur amore ,
 Hic gaudet tecum sæpè diuque loqui.
 Hic animo pius indulget , longasque videri
 Non finis oranti tuque , locusque moras.
 Cumque abit , invitus dilectas deserit aras ;
 Nec , quamvis abeat , totus abire potest.
 Parte sui meliore manet , neque cara relinquit
 Limina : sic Nato , sic tibi semper adest.
 Hæc pietas quid non de te mitissima speret ?
 O , duce te , Belgis arma secunda gerat !
 Dumq; (quod ô breve sit) geminæ lacrymabile gēti
 Bellum erit , auxilium sentiat ille tuum.
 Te spectant acies , quas dirigit ille , libique
 Præsidio spondent omnia læta tuo.
 Ille tibi exuvias , quas victor detrahet hosti ,
 Cristatas galeas , signaque rapta vovet.
 Adjiciet titulum : VICTRICIS MUNERE DIVÆ
 Tu titulo facias , exuviasque locum.
 Non sibi , non armis tribuet , validisque lacertis ,
 Sed tibi , quas palmas victor ab hoste feret.
 Tu validas frangis vires , tu cladibus hostes
 Atteris , & fortēs fortior ipsa domas.
 Justa tuus juvat arma favor : tu vindice dextrâ
 Vertis in auctores impia bella suos.
 Vicerat , & validum Comnenus fregerat hostem ,
 Nec quâ vicisset , nesciit ille , manu.
 Ecce parat currus populus , pompamque triumphi.
 Sertaque Cæsareas implicitura comas.
 Quid facitis ? non est opus hæc victoria nostrum ,
 Parta licet fuerit me duce , victor ait.
 Non mihi , quam fertis , sed Divæ danda merenti
 Laurea : successus vindicat illa meos.

Militibus dedit illa meis in prælia vires :

Illius munus prospera pugna fuit.

Dixerat. imperio parent , simulacraque Divæ

Laurigeris juvenes imposuere rotis.

Diva triumphatrix in curru stabat eburno ,

Virgineum lauri fronde revincta caput.

Sub pedibus fractæque arcus , fractæque secures ,

Spiculæque & pharetræ, barbara præda, jacent.

Pompa venit : sonuere tubæ : ferit aurea plausus

Sidera : sparguntur flore recente viæ.

Illæ subit muros : visum venit undique turba :

Nudato Cæsar vertice ponè subit.

Cæsar iò comitare : tuo nil Diva triumpho

Detrahit : in facto gloria magna tuo est.

Tales Diva tibi jam nunc LEOPOLDUS honores ,

Tu modò fortunes quæ gerit arma , parat.

Tristia te tangant miseri suspiria Belgæ ,

Quæque tulit populus vulnera , quæque timet.

Ipsa (quod ô profit) de te clementia nata est :

Naturam fructus , quem tulit , arbor habet.

Quam natus pietasque tibi materna dedere ,

Naturæ possis non meminisse tuæ ?

Macte animi LEOPOLDE : tibi, quodcumq; rogaris ,

Plenius ingenio Diva daturo meo est.

Illæ dabit vires : illius munere vinces :

Nec te , nec causam deferet illa tuam.

Ut ventis non semper eant tua vela secundis ,

Virgineâ numquam destitueris ope.

O benè , quod tantâ bellum geris auspice : rebus

Altior humanâ spes venit inde tuis.

Sic benè pugnatur , cum quæ bona causa coëgit

Sumere , cælestis promover arma favor.

210 SIDRONII HOSSCHII
ELEGIA XV.

Vota ex cultu Vener. Sacramenti.

SAcra vocant : dare thura focis : altaria fument ;
Velentur fertis limina : Numen adest,
Floribus ornentur , foliisque recentibus ædēs ,
Et rubeant vernis compita sparsa rosis.
Ite Sacerdotes , sollemnem ducite pompam :
Lucentes præeant , quæ venit illa , faces.
Huc ades ô LEOPOLDE : sacros celebramus honores ,
Imperium proavis qui peperere tuis.
Sepositis belli curis paullisper & armis ,
Huc ades , & supplex ad tua sacra veni.
Qualis vectus equo mediis Rudolphus in agris
Fertur humi viso procubuisse Deo :
Atque Sacerdotem pariter , Dominumque securus
Sordida stramineæ tecta subisse casa.
Nondum tantus erat , cum Divum munere crevit ,
Et tulit officii præmia magna sui.
Primus ad augustos , prærium pietatis , honores
Extulit Austriadæ , Cæsarcæque Domum.
Primus inexpertas regni tractavit habenas ,
Pérque suum misit sceptrâ tenenda genus.
Hic docuit famam , gen- rîsque attollere nomen ,
Hic docuit sanctâ quærere regna viâ.
Illi aquilâs , illi folium , pulchrâmq; coronam
Formosâ Pietas detulit ipsa manu. [tis,
Hinc decus Austriadæ , dominæq; potentia gen-
Quam colit exorîens , occiduûsque dies.
Ite procul , qui per strages & cædis acervos ,
Ad decus & famam creditis esse viam ;
Noxia qui faciles , prosint modò , bella movetis :
Qui benè criminibus regna putatis emi :
Quorû spes avidæ sua lex : quibus hostis habetur ,
Quicumque imperium , quo spoliatur , haber.

At

At tu perge tuâ famam pietate mereri : [bit.

Plus quoque quàm speras, quem colis, ipse da-
Sensisti, quàm vera loquar. Salfeldia testis,

Æternum factò nomen adepta tuo.

Illic fessâ tuus curabat corpora miles :

Parva, sed auspiciis fortia castra tuis.

Auduit, & subito vires Bannerius omnes

Cogere, quas sparsas Rhenus & Ister habent.

Ipsa quod optanti vix spes promitteret, ultrò

En, ait, en nobis attulit ipsa dies.

Cingimus Austriadem. quid cessas vincere miles ?

Istæ : successum resque, locûsque dabunt.

Dixit, & admotis celer obsidet undique castris

Austriadem : paucos millia multa premunt.

Nec mora : fulmineo cælum tonat omne tumultu,

Et latere ex omni ferrea tela volant.

Multa moves animo dubius LEOPOLDE futuri,

Et meritò vires consulis ipse tuas.

Quid facias ? pugnes ? numero cadet obruta virtus

Effugium tentes ? undique clausa via est.

Stas animis contra. parvi fiducia valli

Quod nequit, hoc pietas justaque causa facit.

Illa dat invictos animos, turpemque timorem

Dedocet : hostiles despicit illa minas.

Sic & Massylis subito depressus in arvis

Stat leo, virtutis conscius ipse suæ.

Undique se fundunt circum, genus acre, molossi,

Quos viso subitus continet hoste timor.

Pars strepit à tergo : pars ora adversa lacescit.

Hæc dubitat : timet hæc : hæc fremit : illa fugit.

Exululant, solisque explent larratibus iras :

Discrimen propius terror adire vetat.

Ille manet, rictûmque fremens ostentat & unguis :

Excussis horrent aspera colla jubis.

Intercè Phœbus vehit annua festâ. ferenda est

Sacrâ per ornatas Hostia ritè vias.

Hæc

Hæc tibi lux sancta est : hæc te LEOPOLDE quor-
annis

Poscit , & è castris ad sua sacra vocat.

At nunc quid facias ? consueti moris honorem

Ritè Deo fieri non finit ipse locus.

Impietas aras totâ sibi vindicat urbe ,

Vindicat injectâ templa profana manu.

Vindicet, unde suos pietas benè pascat amores ,

Tunc quoque cùm desunt omnia,semper habet.

Desunt templa ? casâ facies de paupere templum.

Ara deest ? aram fagina mensa dabit.

Lumina rara micant ? facibus melioribus ardent

Pectora. Cultus abest ? hunc quoque supplet
amor.

Ille tuis humeris Tyrios detraxit amictus ,

Detraxit lecto serica vela tuo.

At quis in infestâ Romanis ritibus urbe

Velatum pompâ Numen eunte canet ?

Et tua jam cinctis procul est symphonia muris ,

Nec modus accersi , nec via præbèt iter.

Hoc quoque nil obstat. Sacris inimica Deoque

Gens canit imperio sacra Deumque tuo.

Pompa venit : pompæ tu pars spectaris & auctor ,

Præsentemque vocas , subsequerisque Deum.

Mira, sed acta canam. dum vultu supplice prodis,

Dum sacris , tamquam liber ab hoste , vacas :

Vim quoque , ceu sacris faveat præsentibus,hostis

Supprimat , & nullâ prælia parte mover.

Cessat atrox , causis non apparentibus , hostis :

Tympana cum lituis , æræque rauca silent.

Vix via finita est , fragor undique & undiq; rursus

Intonat , & rursus tela , quor antè , volant.

Dicite , quid vestras gens sæva coercuit iras ,

Sacra suum donec pompa peregit iter ?

Quid tormentorū strepitum, quid fulmina Martis,

Quid tenuit promptas in fera bella manus ?

Au-

Austriacis Superos scite , & sentite faventes :

Non studi aut casus ; Numinis ista mora est.

Huic Domui Superi , pietasque ante omnia curæ :

Estque piæ Superis mutua cura Domus.

Quid struitis ? vobis adversum agnoscite cælum ,

Damnantemque minas , armæque vestra Deum.

Vincit iô pietas : pavidos timor occupat hostes :

Attonitos ratio , consiliûmque fugit. [est :

Spes modò tam præceps in turpem versa timorem

Deficiunt animi , deficiuntque manus.

Fit fuga : tu tergis fugientûm victor inhæres :

Quâ sequeris , multâ cæde rubescit humus.

Sic pugna LEOPOLDE , Deo tua bella regente ,

In niveis victor sæpè vehendus equis.

Hic honor , hæc pietas cælo quoque teste probata

Ibit in exemplum stirpis , eætque tuæ.

Sit tibi , sit nobis pietas hæc sæpè triumphî

Causa , sit attonitis hostibus usque metus.

Quid precer ulterius ? fortunam vincat , & hostes ,

Et casus omnes hac ope nixa Domus.



*** **

APPENDIX

AD LIBRUM SEXTUM ELEGIARUM.

ELEGIÆ

IN MORTEM DUORUM MILITUM HISPANORUM,

Quorum alter hostili telo , alter amore ;
in commilitonis cæsi complexu ad
Capellam occubuit.

EPITAPHIUM COMMILITONUM.

M. S.

JOANNES LAURENTIUS

Miles Hispanus,

FRANCISCUS DE SOLIS

ex eadem gente Signifer ,

hic siti sunt.

Duosne viator , an unum legis ?

sic alter in altero vixit ,

ut unum putes,

Dum Capellæ expugnatione

ARCHIDUX LEOPOLDUS

victoris Gallicis præludit,

ambo cecidere :

LAURENTIUS

hostili telo ,

FRANCISCUS

Laurentii desiderio ;

Unus in urbis aggressione ,

alter in amici complexu ;

Ille dum loricam invadit ,

Hic dum commilitoni parentat.

Unius vulnus

amor

utrique fecit lethale.

Illustre sic pugnasse ,

sine exemplo sic amasse ,

ut norit posteritas ,

quod antiquitas non vidit.

Alterius virtuti ,

alterius amori ,

SERENISSIMUS ARCHIDUX

in vivos mortuosque

commilitones

benignus , pius , munificus

hoc monumentum

P. C.

ELEGIA I.

*In amorem militis , qui in complexu cæsi ad
Capellam commilitonis expiravit.*



On solæ Marti comites Iræque , Mi-
næque ,

Et Dolor , & pallens frigore Ter-
ror cunt :

It quoque juncta Fides , & amans
Concordia Pacis ,

Vinctæque Palladiâ Gratia fronde comas.

Agmen ducit Amor , pugnaque cupidine flagrans

In promptu pharetram telâque semper habet:

Et sua , quo Mavors , ponit tentoria campo ;

Et sua , quo Mavors , pulvere signa mover.

Non illum litui , non illum classica terrent ,

Non qui disploso personat ære fragor ,

Non mediæ cædes: mediis in cædibus errat ,

Et plus posse negat Martia tela suis.

Tu mihi , tu testis venias LEOPOLDE , secundo

Gallica qui præsens oppida Marte quatis.

Auspice te quoque pugnat Amor : sua vidimus
illum

Vidimus in castris arma movere suis :

Hostilésque acies inter , nostrâsque volantem

Sæva necaturâ spargere tela manu :

Cùmque tuis miscere suos , & habere triumphos ,

Victorémque novâ cingere fronde caput.

Facta cano. Cinctam violento Marte Capellam

Dum premis , & laceris mœnibus instat Iber ,

Emicat ante alios sævum generosus in hostem

Miles , & in primâ prælia frontè ciet. [Item,

Dùmque moras fossæ superat , dum submover ho-

Saucius hostili tempora glande cadit.

Percu-

Perculit attonitum rumor funestus amicum :

Vix animi compos , vix suus ille fuit.

Séque simul miserum , simul hoc se vulnere læsum

Clamat , & unius morte perisse duos.

Nec mora , profiliens : Corpus referemus & arma

Protinus , aut illis immoremur , ait.

Barbara res Amor est , furit acer , & audet in illos

Omnia , subjectos quos sibi victor habet.

Ecce velut catulos dum quærit ab ubere raptos ,

Obvia venantùm fertur in arma leo ;

Sic ad sanguineam præceps festinat arenam ,

Conscia quæ pugnae plenâque cædis erat.

Quò periture ruis ? Socii retinete : cruentæ

Hic quoque pars stragis , ni prohibetis , erit.

Audior : hinc atque hinc castris effusa juvenus

Convolar : obsistunt , præcipitemque tenent.

Ah non servatis , socii , me perditis , inquit :

Dimidio per vos dividor ipse mei.

Quid faciat ? cesset ? t met esse infidus amico.

Servantes tentet fallere : nulla via est.

Pervigil iuvitum custodia servat : at illi

In luctu & lacrymis nox vigilata fuit.

Et cruor , & cædes , hostisq̃ue , & vulnus in ipsis

Omnia sunt oculis , omniâque auget amor.

Lux aderat : tecum LEOPOLDE paciscitur hostis :

Advolat ad pugnae protinus ille locum.

Quem simul ac tetigit , vestesq̃ue agnovit , & arma

(Nam species vultus nulla prioris erat)

Dat gemitum , colioque super procumbit amico,

Carâque flebiliter nomina sæpè vocat :

Quoîq̃ tenere nequit , miscet cum sanguine fletus ;

Et reputat vulnus , quod videt , esse suum.

Et quasi tum primùm cædem didicisset amici ,

Plangit , & infestâ percutit ora manu.

Complexusque suis pallentia membra lacertis :

Has , ait , exuvias victor ab hoste refers ?

Sic miserande redis? talem tua te mihi virtus

Reddidit, ô animæ pars mihi rapta meæ?

Illâ manus, quæ te, mea vita, peremit, & in me
Sæviet, & gemini funeris auctor erit.

Questibus effusis, in quos amor ipse disertum
Fecerat, & magno mixtus amore dolor,

Surgit humo, corpusque suo sibi carius aufert:

Addit amor vires, & leve reddit onus.

Jamque locum tumulo nactus, dum flebile funus

In molli lætymans cespite ponit humi,

Dum galeam capiti demit, dum pectora nudat,

Dum siccet timidâ vulnera cruda manu,

Oraque dum spectat cerebro perfusa cruento;

Hoc ferit, hoc lacerat me quoque vulnus, ait.

Saucius ipse jaces, sed saucius hostis ab hoste;

Tu mihi causa meæ mortis amicus eris.

Dumque fodit terram, cui flens miserabile reddat

Corpus, & ad vultus lumina sæpè refert,

Deficiunt ad cæpta manus, positoque ligone,

Téne sub hac potero condere, dixit, humo?

Hæc manus injectâ mihi te subducet arenâ?

O potius quæ te, me quoque terra regat!

Felix, si possim sub eodem cespite condi,

Et tibi, quàm vitæ, tam necis esse comes.

Atque utinam pro te confixus ab hoste jacerem,

Fasque tibi nostrâ vivere morte foret!

Esse merebaris nostris diuturnior annis:

Hei mihi pro meritis qualia dona refers!

Illane tam fortis, per tot spectata labores,

Quæ nunc lethali frigore torpet iners,

Illanc juncta meæ toties est dextera dextræ?

Nostrum isto toties nomen in ore fuit?

Ille prius vultus tam formidabilis hosti,

Heu, quàm nunc alius, dissimilisque sui est!

Stulte, quid indulges animo sine fine dolenti,

Nec lacrymis ponis tristitiæque modum?

Plancti-

Planctibus in vitam non est revocabile funus,
 Nec feret extincto, nec tibi luctus opem.
 Tot tua non audit sursum lamenta cadaver,
 Nec spectant lacrymas lumina clausa tuas.
 Sanguine, non lacrymis, quavis amor imperet illas,
 Sanguine perfundi militis ora decet.
 Saucius occubuit: belli est fortuna; ferenda est.
 An poruit letho nobiliore mori? [est:
 Emptum morte decus, quæsitæque sanguine palma
 Ipsa per hoc fortes Gloria ducit iter.
 Qui pugnās inter medias tuā signa tenebas
 Impavidus solo fractus amore cades?
 Vive precor: quem fles, in te quoque sospite vivet,
 Quæque magis cupiat parte, superstes erit.
 Si moreris, totus tecum morietur, & illā
 Quā nondum perit parte, peribit amans.
 Hei mihi! nil possunt monitus: dolor omnia vincit
 Improbus, & tanti causa doloris amor.
 Occidimus, dixit, solantia tollite verba:
 Tollite: nulla meis est medicina malis.
 Nec possum superare meos, nec ferre dolores,
 Nec se, nec motus mens capit ægra suos.
 Non illum tumuli, non cepti cura laboris,
 Non comitum voces abstrahere inde valent.
 Hæret amans gelidi complexus corporis artus,
 Nec finit avelli, nec; quod agebat, agit.
 Hæret, & humectat lacrymis corpusque, locumque
 Nec memor officii, nec memor ipse sui.
 Luminæq; attollens: quis me manet exitus? inquit.
 Hei mihi, quæ sine te vita futura mea est?
 Si potero superesse tibi (te namque sepulto,
 Plus ego dimidiā parte sepultus ero)
 Ante meos oculos tristissima cædis imago,
 Et laceri vultus, oræque semper erunt.
 Te cernam vigilans, qualem modò: nocte silenti
 Excuties somnos umbra cruenta meos.

Sed tibi non potero , non huic superesse dolori :

Hac ego , sed tecum , condar oportet humo.
Dulce caput , cui me primùm natalis origo ,

Deinde Fides junxit , nunc quoq; jungit Amor ;
Mors quoq; nos junget : telo dao sternimur uno ,

Tu tua trajectus tempora , pectus ego.

Auguror , inscribère meo tu causa sepulchro :

Forssitan hoc aliquis motus amore dabit.

Forssitan & cineres tumulo componet eodem ,

Et , Ferat hæc vester præmia , dicet , amor.

Jàmque dolor vires adimit vocémque loquenti ,

Nec superant vitæ tempora longa meæ.

Deficimus , sensi : tenebris mihi lumina torpent :

Et calor è membris , & vigor omnis abit.

Tu modò , tu senti tecum morientis amorem ,

Exanimis quamvis & sine luce jaces.

In tua cùm pietas exhauferit ora cadentes

Funeribus lacrymas ultima dona tuis ,

Hanc animã adjiciam suprema ad munera muntis ,

Exequiâsque tuas prosequar ipse meis.

Nec telis opus est in vulnera nostra , nec ense :

Vulnere conficior , quod mihi fecit Amor.

Tu bello , LEOPOLDE , novos molire triumphos :

Noster amicitia fama triumphus erit.

Dixerat : exanimésque iterùm collapsus in artus

Ingemit , & magno victus amore jacet.

Credebant socii solito torpere dolore :

Aspiciunt oculos , orâque ; funus erat.

Explorant digitis artus ; invaserat artus

Frigus , & in toto corpore pallor erat.

Fracti oculi , languet cervix , humeróq; recumbit ,

Nec vox ; nec tacito spiritus ore venit.

Fama volat , mirâque animos novitate moratur ,

Spectantúmque oculos funera visa tenent.

Plausit Amor , levitérque suis se sustulit alis ,

Spiculâque ostentans conscia cædis , ait :

Par-

Pactus honor, LEOPOLDE, tuis tibi maximus armis :

Nec levis est armis gloria parva meis.

Arma tibi tribuunt abiturum in sæcula nomen :

Hæc quoque militiæ fama futura mea est.

Te rûa pro Belgis , & me mea bella gerente ,

Spem virtus , & se vincere visa fuit.

Dixerat, inque suos retulit nova nomina fastos ;

Et , priscis palmam præripuistis , ait.

Vivite concordēs animæ , tumuloque sub uno

Junctus amicitiae præmia ferte cinis.

Adjiciet famæ , quæ dempsit tempora vitæ ,

Nomina qui numquam vestra filebit Amor.

Et mea si quidquam , si post me vivere possint

Carmina , si qui me , non teget illa , lapis :

Donec amicitiae leges & pacta placebunt ,

Vester inextinctâ laude vigebit amor.

Ut tamen hæc pereant, quam sic meruistis amando,

Illâ sibi semper vita superstes erit.

ELEGIA II.

Piis amantium commilitonum Manibus.

Concordes , magnæque animæ , quibus hostis,
Amorque ,

Fatâque plus vitæ , quàm rapuere , dabunt ,

Quàm benè vos tumulto junxit LEOPOLDUS eodem,

Quos pius in vitâ tam benè junxit amor !

Non manus hostilis , non mors vos ipsa diremit :

In tumulum cædes intulit una duos.

Quid tulit , aut finxit vobis æquale vetustas ?

Aut quid par vestris fabula rebus habet ?

Pro Nisis , pro Pirithois nova nomina vates

Scribite : dat palmam gloria prisca novæ.

Non illis vitam carorum funus ademit ,

Immodicus quamvis ureret ossa dolor.

Pirithoum Stygii lacerarat janitor antri ,

Nec tamen impatiens Thesea stravit amor.

Vivere sustinuit Patrocli post funus Achilles :

Exequias Pylades vidit , Oresta , tuas.

Aneas moriens secum non traxit Achatem :

Nec traxit fratrem Castoris umbra suum.

Forſitan & flentes ſolverunt funeris umbris

Omnia , nec pietas victa dolore fuit.

Hic animam gelido legit morientis ab ore ,

Et preſſit digitis lumina cata ſuis.

Ille facem averſus tenuit , poſitumque cremavit

Corpus , & è tepido ſuſtulit oſſa rogo.

Atque aliquis lecto Syrios cumulavit odores ,

Déque ſuis lacrymis humida ſerta dedit.

Atque aliquis mutæ jaciens ſua verba favillæ :

Eſtis adhuc , & adhuc pars , ait , eſte mei.

Hæc illi : neque tu , quod mors & funus amici

Exigit officium , præteriturus eras.

Tu quoque feciſſes tumulum , tu corpus humaffes ,

Senſiſſetque tuas umbra pianda preces.

Sæpè ſalutaſſes Manes , cineréſque ſepultos

Mœſtus adhuc lacrymis proſequerere tuiſ.

Omnia feciſſes : nihil avertiſſet amantem :

Obſtitit officiis mors properata tuiſ.

Dum fodis , egeſtâque paras tellure ſepulchrum ,

Deficiſ , & medium concidiſ inter opus.

Funus Amor , facinúſque ſuiſ hoc arrogat armis ,

Téque addit tituliſ , & tua fata ſuiſ.

Heu crudeliſ Amor ! quæ nunc & qualia ſpargiſ

Vulnera ! quiſ credat ? nunc tua tela necant.

Telane mors tecum mutavit ? túque ſagittis

Uteriſ imprudens illiſ , illa tuiſ ? [quam

Omnia ſcrutemur veterum monumenta ; quiſ um-

Dilecto cineri talia juſta tulit ?

De tot quos memorant , quiſ tempore Manibuſ ullo

Inferiaſ , vitam , victuſ amore , dedit ?

Innume-

Innumeri , fateor , luctu periistis amantes ;
 Sed cui non sævus præbuit arma dolor ?
 Hic ferro vitam , miserósque abruptit amores :
 Præcipitem ex alto se dedit ille jugo.
 Iste suos gelidis extinxit fluctibus ignes :
 Theſſalici succos graminis ille bibit.
 Si non aptaſſes pallenti vincula collo ,
 Sperato poteras , Phylli , carere toro.
 Vixiſſet Dido , quamvis Phryx advena ferrum
 Præbuit , ipſa ſuâ ni foret uſa manu.
 Si Niſum Rutuli ſervaiſſent , perdere Niſum
 Nec mors Euryali , nec potuiſſet amor.
 Quilibet ex illis poterat ſuperſeſſe dolori ,
 Et poterat flammis fortior eſſe ſuis.
 Projecere animas merſis in viſcera telis ,
 Non illas ſolus corpore ſolvit amor.
 At te ſolus amor rapuit : tu vulnere ſolo
 Quo jacet iſtus amans , iſtus & ipſe jaces.
 Sublimes muri , devotâque mœnia Marti ,
 Quæ Galli Belgis oppoſuere moram ,
 Cùm dederit vobis toties ſpectacula virtus ,
 Poſteritas quorum conſcia ſemper erit ,
 Par aliquid (ſiquidem ſcire , & meminiffe poteſtis)
 Inter tot vobis bella videre datum eſt ?
 Attoniti videre Duces , videre phalanges ,
 Quæ ſimul ediderint prælia Mars , & Amor.
 Atque aliquis poſitâ dum narrat prælia menſâ
 Sub muris nuper geſta , Capella , tuis ,
 Dum moles operum , dum turas aggere foſſas
 Pingit , & exiguo regia caſtra mero ,
 Oſtenſâ , muri quâ procubuerunt , ruinâ :
 Hoc , inquit , cecidit ſaucius ille loco.
 Hic cecidit , vulnúsque tulit farale duobus ,
 Qui benè ſpem palmæ morte putavit emi.
 Tum cāpum faciens : Huc corpus detulit , inquit ,
 Hic ſciſſo leviter cespite fodit humum.

Hic lacrymas, vitamque in amici vulnera fudit,
 Quem suus exemplum fecit amoris amor.
 Quæ sic materies aliis est grata loquendi,
 Laudata est etiam Principis ore fides:
 Laudatamque suis & vos interferit actis,
 Et curæ nomen, quod meruistis, habet.
 O fortunati, tantam quibus addere laudem
 Nec Pylii poterant ter tria sæcla senis!
 Quæcumque Austriacos curru fulgente triumphos
 Fama vehet, vestros non minus illa vehet.
 Quâ fasti referent, bellū ut LEOPOLDUS in hostem
 Verterit, hac vester parte legetur amor.

ELEGIA III.

In sepulchrum à Serenissimo Archiduce LEOPOLDO commilitonibus positum.

O Quos longa dies memori non eximet ævo,
 Plusquam Thesæa pectora juncta fide:
 Dicite (nullus enim non est à funere sensus,
 Et cineres ipsos, ossaque tangit honor)
 Dicite, quæ vestri referant solatia Manes,
 Aspiciunt famæ dum monumenta suæ.
 Quis non ex ipso, qui cernet cumque, sepulchro
 Colliget æternum vos meruisse decus?
 Non illud mœsti vobis de more parentes:
 Non consanguineæ constituere manus.
 Sed neque militiæ socii, non ipse Tribunus,
 Non legio, cujus non levis estis honor.
 Cæsaris at sanguis LEOPOLDUS Cæsare natus,
 Austriacæ vindex, hoste fatente, Domus.
 Belgarum columen, quo spes veniente revixit,
 Quo fortuna prior bella gerente redit.
 Ille jubet tumulum vobis de marmore poni:
 Spes quantum hic vestras votaq; vincit honor!
 Quem-

Quémq; vocant alii tumulum, vocat ipse trophæum,
Ipso quod meruit iudice vester amor.

Hos Fidei Princeps, & Amori solvit honores:

Hæc in vos animi dat monumenta sui.

Non marmor pretiosa tamen facit illa, sed auctor,

Nescio quid dantis res dara semper habet.

Purpura donetur, gemmæ donentur & aurum;

Pars minima est donum materiæque sui.

Nobilitas dantis, quæ dat, commendat, & auget;

Quolibet hæc pretium munere majus habet.

Marmoreum tumulum, LEOPOLDI munus, habetis,

A tali quantum est illud habere manu!

Quid quod funereo jussis in marmore sculpi

Nominibus vestris addidit ille suum?

Illa palam, pariterque auro distincta leguntur

Grandibus in tumuli marmore cæsa notis.

O quantum Augusto capiunt à nomine lucis!

Quamvis & meritis conspicienda suis.

Sic geminos Helenæ, pulcherrima sidera, fratres

A radiis Solis scimus habere suos.

Ergo vos populo LEOPOLDUS, seque legendum,

Clarius ut faceret nomen utrique, dedit.

Quod nisi fecisset, quis vestros sciret amores!

Quæ fidei tantæ fama, quis esset honor?

Forfan in ignotâ regeret vos cespes arenâ,

Et cum corporibus fama sepulta foret.

Nunc vos historiæ referent, victuræque vatum

Carmina, quos inter forsan & ipse legar.

Nostra putat certè LEOPOLDUS carmina tanti,

Ipse meo vos ut jusserit ore cani.

Atque utinam tanto loqueremur Principe digna!

Vester honor vivax hac quoque parte foret.

Sed tumulum cur das unum LEOPOLDUS duobus?

An quia mens vivis una duobus erat?

Nil fuit in vitâ, quod non convenerit illis;

Corporibus solis alter & alter erant.

Cùm tumulum nuper vellent inscribere vates ,

Principium multis carminis illud erat :

HÆC TEGIT URNA DUOS : Amor , unum scribi-
re , dixit :

Non possunt , quos sic junximus , esse duo.

Certè ego quod feci (nec me peccasse negabo)

Carmen pro tumuli marmore , tale fuit ;

HÆC TEGIT URNA DUOS : JUNXERUNT HOSTIS,
AMORQUE

FUNERA : VULNUS IDEM MORS UTRIVSQUE
FUIT ,

Parce tuos , Amor , erroris damnare poëtas ;

Judicium sequimur , suspicimûsque tuum.

Ergò illis unum , queis mens fuit una, sepulchrum

Est satis : hos jungi sic quoque jussit Amor.

Ille sibi caros cineres , manêsque reviset

Sæpius , & tumulo florea ferta dabit ,

Cinnamâque & costum , nardique fragrantis ari-
stas ,

Quâsque Cilix messes , quâsque Sabæus habet.

Hic vestros referens ignes , vobisque sibique

Plaudet , & inferias & stata sacra feret.

Non alio magis ille suas pendere pharetras ,

Non alio cupiet spicula parva loco.

Sæpè aderunt ambæ placidis è sedibus umbræ ,

Et jungent caras ante sepulchra manus.

At tibi , quæ fidei tam raræ pigora servas ,

Hinc decus , & muris crescet , Avelsa , tuis.

Quàm vellent aliæ , quibus es prælata , tot urbe ,

Tu quod habes munus Principis , esse suum.

Quàm vellent aliæ : Sunt hîc duo, dicere, quorum

Alterum in alterius morte peremit amor.

Ante alias tibi fors tam felix contigit urbes :

Multarum votum quod fuit , una tenes

Invidiæ est vestrum, Manes gaudete, sepulchrum:

Exuviis vestris gloria rara sua est.

Felices

AD LIB. VI. ELEGIARUM. 217

Felices tumulo, tumulique auctore favillæ,
Grande quibus pretium est tantus amoris honor.

Mors aliis regnat tumulis, turbæque sepultæ
Ossa premit tenebris, & simul acta suis.

Adiicit hoc vitam, prohibetque perire sepulchrum
Et spoliū mortis, quos regit, esse vetat.

Sentiat, ut dignum est, tumulo benè junctus in
uno

Munus, & auctorem muneris ipse cinis.



SIDRONIJ HOSSCHIJ SILVA.

SUPREMUS HONOR
GEORGIO CHAMBERLINO,
VI. IPRENSIUM EPISCOPO
EXHIBITUS.

EPITAPHIUM

QUO PROPERAS VIATOR?
SEPULCHRO ADSTAS;
HÆC META TUA EST:
AD HANC,
AD QUAM ETIAM QUIESCENS PROPERAS,
PAULULUM SISTE;
NEC SEPULCHRI GLORIAM,
SED SEPULTI ATTENDE.

HIC JACET
GEORGIUS CHAMBERLINUS,
VI. IPRENSIUM EPISCOPUS,
BRITANNUS GENERE,
SED QUO PATRIA FRUI NON MERUIT.
QUEM
ITALIA, HISPANIA, GALLIA, BELGICA,
NON MINUS QUAM BRITANNIA,
OB LINGUARUM PERITIAM,
CIVEM SUUM CREDIDERUNT:
QUEM

QUEM ADHUC ADOLESCENTEM
 ADMIRABUNDI RIGES
 AUDIVERE PERORANTEM:
 QUEM, UT AD BELGII ORDINES
 DE PUBLICIS PATRIÆ REBUS REFERRET,
 ORDINES IPSI OB FACUNDIAM
 SUMMO CONSENSU DELEGERUNT:
 QUEM THEOLOGIAE,
 PHILOSOPHIAE, JURIS SCIENTIA,
 ORATORIA, AC POETICA FACULTAS,
 PRUDENTIA, CONSILIUM, INGENIUM,
 OMNIBUS ADMIRABLEM;
 COMITAS, MODESTIA,
 MANSUETUDO, ANIMI SUBMISSIO
 CUM ILLUSTRIS GENERE CONJUNCTA
 OMNIBUS CARUM;
 RELIGIO PIETAS, FIDES, PASTORALIS CURA
 CÆLO TERRÆQUE GLORIOSUM FECERUNT.
 TOT VIRTUTES SÆCULO DIGNAS,
 QUIBUS MAGIS QUAM ANNIS
 HONORUM CURSUM MENSUS EST,
 IMMATURA MORS
 EX OCULIS CIVIUM SUSTULIT;
 EX ANIMIS AUFERET NUMQUAM.
 TU VIATOR
 DEFUNCTO BENE PRÆCARE,
 ET UT MORI DISCAS,
 HOC EXEMPLO VIVE.
 OBIIT XIX. DECEMBR. ANNO M.DC.XXXIV.

Epicedium in funere

GEORGIJ CHAMBERLINI,
V I. Iprensium Episcopi.

PHœbe pater, quacumq; orbis jam parte moraris,
Seu dilecta Claros, seu quæ fuisse putatur
Insula, seu celsus frondoso vertice Pindus
Te tenet, & pulsæ referunt tua carmina valles;
Clarorum si fata virum te tristia tangunt,
Huc age cum citharâ, cum carminibus funestis
Incultus, tristisque veni, mœstâque cupressu
Indue inornatos lauri pro fronde capillos.
Qualem te memorant Thracum dispersa per agros
Ossa tui quondam fleuisse, & funera nati.
In planctus, questusq; abeant, quæcumque parabas
Vota canenda sacris Iano redeunte Kalendis.
Et te Pierides comitentur, dona ferentes
Ultima cum lacrymis, atris in vestibus omnes,
Omnes funercâ redimitæ tempora fronde.
Purpureos flores Heliconia per iuga lectos,
Et violas, quales noster non educat orbis,
Liliâque, lacrymâsque suis humentia fecta
Uranie ferat, & tumulo mœstissima ponat.
Tu tamen ante omnes ades ô pulcherrima Virtus;
Numine Pieridum major Dea, durâque fata
Nequidquâ increpitans, Ipram miserare dolentem.
Fallor? an ad tumulum canos turbata capillos
Diva sedet? comitêsque Deæ, Pietâsque, Fidêsque,
Priscâque Relligio, mœstôque Modestia vultu,
Latâque Majestas nuper, nunc lumina terræ
Fixa tenens, & cum sacris Vigilantia Curis?
Stant mœstæ, & claro feriunt plangore lacertos,
Et jungunt lacrymas, & tristia carmina dicunt.
Feralêmque suis perfundunt fletibus urnam.

Ipsa

Ipsa sibi indulgens Pietas, affusa feret: o
 Hæret, inexplerum lacrymans, & pectora tundens.
 Ut verò faciem vidit pallentis & ora,
 Non minus extincto pallens, sic incipit ore:
 Scilicet hoc etiam post tot rerum aspera decrat,
 Ut mors ante diem populique, urbisque parentem
 Eriperet terris, & non diuturnior esset?
 Qui sanctis ardens studiis, & numine plenus
 Exitia & luctus poterat prohibere suorum?
 Flere parum est Belgæ magnus quæ damna Senatus
 Te moriente tulit, cujus facundia, cujus
 Vox & mens fueras; plus heu, plus omnibus istis
 Nos mala nostra movent, & non sanabile vulnus.
 Religio, & Divæ comites, quæ tot bona tecum
 Rapta dolent, aris olim, templisque Britannis
 Expulsæ, indecores, ignominiæque notatæ
 Errabant regno in magno: furor impius illas
 Et plusquam Veneris facibus succensa libido
 Egerat obnixas frustra, frustra que precantes
 Diversa exilia, & diversas quætere terras.
 Nunc illæ tecum, gressum quacumque movebas,
 Magne Pater, passim cultæ per templa per aras
 Squalore absteriso penitus, penitusque malorum
 Inmemores, lætæ, formosis vultibus ibant.
 Quas rursus attonitas miserandæ eladis imago
 Te subit amisso, veterisque injuria damni
 Tene, Pater, talem subito spectare relictæ
 Cogimur? hæc frons est nuper fulgente tiarâ
 Insignis, quâ Majestas Charitæque sedebant:
 Vósne manus sacrum lituum nec dante tulistis?
 Vos oculi, qui Belgarum, & lux nostra fuistis,
 Vos in perpetuam clausit mors ferrea noctem?
 Quanta, heu, vobiscum lux occidit, inque tene-
 bras.

Ah nimium præceps, & non reditura recessit!
 Os illud jam voce caret mirantibus olim

Regibu

Regibus auditum, tot linguis sæpè locutum,
 Tótque intellectum populis, quod sæya ferarum
 Ingenia, & rigidas potuisset flectere cautes,
 Jam tacet. ah! potuit silicum, potuitque ferarum;
 Sed non & mortis potuit mollire rigorem.

Heu mortem invisam, & nullo discrimine cæcis
 Bacchantem terris! sacras nihil illa tiaras
 Respicit, aut culti reveretur pectoris artes.
 Téne igitur nobis, adeò cùm læta veniret,
 Sors eadem invidit, ne sospes & utilis urbi
 Tu vitâ, nos te longos fruermur in annos?
 At non hæc Ipræ de te promissa dedisti,
 Cùm duce me meritis redimitus tempora vittis
 Ad sacrum imperium populo plaudente venires.
 Illa quidem in longum nobiscû extenderat ævum
 Spem de te natam, multisque altaria circum
 Hæc Superos votis, & totâ mente rogarat.
 Frustrâ: pro canis, serâmque premente tiarâ
 Canitiem, & dignis Pylio virtutibus ævo
 Funereas tædas, & mœstæ insignia pompæ,
 Exequiâsque tuas, tumulúmque miserrima spectat.
 Próque illo vultu, quem Gratia finxerat ipsa,
 In gelido tantùm cernit tua nomina saxo.

Huc spes, votâque tot reciderunt? Hei mihi,
 quantum

Flandria præsidium, & quantum vos perditis Ipræ!
 Quò ferimur? lex est justo quoque danda dolori.
 Tot certè lacrymas non hæc sibi funera poscunt,
 Immatura licet: lacrymæ sine fine modóque
 Conveniunt illis, quorum mors omnia finit.
 Pulveris exiguum est, tellus quodcumq; recondit;
 Cetera tam parvæ gremium non continet urnæ.
 Pars melior fruitur jam Numine, cuius amore
 In turbâ quoque sola fuit, dum corpore cincta,
 Quà licet, ipsa suis in cælum evaderet alis.
 Pars animis memoris populi, pars cessit Honori,

Et

Et Famæ , quæ nil tumulos , nil funera curat ,
 Temporis & lethi victrix, quæ tunc quoque vivet,
 Cùm Chamberlini nunc sculptum in marmore
 nomen

Aut ævo , aut pedibus tritâ evanescet in urnâ.

Sic hæc , sic aliæ lacrymas ex ordine Divæ
 Solvebant , parva ingentis solatia luctus.

E L E G I A I N O B I T U M
 G E O R G I J C H A M B E R L I N I
 VI. Iprensium Episcopi.

ORba suo qualis mœstissima nata parente
 Luget , & assiduis fletibus ora rigat.
 Non illam crinalis acus, non pectinis usus ,
 Non studium formæ , compositusque nitor ,
 Non baccæ , missique juvant Oriente lapilli :
 Pyxides hæc , illâ parte flabella jacent.
 Neglectum speculum , neglecta monilia pendent ,
 Cingulæque , & vittæ , purpureæque sinus.
 Nulla subit miseram quærendi cura decoris :
 Ante oculos patrum nil nisi funus habet.
 Haud aliter Patrem sibi lamentatur ademptum
 Tristis , & effusas Ipra soluta comas.
 Aurea turrigero demit redimicula collo ,
 Mœstâque funereâ tempora fronde regit.
 Pro niveis atros humeris inducit amictus :
 Ora madent lacrymis : pulvere sparso coma est.
 Scilicet hoc urbi , dum vita Deusque sinebant ,
 Quod Pater est natæ , maxime Præsul , eras.
 Nunc queritur tot rapta sibi solatia tecum ,
 Quot cives muris continet illa suis.
 Femina virque tuo mœrentes funere lugent :
 Eminet ex ipso cuilibet ore dolor.

Hos

Hos spectare palàm est ; illos sine teste dolentes :
 Nulla domus gemitu , limina nulla vacant.
 Turbâque dum viduam supplex accedit ad ædem ,
 In viduâ luctus integrat æde suos.
 Atque aliquis tenero circumfert humida fletu
 Ora , loci dotem questus abesse loco.
 Hîc stetit : hîc verbis nos est solatus amicis,
 Dedocuitque umbras stultâque vota sequi ;
 Nec minùs humanas animis excedere curas ,
 Et paucis tritâ tendere ad astra viâ ; [æquor,
 Spémque metúmque inter dubium dare vela per
 Dum teneat portus salva carina suos.
 Hanc , quæ nunc luget , jacuit prostratus ad aram
 Sæpius , & supplex pro grege thura dedit.
 Atque alius dotésque tuas , & facta , Georgi ,
 Pectoribus populi non abitura refert.
 Momentisque suis expendit publica damna ,
 Non dolor hæc tacitus dissimulare potest.
 Quantum, ait, heu tecum rapuit mors dira bonorû,
 O Pater , ô Pylios digne videre dies !
 Quid non illa tuæ poterat facundia Suadæ ,
 Orâque tot linguis tam benè docta loqui ?
 Tu poteras verbis tepidas accendere mentes ,
 Pectorâque hiberno frigidiora gelu.
 Quis tam durus erat , quem non inflectere posses ?
 Fecisses verbis mollia saxa tuis.
 Obscœni quoties cessere Cupidinis ignes ,
 Te castas animis injiciente faces ?
 Invidus , ulturûsque , odium ponebat & iras ,
 Atque alius subitò , cùm loquereris , erat.
 Sic tua cum lacrymis memoratur sæpè profusis
 Gloria. Me miserum , quàm brevis illa fuit !
 Hèu pietas ignosce : brevem qui dixerit illam ,
 Menses , & solos supputat ille dies.
 Illa quidem felix meritis in sæcula vivet ,
 Sed quæror hac longum non licuisse frui.

Quàm

Quàm citò (ine miserum) succedunt tristia lætis !

Quàm fugiunt celeri gaudia nostra pede !

Nemo diu felix. Sors, quæ modò prospera venit ,

Quo minimè remur tempore , versa perit.

Nulla fides Sorti : fallitque , intércue tenentes

Et frustra cupidas effluit illa manus.

Tam citò purpureos non perdunt prata colores ,

Nec consumpta fugit sole cadente dies.

Tam citò compositas Aquilo non concitat undas,

Nec fallit , nautis quam dedit , aura fidem.

Dicta fuit felix , & erat te sospite felix ,

Nactâque te , votis Ipra potita suis.

Tanta sed , heu , moriens traxisti gaudia tecum ,

Et tumulo , quo tu , cuncta sepulta jacent.

At benè quòd pietas tua te super æthera vexit :

Hac tua mors saltem est parte dolenda minùs.

Obvius excepit venientem in limine primo ,

Post quem vitta tibi sumpta pedumque fuit.

Quisque illum præiere , sacræ quibus Ipra tiaræ

Vidit honoratum luce nitere caput.

Téque pios inter proceres lucente locarunt

In folio , meritis conveniente tuis.

Hic frueri exacti pretio causâque laboris ,

Et , quo semper erat mens tibi plena , Deo.

Hæc curis promissa tuis , hæc reddita merces.

O merces omni digna labore peti !

Ipra tibi interea tumulum de marmore ponet ,

Et tua conspicuis nomina sculpta notis.

Quæ , quoties cernet , lacrymis perfundet obortis,

Luxque sub hoc , dicet , marmore nostra latet.

E C L O G A

IN OBITUM EJUSDEM.

T H Y R S I S.

R Aptum immaturo dessebat funere Thyrsin
 Infelix Lycidas, nec erant sua verba dolenti.
 Tantum inter silvas, fontesque, & flumina, Thyrsin
 Ingeminans, fontes lacrymis augebat, & amnes.
 Jam Thyrsin montes, umbrosa cacumina Thyrsin,
 Convallésque cavæ Thyrsin, collésque supini
 Herbofis Thyrsin referebant flumina ripis.
 Ut verò impastum, nullo custode, per agros
 Ire gregem vidit, tendens ad pascua palmas
 Constitit, & lacrymans hæc vocem in verba re-
 solvit.

Parcite oves nimium procedere; non benè solæ
 Collibus, & campis, silvisque erratis in altis.
 Ipse lupum nuper post hæc dumeta latentem
 Quæ petitis, multoque infectum sanguine vidi.
 Nec, cum, Coge pecus, clamarem, Tityre, fugit.
 Heu! pecus infelix, postquam te cura reliquit
 Thyrsidis, ah teneros quis jam cū matribus agnos
 Ad colles pastum, quis potum ad flumina ducet?
 Quisve urfos, miseroque lupos arcebit ovili?
 O Divi, quid oves in vos committere tantum,
 Quid capræ potuere? quibus nec flumina sedant
 Thyrside sublato, nec graminis herba dolorem.
 Florentem ut cythisum inveniāt in monte capellæ,
 Ad stabula impastæ redeunt è monte capellæ,
 Impastique gemunt plena ad præsepia tauri.
 Thyrsi, tuum steriles etiam sensisse myricæ
 Interitum, mæstique amnes, silvæque putantur.
 Vidi ego in arboribus sensim pallefcere frondes,
 In campis segetes languere, in collibus herbas;
 Occi.

Occiderat Thyrsis, lugebant omnia Thyrsin.
Thy. sis & Arcadium superabat Pana canendo :
Herbarum immemores illo cantante capellæ,
Et teneri stabant arrectis auribus hædi.
Ad pia silvestres veniebant carmina Fauni
Nymphæque, Dryadésque, & capripedes Silvani.
Ipsa etiam numeros narratur Thyrsidis Echo
Et didicisse, & nil retulisse libentiùs umquam.
At nunc pro numeris, pro cantu Thyrsidis Echo
Solùm iterat mecum creptum mœstissima Thyrsin.
Nec tantùm mulcebat oves, oviùmque magistros,
Et quæ cantando vincebat numina ruris,
Sed rigidas etiam flectebat carmine cautes,
Et deducebat celsas è montibus ornos.
Dulcè sonat querulo fugiens per gramina rivus
Murmure; dulcè sonat venientis sibilus austri
Arboreas medius per frondes; dulcè canoris
Alitibus silvæ resonant, arbusta cicadis;
Dulciùs argutâ resonabat arundine Thyrsis,
Seu silvas, seu quis pecori sit cultus alendo,
Seu caneret Superos, Divùmque referret amores.
Quid tamen ista juvant? pastorum gloria Thyrsis
Num minùs interiit: qui cantu saxa movebat.
Num potuit cantu duris quoque flectere Parcas,
Frangite pastores calamos; nil carmina profunt.
Servassent, si quid potuissent carmina, Thyrsin,
Nostrâque mansisset: rurisquæ æterna voluptas.
Triste satis grando, maturis imber aristis,
Tempestat ratibus, nebulæ florentibus hortis,
Milvius alitibus, nobis tua funera Thyrsi.
Nec dolor hic citiùs miseros, quàm vita relinquet.
Antè feret salivunca rosas, poma antè cupressus;
Antè etiam hirsutis crescent in sentibus uvæ,
Mella dabunt amnes, quercus feret omnis amomũ.
Pastores Thyrsin quàm non lacrymemur ademptũ.
Quamvis jam silvas Thyrsis, meliorâque nostris
Rura

Rura tenet, viridēsque æterno gramine colles;
Quos nec hyems nivibus, nec lædet grandine
Corus,

Nec lolium infestat, nec adurit folibus æstas.

Quamvis jam puro manantia flumina lacte
Libat, & æterno manantes nectare fontes.

Quamvis sub pedibus nubes, & sidera spectat.

At vos ite domum, infelices ite capellæ,
Ite domum sine me: sed parcite rodere vitem,
Quam posuit Thyrsis, teneram cui sæpè rigavit
Radicem, & nimias ferro compescuit umbras.
Neu terite ingressæ, coluit quem sedulus hortum.
Hinc ego namque rosas, & purpureos hyacinthos,
Et dulces violas, & candida lilia carpam.
His saltem infelix donis cumulabo quotannis
Dilectos cineres, circumque altaria spargam,
Et spargens flebo, & parvo flens murmure dicam:
Thyrsi tibi violas, & candida lilia spargo.
Tum duo vicinis incidam carmina fagis:
Hoc pecoris custos tegitur sub cespite Thyrsis,
Delicia gregis, & pastorum Thyrsis amores.

AD GEORGIUM CHAMBERLINUM, Episcopum Iprensen.

In Gnomen ejus symbolicam:

IN SOLITUDINE SOLATIUM.

STROPHE.

Etiam in turbâ solitudinem esse.

Solus ut vivas, animique liber,
Nil opus solo nemorum recessu,
Nec salutantum pedibus negatâ
Valle, Georgi.

Fallitur, quisquis nemus & latebras

Invias

Invias ægris putat esse curis.

Non satis nostris loca sola turbam

Mentibus arcant.

Solus est, & se fruitur, timoris

Et spei liber, cui pectus altum

Nec dolor mœstus, neque vana tangunt

Gaudia vulgi.

Ille & in plenâ Prochyten Suburâ

Invenit, semper suus: ille semper

Urbium turbis procul, & suorum,

Se quoque fugit.

Fervidos rerum licet inter æstus

Degat, & sævi fremitus Gradivi.

Quem Furor circum volat, & cruentis

Ensisbus Ira:

Spectat immotus gladios, & acres

Militum vultus, mediisque in armis

Regna vertentis sonitum ruinæ in-

territus audit.

Vincat hic, inquit, subigatque reges,

Sitque multorum dominus. quid inde?

Plurimum est servus. Suus esse nescit

Sparsus in omnes.

Non facit regem pavidâ tenendum

Dexterâ sceptrum, populique supplex

Vultus, & lætâ diadema rarò

Fronte gerendum.

Ipse sum regnum mihi, turbidæque

Disfidens plebi, neque miror emptas

Cadibus lauros, neque fixa regum

Postibus arma.

Sic sui rex est sapiens, suumque

Possidet regnum, retinetque solus,

Quod tuus frustra tibi, vel tuorum

Arroget ensis.

Quod petis, tecum est: sibi dat recessum

Æqua

Æqua mens, stultis inimica votis.

Illæ nec toti, redimenda regnis

Oria donat.

Hanc habent urbes etiam quietem,

Quam nec Ilissi dare, nec Lucrini

Ripa, nec possunt placido tepentes

Littore Baiæ.

Quando nox umbris, hyemæve nimbis

Condere obductum potuere solem,

Semper ardentem, propriæque numquam

Lucis egentem?

Quando & Arcturi furias cadentis,

Et graves motus orientis Hædi,

Et Jovis currus, & equos tonantis

Sensit Olympus?

Dum latus pulsat Boreas nivali

Grandine, & nimbis violentus Auster,

Ille, quæ cælo caput, & propinquis

Inferit astris,

Ille securus nivis, atque diræ

Grandinis, ventos, pluviâsque ridet:

Altior nimbis, & agente nimbos

Altior Euro.

Sic suo gaudet Sapiens recessu,

Sèque tranquillus potitur, Deoque:

Et silens dicit sibi multa, sese

Major, & orbe.

ANTISTROPHE.

Etiam in solitudine esse turbam.

Quid juvat turbâ procul, in remotis,
Solutus ut vivas, habitare silvis?

Quam tibi nescis dare, non data est
Silva quietem.

Sunt

Sunt sui silvis etiam tumultus.
Imminet tergo domini fugacis
Turba curarum, pariterque terris
Errat, & undis.

Sive desertas Libyes arenas,
Seu petat Colchos & inhospitalem
Caucasi rupem, properetve nigros
Exul ad Indos:

Non minùs velox equitem sequetur
Cura, nec puppim pelago volantem,
Nec leves mannos, neque concitatos
Deferet axes.

Audiit turbam, strepitumque Romæ,
Audiit plausas pedibus choreas,
Dum timeret sese, latitaretque in altis
Dalmata silvis.

Fugerat Româ, Syriæque tristes
Castus ad montes properabat exul:
Roma per longas profugum secuta est
Improba terras.

Qui simul ductu Superùm silentem
Devixæ rupis tetigit cavernam:
Portus ô, dixit, statimque salve
Fida carinæ.

Hic mihi fesso maris & viarum
Hospitam fas sit religare navem,
Jamque subductæ pelago virentem
Ferre coronam.

Ancoram jeci stabilem, neque illam
Eruent altis hyemes arenis,
Nec furor Nerei laceros revellet
Puppe rudentes.

Hoc Quies, & Pax habitant sub antro:
Hic pudor fixit, Pietasque sedem,
Inter has quis non comites beatus
Se sibi reddat?

Hæc mei rupes erit aula regni :
 Hic mei victor , dominúsque vivam :
 Hæc dabit nobis , sua quod negavit

Regia Cræso.

Talibus frustra sibi pollicetur
 Otium infelix. Redit è latebris
 Tota mens Romam , mediâque rursus
 Errat in urbe.

Membra prostermit , gelidóque saxo
 Pronus incumbit , queriturque ventis
 Vota discerpi sua , pérque surdum
 Æthera spargi.

Tota lamentis sonat & querelis ,
 Et madet rupes lacrymis precantis :
 Nec tamen flentem , neque multa questum
 Roma relinquit.

Nudat & pectus , miseros tumultus
 Inde pullurus scopuli revulsâ
 Parte. Vicino pretiosa pendet
 Purpura trunco.

Ictibus crebris lacerum rubebat
 Flentis , heu , pectus : tamen illud , absens
 In puellares quoties retraxit
 Roma choreas !

Lubrici vultus , oculique molles ,
 Et leves fîsus , agilesque plantæ
 Sæpè nolentes oculos sub imâ
 Rupe morantur.

Obviæ baccæ , lapidosa corna ,
 Victus infelix , rigidisque fraga
 Vulsa dumeris , & acerba tantum
 Arbuta pascunt.

Crinis incultus jacet , ora pallent,
 In cavos orbes oculi recedunt,
 Ossa vix ipsis malè juncta pendent
 Arida nervis :

Roma

Roma sed nondum fugit : usque, & usque
 Flentis invitos oculos fatigat.
 Non minùs verâ stimulabat urbe
 Urbis imago.

ANTONIO ENGRAND,
 Monasterii S. Petri in monte Blandinio,
 juxta Gandavum, Abbati solemniter
 inaugurato.

*Tres glandes, ejusdem insignia, in Emble-
 ma versa.*

IN SEMINE VIRTUS.

Vidimus, Antoni, tua tres insignia glandes,
 Vidimus, & felix, diximus, omen habent.
 Quæ præbet latas quercus spatiantibus umbras,
 Diffusisque patet frondibus, una nemus:
 Quàm frustra Boreas, quàm frustra verberat imber,
 Quæ stat in immensum viribus aucta suis:
 Vulneribus quæ ducit opes, & robur ab ipsis,
 Glandis ab exiguo semine nata fuit.
 Crescit, & è modico surgit quoque semine virtus,
 Et sensim vires explicat illa suas.
 Nulli illam casus, nullæ infregère procellæ:
 Ipsa etiam causas damna vigoris habent.
 Te quoq; sublimi nunc stantem in culmine rerum
 Roboris invicti, sicut es, esse decet.
 Exerce, quas virtus tua sufficit, exere vires:
 Omnibus assurget fortior illa malis.

ANTONIO ENGRAND,
*Syvynardia solemnes inaugurationis honores
 primum auspicanti, & à Senatu suo, &
 clientium comitatu in montem Blan-
 dinium deducto.*

VIdi, quàm rapido propinqua Scaldi,
 Felix frugibus, & virente luco
 Stat Syvinardia, crede Ganda, vidi
 Altas in numerum movere quercus
 Frondosum caput, ilicésque lætis
 Motus nescio quos dedisse ramis.
 Quem fausto Satyri, levésque Fauni
 Spectant omine? Cui sonante luco,
 Formosæ Dryades dedere plausum?
 Antoni tibi: scire námque Fauni,
 Ipsa & scire videntur iliceta,
 Híc inter virides receptus umbras
 Qui sis, cur venias, quid auspiceris.
 Certè te dominum tuus Senatus
 Híc inter virides salutat umbras;
 Híc inter virides precatur umbras,
 Ut, quos pro meritis adis, honores
 Dextris auspiciis secundet ather.
 Quare dum latus hinc & hinc cunctis
 Stipant, crede, quot ilicum tuarum
 Motantur Zephyro strepente frondes,
 Te votis totidem excipi tuorum.

ANTONIO ENGRAND,
*Abbati Blandiniensi, post Abbates LXIV.
 ejus nominis primo.*

Est aliquid primi titulum, noménque referre,
 Ire & secundis, tertiisque prævium.

Nomi-

Nomine sit solo quamvis , non munere primus ,
 Quidam invidendæ sortis , & laudis tamen
 Nomen habet , primûmque suo se nomine fastis
 Inferere munus ornat, & famam evehit.
 Túque adcò, cui nunc , Gandâ plaudente, tiaram
 Engrande , niveâ detulit Virtus manu ,
 Postera Blandinios referent cùm sæcula Patres,
 Seu qui fuere , sive qui posthac erunt
 Insignes vittis , & , quo tu , nomine dicti ,
 Antoniorum primus appellaberis.
 Dicêris , victura tuos cùm fama labores
 Extollet olim , cùm paterni pectoris
 Dulcibus officiis æquaris vota tuorum ,
 Nodóque amoris aureo junctos sibi
 Foveris , & Prisci mores revocaveris ævi ,
 Prudens, benignus, publico bono excubans :
 Dicêris meriti plenus , felixque laborum ,
 Antoniorum primus expleffe omnia.
 Intercâ præsens aderit tibi Divus ab alto ,
 Illustre cujus nomen , & munus geris.
 Ille secundabit , tibi qui defertur , honorem ,
 Onusque reddet facile , quod primus geris
 Illius auspicijs & nomine. magna gerenti
 Sufficiet altos spiritus , suis pares.
 Credibile est illum solo quoque nomine tangi ,
 Cognominémque blandiùs , quidquid petis ,
 Respiciere. O longum faveat, faciátque, quod olim
 Deserta Nili nemora claravit deus
 Blandinio veniat monti quoque ; quódque fuisse
 Illum suis miramur , hoc tu sis tuis.

MONTI BLANDINIO

*Felicitatem gratulatur novo Abbate inau-
 gurato.*

DIvæ Pierides , si juga montium ,
 Si valles riguræ , si gelidis placent

Lapſi fontibus amnes ,
 Sacratæque Deo domus ,
 Clarum Blandinii viſite verticem ,
 Dilectum Superis viſite verticem ,
 Quem non flumina tantùm ,
 Vallésque , & vitreus latex ,
 Et Divûm decorant limina , limina
 Latè conſpicuis ardua turribus ,
 Quantùm , qui modò ſacris
 Divûm liminibus præeſt :
 Quem vallis riguæ pascua , quem juga
 Agnoſcunt dominum , cui famulantia
 Præno culmina gaudent
 Se ſubmittere vertice.
 Ille ingens animi robur , & optimis
 Fetum conſiliis pectus , & in ſuos
 Fidum præbet amorem ,
 Vestris materiem choris.
 Felix Blandinius præſide mons novo !
 Factus nobilium tu quoque montium ,
 Cælum vertice tanges ,
 Caſſini propè par jugo.

AD NOVUM

*Blandiniensis Monasterii templum , quod
 primum apernit Antonius Engrand.*

PRO EIUS INCOLUMITATE VOTUM.

A Ra , cui primùm reſcravit ædis
 Alimen Engrandus , cui thura flammis
 Addidit primus , modò lætiores
 Indue cultus.

Concolor feſto niteat paratus :
 Ignem odoratum , radióſque flamma
 Purior ſpargat , rutilúmque templi
 Verberet aurum.

Aſtat

Astat Engrandus , lituóque dextram
Implet aurato : digitos Eoæ
Ambiunt gemmæ , niveæque cingunt
Tempora vittæ.

Vota , quæ supplex animi , Deóque
Concipit plenus , facilis precanti ,
Sancta si semper pietas honori est ,
Fac probe æther.

Quidquid infaustum Patriæ , suisque
Providus rerum metuit , protervi
Differant venti , mediúmque portet
In mare Scaldis.

Hunc diem sospes videat reverti
Sæpius : sospes tibi se quotannis
Cum suis sistat , solitíque solvat
Moris honores.

IN SOLEMNEM RITUM,
*Quo Abbates Blandinienses Flandria Comi-
tibus, Dominatus sui possessionem adeuntibus,
ensem à se ritè consecratum in Blandinio
Monte solent accingere.*

S Acrum tiaræ subjice verticem
Engrande , & illâ sume pedum manu ,
Cui prona regnantium voluntas
Grande dedit , pietásque munus ,
Vincire ferro fulmineo latus ,
Quo Flander urbes Mars sibi subditas
Tutetur , hostilésque larè
Victor opes , animósque frangat.
Sensit Philippus , quid prece , quid manu
Sacratus ensis posset , & Africum
Littus , triumphatúsque Ganges ,
Et Potosos , Perüéque sensit.

Verba apprecantis sævitiam addere
 Creduntur ensi : & sic melius datum
 Terrorque , confusæque Strages
 Antecunt , trepidusque Pallor.
 Confusa frustra viribus agmina
 Sterere , belli ni Deus arbiter
 Aspirer armis. auspicatò
 Bella geri docuit piorum
 Fortuna regum. Blandinio quoque
 Trophæa monti debita , cùm Duces
 Hic ense suecincti gerendis
 Auspiciū petiere rebus.

BLANDINIENSIS MONASTERIJ

*Patribus Gruem , domesticam avem, in Mo-
 nasterio ali solitam , vigilantia in Abbate ,
 concordia in subditis vivum & peren-
 ne symbolum.*

Est quoq; digna die, nec inopportuna voluptas
 Lyrâ sonante dicere
 Naupliadæ volucrem.
 Excubat , & curâ socias vigilante tuctur ,
 Cùm subter alam condito
 Somnum ineunt capite.
 Non fera , non fallax incautas occupet auceps,
 Non sævus armiger Jovis
 Impete fulmineo
 Epastu rapiat. Dum pennis nubila findunt ,
 Thracemque linquunt Strymona ,
 Bistoniasque hyemes ,
 Dux præit, & cursus magnū per inane morantem
 Infringit alis aëra :
 Illa volat , sequitur

Ordine

Ordine composito lætis clangoribus agmen :

Quà fertur , inscriptas notat

Littera facta vias.

Ante oculos vobis ales , quem diximus , errat ,

Virtutis ales symbolum ,

Quæ deceat socios ,

Quæque Ducem deceat, concordia pectora, Patres,

Virtute vestrà , nec minùs

Præsidis auspiciis ,

Quem numero ex omni juvat elegisse , beati.

Spes læta constet , tam bono

Quæ venit augurio.

LIVINO VAENTKINS,

*Monasterii in Baudeloo Abbati , Musarum
Macenati , annuis premiis studiosam ju-
ventutem donanti Gandavi X. SEPT.*

M. DC. L.

Alphea propter flumina viderat

Minerva , doctis cincta sororibus ,

Certantis ardorem juvenæ ,

Spe decorum , positæque palmæ :

Quantûsque , dixit , pectora concitat

Laudum cupido ! Quantus adest equis ,

Virisq; sudor ! En , feruntur

Præcipiti similes procellæ.

Dant lora prœni : fervidus emicat

Victoris axis , per vacuum aëra

Affurgit : humescunt sequentûm

Flatibus , alipedesque multâ

Squalent arenâ. Num minor & meis

Sit spes alumni ? Currite , currite ,

Quâ laurus , atque umbrata lauro

Signa vocant , avidosque palmæ

L. 5.

Virtus adurget. Fortia corpora,
Pulchróque currus pulvere sordidos

Miretur Elis : pinus illos ,

Hos apium , hos oleæ coronent ,
Laurúsque victrix. Vos animi vigor ,
Altæque mentis pulchrior impetus

Attollit Eleis quadrigis

Altiùs , Isthm acísque ludis.
Tu signa tollis : prima petentibus
Tu calcar addis. Tu procùl inclytas ,

Livine , prætendis coronas ,

Egregii prærium laboris.

Quid grata Pallas muneribus , Pater ,
Tuis rependat ? Donec erunt sui

Musis honores , pérque colles

Aonidum , viridésque lucos ,
Vates eburno pectine posteris

Tradenda sæclis nomina concinent ,

Te dicet , inscribétque fastis

Ipsa suis , memoríque cedro.



GUILIELMI
B E C A N I

E SOCIETATE IESU

I D Y L L I A

E T

E L E G I Æ.



E L E G I A
 DE REGNO
 A SERENISSIMA
 CHRISTINA
 SUECORUM
 REGINA
 DEPOSITO,

EIUSQUE IN PACEM STUDIO.



*Ul modò Christinam nec re-
 gia sceptrā tenentem,
 Nec dantem populis pristi-
 na jura vides,*

*Falleris ex illo motam si cul-
 mine censes,*

Quo nuper terris suspicienda fuit.

Altiùs evexit sese, dum summa reliquit.

Auxit, quo visa est se spoliare, decus.

Nancisci regnū, minùs est quàm ponere. Sortis

Nancisci, magna ponere mentis opus.

Et genus, & faciunt, ut nanciscare, parentes;

Omnis, si ponas, laus tribuenda tibi.

*Carolus Austriades posuit. tam grande, no-
 vūmque*

Exemplum terris Belgica nostra dedit.

Past

Post victos reges, post mundi extrema subacta,
 Hac illi de se palma relata fuit.
 Herois Christina premit vèstigia tantè,
 Nec curat tritâ regibus ire viâ.
 Cùmque nihil Carolo maius, quàm possit haberi
 Maximus, hac illi proxima parte fuit.
 Ille satur rerum poterat laudùmque videri;
 Implerat famâ solis utramque domum:
 Flore vicens ævi, dum mentes acrius urit
 Gloria, se regnis exiit illa suis.
 Carolus extremos successibus auctus ad annos
 Ulteriùs vix quò progredederetur, erat:
 In medio cursu rerum ac splendore suarum
 Destitit illa viam, quam dabat aura, sequi.
 Sceptra gerant alii famæ adjumenta parande,
 Splendorémque sui nominis inde petant:
 In decus ipsa suum sibi sufficit: ipsa theatrû,
 Materies laudum est ipsa futura sibi.
 Spernit, emi pretio quovis benè quæ putet alter
 Regna nihil dignum, quo teneatur, habent.
 Nec tamen exempta est magnorum ex ordi-
 ne regum,
 Nec petit hos inter non sibi iure locum.
 Regia res virtus. regnat qui præditus illâ est,
 Plùsque aliquid, possint quàm dare sce-
 ptræ, tenet.
 Regia res animus rerum contemptor, humilânq;
 Exosus, liber, sufficiensque sibi.
 Esse putes regem, cuius plebs audiat omnis
 Jussa, cupidinibus serviat ipse suis?

Quem

Quem frangat luxus, dolor obruat, asperet ira,
 Ambitio dominum non sinat esse sui ?
 Esse putes regem, fortuna qualibet aurâ
 Qui ventis acta more feratur aqua ?
 In solio curas humiles qui verset, & uno,
 Quàm populus, studeat celsior esse loco ? [nas
 Rex ille est, quē sceptrâ super iuvat atq; coro-
 Alius humanis exseruisse caput.
 Casibus, & sorti quidquam debere recusat ;
 Nec tum, cum deerūt cuncta, futurus inops.
 Subdere se vitiis nescit, collūmque pudendo,
 Instar habet lethi, supposuisse iugo.
 Hoc sibi dimisit regnum Christina coronâ
 Vindicat : hoc nullo depositura die est.
 Parcite prima manu mūdi qui sceptrâ tenetis,
 Hac nulli vestrūm cedere parte cupit.
 Quin gradus est illi, quod vobis culmē honoris,
 Sub pedibus, quo vos suspicit orbis, habet.
 Vos ostro fulgere iuvet, soliōque sedere,
 Et populum vestros ante videre pedes :
 Vos iuvet imperium terrâ proferre marique :
 Vestra triumphatus sub iuga mundus eat :
 Cetera dimisit ; sibi se Christina reliquit.
 Hoc satis : hoc uno maxima regna tenet.
 Vesper ut à vobis leges expectet, & Ortus :
 Latius illa domi, quo dominetur, habet.
 Pro quo certatis, pro quo convelliis orbem,
 Diraque suscipitis bella, dat illa sibi.
 Pectus inexpletum vobis : nil deficit illi.
 Mens bona sunt omnes, quas sibi poscit, opes.
 Adde

Addere vos partis; amat illa relinquere partem:
Mutua vos rapitis: deserit illa sua. [benas,
Tum quoque, supremas rerum cum flexit ha-
Quasque datis leges gentibus, illa dedit,
Cum tenuit terras, Pötus quas frigidus ambit,
Suppositasque sibi Manalis urfa videt,
Florentis regni, fortunatique per illam,
Quid, prater curam, credidit esse suum?
Ut modò regnandi procül est, procül antè libido
Abfuit: hoc aliis, non sibi gessit onus.
Illius est, solis modò quòd non polleat armis,
Sitque fero tantùm Suecia Marte potens;
Quòd cultũ & mores miretur, opésq; suorum,
Atque artes, regio queis viget ulla, colat.
Illius est, primis quod cum regionibus Arctos
Certet, ab ingenio dissideatque suo;
Facta quod Europa sit pars illustris, amicam
Quam regum quivis optet habere sibi
Nec populo contenta suo fecisse benignè,
Complexa est curis extera regna suis.
Cum foret assuetus palmis exercitus illi,
Sponderent belli non nisi fausta Duces,
Militibus campos compleret, classibus aquor,
Pax placuit, pacem Rhenus & Albis habent.
Fulmen erat belli genitor; cum posset eadem,
Quarere diversa maluit arte decus. [eandē
Atque utinam quā nunc Germania gaudet,
Numina permittant nos quoque sorte frui!
Nulla salus bello, redeat pax optima rerum.
Splendidior nullus pace triumphus erit.

IDYLLIUM I. JOSEPHUS.

Argumentum.

Josephus puerum IESUM Herodis furori subtrahit, & in Aegyptum fugit, Patriarchæ olim Josephi sedem.

A D

LUDOVICUM DE ROMER,
Cùm ei ædem in valle B. MARIE Facon-
tinâ dicaret, consecrarétque.



U, dum votivis adoles altaria flammis,
Inque novas sedes, & fulgens marmo-
re templum

Josephum invitas, Ludoice, tibique
favere

Cogis, & acceptis majora rependere donis;
Diversum in terras alio sub sole calentes [dam
Me meus ardor agit. Juvat ire, habitatâque quon-
Sancto regna feni, & magnis loca conscia curis
Visere, divinum quibus olim fovit alumnum,
Depositumque ingens terris servavit & astris.
Non tamen ut Judæ domus, & magalia Bethles
Me teneant; quamvis hæc illi patria, quamvis
Se Deus his primùm nostros circumdatus artus
Ostendit terris, & parvo vagiit antro.
Pastores primi sæno videre jacentem.
O fortunati, quos ipse ad limina custos
Induxit senior, jamque ubera cara petentem
Ostendit puerum, & stantem ad præsepia matrem!
Ille latus paleis & sæno fultus agresti

Acce-

Accepit lætus venientes, donaque turbæ
 Pauperis arridens, primosque admisit honores.
 Quis servasse gregem, quis noctem montibus illis
 Non cupiat vigilasse? procū nunc illa voluptas:
 Nunc dulcis pueri petitur caput. Hei mihi, quantus
 Astra ferit clamor! fatalia linquite tecta,
 Dum licet, inque sinus abscondite pignora matres
 Bethlemiæ: rûque ante alias fuge regia Virgo,
 Quò Numen, sponsusque vocat. sed & ô! mihi longè
 Jesseæ valles, nec jam jucunda valete
 Antra. Quis infandam cædem, laniatæque membra
 Infantū, matrūque hærentia funera collo
 Spectet, & undantes infanti sanguine cunas?
 Ibo, & Josephi profugi comes, exulis exul,
 Per, qui se obijcient, casus, ejusque, meosque
 (Quo se cumque ferent) sequar indefessus amores.
 Atque utinam, sacre fuerit seu parva supellex
 Transportanda domus, via seu tentanda, laboris
 Me vocet in partem! sed in illo cardine rerum
 Cui fidat? viden' ut trita regione viarum
 Abscedat? conjux oculos demissa modestos
 It comes. Insequitur cælo plaudentibus alis
 Aligerū formosa cohors, circumque, supraque
 Ambit ovans puerum, sive inter brachia matris
 Gestandus, collo seu pendeat ille paterno.
 Fortunate senex, toties modò cujus in ulnas
 Matris ab uberibus tam dulcis sarcina transit,
 Brachia cui nectit ridens, pretiūque ferendi
 Oscula divinis infigit dulcia labris!
 Fortunate senex, cui blæsas reddere voces
 Incipit, atque illud paullatim dicere nomen,
 Quo vocat æternum nihilo minor ipse parentem!
 Ipsæ te vallésque cavæ, collésque supini,
 Quà transis, ipsæ te rupes, ipsa beatum
 Saxa vocant; pondusque tuum comitēmq; fatentur
 Nosse feræ, & prono venerantur vertice silvæ.

Quò

Quò properas ? patulis hic ficus temperat æstum
Frondebis, hic flores, immixtæque floribus herba,
Hic torus : hic molli puerum deponere sub umbrâ.
Ipse Parætonias præcurram lætus ad oras
Nuntius. Excubo cives, Memphimque subire
Delicias terrarum & cæli gaudia dicam.
O felix, nimium felix, tua si bona nosti,
O dilecta t'eo regio ! redit ille tuorum
Servator populorum, his nomen amabile terris
Iosephus : nec jam attonito nocturna tyranno
Visa aperit, nec septenos collecta per annos
Partitur frumenta, famis solatia diræ. [pis;
Ipsam adeò auctorem frugum, qui gramina cam-
Qui segetes arvis, qui Nilo sufficit undam,
Adducit. Deus, ecce Deus ! quem sæcla Canopo
Pristina terribilem, perdentemque omnia latè,
Fulmina vibrantem, & tonitru videre cientem ;
Nunc trepidus fugit, & teneris vagitibus auras
Impellit lacrymans, latebræque & tecta requirit.
Spargite flore viam, manibus date lilia plenis,
Et triviis festas intexite, quæ venit, umbras.
Me miserum ! quanto tellus incenditur æstu !
Ut rabidi soles ! ut nulli hoc aëre venti !
Ah ! tibi ne noceant insueti, Virgo, calores !
Ne puero teneros urat sol fervidus artus !
Sancte senex, tuus iste labor : tibi creditus infans,
Infantisque parens : generis tu gaudia nostri,
Tu pretium mundi, & cælestia pignora serva.
Nos tibi, nos illo pro munere carmina grati
Solvemus, noménque tuum tollemus ad astra.
Carmina nos ; alii solido de marmore templa
Constituent, & dona tholis ingentia figent.

IDYLLIUM II.

THESTYLIS.

Argumentum.

*Puella rustica post Dei Matrem deserto in
 sacello religiosè cultam ibidem exspirat ,
 & calo transcribitur.*

A D

FRANCISCUM MONTMORENCIUM,
 E SOCIETATE IESU.

Cùm ab eo lyricam Psalmorum Davidico-
 rum Paraphrasin accepisset.

R Eddite Blandinio calamos in monte relictos
 Pierides : iterùm silvas & rura canemus.
 Adlis , & tenui aspira , Francisce , labori.
 Bucolici princeps tu carminis : altera quamvis
 Depositis modò plectra juvet tentare cicutis.
 I felix , quò te rapit entheus ardor , & ultrà ,
 Quàm Venusinus olor, quàm cursum Pindarus egit,
 Cœlo iter affecta. Dudum tibi Tybris , Apésque
 Terrarum dominae blando-plausere susurro.
 Nostra humiles supra non surgit musa myricas.
 Nec tamen hanc spernit Grudiis celeberrima silvis
 Virgo, cui primas agresti carmine laudes
 Dixit Bethlehemio Pastorum turba sub antro.
 Inde illi pecudes curæ , pecudùmque magistri.
 Thestylis exemplo est , cujus malè cultus agellus,
 Et grex parvus opes olim ; nunc addita cœlo
 Vota audit , faustum agricolis & amabile nomen.
 Viderat hæc collapsum inter dumera sacellum,
 Reginae Superùm pietas quod prisca dicarat.
 Virginis effigies fractâ squalibat in arâ ,

Imbri-

Imbribus , indignum , rapidoque obnoxia soli.
Huc animi mœrens , miseransq; in imagine Divam
Assidue veniebat , & aræ affula , videntque
Semitutam , & cultus jam nil nisi signa prioris ,
Flebat , & innocuis immiscens vota querelis ,
Hei mihi ! dicebat , quod non me divite nasci
Patre Deus voluit , quod non mihi jugera culti
Multa soli , multique greges in montibus errent.
Tum tibi fulgenti , Regina , è marmore templum
Exstruerem : medio tu stares aurea templo ;
Aureus ille tuis infans hæreret in ulnis.
Dixerat ; extergensque madentia lumina , silvam
Cantu implet , noménque Mariæ tollit ad astra.
Jusserat hoc teneris incisum crescere fagis ,
Hoc Zephyros , aurásque , cavas hoc discere rupes ,
Hoc matutinas secum celebrare volucres.
Quin & avis fieri simplex , & sumere pennas
Optat , & hoc omnes cantando ferre per oras.
Vana voves. Potiùs decorandi cura sacelli ,
Thestyli , te teneat. Quid tum si vile , Deique
Indignum genitrice ? casam non sprevit , & illum
In stabulo genuit , quem gestat ad ubera , natum.
Quid faciat ? modò poma suis hærentia ramis
Fert , figitque tholo : modò de radice revulsa
Intexit virgulta , & opacat frondibus aram.
Adjicit & geminas vario de flore corollas ;
Una regit puerum , pueri regit altera matrem.
Et , quia , quod donem majus , fortuna negavit ,
Accipite hæc , inquit , manuum monumenta mearú
Túque , puérque tuus , Virgo : nam te quoq; dicunt
Exegisse humilem nato cum paupere vitam.
Fallor ? an ille mihi divinis risit ocellis ?
Et magis atque magis blandos in imagine vultus
Aspicio ? ô utinam scirem quo munere possit
Officióque capi ! non quidquid protulit ætas
Formosum in silvis ; non vestem , quam mihi Phyl-
lis

Cum

Cùm daret , urbanis potes hac certare puellis,
Thestyli, ait : non ipsam animam donare recusem.
Ardoris nunc iste mei sit cereus index.
Ignea vis ceram tenues dissolvat in auras ;
Me consumat amor. Dulce est in amore perire.
Thura etiam, &, templis qui succenduntur, odores
Vellem ager hic ferret ; totas altaria luces
Fumarent : sed enim dabit hæc opulentior Ægle
Ipsa feram geminos etiamnum implumibus alis
Turturis inventos celsâ super arbore pullos.
Hos meus ut frater nido detraxit Iolas ,
Accepi , & dixi , Pueri portabimus illos.
Accipe , care puer , placido meâ munera vultu.
Munera parva quidê pro tempore ; sed malè nobis
Autumnus fetas si non affecerit , agnum
Velleris intacti , sic spondet mater , habebis.
Agnum Zacharides solitus tibi ducere , quando
Dulcibus è latebris parvus tua tecta petebat ,
Et tua desertis veniebat ad oscula silvis.
O nimium felix , cœlestia stringere colla
Qui potuit , pueroque puer colludere ! felix
Quem toties tecum amplexa est, gremioq; receptum
Conscia vestrorum fovit tua mater amorum !
En erit has etiam puer ut dulcissime nobis
Delicias facias , nec jam simulacra , sed ipsum
Te spectem , qualis Superis quantumque videris ?
Interea sim cura , precor , tibi mutua , quamvis
Tu Deus , agricolæ quamvis ego filia Mopsi.
Sic nutrit flammæ , teneroque liquefcit amore ,
Immemor absentis domus, pecorisque, sui que.
Sæpè greges illi per opacæ devia silvæ
Errarent , si non absentis Diva puellæ
Suppleret curam , custodirétque vagantes.
Sæpè parens natam serâ sub nocte reversam
Incepuit ; sed non ea me , quam rere , morata est
Causa , inquit : lufere aliæ , ludantque puellæ :

Vota

Vota Dei Matri pro te tua filia fecit.

Illa quidem (gemitumque imo de pectore ducens
Solvitur in lacrymas) hinc jam despecta, situmque
Fœda jacet, sed non ego criminis arguar hujus.

Quin potius stratam me mors illius ad aram

Occupet, æque suo defunctam luce sacello

Thestylin ad sedes deducat Diva beatas

Sic vovet. Audiv' t' virgo: tacitæque, quod optas,

Fiet, ait. Suprema tibi cum venerit hora,

Me coram aspicias, interque precantia verba

Deficientem animam excipiam, cæloque locabo.

Præsidium quis tale mihi, dum fata vocabunt,

Spondeat! ô ego tum quam molli sine quiescam,

Te saltem si, sancta Parens, in imagine spectem,

Et fractos oculos in te, mea vita, tuumque

In puerum attollens, nil jam mortale videre

Exoptem, sed cælo inhians de corpore solvar.

IDYLLIUM III.

ISIDORUS.

Argumentum.

Inter Dei laudes ad calum aspirat.

AD JOANNEM SCHEGA,

E SOCIETATE IESU,

ARCHIDUCI LEOPOLDO A CONFESSIONIBUS.

Tityre, coge pecus: venit Hesperus. Hinc ego
noto

Succedam nemori, laudésque, assuetæque solvam

Vota Deo. Par est votis prævertere noctem.

Ibo, & Davidico quæ sunt mihi condita versu,

Ad responsuras meditabor carmina silvas.

Intonsi montes; altæque in montibus umbræ,

Umbrosi nemorum saltus, & pascua, & amnes,

Et pluvix, & rores, matutinæque pruinx,

Ven-

Ventorúmque leves animæ, nimbíque sonantes,
 Cuncta Deum laudate: Dei sunt omnia munus.
 Rebus ab hoc vigor, atque omnis primordia vitæ.
 Messibus hinc ager est, hinc pomis utilis arbor.
 Hinc oleum, & tristes animo pellentia curas
 Vina fluunt, læto florescit germine terra.
 Terra parens frugum: sed quanto pulchrior illa est
 Cælicolûm regio, quam formosissimus ambit
 Sol, & inextinctis illustrant sidera flammis.
 O Divûm domus alta, ingentisque aurea cœli
 Tempa, Dei sedes! O sol, ô candida luna,
 Et toties oculis mihi visa madentibus astra,
 Aspectu ut rapitur vestro, ut se jungere vobis
 Mens ardet! jam nec fontes, nec flumina nobis
 Ipsa placent: sordent vestiti gramine campi.
 Jam silvæ, præter latebras plorantibus aptas,
 Nil, quod amentur, habêt. Hic flendo condere soles
 Et totas juvat in questus absumere noctes:
 Hic damnare moras, & euntia tempora tardè,
 Et nimium longos, cælo quibus absumus, annos.
 Sic olim Isacidæ dominæ Babylonis ad annem
 Sederunt Solymæ memores, longûmque gementes
 Exilium ignotas turbarunt fletibus undas.
 E salicum ramis pendebant barbita, venti
 Impulsu interdum gemitus imitata suorum.
 Chaldæi venere, fero gens barbara cultu, (nit,
 Quiq; Tigrim, quiq; Euphratem tenet accola, ve-
 Venere Assyrii, Medi venere coloni:
 Omnes insultant captis, quaque antè jubebant
 Vincula ferre manu, nunc plectra resumere mandât.
 Eia agite, & quæ olim, dum starent alta Sionis
 Tempa, canebatis, depromite carmina nobis.
 Hebræis Babylon modulis sonet: en silet omnis
 Ripa, silet nullis percussa fragoribus unda.
 Quis modus externis meditari patria terris
 Carmina? ut iavisi Babylon sibi Numinis hymnos
Audiant

Audiat? Hebræos ut rideat impia cantus? (aiunt)
 Hoc Deus, infensus quamvis nunc, hoc tamen,
 Non sinat Isacidis cultus Deus. Ite profani.
 Debentur Solymæ, Solymæ servabimus istos,
 Quos petitis, cantus: gemitus hæc terra reposcit.
 O Solyma! ô arces! ô sancti culmina templi!
 Exiliique mei Babylon ô tristis imago!
 En erit illa dies unquam, quæ me quoque reddat
 Dilectæ nimium patriæ, regnisque beatis?
 En' erit, ut terris excedat liber, & artus
 Qui regit hos, puro se spiritus æthere condat,
 Cælicolas ubi cernat, ubi cernatur ab illis?
 Ah quid non animo, quid non sum corpore passus
 Hac ego spe! quoniam tactos, fonte reperto,
 Transivistiens latice, languida traxi
 Membra fame! quoniam, Ceteris pro munere, cuiæ,
 Et gemitus alimenta mihi, lacrymæque fuerunt!
 Errantem mediis si sol exureret agris,
 Si ruerent densis hiberni nubibus imbres,
 Perfundar pluviis, dicebam, solibus urar:
 Tempus erit, cum cælestes in vectus in orbes,
 Altior & pluviis, & solibus altior ibo.
 Si sine me in molli celebrarent gramine ludos
 Pastores, si me terricum tristémque vocarent:
 Parcite, dicebam, cælo sperabimus ista,
 O pueri: cælum nobis majora reservat. (rec
 Quid, quod nescio quâ cum Phyllida Thyrsis ama-
 Infelix juvenis, Corydon arderet Alexin,
 Non nisi divinis mihi pectus amoribus arsit!
 Num minus idcirco turgent mihi lumina fletu!
 Idcirco nostras non audit silva querelas?
 Audiat usq; tamen: cælum modo lumina spectent.
 Usq; fluant lacrymis. Est quædam flere voluptas:
 Dulcis amarities lacrymarum, ipsæque querelæ,
 Ipsi delectant, qui sunt in amore, dolores.

Tondere in solis, puero duce, montibus herbas ;
Cura nec ad caulas serâ sit nocte reverti.

Ursus abest : urfi proprio rubuere cruore
Infecti toties agnorum sanguine villi.

NAB. Ibimus & lati exuvias, monumenta timoris
Præteriti, pagos circum villasque feremus :

Excipient pompam, tauris ad aratra relictis,
Agricolæ, nec se poterunt explere tuendo,

Mirati rictus, & adhuc à morte timendum
Aspectum, & diris assuetos cædibus ungues.

Cernere erit turbas puerorum, ipsosque sequentes
Cum terrore canes : ibit latratus ad auras :

Omne resultabit strepitu nemus, omne sonabit :
Regnat in urbe Saul ; rex nobis David in agris.

Tum, quæ vicinâ quercus stat maxima silvâ,
Tale sub affixis spoliis sibi carmen habebit :

Villoso caput hoc urfi, cæsisque leonis

Hæc, ô Posteritas, parvus tibi tergora David.

CH. Spargite humum foliis, foribus prætexite
ramos,

Pompa venit : David princeps & gloria pompæ :

Quid tum si tener est ? si primo flore juventæ

In nivæ flavos crispas cervice capillos ?

Quanto ursus vitulo ; quanto leo fortior agno,

Davidi tenero tantum leo cedit & ursus,

Non validus Samson, non, primû quos tulit ævum,

Pastores, quamvis geniti de stirpe gigantum,

Quamvis æriæ æquarent corpore cedros,

Certior infirmo pecori tutela fuere.

NAS. O invicte puer, tibi circumjectus Ephratæ

Collis, & intonsus Carmelus, & arduus Hermon

Dant plausum, pulsæ referunt ad sidera valles :

Regnat in urbe Saul ; rex nobis David in agris.

NAB. Arboribus vites decori sunt, collibus uvæ,

Armiento taurus, torvo sua cornua tauro :

Tu decus omne tuis. Te postquam cæde ferarum

Perfufum , & geminum filvæ videre cadaver ,
Venit honor filvis , fterit omnis pulchrior arbor.

CH. Viribus his alias , age , nunc circûſpice pugnas.
Nunc lituos audire juvet : nunc fortia bella

Aggredere , atque ipſos in prælia poſce gigantes.

NAS. Audeat arma manu quiſque te ſumere cõrra,
Næ de ſe corvis dabit ille voracibus eſcam.

Atque utinam nobis tantum ex hoc ſuppetat ævi ,
Tantum oris , quantum ſat erit tua dicere facta !

Non tali Gedcon , non tali carmine dictus

Nunaiades fuerit : vincet tua gloria priſcos,

Ut corylos ilex , myrtos procera cupreſſus.

Jam nunc Allophyli, Madian, Arabæſque, Syrique

Reſponſis horrent Divûm : tremat omnis Idume.

NAB. Intereâ textam de lauro ſume coronam ,

Et palmæ ramum pro tempore : quæque coloni

Parva ferunt læti , tu lætior accipe dona.

Ecce tibi calathis legerunt lilia plenis

Matres atque nurus : Tyrios potura colores

Vellera Bethlemiæ certant tibi nere puellæ.

Mittit mella Thabor : Libanus tibi ſpirat amomo :

Ducit in Engaddi tibi montibus uva colorem.

Sed neque de terrâ miſſum Galaditide munus .

Aſpernare , pedum nodis atque ære decorum ,

Quod dedit Obededon , & cum daret , Hoc ma-
nus , inquit ,

Iſta gerat , quæ ſemelſam extorquere leoni

Non timuit prædam , faucêsque invaſit hiantes ;

Digna manus ſceptra. Sed ſint ſua ſceptra Saûli ,

Et quâcumque volet regnet ſublimis in urbe :

Regnat in urbe Saûl ; rex nobis David in agris.

IDYLLIUM V.
MOYSES EXPOSITUS.

Argumentum:

*Infans à matre expositus Nilo committitur.*AD PETRUM VANDER BEKE,
IN PROVINCIALI FLANDRIA
SENATU REGI CATHOLICO
A CONSILIIS.

Oppida sint aliis ; campi mihi rurâque curæ.
Flumina me teneant : tenuerunt hæc quoque
Moyſen,

Et vitam & nomen, fluitans in gurgite summo ,
Debuit his olim : fluitantem gurgite summo
Musa refer Moyſen , primus qui pangere carmen
Instituit , tenuique gregem mulcere cicutâ.
Jam ferum Rachobeta suum sub luminis oras
Ediderat , jam mater erat , sed pœniter esse :
Et mallet nullum , quàm , quem servare tyranni
Iussa vetant , natum. Quantò formosior infans,
Tantò majori premitur luctûque , metûque.
Ergò perire sinat , vitæque in limine primo ,
Quem peperit , mitti pariatur piscibus escam ?
Idcircone decem tulerit fastidia mensûm ,
Et fuerit duro partus defuncta labore ?
Nil Pharaô jubeat crudelius. Ut grave tandem
Cesset opus laterum , cessent immitia lora ,
Et scuticæ , & fustes ; instat fors durior illis.
Ipse puer quovis magis exactore fatigat
Infaustam nimium matrem. Quodcûmque moveri
Audit , qui sobolem rapiat , qui mittat in undas ,
Adventare putat ; nec quid fugiâtque , petâtve ,

Nec quid agat, certum est. Urget rex, regius ædes
Lictor obit : prodit sese vagitibus infans.
Sic, lupus interdum cum iam ferus ambit ovile,
Balatum ignari tollunt sub matribus agni.
Quid faciat? præter questus, solamen inane,
Nil habet in promptu : nec adhuc hos edere tutū.
Rēsne, rogat tacitè, nimii foret illa favoris,
O Superi, si, qui serviles crescat in usus,
Sitque miser mecum, puerum servare daretis?
O ubi, quem vates nunc expectare jubebant,
Ille sui vindex populi, qui compleat omnem
Prodigiis Memphim, qui terram ducat in illam
Assertos hinc Hebræos, ubi fata beatas
Promittunt sedes, & mella fluentia campis?
Illius adventum, nisi spe nos ludat inani,
Quàm fuit optandum non hoc prævertere partu!
Sic ait, & vano nequidquam fluctuat æstu,
Atq; animum nunc huc, nunc anxia dividit illuc.
Cum tandè: Quod non aliunde, à fluctibus, inquit,
Speremus; quemque insontis servire tyrannus
Exitio voluit, quæramus in amne salutem.
Dixerat, & lento fiscellam è vimine textam
Inducit cerâ, ac patientem reddit aquarum.
Ter puerum immissura fuit : ter victa dolore
Destitit : haud aliter tumulandū imponeret urnæ.
Postquam pauca dedit tamquam suprema jacenti
Oscula, flens flentem Superis committit & undis.
Vade, ait, infelix (agilèmq; à littore corbem
Impellit trepidante manu) fluviòque secundo
Labere. Si pereas, non me spectante peribis;
Si Superis curæ es, quam me tibi ferre negarunt,
Nilus opem præstet. Nilum sensisse putares:
Sic substernit aquas, sic summo leniter alveo
Commissum sibi portat onus. Natat ille pericli,
Nuper ut in cunis, securus. Fiscina quantum
Parya vehit fati! qui sic natat, arbiter olim

Unda

Undarum legem ponet fluviisque marique.
 Hujus ad imperium decurret in æquora Nilus
 Decolor, & fluctus mirabitur ire cruentos.
 Huius ad imperium refugii maris unda dehiscet,
 Et via diducto pandetur sicca profundo.
 Arduus hinc stabit gurgēs suspensus, & illinc:
 Securi pedites imis gradientur arenis. [præsto,
 Tantum aliquis, quo nunc agit in discrimine,
 Sit misero, & sorti tribuat superesse futurae.

IDYLLIUM VI.

MYCON.

LYCIDAS, CHROMIS.

Argumentum.

*Amorem impurum execrantur; caelestem
 commendant.*

AD FERDINANDUM DEL PLANO,
 SOCIETATIS IESU,
 RECTOREM GANDENSEM.

MY. **I**Bam, quæ Grudiis sinuosus Dilia campis
 Labitur, & multo convestit gramine ripas.
 Errabant circum pecudes, perfectæque latè
 Pascua mille boves tondebant; mille bidentes.
 Dum tacitus Superos veneror, sicut meus est mos,
 Ecce tibi subter salices Lycidasque, Chromisque,
 Et cantare pares, & respondere parati.
 Ut Lycidas contrà me conspicit, Huc ades, inquit,
 Care Mycon: non te Chromin audivisse pigebit.
 Accedo, & socius positus in gramine jungor.
 Incipiunt illi meditados dicere versus.

Sic Chromis exorsus: Lycidas sic deinde secutus:

CH. Eheu, quàm pingui taurus macilentus in her-
 bâ est!

M 4

Ubera quàm referunt Corydoni sicca juvenæ !

Impius est Corydon , nec munera ferre sacellis ,

Nec curat dare vota Deo : Deus illa rependit.

LY. Incolumes pascuntur oves, capræq; Menalcæ.

Eac sub solstitium , læ frigore suppetit illi.

Reginæ Superûm nullâ non luce Menalcas

Supplicat : hæc illi Superûm Regina rependit.

CH. Jactat Damortas sibi quæ Galatea locuta est ,

Et Superûm ferri demens exoptat ad aures.

At me lascivæ capiant quàm verba puellæ ,

Experiar rabidi dentes , præcor , antè molossi.

LY. Interit indigno Nisæ deceptus amore ,

Dicit & in Divos moriens verba aspera Damon.

At similis quàm me teneat vesania , fiam

Obvius antè lupo desertis solus in agris. [pes

CH. Accipiter nidis, stabulis lupo, improba vul-

Coribus infesta est ; pueris amor atque puellis.

Ah sæve, ah fallax amor , ah mortalius hostis,

Ut tua lethifero sunt illita tela veneno !

LY. Alitibus laquei , mendaces piscibus hami,

Re:ia cæca feris ; homini metuenda voluptas.

Decipit , ac rituprensatæ elabitur umbra ;

Corda tamen morsu vel sic ferit ista tenaci.

CH. O quibus est primi, juvenes, vigor integer ævi,

Si studium vobis passim conquirere pulchras,

Vertite ad hanc curas , huic vos addicite servos,

Quæ peperit Numen ; quid enim formosius illâ ?

LY. O quibus est florens ætas & forma, puellæ,

Mutua vos si cura tenet , studiumque procorum ;

Sit, facite, ante omnes vobis in amoribus ille ,

Quem peperit Virgo ; quis enim tam dignus amari ?

CH. Triste gregi icabies, demessis nimbis aristas,

Florenti ceraso nebulae ; juvenilibus annis

Infansse mihi. Testes sunt pascua & agri ,

Quàm crebri ex imo gemitus mihi pectore sur-
gant.

LY. Dulce

LY. Dulce apibus flores, ver floribus, aura Favoni
Purpureo veri; nullos experta furores

Ætas prima mihi. Nec agri, nec pascua norunt,
Quanta mihi manent ex illo gaudia fonte.

CH. Jam matura mihi vires firmaverat ætas,
Cum nil jucundum, nisi quod me perderet, esset.
Quid volui demens? inter requiescere spinas,
Dulciâque ex ipsis extundere mella cicutis.

LY. Tertius à decimo nondum me ceperat annus,
Cum desideriiis cœpi cœlestibus uri.

Tempore ab hoc sic ille meo sub pectore crevit
Ardor, ut æstivi maturâ luce calores.

CH. Hei mihi, quàm brevis est quæ nobis duci-
tur ætas!

Ut fugit, inque modum numquam revocabilis
undæ

Labitur! ah miseri! vix paucos fata dederunt,
Et tamen è paucis multos disperdimus annos.

LY. Hei mihi, quàm longâ est ardenti cernere
numen

Una dies! ut cor illi tabescit in horas!

Non ita purpurei, curvum quos læsit aratrum,
Deficiunt flores, tactæque uredine messes.

Finierant. Visi cygnos superasse Myconi,
Quasq; novum volucres audit ver. Tityrus, inquit,

Utque sibi placeat, seu fagi lentus in umbrâ
Formosam doceat resonare Amaryllida silvas,

Seu dicenda suo (sed quæ legat ipsa Lycoris)
Ad Siculos fontes meditetur carmina Gallo.

Dulciùs agrestes alter non inflat avenas,

Credo equidem: sed quæ cœlestes cantat amores;
Hæc sonet, hæc nostris celebretur fistula campis.

THYRSIS, DAPHNIS.

Argumentum.

*A rebus spectabilibus assurgunt ad Deum.*AD IOANNEM BAPT. VAN HOLLANT,
E SOCIETATE IESU.**C**ampus erat: fons in medio, quem plurima
fagusAmbit; ad hunc Thyrsis cum Daphnide fortè
sub æstumCompulerant pecudes, ambo cantare periti,
Ambo divinis accensi pectora flammis.

Dulcia, Thyrsis ait, ventorum hîc sibila, Daphni,

Dulcia de saxo labentis murmura lymphæ,

Dulcè strepūt volucres; sed vox tua dulcior illis.

Daphnis ad hæc: Quin tu frontem mihi baccare
cingis,Quando ultra placitum laudas? præconia, Thyrsi,
Hæc tua sunt; te Pierides fecere poetam:Et tantum tibi nos, quantum vel oloribus anser,
Rauca vel argutis concedit rana cicadis.

Si tamen egelidâ juvat hîc paullisper in umbrâ

Mecum, vel calamis cantum, vel voce ciere,

Experiar quid possim. Age, carmina tu cane prima,

Carmina tu cane prima; tuus canet altera Daphnis.

TH. Ludere si calamis, si vocem solvere cantu

Est animus, sit prima Deus, sit & ultima nobis

Miteries, bone Daphni. Regit Deus omnia, terras,

Et mare, cùmque suo magalia rustica cælo.

D. Principium rerum Deus est, & terminus idem,

Fatorum dominus, vitæ, quam ducimus, auctor.

Auctori vitæ sua laus, sua semper apud me

Car-

Carmina erunt : vos hæc memores ediscite fagi.

TH. Aspicias ut segetes agros, ut gramina campos
Lætæ regant, lætæ tumeant in vitibus uvæ ?

Omnia sunt illius opus : nisi faverit ille,
Nec segetes veniant agris, nec gramina campis.

D. Aspicias ut torrens modò terris incubet æstas,
Aëris ut vitio pecudes moriantur & herbæ ?

Omnia sunt illius opus : si respicit ille,
Descendent pluvix, superabunt flumina ripas.

TH. Ver pulchrum, cum se terris nova germina
tollunt,

Cum redeunt flores : pomis autumnus & uvis
Pulcher : at ut fuerit notus tibi conditor horum,
Nec vernum decus, autumni nec munera laudes.

D. Pura nitet cæli facies, seu nocte fugatâ
Aurora in roseis effert se lutea bigis,
Aurea seu serus succendit sidera vesper ; (dent.

Si ad Dominum spectes, jam cælum & sidera for-

TH. Omnia sol lustrat, quovis diffunditur aër :
At quò nec penetrat sol, nec diffunditur aër :

Præsens Numen adest, frustra fugit, & sua quis-
quam

Sperat in obscuris abscondere crimina silvis.

D. Omnia sunt certas sortita ab origine sedes.

Flumina amant pisces, montes animantia, cælo
Gens hominum nata est. frustra hîc sibi conserit
hortos,

Frustrâ aliquis multos vitæ sibi postulat annos.

TH. Terrâ vale : totus cœli succendor amore.

O quoties illuc, & quæ suspiria mitto !

Non ita lethali confixus arundine cervus

Sepositi fontis gelidas aspirat ad undas.

D. Tytire, balantes audin' in ovilibus agnos ?

Absunt jam nimium matres. Absentibus agni

Matribus ut mœrent, ut matres Tityre, quærunt,

Sic absente Deo mœror consumit amantes.

TH. Solus

TH. Solus amans novit, quo claudat funere vitā.
Res amor est violenta; mori nos denique cogit.

Atque utinam cogat! crescet post fata, nec illum
Vincere mors poterit, quamvis mors omnia vincat.

D. Solus amans novit, quā spē sua tempora ducat.

Quas segetes æstas, annus quæ vina daturus

Serior, in dubio est: fallunt sua sæpè colonos,

Pastores sua vota: Deus non fallit amantes.

TH. Non teneræ ventos coryli, nō frigora-myrti,

Vinea grandinibus mixtos non sustinet imbres;

Nec mihi fert tantos animus, quibus æstuat, ignes.

O amor, ô nostras moderatiùs ure medullas.

D. Non saturantur aquis pisces, non rore cycadæ,

Nec volucres cantu; nec apes florente saliceto;

Nec mihi sufficiunt quibus intus amoribus uror.

O amor, ô nostras violentiùs ure medullas.

Talia cantabant pueri, dulcēsque fovebant

Pectoribus flammæ, & fletibus ora rigabant.

Audiit, & vitreâ flavum caput exculit undâ

Pastorum insolitos Scaldis miratus amores.

IDYLLIUM VIII.

In obitum Natalis Rondinini S. D. N. Alex-
xandro Papa VII. ab Epistolis ad
Principes.

AD EMINENTISSIMUM CARDINALEM
PAULUM RONDININUM FRATREM.

Define fraternū lachrymis urgere sepulchrum,
Paule supervacuos effundere defunctus.

Frater adhuc superest, & post sua funera vivit.

Quos coluit, vitam noménque dedere poetæ.

Æquora dum Tiberis, Tiberim vicina subibunt

Flumina, quas raptò laudes scripsere, legentur.

Hæc

Hæc vaturn pietas : nec adhuc Natalis amati ,
Quo se cumque ferunt , occurrere cessat imago ,
Visa loqui fidis , velut antè solebat , amicis ,
Et dare complexus , & tendere brachia frustra .
Nos etiam (& nobis sunt carmina , nos quoque
vatum

Dicimur è numero , rimidè sed credimus , esse)
Nos etiam procùl à Latio , procùl Alpibus illi ,
Quà licet , extremos mæsti curamus honores .
Exequias facimus , tumultumque sacramus jnanem ,
Et sua dilectos manes ad sacra vocamus .
Huc Natalis ades : solemnia solvimus umbris
Belgæ justæ tuis . Belgas Natalis amavit .
Clitumni ripæ , Romanique Umbria testis
Patria Callimachi , fatis ut nuper ademptum
Fleverit Hosschiaden : (Romano proximus ille
Callimacho fuerat) simul indè à finibus illis
Inferias caræ pia carmina miserit umbræ .
Nil homini certum est . Egon' hæc , Natalis , amico
Cum faceres , eadem tibi mox præstanda putavi ?
O expectatum frustra tibi longius ævum !
Vixisses saltem , dum , quæ gens omnis & ætas
Noscet , Alexandri licuisset dicere facta !
Non ali s plus se jactassent sæcula fastis .
Raptus es ante diem , nec adhuc sat cognitus orbi :
Raptus es , & tecum solatia rapta tuorum .
Ipsi etiam montes , ipsæ tua tristia fata
Fleverunt rupes : sed mors est durior illis ,
Et tantum precibus , cum summa vocaverit hora ,
Tantum lamentis hominum mitescere novit ,
Balatu teneri quantum lupo efferus agni .
Quid clarus sanguis , quid sit domus inclyta , nescit .
Stirps tibi contigerat titulis insignis avitis ,
Ingenium stirpi , virtus æqualis utriusque .
Ut decori vires ulmis , ut vitibus ulmi ,
Te genus ornabat , generi famamque decusque

Tu

Natalis salve. Tua jam tibi præmia constant.
 Aspice nos. Quæ sit vòtorum summa, requiris?
 Quæ tibi nuper erat. Petimus quod sæpè petisti.
 Vivat ALEXANDER: nos sospite vivimus illo.
 Vivat, & hic populos cœli favør ibit in omnes.
 Non radios Titan, quàm curas ille paternas
 Latiùs extendit: quidquid vastissimus æther
 Orbibus immensis, animo complectitur ille,
 Communisque pater toti se dividit orbi.
 Relligio, cultusque Dei super omnia curæ.
 Hostis Alexandri est, quem non habet illa faventē,
 Si premitur, fulcit; si quæ labat, ipse ruinam
 Sustinet, & quidquid non est reparabile, deflet.
 Quales esse suos, quævis vivere moribus optet,
 Exprimit ipse suis, & vix imitabilis ulli
 Quémque suæ vitam cuperet componere vitæ.
 Præmia digna quidem meritis oramus ut illis
 Særa tamen veniant. Subeat, fac, sidera tardè,
 Dèque tibi dentis illi Deus augeat annos.
 Illi Roma diu regimen quo gaudeat, illi
 Debeat æternam mundi pars cetera pacem.
 Pannoniæ fines, habitataque Thracibus arva
 Mars petat: in diros vertantur prælia Turcas:
 Auctor Alexander belli nova fœdera jungat:
 Evocet Europæ populos, atque agmina magno
 Auctorata Deo trans Hæmum mittat & Hebrum.
 Nomen Alexandri Byzantî terreat arces,
 Concutiat Rhodopen, Hypanim cum Strymone
 turbet.

Bistonibus fatale, feris fatale Gelonis.
 Illius auspiciis Aquilas, & Lilia, & auro
 Vellera fulva, Crucis fulgens super omnia signum
 Bosporus everfis videat succedere Lunis.
 Quò ferimur Musæ? revocant Natalis ad urnam
 Nos cari cineres, & dona novissima poscunt.
 Sparge puer flores, & vaturn insignia lauros,

280 GUILIELMI BECANI
Et dic : ista tuo , Natalis , spargo sepulcro :
Ut viret æternùm laurus , tua vivida semper
Gloria , Alexandri famæ comes , ibit in ævum.

IDYLLIUM IX. MOYSES INVENTUS.

Argumentum.

*Moysem expositum Merris filia Pharaonis
invenit , & adoptat.*

AD CASPERIUM GEVARTIUM,
CONSILIARIUM ET HISTORIOGRAPHUM
CÆSAREUM AC REGIUM ,
ARCHIGRAMMATEUM ANTUERPIENSEM.

BUcolicæ Musæ , labor iste novissimus esto .
Rursus adire Pharon , magnùmque revivere
Nilum.

Niliaco Moysem jactant in gurgite fluctus.
Ah , ne dulce caput violentior obruat unda !
Ah , ne monstrorum , quæ plurima Nilus in altis
Nutrit arundinibus , puerum ferat æstus ad antra
Nile pater , quæ te servato fama per orbem
Hoc infante manet ? minus est , quod vastus &
ingens ,

Quod septemgemino volvaris in æquora cursu ,
Quod per te nullos tellus tua postulet imbres .
Sed jam crescentes pronus sol duplicat umbras ,
Et vespertino rubuerunt lumine fluctus :
Noctem ille in mediis desertus an exiget undis ?
Exacturus erat , regis nisi filia Merris
Auxilium sævo melior genitore tulisset .
Liquerat illa suis urbem comitata puellis ,
Gratâque flumina captabat frigora ripâ .


Pars

Pars comitum natos legit inter gramina flores,
 Aut lectos in ferta ligat : pars carmina dicit :
 Illas camporum ; tenet has aspectus aquarum.
 Dúmque tenet ; prono fiscella allabitur alveo.
 Quid raris ista feret ! quærunt. Ditabimur, inquit
 Regina, & ridet : simul hoc ; simul illa propinquat.
 Jam tetigit litus , jam quod cognoscere possit
 Cernit : erat paucis à mensibus editus infans.
 Vagitū tum fortè dabat. Miser, heu ! miser, inquit,
 Quisquis es , Hebræus : certè : miseranda parentes
 Infaustumq; genus prodit fors. Nec mora : corbis
 Ex undis ; è corbe puer , velut unio conchâ,
 Eximitur. Quales parvi pinguntur amores ,
 Talis erat : leni suffunditur ora rubore ,
 Cetera candidior cygnis : mansere reliqtæ
 Hic illic guttæ , quales in floribus hærent ,
 Qualis manè novo tenerâ ros lucet in herbâ.
 Ipsa manu propriâ terfit Regina madorem.
 Inde venustatem contemplans oris , & artus
 Lacteolos : Quàm non , inquit, mittendus in istos
 Hic fuerat calus ! cu huc ut brachia tendit
 Arridens ! ut me blandis aspectat ocellis !
 Infelix Hebræa , Deus cui gignere talem ,
 Nec servare dedit ! sed si patet ista jubere
 Sustinet , & naso Isacidam pro crimine ducat ,
 Quis prohibet nos esse pias ? crudelior ut sim
 Fluctibus ? ut perdam, cui fluminis unda pepercit?
 Atque utinam tali fecissent prole parentem
 Me Superi ! sed quod natura Deusque negarunt,
 Hoc tibi debebo , Pietas. genuisse putabo,
 Quem sic servaro : nec me non matris habebit
 Ille loco , nostro qui non nisi munere vivet.
 Vive ergò , & sensim regali nomine dignos
 Dilce puer mores , nosterque assuesce vocari.
 Quam tibi cùmque Dii voluerunt esse parentem,
 Noster eris , raptusque ex amne vocabere Moyfes.

Dixit

GUILIELMI
B E C A N I

E SOCIETATE IESU
E L E G I A R U M
LIBER PRIMVS.




PARVULO,
DEI VIRGINISQUE
UNIGENITO,
JESU
CÆLI TERRÆQUE
DELICIO.

POËSIN non ut alias scientias
acquiri vulgò aiunt : alias stu-
dio comparari ; ad hanc fru-
strà niti , quos natura eò non
ferat : alias ut ramos adoptivos animis in-
feri ; hanc instar primigeniæ stirpis ab ra-
dice pullulare : nasci poëtas , non fieri.
Sunt tamen qui dicant ab amore se factos,
nec nascendo sibi , sed amando ingenium
venisse. Cur id ego expertus non sum ,
Puer dulcissime, cùm de te scripsi ? cur in-
geniosum amor non fecit ? an usquam ma-
gis exerere se debuit ? an quidquam ama-
bilius quàm tu ? * *Magnus Dominus* , di-
ctum de te olim , & *laudabilis nimis* ; par-
vus factus es , & amabilis nimis. Quem
amorem majestas non obtinuit , benignitas
extorquet. Tunc te non amare crimen fuit ;
nunc

* *Psalms 47.*

nunc etiam inhumanitas est. Potentes erant divinitatis illecebræ, sed uti magnes majore vi ferrum attrahit, dum ipse ferro cinctus est; ita postquam humanos artus induisti, hominum corda potentiùs rapis. Præ mortalibus tamen eam vim Superi senserunt. E cælo ad stabulum attracti sunt, & relicto folio tuo, tibi ad præsepe applauserunt. Fortunati pastores, quibus cælestes cantus audire licuit! sed inde feliciores, quòd & ipsi præcones tui fuerunt. Hos æmulari ausus sum, & te carminibus meis materiam facere. Quidni auderem, quando post Cælitum laudes opilionum tibi studia placuerunt? Nec vereor ne tui amantibus nihil prosum. Lignis etiam viridibus, qui jam ardet, foveatur ignis; nec ex hortis tantùm amœnissimis, sed etiam è vulgaribus pratis apes mella colligunt. Cæli terræque delictum cano, quid de carminis elegantia sollicitus sim? Artis lenociniis alibi locus sit; hîc omnis in argumento gratia.

E L E



ELEGIA I.

*Tranſeamus uſque Bethlehem , & videamus
hoc verbum , quod factum eſt. Lucæ 2.*



Empora noctis eunt divini conſcia par-
tus. [toro.

Quisquis eſ , ignavo corripe membra
Non facit ad ſomnos hæc nox. exsur-
gite ſtratis :

Candidiora die tempora noctis eunt.
Ipſa domus Superum non ſe tenet : arduus æther
Panditur : aligerum deferit aſtra chorus.
Exoritur terris nova lux : ferit æra cantus
Æthereus : cælum quod ſolet , audit humus.
Nec vigilamus adhuc ? ſtudiis nec tangimur iſtis?
Nec pudor eſt , ſi nos lentior ardor agit !
Stirpe ſatus noſtrâ noſtros Deus induit artus.
Gens cæli minus hîc, quod ſibi plaudat, habet.
Eſte procul ſegnes : juvat ire , chorisque beatis.
Immixtum volvi Numinis ante pedes,
Et tanto venerandum ortu luſtrare mapale ,
Et dare ſacratis oſcula liminibus.
Salve parva quidem , nec magnis uſibus olim
Condita , nunc cælis invidioſa domus.
Non tibi fulgentes vario ſtant marmore muri ;
Arte laboratum non laqueare nitet.
At , quem non terræ , non terris vaſtior æther
Contineat , ſepto clauditur ille tuo.
At tibi naturæ magnus ſe credidit auctor :
Hæc opere ex toto vindicat antra ſibi.
Nec qualem cælo credunt regnare , timéntque
Mortales , talis ſub tua teſta venit.
Inde ciet tonitru , terrétque fragoribus orbem :
Præter vagitus hîc ſine voce jacet.

Inde

Inde ferit fontes, & noxia fulmina vibrat:

In te fasciolis brachia vineta tenet.

Aspirat tenerum, quidquid tu cernis, amorem:
Majestas illic, quo timeatur, habet.

Si beat & Superos, si jugi gaudia cursu,

Si fontes illic nectaris ire jubet:

Tu, fontes alios, rorantia lumina spectas,

Primâque divinis spargeris à lacrymis. [dis,

Tu planctus, cælum quibus ipsum commovet, au-

Ut sua, præque suis ut mala nostra gemat.

Si qualis fuerit semper, quantûsque, det illic

Cernere, cernentes assimilâtque sibi:

Tu similem nobis, nisi quòd sit egentior, ipsum;

Tu, nostri quid sit factus amore, vides.

Fortunata domus, quàm præ te regia sordent

Atria! paupertas quàm pretiosa tua est!

Præ foribus tibi nunc intendat aranea casses;

Pendeat ad crates sordida tela tuas;

Sit nunc, quàm stipulæ, tibi nil opulentius, & quàm

Sparsa pavimento quæ jacet herba tuo:

Tempus erit, gentes ad te cùm munera mittant,

Quas sol exorians occiduûsque videt;

Ipsa caput mundi cùm te colat inclytâ Roma,

Et tua præponat montibus antra suis.

Nec fore Iessides hoc non prænovit, Ephratæ

Hæc dum sæpè suas ad juga duxit oves.

Viderat hos humi suspensos fornice tophos,

Et Domini cunis saxa datura locum.

O quoties illis pia supplex oscula fixit;

Et sacram flexo poplite pressit humum;

Quæque suis Numen lacrymis loca spargeret olim,

Ipsè per hæc siccis noluit ire genis!

O quoties, hoc ne frigus captaret in antro,

Arcuit exustum solis ab igne gregem!

Ergò erit, aiebat, desertis Numen ut astris,

Rup: sub hac inopis matris alatur ope?

Arbiter

Arbiter ut rerum nostro de nomine dici,
 Davidisque olim gaudeat esse nepos?
 Fortunata specus, puerum quæ prima videbis
 Quærentem matris colla sinumque suæ.
 Nunc ego te, visent olim populique ducésque,
 Figenturque tuo regia labra solo.
 At tu rumpe moras sanguis meus, aspera quamvis
 Hic tibi sint primus saxa futura torus.
 Rumpere moras: nec te terris ostendere differ,
 Sæpè petite mihi, sæpè petende puer.
 Ipsi lætitiâ voces ad sidéra mittent
 Intonsi montes: gestiet omnis ager:
 Funder humus flores: stillabunt nectare colles,
 Et duræ quercus roscida mella dabunt.
 Audiam, & hæc manes inter me fama beabit,
 Et solvam lætus vota vel inde tibi.
 Dixerat. Audivit cælo tunc Numen ab alto,
 Exceptum laribus nunc, domus alma, tuis.

ELEGIA II.

*Peperit Filium suum primogenitum, & reclina-
 vit eum in praesepe: quia non erat eis
 locus in diversorio. Lucæ 2.*

Virgo parens facta est: Deus est è Virgine natus:
 Spectatum è cælo turba beata veni.
 Nec te pœniteat formosas relinquere sedes;
 Nunc aliquid noster pulchrius orbis habet.
 Qui vobis Dominus, nostrâ sub lege teneri,
 Et nostri voluit sanguinis esse puer.
 Spargite purpureos circum cunabula flores,
 Cinnamâque, & tenero balsama mixta croco,
 Et quidquid vestris fovet aura beator hortis,
 Non defecturas ver ubi fundit opes.
 Ver ibi perpetuum: nostro nunc exulat orbe;
 Inque locum nimbis horrida venit hyems.

Fronde carent frutices : periit sua gratia campis :
 Quo steterant flores , nix jacet alta loco.
 Atque utinam solæ regiones , sola rigerent
 Flumina ! non animos frigus haberet idem !
 Exciperent homines divinum pignus , & hospes
 Certaret Domini quilibet esse sui !
 Spernitur, heu ! tectaque venit communis egenus,
 Inque suo nascens non habet orbe locum.
 Ah genus ingratum ! tibi celsa palatia surgunt,
 Tectaque divitiis conspicienda suis :
 Compositum lecto mollis te somnus eburno
 Excipit, & pictâ stragula veste regunt :
 Ad miserum rector Superum compellitur antrum ;
 Nec quo fessa toro membra reponat habet.
 Excipit infantem durus lapis ; inque resectâ
 De fluviis ulnâ , straminibusque jacet ;
 Afflatumque bovis , sociique fovetur aselli :
 Hac rerum Dominus frigora pellit ope.
 Nate Deo , te longa novem fastidia menses
 Materno clausum sustinuisse sinu ;
 Te nostros sumpsisse artus , infirmaque membra ;
 Te patrio terras præposuisse polo ;
 Ut tandem in durâ quæras tibi rupe cubile,
 Et pecudes opres inter habere locum ?
 Astra ubi nunc ? ubi stellatæ , tua regia , sedes ,
 Et tot in obsequium millia prompta tuum ?
 Nempe amor agresti cælum mutare mapali
 Suadet , & in parvâ te jubet esse casâ.
 Illius imperium plus te , quàm Cæsaris , urget :
 Fert Cæsar leges gentibus , ille Deo.
 Cùm posses quovis , hoc jussit tempore lucem
 Aspiceres , quo non tristius annus habet.
 Nazareos intra muros sua parva parenti ,
 Quâ recipi posses , resque domusque fuit :
 Non tibi permissa est contingere ; parvâq; quavis,
 Ampla nimis visa est usibus esse tuis.

Hanc

Hanc rupem ferus ah ! hæc maluit antra subires,
 Antra quieturo vix fatis apta gregi.
 Illic parva tibi pater incunabula nuper
 Fabrili simplex arte pararat opus :
 Et , Manibus quandoque meis hæc ipse movebò ,
 Communis labor hic , dixerat , uxor erit.
 Hic illi , cujus vigili stant omnia curâ ,
 Nitemur somnos conciliare leves.
 Hic oculos figam faciem securus in illam,
 Aligeri quam non absque pavore vident.
 Porriget hic ridens dextram mihi , quàmq; tenebò ,
 Mirabor dominam fulminis esse manum.
 Et modò blanditias , modò verba precantia dicam ,
 Atque illi , quicum lusero , vota feram.
 Tu tua conjunges , Virgo , magnùmque stupebis
 Auxilio Numen lactis egere tui.
 Hæc , puer alme , pater sibi promittebat , eratque
 Talis de cunis curaque spēsque tuis.
 Ah ! præsepe tibi pro cunis contigit istis :
 Huc spes , huc rediit patrius ille labor.
 Cur hoc sis passus , causam quis quærit ? amasti.
 Hæc summa est : hinc lex tam tibi dura venit.
 Eheu ! jura tibi jam nunc si talia ponit ,
 Subiectumque tuum sic sibi nomen habet ;
 Si primo crudelis amor te cogit in ortu ,
 Quæ numquam fuerant perpetienda , pati ;
 Quid faciet , magnis (nec enim mitescere discit)
 Cùm te suppliciis viderit esse parem ?
 Care puer , quid post exordia talia speres ?
 Quis cursus vitæ sic ineuntis erit ?
 Ah ! tibi ne subeant aliquando tædia cœpti ,
 Nec , tanti , dicas , cur mihi terra fuit !
 Ne nimium caros tibi nos , nimis esse querare
 (Ut sumus) indignos pro quibus ista feras.
 Causa sumus , fateor , tantorum sola malorum :
 Esse sinas miseros , non eris ipse miser.

Vilis es & nihili, quia nos extollere cordi est:

Res majestatem deprimit illa tuam.

Sed tamen hoc ipso Deus agnosceris in antro:

Hic cultum, quem non templa dedere, feres.

Agnitus est terris jam nunc tuus ortus Eois:

Astra procùl cunis sunt famulata tuis.

Inde ferent qui sis testantia munera reges,

Et sua submittent hac tibi sceptra specu.

Præveniet gregibus pastorum turba relictis,

Pars melior populi primitiæque tui;

Téque vel in pannis venerabitur, & tua supplex

Numina, quâ caperis, simplicitate colet.

His tua principiis sensim se gloria tollet,

Et veniet magno fenore dignus honor.

ELEGIA III.

Invenietis infantem pannis involutum, & positum in præsepio. Lucæ 2.

Divitias alius fuscis sibi quærat ab Indis;

Et sua centenis jugera bobus aret:

Vos inopes panni, vos fartæ stramine cunæ

Majores quantò suppeditatis opes?

Invideo vobis, pueri quæ stringitis artus,

Fasciolæ. Cur non hac ego sorte fruor?

Quem gremio præsepe tuo complecteris, ulnis

O quanto meliùs pendeat ille meis!

Vile quidem lignum es: sed, cum tibi pignora
cælum

Tradidit hæc, quis det, tu quod es, esse mihi?

Quid loquor? ah! egon' esse quod es? egon' artubus illis

Duritiem cupiam supposuisse tuam?

Ritu ego brutorum natum excepisse Tonantis,

Sacraque, quæ lædis, lædere membra velim?

Hoc

Hoc vocant hostes. quanquā quos sentiat hostes
Parvulus hic ? à me sit procul iste rigor.
Atque utinam intranti nostrum licuisset in orbem
Instruere arbitrio tecta torumque meo !
Alta cedro starent, Pariisque palatia saxis,
Qualia regalis non videt ulla Sion.
Quas premeret cunas, opus Indi dentis, obiret
Purpura, gemmarum pingeret omne genus.
Eminus adstaret vigilum custodia; quales
Ambivit thalamum, nate Davide, tuum.
Quod si me servos inter censere minores,
Postremumque suæ vellet habere domus,
Essem, confiteor, quovis præ rege superbus,
Et caperem fastum non satis ipse meum.
Servitii merces ô quam mihi magna daretur,
Si possent illo lumina nostra frui !
Quàm vigilem, quàm me nonnumquam visus ha-
beret
Intentum obsequiis nocte dièque suis !
Dormiret ? ne quid posset turbare soporem
Curarem : foret hæc & mihi cura quies.
Nil vigil aspiceret, quod non vidisse juvaret :
Auribus acciperet non nisi læta suis.
Quid sicæ frondes, quid sint, nesciret, aristæ ;
Quid gelidi lapides, & sine veste solum.
Tota domus nardi, succoque maderet amomi :
Qui stabulis afflat, quàm procùl esset odor !
Quàm procùl ut sordes, quàm sit procul inde re-
motus,
Ut videat matri proxima bruta suæ !
Frigus ut hibernæ cum ventis sentiat auræ,
Nec sit qui parvo luceat igne focus !
Ut cunctis egeat, cujus sunt omnia donum ;
Ut, per quem læti degimus, ipse gemat !
Audis ? teneris totum vagitibus antrum
Personat : & gemitus vox quoque prima Deo est.

Virgo parens flenti turgentibus siccat ocellos ;
 Et lacrymis , eheu ! spargitur ipsa suis. [ris :
 Parce puer , quibus hanc crucies , dare signa dolo-
 Aptior adveniet planctibus hora tuis. [gunt
 Tempus in hoc illos differ , dum , quod modò pun-
 Stramina , divellent flagra cruenta latus.
 Dum crux præsepi succedet ; sanguis , & ipsæ
 Propannis plagæ dum tua membra regent.
 Incipe nunc dulci matrem cognoscere risu :
 Incipe virgineo velle sedere sinu.
 Molliter illa suis compressum stringat in ulnis ,
 Et ducat blandas cara per ora manus.
 Et modò blanditias leni tibi murmure dicat :
 Et modò det roseis oscula multa genis.
 Oscula quæ stabuli brumæque incommoda pen-
 sent ,
 Oscula quæ cælo te petiisse juvet.

E. L E G I A I V.

*Pastores erant in regione eâdem vigilantes ,
 & custodientes vigilias noctis super gre-
 gem suum. Lucæ 2.*

Pastores ovium , cælo gratissima pubes ,
 Assuetum campis , innocuumque genus ,
 Ut gregis hæc vobis custodia numine fausto
 Obtigit ! ut pretium grande laboris erit !
 Cernitis Aligerum lætos per inane volatus ?
 Æthereo quantus splendeat axe nitor ?
 Cernitis , in terras ut cæli regia migret ,
 Et nostro dominum quærat in orbe suum ?
 Illum jam vobis natum Davidis in urbe
 Iasseis virgo regibus orta fovet.
 Ite , sacros partus , demissaque pignora cælo ,
 Cùmque suâ puerum visite Matre Deum.

En vocat æthereum festis concentibus agmen,
 Quaque vocat, radiis lux nova signat iter.
 Nec quemquam, quod sit vilis, quod rustica, tarder.
 Sors sua: nec pudeat, turba quod estis inops.
 Non auro, non ille jacet spectabilis ostro:
 Non lictor clausas excubat ante fores.
 Adstabant cunis (cunæ præsepia, panni
 Velamen, lectus canna palustris erunt)
 Adstabant cunis, puerumque animalia cingent:
 Custodes habet hos corporis ille sui.
 Cetera conveniunt: absint genitricis amores
 Sedulitasque, nihil, quo recreetur, erit.
 Parva licet fuerint, tamen esse videbitis illi
 Præcipuas, quæ vos dona feretis, opes.
 Lac repidum, passas Engaddi collibus uvas,
 Defruta, & in ceris condita mella suis,
 Quæq; parens teneris substernat vellera membris,
 (Hei mihi! læserunt stramina molle latus)
 Excipiet gaudens, &, quo fugat æthere nubes,
 Vos illo aspiciet leniter ore puer.
 Vestraque brachiolis complectens munera parvis,
 Quà poterit, matri porriget illa suæ.
 Hen pietas! vix sacra pedem sub tecta tulere,
 Et tergit lacrymas (fleverat antè) puer:
 Sèque salutes vultu ridente salutat,
 Quodque Deum prodat, spargit ab ore jubar.
 Deproperant illi tenui munuscula cultu,
 Procumbuntque solo, concipiuntque preces.
 Atque aliquis, Quidni facilis pastoribus adsis
 Care puer? fies tu quoque pastor, ait:
 Te nec oves lassas humeris gestare pigebit,
 Nec medicas ægris applicuisse manus.
 Non erit armentis leo te custode timendus,
 Tutaque se mediis inferet agna lupis.
 Ubera lacte domum referent distenta capellæ:
 In pratis aries vellera tincta geret.

Pabula sufficient steriles jucunda myricæ,

Crescet arenoso fertilis herba solo.

Eia age care puer : tecum nova nascitur ætas ,

Primus ab integro temporis ordo redit.

Ferrea deficiet , toto gens aurea mundo

Surget : justitiam quælibet ora colet.

Te duce , si qua manent sceleris vestigia nostri ,

Irrita nullius causa timoris erunt :

Tu nova progenies cælo demitteris alto,

Occluamque diu pandis ad astra viam.

Eia age care puer , magnum patris incrementum,

Cara Dei soboles , noster & orbis amor.

Aspice , venturo lætentur ut omnia sæclo,

Ut pax nascenti rideat alma tibi.

Horrida jam positis mitescent sæcula bellis :

Junget amor populos : otia mundus ager.

Nec rastros parietur humus , nec vinea falcem :

Sponde suâ campos mollis arista teget.

Aurea mala ferent quercus, rubus asper amomum,

Alnus narcissos , & salianca rosas.

Occidet herba nocens , perdent aconita venenum,

Sræctea de taxi cortice gutta fluet.

Occidet & serpens , quâ decipiente parentes

Lethalis fusa est in genus omne lues.

Dixerat : applaudunt comites : notat omnia Virgo,

Et pariter tacitâ gaudia mente foveat.

Me miserum ! quod non hos inter noctibus illis

Sit mihi servandi tradita cura gregis ; [gem

Nec stabulum, & cunas, positumq; in stramine re-

Eius spectavi pars ego magna choxi.

Quod licet , illarum se pascit imagine rerum ,

Est stabulum & cunas mens sibi nostra facit.

Ante oculos puerum fingo , puèrique parentem ,

Ante oculos asinum cum bove stare meos.

Oscula sacris juvat hîc infigere cunis :

Hîc juvat ad teneros procubuisse pedes :

Et

Et pueri dulces, & dulces cernere fletus
 Matris, & his visis non tetinere meos.
 Divinis oculis ut primùm expresserat illos,
 Dixit Amor telis nil opus esse suis.
 Projice tela puer, pharetram depone, facèsque :
 Jam lacrymæ domini sunt mea flamma mei.

ELEGIA V.

Postquam consummati sunt dies octo, ut circumcideretur puer. Lucæ 2.

ERgò parùm est cælo stabulum subiisse relicto,
 Et nisi de paleis non habuisse torum ?
 Frigorâque, & ventos, & quidquid cogat egestas,
 Quidquid hiems puerum ferre, tulisse Deum ?
 Ergò divinis, tot post incommoda, membris
 Qui vix ullus inest, sanguis oportet eas ?
 Saxeus hunc illis cruciatu culter acerbo
 Extrahat ? ô durum religionis opus !
 Cuius ad hoc animus, cujus sat dextera fortis ?
 Ferreus ah ! quisquis vulneris auctor erit.
 Ferreus hoc viso, qui non sibi pectora lædi,
 Nec pueri pœnas æstimet esse suas.
 Ante alios tu te spectaculo Virgo cruento
 Subtrahe : sanguis erit, quem dabit ille, tuus.
 Tu nati tremulos artus, liventia labra,
 Nativo roseas absque colore genas,
 Tu se torquentem parvâsque levamine nullo
 Jactantem videas, & patiare, manus ?
 Subtrahe te : non sunt rigido tibi vincta metallo
 Viscera, nec ferri semina pectus habet. [esse
 Quid loquor ? hæc ipsa est, cultrum quæ stringit, &
 Sanguineæ legis dura ministra parat :
 Vulnere quæ infami divinos sustinet artus,
 Natâque de membris membra notare suis.

Sic secum, & fundūt lacrymas. Hæc prima fuerunt;
Expediunt gazas altera dona suas.

Dant regale aurū, & lacrymatā cortice myrrham,
Adjiciunt sacris thura cremanda focis,

Et super hæc animum : nihil est pretiosius illo ;

Nil reguin, quod det, dextera maius habet.

Lætatur puer, & meritos agnoscit honores,

Et pretium donis, quæ capit, ipse facit.

Aurum inopi assignat matri, patrique remittit

Thura, sibi myrrham prensat utraq; manu ;

Absconditque sinu, gustandamque admovet ori :

Agnoscit mortis prævia signa suæ.

Tum dare complexum, regūque hædere lacertis

Sustinet, & caro matris abesse sinu.

Qui sensus animi, quæ flammæ, quæ nova surgunt

Gaudia, dum jungunt os puerile suo ?

Et lubet in patriam, Reges, & Eoa reverti

Littora ? Sic cælo somnia missa jubent,

Ite boni, quæ vos Superūm mandata reducunt,

Et quæ præcones vult puer esse suos.

Mortalēque Deum, visūque in carne referte:

Este aliis, vobis stella quod antè fuit.

Felix hoc stabulo totum qui transigit ævum,

Figat & æternos hac sibi rupe lares !

ELEGIA VIII.

*Venit in spiritu in templum Simeon, & cum
inducerent puerum Jesum parentes
ejus, &c. & ipse accepit eum in ulnas
suas. Luca 2.*

Ferte faces templo : rutilent altaria flammis :
Insolito niteat clarior igne dies.

Eccē sacris sese Virgo penetralibus infert,

Cui venit & pietas, & decore ipse comes.

Forma

Forma illi, qualem nec præfert candida Phœbe,
 Nec matutinis lucifer ortus equis. (gestat,
 Tam formosa, tamen magis hoc, quod ad ubera
 Pignore, quàm specie conspicienda suâ est.

Oradyta ! ô magni felicia culmina templi !

O fortunatum, quod premit illa, solum !

Tempus ad hoc, quâvis vobis & cedrus & aurum
 Materies fuerit, vile fuistis opus.

Jam pretium i venit, primâque novissima vincit
 Gloria : jam nullus dignior orbe locus.

Plaude Sion : tibi quem promitti sæpius audis,
 En tandem vindex æthere missus adest :

Inferturque suam Superûm dominator in ædem,
 Jam puer, & teneræ jam leve matris onus.

Quò modò devoti flammis cultróque juvenci?

Quò cruor, & sacris exta cremanda focis?

Mitte greges ovium, nec sentiat hostia ferrum,
 Quæ veniente die, quæque cadente cadit.

Sistitur ad sacras agnus divinior aras,

Hostia supremo dignâque parque Deo.

Infelix, quòd non illum cognoscere cures,

Nec quæ sit mater, quis puer ille, roges !

Rumpe moras Simeon, & quâ sit origine natus,

Quid veniat, quo sit dignus honore, doce.

Accurrit : vires animus facit ; altâque templi

Limina jam senio nil remorante subit.

Hic ubi virgineis portari Numen in ulnis

Atton tûsque animi, devenerânque videt :

Ergò tuo tandem descendens, inquit, Olympo

Venisti populi spésque salúsque tui ?

Quique prius cælo nos exaudire solebas,

Ad tua nunc ultrò templa domúmque venis?

Quin etiam mediâ gaudes in plebe latere,

Et partem turbæ pauperis esse juvat.

Rex.

1 *Magna erit gloria domus istius novissima, plus
 quàm prima.* Aggxi 2.

Rex Superûm,quàm non tibi pristina gloria cordi?
 Majestas vilis quàm tibi facta tua est?
 Antè pedum fulero nîmis accessisse tuorum
 Crimen erat; populi te modò turba premit.
 Hæc loca visentem, nubes te densa tegebat;
 Est modò visendi copia plena tui.
 Votâque more novo coràm tractabilis audis,
 Orantûm lacrymis jungis & ipse tuas.
 Qui pennas Cherubim subjectâq; terga premebas,
 Virgineo gaudes nunc residere sinu:
 Sic te moliri quidvis, & ad omnia verti
 Cogit amor, similem nec finit esse tui.
 Hactenus. At tradi geminos ut deinde palumbos,
 Quæque solent inopes munera ferre, videt:
 Hæret,&, O nostri generis mundique redemptor,
 Hæcne,rogat, pretium sunt, puer alme, tui?
 Ah quantò pluris tibi nos constabimus olim,
 Vulnere erunt nummûm cum numeranda loco!
 Tum puerum poscit:videt ardescitque videndo:
 Jungit per longas oscula pressa moras.
 Stringit, &, O, inquit, gelidi senis ultimus ardor,
 Ten', puer, accipio? ten' ego, nate Deo,
 Invalidûmq; artus, moribundâq; mēbra gerentem
 Aspicio? manibus sustineoq; meis?
 Heu pietas! heu dulcis amor! tantûmne mereri
 Visa tibi miseri vota precēsque senis?
 Certè alacrem, lætûque, ac vitâ cedere promptum
 Dimittis servum nunc, Pater alme, tuum.
 Atque utinâ (quid enim post hæc optabile restat?)
 Summa dies oculis fulserit ista meis!
 Vidi, quam jussæ gentes sperare salutem:
 Quod lumen populis præsidiumque pares:
 Isacidum qui surgat honor, quæ gloria plebi:
 Ulteriùs votis non licet ire meis.
 Quò, Pater, ingratos extendam longiùs annos?
 In terris viso lux gravis ipsa Deo.

Mors

Mors veniat, dùmque hunc spectro, mihi lumina
claudat,

Et ferre ad manes nuntia læta sinat :
Mox fore, cùm victis fugiant Acheronta tenebris,
Et mutant superis tristitia regna locis :

Quod fuerat magno promissum semen Abramo,
Hos vidisse oculos, has tenuisse manus.

Sic orat, pignúsque suæ cæleste parenti

Reddit, & En, natum suscipe, mater, ait ;
Dùmque licet, gaude. Quantis mœroribus olim,
Infelix, quantis conficere malis !

Ecce dies veniunt, cùm, ceu spectabile signum,
Impetet hunc telis impia turba suis.

Quótque petent illum, tot tu feriere sagittis :
Amborum plagæ, quas feret alter, erunt.

Sarcina grata tuis sedeat nunc ille lacertis,
Pectoribúsque premar pectora cara suis.

Quæ nunc ille premit, transibit pectora mucro,
Inque animum vulnus visceraque ima feret.

Dixerat, & largo rigat ora senilia fletu,

Et miseræ jam nunc ipse dolore dolet :
Ipse etiam, causâ, dubites, matrísne, suâne,
Vagitu præfert tristitia signa puer.

Virgo oculos cælo tollens: Pater optime, quæ me,
Quæ cupies natum ferre, feremus, ait.

Ille tuas tibi nunc offertur parvus ad aras:
In luctus crescat, nil moror, ille meos.

ELEGIA IX.

*Remansit puer Jesus in Jerusalem, & non
cognoverunt parentes ejus. Lucæ 2.*

ANnua festa vocant : Solymam pete, regia
Virgo :

Sit comes assuetæ vîrque puérque viz.

Non

Nonne vides, quanto incensus genitoris amore
 Gestiat hoc tecum carpere natus iter ?
 Obsequitur Virgo studio natique, suoque,
 Quæque ferant templo munera parva parat.
 Sacra litant : sacris reperunt sua tecta litatis.
 Ille (quod ignorant) nectit in urbe moras.
 Prima parens, sed non nisi cum nox instat, abesse
 Comperit, & Conjux heu ubi natus ? ait.
 Ille metu pallet subito : scitatur amicos
 Anxius, inque agros prospicit, inque vias.
 Et tamquam propè sit, possitque audire vocantem,
 Dat signum, quo sint mater & ipse loco.
 Jam Fili, jam care puer, jam clamat, Jesu :
 Ipsa etiam Jesu, Virgo, venisne ? rogat.
 Vesper erat : non ad solitæ consortia mensæ,
 Non puer obscuræ tempore noctis adest.
 Tum verò incusant sese, miscéntque querelas :
 Alterius luctu crescit utrique suus.
 Et cur, mater ait, sese subduxerit ? heu me !
 Sollicitor mores ipsa timere meos.
 Angor, &, admissæ quamvis non conscia culpæ,
 Quod patior, timeo me meruisse pati.
 Et nunc ille aliquâ defessus forrè plateâ
 In nudo posuit languida membra solo.
 Nec stipulæ saltem, quales invenimus olim,
 Nec puero tectum, nec cibus ullus adest.
 Ah ne illum, qui nunc cadit æthere, noxius hu-
 mor,
 Ne frigus noctis, duræque lædat humus !
 Ah teneros ne longa fames exhauriat artus,
 Sistatúrque oculos pallidus ante meos !
 Digna quidem non sum, quicum velit ille mo-
 rari :
 Quam faceret matrem, sed neque digna fui.
 Fallor ? an alterius stat nunc exclusus ad ædes,
 Et frustra postem laxet ut illa, rogat ?

Pande

Pande i fores, dicit, venerunt tempora noctis,

Cara soror, moto cardine pande fores.

Jam mihi cincinnos gelidæ tinxere pruinæ :

Nocturno plenum jam mihi rore caput.

Quid faceres hosti, quæ sic excludis amantem ?

Pande, soror, moto cardine pande fores.

At semel exutas negat illa resumere vestes,

Nescia divinis cedere blanditiis.

Tempora causatur somni, lotosque recenter

Demens ah metuit commaculare pedes.

Non sponsæ curat, non blandum nomen amicæ,

Non quod formosam, quod sine labe vocet.

Nate, quid ingratae traducis ad ostia noctem ?

Huc ades : hæe pandent se tibi sponte fores.

Ipsi te postes, ipsum te limen, & ipsæ,

Ut cupias, orant accelerare seræ.

Mater amans, & amata tibi, nisi fallitur, orat,

Et desiderio deficit ægra tui.

Sic illa ; & meminit, Simeon quæ dixerit olim,

Et gladius, quo sit confodienda, subit.

Dæque senex gladio fuerit, quocumque locutus,

Accepi jam nunc non leve vulnus, ait.

Nec medicina meo speranda est ulla dolori,

Qui fecit plagam ni mihi præstet opem.

Non minùs invigilat curis, secumque maritus

Quærit, quæ puero facta, vel unde mora.

Cognatumne suum nemorum secreta colentem

Viserit ? & soli solus adesse velit ?

An potiùs seductus ait, regione viarum est,

Nec potuit turbâ nos prohibente sequi ?

Nam,

1 *Aperi mihi, soror mea, amica mea, columba mea, immaculata mea: quia caput meum plenum est rore, & cincinni mei guttis nocturnis. Expellavi me tunicâ meâ, quomodo induar illâ ? lavî pedes meos, quomodo inquinabo illos ?* Cantic. 5.

Nam , puto , non alias hinc est abiturus in oras :

Ostenfum populo se volet antè suo.

Ægyptum fuit ille quidem mihi visus amare,

Cum domus hîc nobis perfugiûmque fuit ;

Quando sed in patriam iussi sumus inde reverti ,

Cur rear huc illum velle referre pedem ?

Cælesti minùs est cur suspicer arce receptum ,

Hîc nondum summum quando peregit opus.

Forſan at Herodes patrias renovaverit iras ,

In se quærentes incideritque manus ,

Quæque pari primis Pater illum noluit annis,

Forſan adest , quo sint perpetienda , dies.

An frustra metuo , vanisque timoribus angor ,

Et nondum nobis imminet ille dolor ?

An citò se nobis , & secum quidquid amamus

Restituet , miseros nec finet esse diu ?

Sic mœstus mœstâ noctem cum conjuge ducit ,

Affectu vario distrahiturque senex.

Ut modò deprimitur vento , modò tollitur unda ,

Jam sperat , jam spes victa timore cadit.

ELEGIA X.

*Et non invenientes , regressi sunt in Ierusalem , requirentes eum : & factum est post tri-
duum , invenerunt illum in templo , se-
dentem in medio Doctorum.*

Lucæ 2.

EHeu ! quàm tardæ labuntur amantibus horæ,
Nec solito tempus creditur ire pede !

Noctis erat medium ; transactam Virgo putavit ,

Et quæſta est nondum Solis adesse jubar.

Sol aderat , stellæque dies abscondere cælo


Cœperat : hæsternum rursus initur iter.

Si

Si quis adhuc dubiâ sub prima crepuscula luce
 Eminus occurrit, Fallor, an, inquit, adest?
 Scrutatur quæ fixa solum vestigia fervet,
 Et pressam noto pondere quærit humum.
 Nunc hanc nunc oculos partem deflectit ad illam,
 Si qua est in varias secta platea vias.
 Unâque, seu pastor, sive est conspectus arator,
 Vox est, Ecquis iit ista per arva puer?
 Ut Solymam ventum est, vicos & compita lustrat,
 Quoque ferat, dubitat, quò referâtque pedem.
 Ipso quo properat studio tardatur, & omnem
 Conspergit lacrymis mœsta, notâtque locum.
 Hic, ait, in reditu fuimus: transivimus illac:
 O conjux, nobis huc fuit usque comes.
 Hic, ô me miseram! (sed cur quid tale timerem?)
 Implicitus dextræ desit ire meæ.
 Altera sollicitæ, jamque altera nascitur Eos,
 Incertas quòd non cesset obire vias.
 Res nova, confertâ populis sic urbe vagari.
 Quid faciat? cedit victus amore pudor.
 Progreditur: nunc hos, nunc flens interrogat illos:
 Describit, quales præferat ore notas. (stram
 Tali, inquit, facie est, qualem (nisi quod modò no-
 Deformat luctus) cernitis esse mihi.
 Alter in alterius dignosci possumus ore:
 Squalor abest illi; cetera matris habet.
 Quæ mihi continuo turgent modò lumina fletu,
 Illi sidereo pulchrius igne micant.
 Funduntur flavi per lactea colla capilli:
 Multa affusa labris gratia, multa genis.
 Quale ebur asperso dilutum murice, qualis
 Si rosa lacte natet, talis in ore color.
 Quò caput obvertit, nitet illic purior aër:
 Quos videt, his castus leniter afflat amor.
 Cultus adest simplex, amethystina vestis ad imos,
 Nostrâ texta manu, defluit usque pedes.

Ista

Ista patent cunctis ; nos plura videmus in illo :
 Plus aliquid formâ , quo capiamur , habet.
 At modò nos puero lux tertia conspicit orbos.
 Ah ! ut conficerer , plus satis una fuit.
 Vos ego per matris (vocem suspirat ad illam ,
 Appositâque premit pectora mota manu)
 Vos ego per matris nomen , Solymitides , oro ,
 Dicite si vobis visus in urbe fuit ?
 Illum ego vel mediâ Galilæi Regis in aulâ
 Non timeam sævos inter adire duces.
 Ad Romana meos prætoria si quis amores
 Vidit , Romanis inferar agminibus.
 Nil agit infelix , frustrâ queriturque , rogâtque :
 Augetur dolor hinc , unde requirit opem.
 Conversura preces aliò , questurâque cælo ,
 Ad templum , miseros quo Deus audit , adit.
 O rerum facies ! hîc en , hîc illa cupitos
 Ah nimiùm vultus , orâque cara videt.
 Hîc sedet in mediâ populique senûmque coronâ ,
 Dâtque sui specimen non puerile puer.
 Jam , veluti dubitans , interrogat ille peritos :
 Responsis turbam jam tenet ipse suis.
 Seu sua depromat , seu Vatum oracula pandat ,
 Pendere à pueri non pudet ore senes.
 Unde , rogant , istis sapientia talis in annis ?
 Atque aliquis , Felix quæ tibi mater , ait.
 Felix quæ talem gestavit ad ubera natum !
 Vivat , sitque diu pignore læta suo.
 Dixerat. Ille palàm matrem confessus honore ,
 Complexum turbâ conspiciente petit :
 Solaturque ægram , luctûmque in gaudia vertit ,
 Utque ita quæsitum se juyet esse , facit.



ELEGIARUM

LIBER SECUNDUS.

ELEGIA I.

CAROLI V. IMPERATORIS.
APUD GANDAVENSES NATI

GENETHLIACON.

AD URBEM GANDAVUM.

*Cum eam Ferdinandus Hispaniarum Infans
triumphali pompâ ingressus, proavi sui
memoriam renovaret.*



ANDA fave: da thura focis: da mu-
nera templis, (les.

Qualia nec victis hostibus antè so-
Jam bello partos superas in pace trium-
phos, (bes.

Téque aliquid, quamvis maxima, majus ha-
Quem maria & terræ, quem mox sibi regia cæli
Vindicet, ille tuâ nascitur urbe puer.

Æra sonent: latè festivo splendeat æther

Ignem: fremant plausu lætitiæque viæ.

Ducantur ludo noctes, agitetque juvenus

Læta choros: quemquam sit doluisse nefas.

Vicini colles, vicinæ assurgite silvæ:

Scaldi, jube fluctus purius ire tuos.

At tu vitales almi sub luminis oras

Edite, spes hominum, Carole, cura Dei,

Accipe .

Accipe qui rerum successus & ordo tuarum :
Præscribant vitæ quem tibi fata modum.
Quas nec noverunt alii , moderabere terras :
Surget in imperio nôxque diésque tuo.
Augebis virtute tuâ , quod avita paravit.
Auspiciis crescent regna paterna tuis.
Et proavis tu multa licet , tibi plura nepotes
Debebunt , per te qui caput orbis erunt.
Ecce tibi jam nunc extremæ munera gentes ,
Obsequiisque sui pignora certa ferunt :
Et dominas flexo veneratæ poplite cunas
Aspectu certant se satiare tuo.
Fallor ? an excelsio Jovis armiger ales Olympo
Hæsurum angustis fert diadema comis ?
Suscipe dona Dei , populisque assuesce regendis :
Vel teneras poterunt sceptrâ decere manus.
Sceptrâ quidem tibi mox : sed erunt simul arma
gerenda.

Gallia tranquillos non finet ire dies.
Bella, puer, video, crudelia surgere bella ,
Et conjuratos in tua fata duces.
At tu ne terrere minis. Dant bella triumphis
Materiam. Gaudet sanguine nomen ami.
Rex animis armisque ferox in prælia surget,
Et tibi , Pelidæ quod fuit Hector , erit.
Ecce per aërios rapit arduus agmina montes ,
Nec timet Alpinas primus inire nives.
Jam tenet Italiam , turmasque laceffit Iberas.
Quid facis ? invictas gens habet illa manus.
Stant acies : dant signa tubæ : concurritur. Eheu !
Ticini quantum sanguinis unda vehet !
Miscentur cædes : perimuntque , caduntque vi-
cissim :

Sed tamen indomitus fortiùs instat Iber.
Inter utrumque diu volitat victoria : tandem
Austriacas Aquilas notaque signa petit.

Maxima quæsitæ est : major modò gloria restat.

Post hostes , animum , Carole , vince tuum.

Et bellum , & belli victoria finiat iram.

Vindicta est regi pulchra, fuisse pium. [Etum,
Prospera Mars spondet : sed ad arma venire coa-

Amplecti pacis fœdera sponte decet.

Pax placet. Exhausti bellis gaudete coloni ;

Atque oleæ lætas cingite fronde comas.

Innocuo gladium miles commutet aratro :

Occupet in tenebris tela cruenta situs.

Quid loquor ? impietas irâ comitata doloque

Insidias alias & nova bella parat.

Carole , quid speras in tempora longa quietem ?

Hostis adest : turmas ad sua signa voca.

Ecce rebellatrix Germania cornua tollit ,

Et domini sumit in caput arma sui.

Sed non & sumpsisse volet. dabit improba pœnas,

Nemo in te poterit perfidus esse diu.

Parce tamen, posito si quando furore , scelûsque

Fassa , tuos supplex concidat ante pedes.

Vincere multorum ; proprium non perdere victos

Sit tibi : proximior gloria nulla Deo est.

Fulminat ille quidê ; sed paucos fulmina lædunt:

Contenta est solo Numinis ira metu.

Sed tamen interdum nocet & clementia. Multis

Ferri acies , multis attulit ignis opem.

Tu quoque ne nulli sis implacabilis : hostem

Crede tuum , quisquis Relligionis erit.

Relligio passis ad te miseranda capillis

Confugit. heu quantis fluctuat illa malis !

Et tamen , Odrysi quæ servit terra tyranno ,

Pacem habet , & felix impietate suâ est,

Et veteres clades , & nostri probra recenset

Nominis , & magnum ridet inultâ Deum.

Vade æge , damnatis infer pia gentibus arma

Bistonios ultra Sarmaticôsque sinus.

Hic

Hic odia, æternasque gere implacabilis iras :
Hac causâ pulchrum crede piûmque mori.
Sospite te, Scythicas paveat Germania Lunas ?
Austriaco rutilent Turcica signa solo ?
Sospite te, infames populentur littora classes
Itala ? sint populis æquora clausa tuis ?
Avertant Superi. Vertes hoc omen in hostes,
Captâque cum dominis barbara rostra trahes.
Per medias acies, Libycas penetrabis in urbes ;
Accedet titulis Africa terra tuis.
Fallor ? an Ismariis video stare agmina campis,
Byzantique arces, mœniâque alta quati ?
Me miserum ! cur hoc aliquis nostro invidet ævo ?
Successusque tuos propria damna putat ?
Quisquis is est, precor ut ne sit sine vindice, quæq;
Hostibus inferri non sinit, ipse ferat.
Nec tamen impedit quin ultra solis & anni
Notum iter extremo des nova jura mari :
Herculeasque ultra metas, Bacchiæque labores
Austriacum nomen imperiûmque feras :
Dum laudis famæque satur, moderamina rerum,
Sceptraque deponas, sufficiasque tibi.
Tum te sublimem titulos super atque trophæa
Ad cælum niveis Gloria tollet equis.
In tua certantes ibunt præconia vates.
Hei mihi, nil magnum quod mea Musa sonet !
Non majora tamen laudum monumenta tuarum,
Quàm benefacta tuæ posteritatis erunt.
Ergo, ubi de summo terras spectabis Olympo,
Quæque animis fuerant regna minora tuis,
Aspicias illic dignos te patre Philippos,
Quorum vita salus duplicis orbis erit.
Aspicias Carolos, æternæque Ferdinandos
Nomina ; in Austriacum nomina nata decus.
Quorum aliquis proavum Belgis ut reddat, & ævū
Olim restituat per tua facta tuum,

Annue cum reliquis de cælo , Carole , Divis.

Post tua sic etiam fata superstes eris.

ELEGIA II.

AD BELGICAM.

*De Serenissimi Ferdinandi Gubernatoris illi
destinati ex Hispania in Italiam na-
vigazione.*

IRe parat dubias Fernandus classe per undas :
Vota fer ad magnum Belgica ritè Deum.

Te propter , regnata suis majoribus arva,

Te propter , fratrem descriit ille suum :

Cúmque aliter nequeas,quàm quà finit æquor,adiri,

Æquoris incertas sustinet ire vias.

Scilicet hîc aliquid ventis debere necesse est :

Virtutis totum , quod superabit , erit.

Sed malè (me miserum !) ventis , malè fiditur
undis.

Oceano constans non solet esse fides.

His tamen ille suam cederet nostràmque salutem,

Spèique per incertas tanta feretur aquas ?

Et tota à fragili pendebit Belgica ligno ;

Et tantùm felix , si volet Auster , erit ?

O utinam Divis solvat raris illa secundis,

Sentiat & magni , quem vehat , unda maris,

Et commissæ sibi populorum vota duorum

Deferat ad portus , Ausoni terra , tuos !

O utinam venti veniant in vela ferentes ,

Et faciant celerem remus & aura viam !

Quæque regunt nautas , numquam fulgere sereno.

Sidera deficiant officiosa polo !

Tyndarei fratres , formosæ pignora Ledæ,

Præcipuè vobis convenit illud opus ,

Nam

Nam quod tu cælo Pollux cum Castore, terris
 Hoc cum fratre, ratis quem vehit illa, suo est.
 Qui fuit in vobis, vinclo qui vestra perenni
 Junxit, & illorum pectora jungit amor.
 Vos immortales fecerunt fata, nec illos
 Gloria permittet posteritasque mori.
 Vos jubare & radiis genitor circumdedit aureis,
 Hos genus illustres, & sua vita facit.
 Sidus sollicitis vos estis amabile nautis,
 Gratus hic populo sidus uterque suo.
 Denique quâ Virtus olim vos duxit, eâdem
 Hos quoque, sed serò, ducet in astra viâ.
 Vos igitur, cui se nunc horum credidit alter,
 Ne finite in mediis puppis ut erret aquis.
 Audior? an totus tenebris involvitur aër?
 Nox fugat atra diem: nubibus astra latent:
 Insurgunt venti: tolluntur in æthera fluctus:
 Exitium tumidæ triste minantur aquæ.
 Hoc Superi prohibere nefas, Hispania quotquot,
 Et non averfos Belgica quotquot habet;
 Et servaturum populos servate, nec unum
 Fluctibus his perdi credite posse caput.
 Belgica naufragium puppi patierur in illâ:
 Hei mihi! si frustrâ tot modò vota facit.
 Hei mihi! si vestras frustrâ procumbit ad aras,
 Et spargit lacrymis omnia templa suis;
 Si veniâ nondum digna est vestroque favore,
 Imperio dignam quam putat ille suo.
 Nequidquam timeo. Redeunt sua sidera cælo,
 Et rabiem Boreas ponit, & unda suam.
 Intolumes terram propè jam tenere carinæ;
 Jam portum è summâ navita puppe videt.
 Felicem terram, quæ gaudia debita Belgis,
 Præcipiet; felix, quod premet ille, solum.

ELEGIA III.

AD SERENISSIMUM FERDINANDUM,
*De morâ ei in Italiâ injectâ, & Alpium
transmissione.*

Rumpe moras, Fernande : manus tibi Belgica tendit,
 Tam tibi, tam fratri Belgica cara tuo:
 Et (quamvis Moncada nihil finit esse timendum)
 Nescio quo sine te fluctuat illa metu,
 Et plus à tanto (quamvis nihil ille reliquit
 Armis quod potuit consilioque geri)
 Plus tamen, ut par est, à tanto Principe sperat.
 Est aliquid, summâ ducere stirpe genus.
 Nec minus infelix sibi te Germania poscit,
 Indiget auxiliis nec minus illa tuis.
 Te vocat assiduis, ô Princeps, utraque votis:
 Dinumerat lentos utraque mœsta dies.
 Utraque cum vocat hæc, cur te tenet Itala tellus?
 Cur magis illius vota precésque valent?
 Cur regio felix damno manet una duarum,
 Plus justo nostris perfruiturque bonis?
 Jam certè discessit hiems; jam frigore pulso
 Apti viatori tempora veris eunt.
 Jam tibi miles adest summo Duce dignus, Iberis
 Et junxit turmas terra Latina suas.
 Eia age, rumpe moras; populis nec ferre salutem,
 Nec dubita laudes accelerare tuas.
 Quid loquor? obstitit nobis natura; voluntas
 Nec sua Ferdinandum, sed grave tardat iter.
 Quoque minus veniat, tangentes vertice cælum
 Impediunt Alpes, impediuntque nives.
 Hoc est, infidi quod post discrimina ponti,
 Post dubios timuit Belgica sæpè Notos.

Sed

Sed frustra timuit. Nam quod natura negavit,
Hoc illi virtus jam sua pandet iter.

Nempe datur forti quovis penetrare : nec ulla
Invia virtuti difficilisque via est.

Quis teneat volucrum, ne tendat in æthera, flam-
mam ?

Quis faciat nimbis fulminibusque moram ?

Quis clausum cæcis vetet expirare cavernis,
Et cælo Boream liberiore frui ?

Quis, virtus obices nequeat quos vincere, ponat ?
Semper vel reperit, vel facit illa viam.

Hac duce Fernandus per montes nubibus æquos,
Incola quos tuto vix subit ipse pede,

Per rigidas cautes & inhospita saxa, gelæque
Obsita perpetuo per loca carpit iter.

Hac duce præcipites contemnit rupium hiatus,
Nec timet abruptas per juga summa vias.

Et quò consuetas pasci per saxa capellas
Vix ageret pastor, hîc sua castra locat.

Scilicet ad magnos sic tendimus, inquit, honores :
Ad famam mollis non solet esse via.

Principis exemplo miles non segnior instat ;
Et pudor est tardè, quò præit ille, sequi.

Ante alios festinat Iber, fortémque probare
Jam tum præcipuè se studet ille Duci :

Et mediis dum pendet adhuc in rupibus agmen,
Jam tum pugnandi tempus adesse cupit.

Jámque animos, jámque arma parat, jam concipit
iras,

Jam spondet palmas exuviásque sibi :

Et quasi vicinum convitia jactat in hostem,
Nec, nisi cunctari ne velit ille, timet.

Gaudete ô Tylij, Feriæ gaudete sepulti,
Qui vestras clades expiet, ultor adest.

ELEGIA IV.

D E

VICTORIA AD NORTLINGAM

*Obtentâ à Serenissimis Ferdinando I V.**Hungaria Rege , & Ferdinando**Hisp. Infante.*

Plaudite iô populi , patriæ quos cura Deique
 Tangit, & antiquæ relligionis honor.
 Plaudite fortunam qui vestram ducitis esse ,
 Austriacæ Numen quam volet esse Domus.
 Et tu flere tuos (quamvis jam sæpè coacta
 Cæsare sub tali non patienda pati)
 Desine flere tuos tandem Germania casus :
 Desine fatorum de gravitate queri ;
 Tristibus ut passim tua videris oppida flammis ,
 Sanctâque cum signis templa flagrare suis,
 Civibus exhaustas urbes, cultoribus agros ,
 Pinguia de domini sanguine prata sui,
 Deletasque acies, totisque cadavera campis
 Sparsa, cruentato non benè tecta solo.
 Germanas aquilas hosti cecisse pudendo ,
 Vincere consuetos vincla tulisse duces,
 In mare Danubium cutrus volvisse virósque ,
 Purpureas Rheni sæpè fuisse vias ,
 Et quæ, quàm dici possent majora, tulisti ,
 Desine funestis ingeminare modis.
 Jam facies rerum versa est : jam cœpit Olympo
 Candida depulsis nubibus ire dies.
 Pristina sors rediit : versisque in prospera fatis
 Ultio sumpta tuis dignaque parque malis.
 Succubuit tandem, qui pridem debuit, hostis ;
 Quæ meruit belli præmia, cæsus habet.

Fune

Funeribus complet, modò quos vastaverat, agros;
 Quâ segetes vetuit crescere, mordet humum.
 Sparta manu sævâ miseris incendia villis
 Restinxit rivo sanguinis ipse sui.
 Gratia magna Deo: vetuit Deus ipse manere
 In sibi sacrato signa inimica solo:
 Indignâsque neces, terrisque illata suorum
 Jussit ad auctores damna redire suos.
 Emendare suam voluit non perdere gentem,
 Et pietate minor, ut solet, ira fuit.
 Proxima virtuti debetur gratia vestræ,
 O animis similes nominibusque Duces,
 O consanguinei duo fulmina Ferdinandi,
 Vestrum est, post Numē, quod jacet hostis, opus.
 Per vos parta salus: quidquid Mars pluribus annis
 Peccavit, per vos reddidit una dies.
 Annorum clades per vos lux una rependit,
 Reddit & amissum quidquid ubique fuit.
 Quæ prius intulerat, quæ mox inferre parabat,
 Turpiter hæc hostis cogitur ipse pati.
 Spes ubi nunc, VVimare, tuæ, vocēsque, minæque?
 Illa ubi Cæsareæ certa ruina domus?
 Si nescis, domus hæc humanis altiùs ortum
 Tráxit, & è cælis, unde perennet, habet.
 Invidiæ scopulus, sed vertice sidera tangens,
 Quem rabidi frustra verberet aura Noti.
 Hæc domus, ut duris truncata bipennibus ilex,
 A damnis animum ducit opēsque suis.
 Hac daret eversâ Germanis altera leges?
 Se populus domino subderet ille novo?
 Imperij sacras regeret peregrinus habenas?
 Austriacâ gereret sceptrâ gerenda manu?
 Demens, illa tibi quando spondere tuisque
 Ausus es, hos aleret cùm domus ista duces,
 Quorum hic auspiciis fraternis, ille paternis,
 Inviçtuque animis esset uterque suis.

Faverit, ut cæca est, tibi fors hucusque, virûmque
 Mars dederit letho millia multa tuus :
 Austriadas sed non ipsos impunè laceffas :
 Nil verus hic miles, nil ferus ensis agat.
 Austriadæ solo non certant milite : causam,
 Et Superos secum, fatâque stirpis habent.
 Et tamen his etiam pugnam temerarius offers,
 Primus signa moves, primus in arma ruis ?
 Audeat in sævos ultrò sic præda leones,
 Audeat in rabidos ire voranda lupos.
 Arma, parum refert, quod non per lustra tulere,
 Attrito canum nec caput ære tegant.
 Si nescis, animis non annis bella geruntur.
 Virtus, non ætas ferre trophæa solet.
 Utque suos hostes numquam non vincere possint,
 Austriacis robur contigit ante diem.
 Quod vobis usus, prudentia contulit illis,
 Ingeniûmque annis majus utrique suis :
 Quod vobis fortuna, hoc illis fata Deusque,
 Hoc stirpi virtus ingenerata dedit.

ELEGIA V.

AD PHILIPPUM IV.

De misso in Belgicam Ferdinando.

VOta valent igitur, nec inexorabilis umquam
 Est Deus, aut frustra nos finit esse pios.
 Quæ negat, ipse tibi nolis concessa : rogando
 Persta, quàmque roges, uberiora feres.
 Uberiora tulit nunc certè Belgica, habétque
 Cur non audiras gaudeat ante preces.
 Non quia nunc urbes, quas perdidit antè, recepit;
 Alterius donum temporis illud erit :
 Nec quia depositis, quod adhuc nò expedit, armis
 Dulcia securæ tempora pacis eunt ;

Tunc

Tunc erit hoc, cùm se, quod jam reor esse propin-
 Subdiderit domino pars inimica suo: [quum,
 Sed quia, quod multis meritò plus esse triumphis
 Ducit habet fratrem, magne Philippe, tuum.
 Dùmque habet hūc, ipsum te, Rex, se pænè tenere
 Credit; & ut credat, moribus ille facit.
 Tam similis virtute tibi est, quàm tu ipse parenti
 Imperio minor est, cetera fratris habet.
 Ergo Deum sibi jam fuisse fatetur abundè,
 Et te, post magnum, quem colit illa, Deum;
 Et, quamvis animo nil non sperabat ab illo,
 Jam tamen optatis plura tulisse suis.
 Scilicet ingentem cùm plurima Regna per orbem
 Imperio & curâ sunt moderanda tuâ,
 Te, quod jure potest, tellus sibi servat Ibera:
 Nos tibi, post illam, proxima cura sumus.
 Illa quidem servat, multos & servet in annos,
 Quo nullum speret majus habere caput:
 Sed, quo non illi propiùs vel sanguine possit,
 Vel virtute dari, Belgica nostra tenet.
 Vos igitur nobis, quorum defensa labore,
 Emptâque sæpè fuit sanguine nostra salus,
 Vos precor, ô magni nobis faveatis Iberi,
 Et Belgas vobis dicite pænè pares.
 Namque ubi, qui cunctis satis esset gētibus unus,
 Uni se genti plus satis esse videt,
 Jam bona nobiscum divisit vestra Philippus:
 Vos Regem, fratrem Belgica Regis habet.
 Et tamen hic aliquis (veniam da patria, luctum
 Si renovem, & prodam dedecus ipse tuum)
 Et tamen hic aliquis dominum non fidus in illum
 Vixit? posteritas ne precor adde fidem.
 Quæ tamen hic fecit, si persamanda Philippus
 Vulnera germanum misit ad illa suum,
 Irasci si dum potuit, miserescere Princeps
 Maluit, offensa nec meminisse suæ;

Qui

324 GUILIELMI BECANI

Qui fuit, invictas qui prodidit hostibus urbes,
 Utiliter nobis perfidus ille fuit.

Ergo tibi, per quem nobis sic esse beatis

Contigit (ô Belgi spēsque salūsque tui !)

Numina tam faveāt (quid enim nisi vota queamus

Reddere ?) quàm nobis ipse Philippe faves ;

Et, quàm longa tibi petimus, dent tēpora, princeps

Ut noster possis esse, patérque diu.

Atque ubi, quos terræ debes, impleveris annos,

Tēque tuos inter cernet Olympus avos ;

Tum tuus, in laudes natus qui surgit avitas,

Indole cognosci qui tuus esse potest ;

Per tua, pérque tui fratris te facta sequatur,

Et sedeat folio non minor ipse tuo :

Sceptraque cū toridē, quot tu, gestaverit annis,

Per similes dexteras posteritatis eant.

Cetera cūque Deus concesserit omnia, fratres

Tam claros habeat, quàm pater antè suos.

ELEGIA VI.

GANDAVENSIS URBIS,

IN ADVENTU SERENISSIMI

FERDINANDI GRATULATIO.

CHRONICON.

Ergo Venisti ; MihiqVe exPeCtata tVeri
 Ora DatVr ?

ERgo venisti, mihiqve expectata tueri
 Promissi toties Principis ora datur ?
 Dexter ades Fernande ; fave tibi terra polúsque,
 Et Deus adventu dat bona signa tuo.
 Ecce nitet puro diffusum lumine cælum,
 Cūque tuo vultu convenit ipsa dies.

Túque quod in terris, hoc præstat in æthere Ti-
 Tu tenebras animis discutis, ille polo. [tan:

Ecce tibi Patriæ surgunt ad sidera moles,
 Aspicias laudes in quibus ipse tuas.

In quibus armorum videas monumenta tuorum,
 Atque animi pariter pignora certa mei.

Ecce tibi festis collucēt compita flammis,
 Lætitiæ signis non caret ulla domus.

Súntque mei cives, quod, cū duxere triúphum,
 Credibile est turmas antè fuisse tuas.

Esse suum dicunt te post mala multa levamen,
 Extendique orant jam sua fata senes :

Et, tua quos spatiis tangit propioribus ætas,
 Non sibi, majores quæ subiere, timent.

Atque aliquis Tyrio cū te conspexit in ostro,
 Phæbus ut in Cynthi dicitur ire jugis ;

Qualis, ait, facies ! quàm tâto Principe digna est!
 Quam placidæ speciem signaque mentis habet!

At bona mox alius quæ sunt majora recenset,
 Quæ carpat nullus diminuâtque dies :

Quòd tibi, cū titulis tam sis generosus avitis,
 Non tamen est virtus nobilitate minor :

Quòd decus ipse tuis addas natalibus, & quod
 Par animus generi est, par animoque genus.

Nortlingæ pugnam tum narrat ; itérque fuisse,
 Quæ foret alterius gloria summa, tuum.

Excipiunt illum plausu fremitúque sequentes,
 Quisque tuas laudes spes putat esse suas.

Ipse tuus, tanto qui jam sessore superbit,
 Plausibus attonitus sæpè résistit equus.

Tu, precor, intereà totam circumspecte turbam;
 Quaque venis, gaude vix reperire viam :

Et placeat quòd quisque cupit tibi proximus ire,
 Et studium populi judsciúmque nota.

Cūque sat è vultu fuerit mens cognita, dicas:
 Cui tam sum carus, hic mihi carus erit.

Tum

Tam subeas arcem, quâ nusquam forsitan esse
 Hospitiis possit dignior ulla tuis. (vidit:
 Carolus hîc primùm, quem nunc tenet, æthera
 Hæc domus, hæc illi terra paterna fuit.
 His cœpit reptare locis, rectoque sub illo
 Augustus tenero vagiit ore puer. (tes,
 Tu quoque lætus in hos, Princeps, succede pena-
 Auctorem generis devenerare tui.
 Quoddque illi natale solum est, tueare, velisque
 Me partem curæ, quod facis, esse tuæ.

ELEGIA VII.

*Austriacam potentiam religione erga venera-
 bilem Eucharistiam, unde orta est, niti.*

Mortale est quodcumque vides. Rapiit omnia
 tempus.

Ipsâ, quâ steterant, grandia mole ruunt.
 Pyramides ubi nunc? etiam periere ruinæ.
 Mausolea sibi facta sepulchra jacent.
 Templâ ubi quæ quondam Romana potentia cælo
 Æquavit? Divis incubuere suis.
 Utque domus, & busta, & celsa palatia Regum,
 Ipsa etiam fato regna premente cadunt.
 Post Troiæ exitium stravit brevis hora Mycenæ.
 Romanæ famam jam pudet historiæ.
 Quàm citò trans Gangem Macedo sua victor &
 Indum,
 Ultra quod nihil est, ad mare signa tulit?
 Quàm citò Achæmeniis superatâ Perside Sus
 Jura dedit? Bactris imposuitque jugum?
 At citiùs tanti, quàm parva est, gloria regni
 Occidit, & domini fata secuta sui est.
 Sic placitum Superis. Brevis est humana potestas,
 Et Reges uno stantque caduntque die.

Ne

Ne metuas similem, mundi decus, Austria, casum,
Auspicio terras tu meliore regis.

Quod dedit his fortuna, tulit. Tua sceptrā, Tonantis

Munera sunt. Etiam cura Tonantis erunt.

Hunc tibi religio fructum pietasque rependit,
Et quæ delicias continet ara tuas.

Ergo subjectum tibi dum circumspicis orbem,
Quaque cadit Titan, quaque resurgit aquis:

Dum titulos, palmasque, & gentes mille subactas,
Et tua trans Gangem fixa trophæa vides:

Ne tibi suspectum tanti sit culmen honoris,
Nec faciant, lapsi qui periere, metum.

Nec, licet ingentem, minitentur summa ruinam,
Sideribus dubites inseruisse caput.

Ut terram excedas, ut te super æthera virtus
Evehat, hoc fulcro gloria tuta tua est.

At neque, ne mundis impar sis una duobus,
Curarumque gravi mole premare, time.

Grande quidem, & majus mortali robore pondus,
Quod tibi tot gentes imposuere, geris:

At præstò est, additque suo de corpore vires,
Supponitque oneri se Deus ipse tuo.

Herculeis humeris dum cælum & sidera fessus
Fulsit Atlas, Divum regia tuta fuit.

Tu quid formides, quando, qui sustinet orbem,
Te, molémque tui sustinet imperij.

Insurgant populi, certent armisque, dolisque,
Et fas, omne tibi quod nocet, esse putent:

Dum tua cum causâ conjuncta est causa Tonantis,

Vinces: ille tuis hostibus hostis erit.

ELEGIA VIII.

AD CLAUDIUM

COMITEM DE COLLALTO

ET S. SALVATORE.

*Dum Ferdinando IV. Augustissimi Caesaris
Ferdinandi III. filio suas de jure Ma-
jestatis, &c. Theses Lovanii dedicaret
anno M. DC. XLV.*

Tantum igitur bellis sese Germanica tollat
Nobilitas? quærat sola per arma decus?
Ingenio vires præstent, sapiensque feroci
Concedat? laudis sit genus esse rudem?
Nec nisi sanguineæ sit pulchra scientia pugnae,
Nec placeat nisi quæ palma cruore madet?
Ah miseri! quibus ad famam per busta suorum,
Per clades iter est, patria cara, tuas.
Sed tamē hoc potius, quàm misceat omnia victor,
Insultetque tuis hostis ovētque malis.
Viderit Augustas Aquilas Germania pelli,
Atque inimica suo stare trophæa solo,
Imperij spoliis peregrina impunè fruuntur
Agmina, nec pubes omnis ad arma ruat?
Arma citi ferte arma, vocat Cæsarque cadēque
Patria. Pro patriâ dulce piūmque mori.
Tūque adeò, si te genuit, Collalte, Vienna,
Hostis quam circum jam sua signa tulit,
Arma tui, atque animum, atque iras, atq; omnia
Affer, & Austriaci nominis ultor ades. [Patris
Quid loquor? an solis Domus Austria dimicat ar-
His tantum Cæsar nititur esse potens? [mis?
Hoc

Hoc agat, hunc referat malè strenuus alter honorè:
 Sic bellum, quo vel vincere turpe, gerat.
 Austr' acis proprius causâ superare triumphus,
 Primum, iustitiam non violasse, decus:
 Non hoc imminuunt clades. Sors cetera versat,
 Nec semper causâ pro meliore facit.
 Sic & qui Domui putat huic servire decorum,
 Iustitiam primum fasque primumque colat.
 Cura vel in bellis est illis maxima legum:
 Sectetur dominos hac quoque parte suos.
 Nec tam quid gladius possit roburque furorque,
 Quàm quid jura sinant, quid caveantque, sciat.
 Quid bene pugnando vincas, quod jure tueri
 Non possis? incunt sic sua bella feræ.
 Contemnes meliùs, quod honestat causa, periculum,
 Justaque quæ noris, fortiùs arma geres.
 Huc curas, Collalte, tuas, pu'chròsque labores
 Et tantâ dignos nobilitate refers:
 Huc spectant artes, animum quibus excolis, & te
 Venturis titulis muneribùsque paras.
 Sola fremant annis alii juvenilibus arma,
 Et discant quo sint bella gerenda modo;
 Quid sibi deposcat Majestas Cæsaris, hostis
 Quid violet, primus sit tibi scire labor.
 Fortis erat genitor: tu laudibus adde paternis
 Non solâ palmam posse referre manu.
 Sic famæ captes primordia: bella deinde
 Pro domino restent si peragenda tuo,
 Si te vel Cæsar, vel natus Cæsaris olim
 Ad sua deposcat jura tuenda ducem,
 Tum bellatorem sit cura referre parentem,
 Mantua, vel qualis, dum caperetur, erat;
 Vel qualis medios per cædes actus in hostes,
 Corpora fulmineo strata premebat equo.
 Est tibi non impar patrio, nec laudibus istis
 Spiritus, est qui pro Cæsare sanguis eat.

Nec

Nec timor est, ne non venias instructus ad arma ;
Sint licet à studiis nunc aliena tuis.
Cognatæ tibi sunt ab origine militis artes ;
Quodque aliis usus, hoc tibi stemma dedit.
Quis, genus heroum, longo quos ordine censes
Collatos, belli fulmina, nescit avos ;
Seu Venetis (multa his Veneti felicia debent
Prælia) Cæsaribus seu placuere Duces ?
At modò pugnatum satis est, satis ensis & ira
Peccarunt. Quæ non sanguine fluxit humus ?
Pax redeat. Pacem viduatæ civibus urbes,
Et magnâ tenuis oppidâ parte cinis,
Cornibus & fractis Rhenus, totiesque cruentas
In mare Danubius volvere fessus aquas,
Ipse adeò pacem saturatus cladibus optat
Miles, & invitâ sustinet arma manu :
Militibus, Reges, populoque favete precanti.
Publica ne careant pondere vota suo.
Eveniet. Quid tunc artes Collalte cruentas
Proderit, & sævum noscere Martis opus ?
Quis tum poscentis certamina militis usus,
Pars etiam quem nunc optima damnat, erit ?
At tibi, qui studiis animum quoque militibus ornas,
Nec facere ad laudem sola sat arma putas ;
Et vigilatorum pretium tum grande laborum,
Et benè de populis quod merearis, erit,
Dum quibus in terris per bella ferociit, & jam,
Quod prius injustè plebs tulit, ipsa facit,
Tu veteres iterum mores, legesque reduces,
Et quæ curasti discere, jura dabis.
Urbibus atque iterum cives, & civibus urbes
Restitues, quæ nunc procubuerunt solo.
Sic tibi, quàm miles non speret, gloria surget,
Et melior, quàm qui sanguine constat, honor :
Utque voluptatis populo sancita per orbem
Fœdera, materies sic tibi laudis erunt.

Maſt c

Macte animis : hoc ipse vovet tibi Cæsar, & olim
 (Si tua, si quidquam publica vota valent)
 Augustæ cui fata domus, virtúsque paternos
 Cum meritis titulos, imperiúmque parant.

ELEGIA IX.

AD

LEOPOLDUM GUILIELMUM,
 ARCHIDUCEM AUSTRIÆ, &c.

*Dum templi, quod Deipara immaculatè con-
 cepte Societas Jesu Lovanii exstruit, per Co-
 mitem Isenburgicum primum lapidem
 poneret.*

*Vnâ manu faciebat opus, & alterâ tenebat
 gladium. 2. Esdræ 4.*

Quisquis adest, faveat. Nova conditur omi-
 ne fausto

Cælicolûm Dominæ, Cælicolísque domus.
 Ferte viri lapidem, subeat qui ritè paratam
 A magno positus Principe primus humum.
 O lapis, auspiciis alios præiture secundis,
 Excipiat facili te bona terra sinu !
 A te surgit opus, cui religionis amantes
 Injēctas toties indoluere moras.
 Unde novum Grudiâ pietas expectet in urbe
 Momentum rebus præsidiumque suis.
 Fortunate lapis, quamvis nec luce frueris,
 Nec medio illustris conspiciere tholo :
 Hanc tamē invideant tibi cetera marmora sortem,
 Exoptentque tuo delituisse loco.
 Ipsi de cælo Divi, dum poneris, adsunt,
 Æthereæ Michaël gloria militiæ,

Et

Et multo Quintinus adhuc à vulnere pulcher ,
 Cujus laurus obit sanguine sparsa caput ,
 Et sibi devoti cui maxima cura Lovanî
 Petrus , & hac templum quisquis in urbe tenet.
 Gaudent , & talis nisi , te qui poneret , esset ,
 Certaret manibus ponere quisque suis.
 Tu tamen ante alios , Grudiis cultissima semper ,
 Dignaque majori semper honore coli ,
 Adsis ô ! studiisque tuo cum nomine nostri
 Huic lapidi inscriptas aspice , Virgo , notas.
 Quôdq; tuo junctum nomen legis , id quoq; reddi
 Clarum pro meritis perpetuumque velis.
 Vivat , cumque tuâ Leopoldi gloria crescat ,
 Seu pax sit , seu , quod non cupit , arma gerat.
 Austriacos decoret fastos utrasque per artes ,
 Nec præstet titulis inferiora suis.
 An pietate prior fuerit , quætur , an armis :
 Sed pietas palmam religioque ferat.
 Utque places illi , placeat sic omnibus ille ,
 Et sit , ut est noster , posteritatis amor.
 Quisque suo metas in te non ponit amorî ,
 Auxilii finem nesciat ille tui.
 Quânto tu major , tantò majora repende :
 Cum tibi præstiterit plurima , plura ferat.
 Viribus ille hostem ; tu vince favoribus illum ;
 Materiam studiis suppeditésque novis.
 Quæ tibi fundandis promptè deservit aris ,
 Sit felix , hosti nec toleranda manus.
 Hoc primum. Tum conatus bona provehè nostros ,
 Et pia præsentî numine cœpta fove.
 Sunt tibi sintque , precor , terris delubra Brabantis
 Plurima , vix aliâ quot regione vides. (candû
 Si tamen hoc primum est , Grudiâ quod in urbe di-
 Sit tibi , non nihil hoc , Virgo , valere velis.
 Sufficias animos : ne desint cetera cures :
 Quôdque tibi surgit , fac , citò surgat opus.

ELEGIA X.

A D

DIVUM LEOPOLDUM
AUSTRIACUM.

*Dum annum ejus festum Leopoldus Guilielmus Archidux Austriae Bruxellis celebraret
anno M. DC. IIL. XVII. Kal. Decemb.*

Festa dies rediit. Belgæ tibi sacra paramus :
 Dexter ades sacris , ô Leopolde , tuis.
 Austria centenis tua nunc tibi supplicat aris :
 Hunc sibi seu proprium vindicat illa diem.
 Tota tibi est hodie : laudes tibi , vorâque solvit ,
 Suspenditque tuis munera multa tholis.
 Austria, pace tuâ, nostra hujus pars bona festi est,
 Atque aliquid , tibi quo Belgica certet, habet.
 Quem prece sollicitas , est & cur invocet illa,
 Quem colis ; & est cur non minùs illa colat.
 Olim tu fueras Leopoldo Principe felix :
 Heredem tanti nominis illa tenet.
 Qui quod habet nomen, virrutibus ornat iisdem,
 Per quas deliciae tunc erat ille tuæ.
 Tu fueras illius amor , tu maxima cura :
 Et nos hujus amor , primâque cura sumus.
 Ille tibi recti datus est moderator & æqui :
 Et nobis hic est , quod fuit ille tibi.
 Pro te susceptos sua credidit ille labores
 Commoda : pro nobis hunc vigilare juvat.
 Ut tibi prodesset, nil non rulit ille , suâsque,
 Queis tu gaudebas , esse putabat opes ;
 Huic quoque jucundum est, quodcumque est utile nobis ,
 Hic quoque præponit commoda nostra suis.

Tu

Tu statuas Divi, & Divum veneraris in illis,
Artificis finxit quas tibi docta manus:
Verior illius nobis obvénit imago:
Vivit apud Belgas, tu quod in ære vides.
Et tibi quam credis nunc illuxisse beatam,
Non felix nobis fulserit illa dies?
Tu cui solemnes solvis, non solvat honores
Belgica? cui tua fers, non sua vota ferat?
Dentur thura focis: peragat pia sacra sacerdos.
Quisquis ades, purâ concipe mentè preces.
Et pete, donati cælo quam servat, amâque
Principis effigiem, servet, amêque diu.
Gaudeat & longum, quo gaudet, præside rerum,
Et per quem sperat plurima, plura ferat.
Felicem videat felix, faustumque redire
Sentiat hunc illi sæpè, sibique diem.
Fallor? an adjungit nostris sua vota? suisque
Quod poscunt ipsi, poscit & ipse suis.
Exaudi, si digna petit, tantique clientis
Esse veta vanas, ô Leopolde, preces.
Ipsi commissis oriantur tempora Belgis,
Per te quæ populis acta fuere tuis.
Aurea te dicunt illis regnante fuisse
Sæcula. Felices, qui meruere frui!
Ardebat sævis, ut nunc, Germania bellis:
Sanguineis ibant Rhenus & Albis aquis.
Austria tuta fuit. Prostraverat omnia Mavors:
Auspiciis stabat Principis illa sui.
Pax erat. O utinam per te nos illa revisat,
Solamen longis una futura malis!
Utque tibi est similis, qui Belgæ flectit habenas,
Sic simili simus conditione tuis.
Si licet, & tandem Superum placavimus iras,
Pax veniat: nullo restet ab hoste timor.
Alter secessit, secedat & alter ab armis,
Tristitia quæ nobis, nec sibilata gerit.

Inter